

ingenio suo se diffidore profitetur: verum etiam summum studium erga fidem catholicam cuius gratia adversus haereticos, maxime autem Arianos ad extremum usque spiritum decertavit; præterea vero eximiam charitatem in gregem suum, cuius demum instituendi laboribus immortuus est. Colligimus etiam ex eodem Paulino (*Ibid.*) postremam hanc scriptionem Ambrosii festis Paschalibus anni 397 ascribendam esse, quandoquidem eo tempore, ut fert probabilius opinio, in vivis agitare desiit. Qua de re alibi dicetur uberior.

Ultimæ quatuor Enarrationes quarum una citatur ab Augustino, perinde ac aliæ sermonibus constant; quod et styli ratio, et citati Scripturæ per eosdem dies in Ecclesia recitatæ loci satis indicant (*in Psal. XLV, num. 15 et alibi*). Se'l valde quoque credibile est earum singulis singulos sermones contineri, cum Psalmorum versiculi raptim percurrentur, et ultimorum expositio quam priorum multo sit brevior; ne scilicet ob moram longiusculam tædio afficerentur auditores. Harum porro character minime diversus est: nec jam in ipsis sicut in superioribus versiones Aquilæ, Theodotionis, aut Symmachi referuntur, excepta ultima cuius semel tantum et quasi obiter fit mentio. Et hinc forte non absurde colligas eamdem quæ unius, etiam aliaruin ætatem esse. Quapropter cum Psalmi LXI explanationem manifestum sit habitam fuisse proxime post Gratiani cædem, alteram Ambrosii legationem ad Maximum, et Theodosii de hoc tyranno victoriam, sequitur eas omnes anno 390, cui plures hujusmodi Ambrosianas lucubrationes tribuunt historici, vix posse dici posteriores.

Ambrosius iu Præfatione atque enarratione in Psalmum primum ex Basilio multa quorum nonnulla suis locis indicavimus, suo more sumpsit; Origenem quoque, ut observavit S. Hieronymus (loco sup. citato), *in quibusdam secutus est*. Certe quidem qui utriusque commentationes in psalmos XXXVI, XXXVII et XXVIII inter se contulerit, haud pauca ex Origenianis in Ambrosianas comperiet esse translata. Sed hic insuper dogmata quædam cum Origenis erraribus de judicio, resurrectione (*in Psal. I, num. 55, et in Psal. XXXVI, num. 54*), neconon omnium etiam electorum per ignem purgatione admodum affinia comprehendimus. Verum insignium virorum honori hoc, uti nos alibi adnotavimus (Admonit. in lib. et alibi) dabat; ut eorum opiniones nondum iiquid proscriptas ab Ecclesia proponere non gravaretur, licet oppositam sententiam data occasione doceat atque approbet. Id autem cum in hoc ipso argumento factum ab eo cognoscamus, maxime ex his quæ in expositione Psalmi CIV, serm. 20, vers. 2 et 8, tradit, admodum simile veri est circa hæc duo capita ipsum non alia sensisse, quam quæ postea clarius ab Augustino (lib. xx *De civit.*, cap. 8; lib. xxi, cap. 26) ejus discipulo explanata postmodum communis consensu amplexi sunt omnes theologi.

# SANCTI AMBROSI

MEDIOLANENSIS EPISCOPI

## ENARRATIONES

IN XII PSALMOS DAVIDICOS

### IN PSALMUM PRIMUM ENARRATIO<sup>(1)</sup>.

#### 734-7 PRÆFATIO.

4. Quoniam summum virtuti incentivum proposuit Deus futuræ beatitudinis delectationem: vehementis quoque calcar erroris delectationem esse diabolus excogitavit. Utriusque sententiæ præstat indicium primus humani generis Adam, a Domino Deo in paradiſo voluptatis positus; ut æterna delectatione frueretur, ad virtutem futuræ sobolis provocandam. Neque enim erat incognitum Deo

A locum eum errori daturum, et cæteris propositam spem salutis esse debere, qua in præraptam humano sedem generi contenderent reformari. Et idem per speciem serpentis quæ præfiguravit delectationis illecebram, uxoria persuasione deceptus. Occasione igitur accepta, adversarius per delectationem mihi operatus est mortem. Itaque quod divina gratia tributum erat ad vitam, factum est mihi in mortem, eoque faciliorem inimicus assen-

(1) Script. fort. circ. an. 384, non ultra an. 390.

sum hominis habuit; ad lapsum enim speciem prætendit naturæ. Delectarunt enim opera sua Dominum: delectarunt prima naturæ exordia, quæ videns Dominus ait: « Bona valde (*Gen.*, 1, 31). »

2. Laudant angeli Dominum, psallunt ei potestates cœlorum, et ante ipsum initium mundi Cherubim et Seraphim (2), cum suavitate canoræ vocis suæ dicunt: « Sanctus, sanctus, sanctus (*Isa. vi*, 3). » Innumeræ 738 angelorum millia assistunt, et seniores et turba magna sicut voces aquarum multarum concinunt *Alleluia* (*Apoc.*, xix, 1, 4, 6). Ipsum axem cœli fert expressior sermo (3) cum quadam perpetui concentus suavitate versari, ut sonus ejus extremis terrarum partibus audiretur (4), ubi sunt quædam secreta naturæ. Nec id ab usu naturæ alienum videtur; quandoquidem vox missa gratiore plausu e nemoribus resultet, aut montibus, et suaviore sono reddant quod acceperint. In scopulis quoque ipsis et lapidibus reperit natura quod delectaret. Aliorum specula, aliorum usus delectat aut gratia. Feræ ipsæ, atque aves loci amoenioris aut modulatioris vocis delectatione mulcentur. Lactentibus quoque parvulis aut severitas terrori est, aut blanditiæ voluptati. Naturalis igitur delectatio est.

3. Unde et David sanctus, qui adverteret unde homo, et qua esset fraude dejectus (nam si tenuisset infusam sibi a Domino æternæ illius cœlestis que delectationis gratiam, nec sæcularibus captus amisisset illecebris, nunquam tam miserabilis, ærumnæ subiisset injurias), itaque reparare eam studens ac reformare psallendi munere, cœlestis nobis instar conversationis instituit.

4. Etenim licet omnis Scriptura divina Dei gratiam spiret, præcipue tamen dulcis Psalmorum 739 liber; quandoquidem ipse Moyses qui plano gesta majorum sermone descriptis, ubi tamen per mare Rubrum populum patrum memorabili admiratione transduxit, demersum aspiciens regem Pharaonem

(2) Angelos ante ipsum mundi initium creatos idem Ambrosius lib. i *Hexaem.* cap. 5, num. 19, jam docuerat. Et certe hæc etiam fuit multorum Patrum cum Græcorum, tum Latinorum sententia. Unde cum videatur contrarium capiti primo Conc. Lat. sub Innoc. III celebrati definitum, hanc synodi mentem fuisse credendum est, ut eos tantummodo censura configeret, vel qui spiritales substantias omnino creatas inficiarentur, vel qui ita creatas admitterent, ut in pœnam peccati ab eisdem patrati affirmarent condita postmodum corpora, in quæ tanquam in carceres detruerentur. Hinc S. Thomas part. i, quæst. 61, art. 3, sententiam eorum qui angelos cum cæteris universi naturis creatos defenserent, non certam sed tantummodo probabiliorem vocat. Hunc etiam licebit consulas opusc. 23, non secus ac Sixt. Senensem, lib. v *Biblioth. sanctæ.* adnot. 5.

(3) Ita edit. vet, cum mss. Remig., Long., Valc., Thuan. et Reg.; Vat. autem .... fert explosior sermo; Colb. vero et Vict.; *Ipsum maxime cœlum fert sermo foris* Sed quid sibi vellet illud, *sermo foris*, nisi forte hic idem sit, ac sermo exterorum, si ve a fide alienorum, puta Platonis ejusque sectatorum, de quibus in lib. *de Abraham*, cap. 8, num. 54, Denique edit. Rom., fert quorundam sermo,

A cum suis copiis, in majora ingenium attollens sum (quia majora viribus suis fuerat assecutus), canticum Domino cecinit triumphale. Maria quoque tympanum sumens (*Exod.* xv, 20), cæteras hortabatur dicens: « Cantemus Domino: gloriose enim honorificatus est, equum et ascensorem projicit in mare (*Ibid.*, 1). » Ipse etiam Moyses cum legem Domini legisset, quo ejus memoriam pectoribus affligeret audientium, per canticum locutus est dicens: « Audi, cœlum, et loquar; exspectetur sicut pluvia eloquium meum, et descendant sicut ros verba mea, sicut imber super gramen, sicut nix super fœnum (*Deut.* xxxii, 1-2). »

B 5. Delectatur igitur cantico Deus non solum laudari, sed etiam reconciliari. Inde et Moyses tunc maxime cantico usus est, quando cœlum testificabatur et terram; ut salutem suam cœlestis sono gratiæ concinentem avidius mundus audiret, et sacræ suavitatem dulcedinis in æternum legis observantia mentibus inoleret humanis. Denique legis tabulæ priusquam cantico firmarentur, per indignationem Moysis fractæ et comminutæ sunt. Ubi vero tali signaculo consecratæ sunt, humana locum ira non habuit, quia sanctificatio eam sacræ suavitatis exclusit. Canticum itaque Domini sicut ros mollior descendit e cœlo, et fidem hominum sicut gramen imbre quodam gratiæ spiritualis infudit. Duo igitur hæc cantica in libris Moysis tanquam duo mundi oculi, cœlique lumina, totum corpus operis ejus illustrant.

C 6. At vero David principaliter a Domino ad hoc munus electus est; ut quod in aliis rarum præminere reliquo opere videtur, in hoc juge et continuum resulgeret. Unum canticum legimus in libro *Judicum* (*Judic.*, v, 2), reliqua, historiæ more, decursa, quibus expressa sunt gesta majorum. Unum Isaias canticum scripsit (*Isa. xii*, 1), quo legendum corda mulceret; in reliquis terribili tuba correptionis infremuit. Canticum ei ne ipsi quidem

Qua autem ratione conciletur hic locus cum aliis auctoris nostri, docuimus lib. *de Isaac et Anima*, cap. 7, nota ad pag. 377 adjuncta.

(4) Rom. edit., *ut si assuctudo permitteret. sonus.... audiretur.* Vet, et cod, mss., *ut sonus..... audiretur;* vat. vero, *et sonum..... audiri.*

D (5) *Plano.... sermone*, πεζῷ λόγῳ, id est, pedestri seu prosa oratione; ut opponatur poeticæ seu numeris astrictæ, quæ ἐποχος λόγος dicebatur. Fuit si quidem communis antiquorum opinio plures Scripturæ partes maximeque *psalterium*, et omnia ferme *Cantica* versibus constare, ut docet sanctus Hieronymus *Praefatione in librum Job*; nec non Auctor posterioris *Apologiæ David* videtur innuere cap. i, num. 2. ubi *Psalmum L* divinum ac sacrum carmen vocat. Verum cum huic opinioni refrangentur nonnulli recentiores, *planus sermo*, sive pedestris sumi etiam potest pro humili ac demisso, ut nobili ac magnifico opponatur, qui solitus licet, poeticus tamen a probis nominatur auctori bus. Unde Fabius lib. x, cap. i, Platonis negat pedestrem esse orationem; et qui *Psalmos Davidicos* carminis vocabulo insigniunt, ita explicari possunt, ut eorum dictionem non tam vinctam pedibus, quam grandem, patheticam, atque ad cantum accommodam esse significant.

inimici objicere potuerunt, qui cum propter alia dicta usque ad necem sunt persecuti. Unum Daniel (*Dan.* iii, 52), unum Habacuc (*Habac.* iii, 2). Salomon ipse David filius, licet inumeris cantica cecinisse dicatur, unum tamen quod Ecclesia reperit, canticorum Canticum dereliquit. In aliis igitur singula advertere licet.

7. Historia instruit, lex docet, prophetia annuntiat, correptio castigat, moralitas suadet : in libro Psalmorum profectus est omnium, et medicina quædam salutis humanæ. Quicunque legerit, habet quo propriæ vulnera passionis speciali possit curare remedio. Quicunque cernere voluerit, tanquam in communi animarum gymnasio, et quodam stadio virtutum diversa genera certaminum reperiens præparata, id sibi eligat, cui se intelligit aptiorem, quo facilius perveniat ad coronam. **7.40** Si quis gesta rescensere majorum studeat, atque imitari velit, intra unum Psalmum (*Psal.* LXXVII, 8 *et seq.*) totam paternæ historiæ seriem accipit comprehendens ; ut thesaurum memoriæ compendio lectionis acquirat. Faciliora quoque videntur, quæ brevius explicantur. Illud etiam quantæ altitudinis. quod brevi intervallo ; offenditum adversa distinxit, et reconciliationis secunda substexit ; ut simul cognoscere quid incredulitatis obesset offensa, quid fides prompta conferret ? Si quis vim legis explorat, quæ tota in vinculo charitatis est (qui enim diligit proximum, legem implevit), in Psalmis legat quanto dilectionis affectu pro totius plebis oppobrio repellendo, periculis se gravibus solus objecerit ; in quo non imparem charitatis gloriam triumpho virtutis agnoscat. Si quis correptionum sæva formidat, audiet dicentem : « Domine, ne in ira tua arguas me, neque in furore tuo corripias me *Psal.* vi, 2) ; » et discat quemadmodum debeat irati judicis temperare censuram. Si quis patientiæ cognoscere gestit exemplum legat in Psalmis : « Si reddidi retribuentibus mihi mala (*Psal.* vii, 5) ; » et advertat quia præceptum Evangelicum spiritu prævidit, virtute prævenit. Habet itaque illud proverbiale : « Quia mansuetus homo, cordis est medicus (*Prov.* xiv, 30). » Si quis præterea adversus nequitia spiritalis incursus vult esse munitus, quid magis quod psallendum sibi esse noverit ? Psallebat David adolescentior, et Saulis nequam spiritum fugabat, qui eum antea stringebat.

8. De virtute autem prophetiæ quid loquar ? Quod alii annuntiaverunt per ænigmata, huic soli palam atque aperte videtur esse promissum, ut Dominus Jesus ex ejus somnione nasceretur. sicut dixit ad eum Dominus : « De fructu ventris tui

(6) Hic tradit Ambrosius Apostolum prohibuisse quidem ne in ecclesia docerent mulieres, non autem ne psallerent. Et revera ipsas sancti Præstatis ætate psalmos cantare in sacris conventibus solitas extra dubium est ; et nos suo loco demonstrabimus.

(7) Edit. et duo mss., *Hunc tenera gestit pueri-*

**A** ponam super sedem tuam (*Psal. cxxxv*, 11), » In Psalmis itaque nobis non solum nascitur Jesus ; sed etiam salutarem illam suscipit corporis passionem, quiescit, resurgit, ascendit ad cælum, sedet ad dexteram Patris. Id quod nemo præsumperat hominum dicere, hoc solus hic Propheta annuntiavit, postea ipse Dominus in Evangelio prædicavit (*Luc. xxiv*, 44).

9. Omnes præterea scriptores Psalmorum in suis scriptis exempla posuerunt, aut aliqua dicta superiorum : Psalmi nihil præter quod suum est, habent. Quid igitur Psalmo gratius ? Unde pulchre ipse David : « Laudate, inquit, quoniam bonus est Psalmus : Deo nostro sit jucunda, decoraque laudatio (*Psal. cxlv*, 1). » Et vere, Psalmus enim benedictio populi est, Dei laus, plebis laudatio, plausus omnium, sermo universorum, vox Ecclesiæ, fidei canora confessio, auctoritatis plena devotio, libertatis lætitia, clamor jucunditatis, lætitiae resultatio. Ab iracundia mitigat, a sollicitudine abdicat, a mœrore allevat. Nocturna arma, diurna magisteria ; scutum in timore, festum in sanctitate, imago tranquillitatis, pignus pacis atque concordiae, citharæ modo ex diversis et disparibus vocibus unam exprimens cantilenam. Diei ortus Psalmum resultat, Psalmum resonat occasus.

**7.41** Mulieres Apostolus in Ecclesia tacere jubet (6). Psalmum etiam bene clamant : hic omni dulcis ætati, hic utrique aptus est sexui. Hunc senes rigore senectutis deposito canunt, hunc veterani tristes in cordis sui jucunditate respondent, hunc juvenes sine invidia cantant lasciviæ, hunc adolescentes sine lubricæ ætatis periculo et tentamento concinunt voluptatis, juvenculæ ipsæ sine dispensio matronalis psallunt pudoris, puellulæ sine prælapsione verecundiæ cum sobrietate gravitatis hymnum Deo, inflexæ vocis suavitate modulantur. Hunc tenere gestit pueritia (7), hunc meditari gaudet infantia, quæ declinat ediscere. Ludus, quidam est iste doctrinæ majoris profectus, quam cum seria traditur disciplina. Quantum laboratnr in ecclesia ut frat silentium, cum lectiones leguntur ? Si unus loquatur, obstrepunt universi (8) ; cum Psalmus legitur, ipse sibi est effector silentii. Omnes loquuntur, et nullus obstrepit. Psalmum reges sine potestatis supercilie resultant. In hoc se ministerio David gaudebat videri. Psalmus cantatup ab imperatoribus, jubilatur a populis. Certant claram singuli quod omnibus proficit. Domi Psalmus canitur, foris recensetur. Sine labore percipitur, cum voluptate servatur ; Psalmus dissidentes copulat, discordes sociat, offensos reconciliat. Quis enim non remittat ei, cum quo unam ad Deum

tia. Melius alii, *tenere* : ibi enim subaudiendum memoriter, id est, scire ni opponatur sequenti membro, *hunc meditari* (hoc est, *discere*). *gaudet infantia*.

(8) Vet. edit. cum mss. Reg., Colb, et Vict., *Obstrebit universis* ; melius Rsm. cum aliis, *Obstrpunt universi*.

vocem emiserit? Magnum plane unitatis vinculum, in unum chorū totius numerū plebis coire! Disparē citharā nervi sunt, sed una symphonia. In paucissimis chordis sēpe errant dīgitī artificiis, sed in populo spiritus artifex nescit errare. Psalmus nocturni operis commercium, diurnae requie (9) stipendium, institutio incipientium, perfectorum confirmatio. Angelorum ministerium, militia cœlestis, hostia spiritalis. Psalmus et saxa respondent: psalmus canitur, et ipsa etiam saxosa pectora molliuntur. Videmus flere prædūros, flecti immisericordes.

10. Certat in psalmo doctrina cum gratia simul. Cantatur ad delectationem, discitur ad eruditōrem. Nam violentiora præcepta non permanent: quod autem cum suavitate percepis, id infusum semel præcordiis non consuevit elabi. Quid est quod non tibi occurrat psalmos legenti? In his lego Canticum pro dilecto (*Psal. XLIV, 1*), et sacræ desiderio charitatis inflammor, iu his torcularia divini mysterii recognosco (*Psal. VIII, 1 et alibi*); in his revelationum gratiam, resurrectionis recensco testimonia, repromissionis munera (*Psal. L, 3 et seq.*); in his disco vitare peccatum, dedisco 742 erubescere pœnitentiam delictorum. Tantus rex, tantus propheta suo me provocavit exemplo, ut aut commissum studeam extenuare peccatum, aut non commissum cavere.

11. Quid igitur psalmus, nisi virtutum est organum, quod sancti Spiritus plectro pangens Propheta venerabilis, cœlestis sonitus fecit in terris dulcedinem resultare? Simul cum ille in fidibus et chordis, hoc est in reliquiis mortuis diversarum vocum modulatus discrimina, divinæ laudationis ad cœlestia dirigeret cantilenam; docuit utique prius nobis peccato esse moriendum, et tunc demum in hoc corpore diversa opera discriminanda virtutum, quibus ad Dominum devotionis nostræ gratia perveniret (10), ut occupatis intentione cœlestium nulla irrepereret terrenorum libido vitiorum, simul animus cœlestis gratiæ suavitate nitesceret. Me-

(9) Ita edit. vet. ac mss. omnes. Rom. autem ediit., *pavoris solatum, diurni laboris requies*. Et sane Basilius, quem sanctus hic noster videtur imitatus, hom. in *Psal. I* hæc habet: φαλμὸς δπλον ἐν φόβοις νυκτερινοῖς, ἀνάπαιστις κόπων ἡμερινῶν. Sed nihil vetat Ambrosium Basilius voces ac sententias non serviliter, sed liberius, et forte ex memoria reddidisse. Neque etiam aliter idem imitatus est illud Basili, φαλμὸς τὸ τῶν ἀγγέλων ἔργον, τὸ οὐρανίον πολίτευμα, τὸ πνευματικὸν θυμίαμα, etc.

(10) MSS. duo, *devotio nostræ gratiæ perveniret*.

(11) Asconius Praedian, in *Act. 3 Cic. in Verrem* quid sit *intus canere*, exponit, docetque idem esse ac sola sinistra fides carpere, ita ut sonus tantum ad proximos perveniat: cum citharœdorum vulgus dexteram ad easdem fides plectro percutiendas adhibeat. Aspendium autem citharistam hac in arte excelluisse. Porro Aspendius Stephano civitas est in Paymphylia. Videsis Era. in *Prov. Aspendius citharista*. Quod autem ait: *causas quoque modulatinum*, etc. id manifeste sumptum videtur e Basiliensis illis: Τὸ φαλτήριον δὲ τοῦτο τῶν ἀρμονικῶν

A rito igitur tanti ministrum muneris Dominus laudans ait: Inveni David secundum cor meum.

12. Aiunt etiam, eorum qui cithara canunt periiores intus canere (11), ut ferunt fabulæ de Aspendio citharista; causas quoque modulatinum, et quædam claustra rhythmorum in superiore parte esse psalterii. Docuit ergo David intus nos canere oportere, intus psallere, quemadmodum canebat et Paulus, dicens: « Orabo spiritu, orabo et mente; psallam spiritu, psallam et mente (*I Cor. XIV, 15*). » et ad superiorum intuitum vitam nostram actusque formare, ne delectatio dulcedinis excitet corporis passiones, quibus non redimitur nostra anima, sed gravatur; cum ad redemptione animæ suæ psallere se sanctus Propheta memoraverit dicens: « Psallam tibi in cythara, Sanctus Israel: gaudent labia mea cum cantavero tibi; et anima mea, quam redemisti (*Psal. LXX, 22, 23*). » Sed jam psalmi istius qui propositus est nobis, ingrediamur exordia.

13. (*Vers. 1.*) « Beatus, inquit, vir qui non abiit in consilio impiorum. » Quam aptum, quam opportunum principium! Namque ut ii qui agonis aliquam solemnitatem receperint exhibendam, propone præmium solent, jactare coronæ nobilitatem, quo certatur studio majore convenient, nisu quoque propensiore decertent: ita Dominus noster Jesus regni cœlestis gloriam, perpetuæ quietis gratiam, vitæ æternæ beatitudinem ad virtutis humanæ incentiva proposuit. Imperator quoque cum progreditur ad bellum, donativum militi (12), et promotiones dignitatum in numeris 743 militibus pollicetur, ut spes commodi furetur labores, et metum abscondat periculi. Velut præco igitur magni imperatoris sanctus David hortatur milites, athletas vocat, præmium exprimit dicens: « Beatus vir qui non abiit in concilio impiorum. » A præmio cœpit, ut pondus futuri certaminis elevaret; mercedem præmisit, ut unusquisque, præsentium rerum sollicitudines ac labores corde transiliens, ad emerendam beatitudinem futurorum avida festi-

ρύθμῶν ἀνωθεν ἔχει τὰς ἀφορμὰς, ἵνα καὶ ἡμεῖς τὰ ἀνωτέρων μελετῶμεν, καὶ μὴ τῇ ἡδονῇ τοῦ μέλους ἐπὶ τὰ τῆς σπουδῆς πάθη καταφερώμεθα.

(12) Observat J. Lipsius lib. v *De militia Rom.*, dial. 16, amplius ccc annis in *Rep. Rom.* milites suis sumptibus sine publico stipendio militasse. Verum postea non stipendia solum, sed et varia præmiorum genera eorum acuendæ virtuti proposita sunt. In his fuit *Donativum*, id est, imperatoris munus quod militibus viritim, sicut et civibus congiarium dividebatur. Fuerunt etiam *promotiones*, cum quis virtutis causa ad majorem gradum assumebatur. Hinc Lucanus de Scæva Cæsaris milite:

Ibi sanguine multo  
Promotus latiam longo gerit ordine vitem.

Apud Græcos quoque προμάτος dicebatur, qui ea ratione ad militarem dignitatem fuisse cooptatus, ut idem Lipsius tradit lib. II. dial. 8. Sed et hoc ipso lib., dial. 4, jam docuerat  *numeros inferiori* ævo tum de cohortibus, tum de legionibus frequenter legi.

natione contenderet. « Beatus, inquit, vir. » Quid plus potuit homini dari, quam quo nihil amplius potuit Deo Apostolica auctoritate deferri. Beatus enim, et solus potens, et rex regnum, et Dominus dominantium Deus dictus est (*I Tim.* vi, 15). Ille solus potens, ille Rex regum, ille Dominus dominantium, beatitudinis tamen non supergreditur potestatem. Donavit nobis appellationis ejus commune consor-tium, quæ digna æstimata est honore divino.

14. Consideremus nunc qua ratione, « Beatus vir, » dixerit : et non magis, beati homines, cum uterque sexus vocetur ad gratiam. Numquid a consortio beatitudinis exclusit mulieres, quia virum solum beatum nuncupavit? Absit; quia nec a consortio creaturæ exclusit Deus feminas, quia prius virum condidit. Dixit enim Deus : « Faciamus hominem secundum imaginem nostram, et secundum similitudinem nostram... Et fecit, inquit, Deus hominem, ad imaginem Dei fecit illum, masculum et feminam fecit eos (*Gen.* i, 26, 27). » In homine uterque signatur : in viro sexus exprimitur. Sed quemadmodum cum homo dicitur, uterque comprehenditur : ita cum vir nominatur, et mulier cuius vir ille sit, intelligitur. Denique, « Hæc vocabitur, inquit, mulier, quoniam de viro suo sumpta est (*Gen.* ii, 23). » Accedit illud, quoniam quorum natura eadem, eorum operationes utique non possunt esse discretæ ; et quorum opus æquale, eorum utique æqualis et merces. Virum igitur Scriptura dicendo, consortem copulæ non prætermisit ; quia et hominem dicendo, consortem non tacuit naturæ (13). Itaque quemadmodum illic hominem factum legimus, et cum sit una natura, tamen principalem sexum prius creatum negare non possumus : ita et hic cum legimus virum, de principali portione sexum quoque supparem recognoscimus. Paria igitur studia virtutis, quia par prærogativa est creaturæ. Quid autem sexum discutias, ubi non corporis a te, sed animæ certamina postulantur, quæ sexum non habet? Non ergo illic discernas honorem, mercedem dividas, ubi non discernitur sexus. Non incaute tamen, si prior vocetur ad exercitium, qui fuit posterior ad lapsus. Quæ male cœpit, sequi debet, non præcendere ; ut vel post experimentum sit verecundior. Male Eva naturæ ordinem prætermisit, exspectare debuit præcedentem. Astute serpens a posteriore cœpit ; ideo propheta ad superiore revertitur, cum utique qui lapsus non esset, nisi esset posteriore secutus.

15. Denique prius nos revocavit a lapsu, quam ad palmam victoriæ provocavit. « Beatus, inquit, vir qui non abiit in consilio impiorum. » Vide ubi beatus appelleris, o homo : non in divitiis, non in potestatibus et honoribus, non in nobilitate generis, aut decore et pulchritudine, non in corpo-

A ris salubritate, in quibus nihil naturæ est bonum ; denique non solum facilem commutationem habent in contraria, verum etiam ministerium ad culpam exhibent ei qui uti his nesciat. Quis enim justus propter pecuniam? Quis humilis in potestatibus? Quis misericors propter nobilitatem? Quis castus propter decorem? Illecebrosa hæc magis sunt ad peccatum, quam fructuosa ad virtutis profectum.

16. Quid sibi deinde vult quod maluit dicere : « Non abiit, et non stetit (*Psal.* i, 1), » quasi de præterito ; cum potuerit dicere : Beatus vir qui non abit in consilio impiorum, et in via peccatorum non stat, et in cathedra pestilentiae non sedet? Vide dogma ; non enim statim beatus qui non est impius aut peccator, propter incerta existens. Non enim otiose scriptum est : « Ante mortem ne laudaveris aliquem (*Ecli.* xi, 30). » Ergo dum in hac vita quisquam est, non potest definita prædicatione laudari, cum patere adhuc possit errori (14) ; ille autem qui vitam sine offensione concluderit, jure beati appellatione censemur, qui utitur consortio beatorum.

17. Sed forte dicas : Qua ratione ergo alibi dixit : « Beatus qui intelligit super egenum et pauperem (*Psal.* xl, 2)? » Non enim dixit beatam qui intellexerit, sed eum qui intelligit ; quoniam qui bonum operantur, in ipso opere et quo probentur, inventiunt, remunerationem sui in ipso opere consequentes. Siquidem beatæ fructus est conscientiæ bonum factum. Qui autem a malo temperant, non si semel aut bis declinaverint culpam, statim beati ; sed si potuerint culpæ contagium per omne vitæ suæ tempus evadere.

18. Nunc illud occurrit, cur beatum dicere maluerit, non eum qui pietatis aliquo sit functus officio, sed eum qui ab impiorum consilio temperaverit. Videtur enim magis laudandus qui virtutis munus impleverit, quam qui peccatum evaserit. Siquidem nec bos, nec equus, nec lapis in peccato esse consueverunt, aut sedere in cathedra pestilentiae. Sed illa beatitudinis non habent fructum, quæ virtutis non habent sensum. Nam quomodo pervenient ad legis præmium, quæ non habent sequentiae legis affectum? De rationalibus ergo propositam sententiam video, hoc est, de nobis. Nobis autem initium bonorum, abstinentia peccatorum est ; quoniam legimus : « Declina a malo, et fac bonum (*Psal.* xxxvi, 27). » Hic enim ordo est disciplinæ, ut ab inferioribus ad perfectiora contendas ; ne terrearis mole majorum, qui leviorum exordio debeas provocari. Scalarum enim similem esse Scriptura nos docet pietatis ascensum, per quas vidit angelos Domini ascendentes et descendentes sanctus Jacob, vir exercitationis (15) (*Gen.* xxviii, 12), qui nobis propositus est, ut per illum cognoscere-

(13) MSS. aliquot ac vet. edit. in marg., *consortem non tacuit creaturæ*.

(14) MSS. duo, *quem petere adhuc possit error*.  
(15) *Vir exercitationis*, id est, *laboribus exerci-*

mus gradum virtutis paulatim nos proferre debere, et ita posse ab imis ab summa contendere, si per processus gradiamur exiguos ad ea quæ videntur humanæ altiora naturæ. Has tibi scalas semper habeto propositas. Ne timeas, o homo, gradus hos ascendere **745** disciplinæ. Primus gradus vicinus est terræ, sequens similis est prioris. Sic per æquales gradus ad summa concenditur. Ne fastidias, o homo, primum illum velut vilissimum gradum. Ille primus ascensus te a terris separat; aerem calcas, ubi ab humo elevaveris vestigium. In virtute positus surgendo liquisti terram; terram relinquis, si culpam declinas. Exordium ergo processionis ad virtutem est abstinere a peccato.

19. Ut sciamus autem hanc disciplinam esse doctrinæ, audi legem dicentem: « Non adulterabis, non homicidium facies (*Exod. xx, 14, 15*); imperfectis enim ista præcepta convenientia videbantur. Denique ipse Dominus Jesus sciens imperfectum, a quo interrogabatur quibus ad vitam æternam operibus perveniret, respondit ei: « Non adulterabis, non homicidium facies, non furtum facies, etc. (*Matth. xix, 18*). » Deinde dicenti quod fecisset illa omnia, adjecit perfectiora dicens: « Vende omnia quæ habes, et da pauperibus, et habebis thesaurum in cœlo (*Ibid. 21*). » Tantumque abesse docuit inter malorum declinationem, et imitationem bonorum ut hæc abnueret, quia illa sibi facilia judicabat (16). Sed quia nec illa ascenderat, ideo ad hæc se aptare non potuit. Nam si dilexisset proximum, potuisset pauperibus subsidia sui patrimonii non negare. Ideoque gradum primum legis ascende, ut possis ad Evangelii cœleste fastigium pervenire. Unde arbitror quod quasi sub lege positus, morem legis in primo psalmo secutus, ex sua persona sanctus Propheta magis cavenda denuntiet, quam sequenda proponat. In quadragesimo autem Psalmo, qui ex persona inscribitur Salvatoris (*Psal. xl, 4*), adhortatio magis virtutis fiat, quam erroris depressione; de passione enim Salvatoris loquitur (*Ibid. 6-13*). Et ideo Evangelii dispensator etiam, sicut possumus æstimare, cum audivimus dicentem: « Beati misericordes (*Matth. v, 7*); » et in psalmo propriæ passionis, et in Evangelio misericordiam coronavit. Sed adoriamur jam psalmi explanationem, et virtutem inspiciamus propheticam.

20. « Beatus, innuit, vir qui non abiit in consilio impiorum, et in via peccatorum non stetit, et in cathebra pestilentiae non sedit (*Psal. i, 1*). » Possumus dicere tres esse species peccatorum,

tatus, ut puta, exsilio, cum ob metum fratris e paterna domo fugere coactus est: vita durissime apud Labanum per xx annos exacta, de qua ipse Gen. xxxi: *Die noctuque astu urebar et gelu, fugiebatque somnus ab oculis meis*. Adde mentis ægritudinem ob violatam Dinam, amissum Joseph, etc.

(16) Ultimæ edit. Paris., *ut nec abnueret, quia illa sibi facilia judicabat*. Aliæ cum mss. *ut hæc abnueret, qui illa, etc.* Commode. Namque hanc lectionem sensus postulat, qui talis est, tantum distat inter mala devitare, et bona prosequi, ut

A quas hic putamus expressas, cogitationis, operationis, permansionis; beatumque eum significari, qui et non cogitaverit quod malum est. Nam quomodo potest beatus esse, qui suis cogitationibus accusantibus in die judicii revincendus est? etiam si hominem fecellit, testem refugit, accusatorem evasit; se tamen sui accusatorem vitare non poterit, quem maxime debet timere; quia et accusatorem habebit, et consitentem reum. Beatus ergo est qui et non cogitaverit quod malum est, et non operatus fuerit peccatum (quia interdum et sine cogitatione delinquimus; ex multiloquio enim non effugimus peccatum), et non perseveraverit in peccato. Vel sic: qui et non cogitaverit quod esset erroris, vel in ea cogitatione non steterit, vel certe non perseveraverit in iis cogitationibus, **746** quas plenas erroris adverterit. Sed hæc utrum recte convenient, qui legerit, æstimabit. Nam qui semel male cogitavit, nec stare in eo debuit, nec perseverare. Sed etsi non perseveraverit (17), beatus esse non potuit, quia stetit in eo quod improbe cogitavit. Etsi non stetit, tamen eo ipso quod cogitavit male, utrum habeat beatitudinis fructum, clementem aliquem querere debet interpretem. Postremo quia nemo potest dicere mundum se habere cor, esto ut veniabilis cogitatio sit, numquid veniabilis operatio peccatorum? Postremo si veniabilis statio, numquid etiam plena beatitudinis, eo quod non perseveraverit in crimen? Deinde qui non cogitavit quæ improba sunt, quomodo in peccato stare potuit, aut perseverare? Ut beatus sit, qui tria hæc jure servaverit, certe ordo diversus est (18). Primum est enim, ut non perseveraverit in peccato; secundum, ut non steterit in eo; tertium, ut non cogitaverit quod esset erroris, qui enim noui perseveraverit, potuit tamen stare: qui non stetit, potuit cogitare, qui autem nec cogitavit, vere beatus est.

21. Unde alteram quoque traditionem non prætermittendam putavi, quo tres gradus recto ordine factos asseramus; ut qui beatus vult esse, non abeat in consilio impiorum, hoc est, in eorum cogitationibus non ambulet; deinde non stet in via peccatorum: tertio non sedeat in cathedra pestilentiae. Tu igitur qui in Ecclesia factus es Christianus, vel qui (19) ad gratiam tendis, abstine ab impiorum consiliis, ut possis dicere: « Ne perdas cum impiis, Deus, animam meam, et cum viris sanguinum vitam meam (*Psal. xxv, 9*). » Nec cogites quæ sunt impia. Quæ sunt illa, nisi quæ in Dei excogita bona prosequi recusaret, qui mala devitare nullius esse difficultatis judicabat.

(17) Reg. cod., *Sed etsi perseveraverit*.

(18) MSS. quatuor, *aut perseverare, ut beatus sit? Qui tria hæc jure servaverit, hic profecto beatus erit. Et certe ordo divisus est*.

(19) Edit. vet. et quædam Paris. cum mss. fere omnibus: *Ad Ecclesiam factus es Christianus, vel tu qui, etc.* Rom. et plures Paris., *Factus ergo Christianus, vel ad gratiam tendis.* Melius Thuan. cod. ut nos in textu.

tantur injuriam? Pietas enim prima in Deum, se-  
cunda in parentes. Et quidem inimicus inserit  
frequenter diversa mentibus nostris: et ideo caute  
Propæta cogitationes magis, quam infusiones im-  
provisas putavit ad crimen tenendas. Abstinuisti  
ergo ab impiorum consiliis? Recte; non tamen sta-  
tim beatus. Cave etiam ne in via peccatorum steteris.

22. Quanto examine Scripturæ divinæ verba po-  
nuntur! Etenim quia omnes sub peccato sumus,  
non a te exigit quod ultra naturam est, ut pecca-  
tum non facias, quia nec unius diei infans sine  
peccato, sed ut non maneras in peccato quadam  
statione diuturna. Non omnes impii sunt; ideo re-  
vocaris ab omnibus cogitationibus et conjuratio-  
nibus impiorum; sed omnes peccatores: ideo ad-  
moneris ut desinas peccare. Fuerit adolescentioris  
lapsus ætatis, debet eum (20) maturitatis emendare  
processus. Ergo in graviora non abeas, in levio-  
ribus non stes. Habes hoc et in Isaia dictum a  
Domino: « Exi a Babylone, fugiens a Chaldæis  
(Isa. XLVIII, 20): » hoc est: Et si intrasti in confu-  
sionem vitiorum, exi. Non oportuit intrare, sed  
ingressus es, carnis lege cogente, et captivante  
te in lege peccati; exi, egredere vel serius, exue te  
servitio gravi. Non potuisti non introire in pecca-  
tum 747 per fragilitatem: datur tibi exire pec-  
cato per sobrietatem. « Exi ergo a Babylone, fugiens  
a Chaldæis. » Babylon confusio est, quæ virtu-  
tum ordinem non tenet, confusa enim illecebris  
monte, delinquimus. Chaldæi sunt qui siderum  
cursus vanæ studio superstitionis explorant, et  
impiæ serunt gentilatis errores. Ab his fuge, ne  
te capiant, ne te gravi laqueo captivitatis innectant.  
Abraham Chaldæus fuit, sed fugit a Chaldæis, et  
ante legem; tu sub lege natus es (21), fuge ab  
impiis. Ille hæreditatem patrum respuit, ut fidei  
possideret: tu successionem corporis derelinque,  
hæreditatem devotionis acquire.

23. Si autem in peccato non steteris, nec sic  
beatus; adhuc habes quo carere debeas. Multæ sunt  
illecebræ, multi a virtute deflexus: gravia irrita-  
menta sunt voluptatum, gravis fomes avaritiæ, cu-  
piditas potestatum, honoris ambitio, quæ velut ve-  
neno quodam mentes hominum, et quadam ani-  
mas pestilenti vitiorum tabe contaminant. Hæc est  
cathedra pestilentiae super quam sederunt Scribæ  
et Pharisæi, qui imponunt hominibus onera gra-  
via, ipsi autem digito nolunt ea movere. Has ca-  
thedras de templo Salvator ejecit eorum qui se de  
honore jactarent, primatus quærerent dignitatum  
eorum qui sacerdotio vel primatu honoris uteren-  
tur ad quæstum, eorum qui indulgentes gulæ, ne-  
quaquam debitam continentia præstarent custo-  
diam. Hæc vera est pestilentia. Denique Heli filii  
erant filii pestilentiae. In hac quadam sede vitiorum

(20) Sic edit. Era., Gil. et Rom. cum cod. Vat., Colb., et Vict.; Paris. vero edit., cum aliis cod., *Si fueris adolescentioris lapsus ætatis, debet te, etc.* Non male. Tamen elegantius videtur, ut dicatur

A prohibet Scriptura nos cervicem inflectere, viresque  
lotius corporis reclinare. Adverte igitur proprietates.

24. « Et in via peccatorum non stetit, et in ca-  
thedra pestilentiae non sedit. « Viam dici vitæ hujus  
cursum, in dubium non venit; cum ipsa Scriptura  
dicat: « In via hac qua ambulabam, absconderunt  
laqueum mihi (Psal. CXLI, 4). » Et: « Esto con-  
sentiens adversario tuo cito, dum es cum illo in  
via (Matth. v, 25). » Etenim quoniam cursum vitæ  
hujus currimus, habemus semitam per quam am-  
bulamus quotidie, donec perveniamus ad finem.  
Etsi non videmur corporaliter ire, progredimur.  
Nam sicut in navibus dormientes ventis aguntur  
in portus, etsi nullus quiescentibus sensus est na-  
vigandi, tamen cursus eos urget ad finem et im-  
pellit ignaros: sic vitæ nostræ spatio defluente;  
ad proprium unusquisque finem, cursu latente, de-  
ducitur. Unde dicitur: « Surge qui dormis (Ephes.  
v. 14); » tu enim dormis, et tempus tuum ambulat:  
et vide ne dum diu dormis, prætereat tempus. Ideo  
etsi dormis, cor tuum vigilet, cor tuum non ferie-  
tur; si cor otiosum non sit, non sunt otiosa  
tempora tua. In via es, o homo, ambula ut perve-  
nias; ne te nox in via occupet, ne consumatur dies  
vitæ, antequam progressum virtutis acceleres. Via-  
tor es vitæ hujus: omnia transeunt, omnia post te  
fiunt. Omnia in hac via cernis, et transis. Vidisti  
amœnitatem arborum, herbarum vireditatem, puri-  
tatem fontium, et quodcumque hujusmodi quo delec-  
tanturoculi, juvit spectare; delectavit parumper at-  
tendere; dum attendis, 748 pertransisti. Iterum dum  
ambulas, incidisti scopulosum et confragosum iter,  
concava rupium, prærupta montium, densa silva-  
rum. Tediasti parum, iterum transisti. Talis hæc  
vita est, cuius nec prospera permanent, nec adversa  
diuturna sunt. Ergo quasi in via locatum neque  
secunda extollant, neque adversa te frangant, nec  
plausibilia remorentr, nec mœsta detineant. Fe-  
stina semper ad finem, festina ut pervenias. Elige  
tamen viam antequam curras

25. Duæ viæ sunt: una justorum, altera pecca-  
torum: una æquitatis, altera iniquitatis, de qua  
dixit Propheta: « Et vide si via iniquitatis in me  
est (Psal. CXXXVIII, 24). » Non solum ergo vita no-  
stra via est, sed etiam in ipsa vita nostra aut  
virtutis via est, aut iniquitatis. Cave igitur ne in  
te gressus suos collocet avaritia, et sis via crimi-  
nis; ne improbitas, ne libido, et sis via iniquitatis  
itinerantibus detrita flagitiis. Licet tibi eligere  
quos sequaris, aut justos, aut injustos. Justorum  
via angustior est, injustorum latior: Illa sobrieti-  
tis angustior, hæc ebrietatis latior, ut possit ca-  
pere fluctuantes hæc habet sæculi hujus illecebras,  
ille habet futurorum prænia. In istis fructus præ-  
sentior, in illis spes tardior; quæ enim suavia

per concessionem hoc sensu: *Esto, fuerit, etc.*

(21) Ultimæ edit. Paris. et mss. quatuor, *tu sub  
lege jam damnatus es.* Aliæ edit. ac mss., *tu sub  
lege damnatus es.*

sunt, non differunt diuturnam exspectationem, sed habent præsentem (22) perfunctionem; quod autem serum est, labore quæritur, eo quod a beata cogitatione vix capit: quia oculus non videt, nec auris audivit, quæ preparavit Deus diligentibus se. Difficile solemus credere quæ non videmus: et ideo anima aestuat, et huc atque illuc velut oculos quosdam circumfert cogitationes suas. Tunc illi occurrit diversæ rerum species, seque offendunt. Si ad sempiterna intendat, virtutem eligit: si ad presentia voluptatem præponit. Grave et iniquum certamen adversus delectationes præsentium. Hic libertas est cupiditatum, illic servitus injuriarum (23), facere quæ non vis et ab iis quæ desideraveris, abstinere; hic convivium, illic jejunium; hic intemperantia gaudiorum, illic perseverantia lacrymarum: hic saltatio, illic oratio; hic cantus dulces, illic gemitus graves. Scriptum est quidem: « Cor sapientum in domo luctus, et cor stultorum in domo epularum. Melius est audire increpationem sapientis, magis quam virum audientem canticum stultorum (Eccl. vii, 5, 6). » Sed pauci hæc audiunt, pauciores sequuntur. Allicit homines magis dulce peccati, quod ad præsens influit et impinguat audientis affectum, quam triste virtutis, quæ fidei spem velut quodam cortice amari laboris involvit. Beatus ergo atque mirabilis, qui talium viarum positus in electione, non fuerit illecebris voluptatis inflexus; ut gradum suum super vadosa et prava constituat. Non dicitur ei: « Væ qui dereliquisti semitas directas, abeundo in vias tenebrarum (Eccl. xli, 11). »

26. Cognovimus igitur quæ sit via peccatorum, in qua standum non esse Propheta nos admonet; sed etiam Ecclesiastes docet, qui ait: « Noli stare in sermone malo (Eccl. v, 2), » hoc est, non persistere (24) in sermonibus **749** malis, similiter et operibus improbandis. Quomodo in bonis sit standum, sanctus idem Propheta præcipit dicens: « Stantes erant pedes nostri in atriis tuis, Jerusalem (Psal. cxxi 2). » In Jerusalom standum est, de Babylone fugiendum. Et Moysi dicitur: « Tu autem sta tecum (Deut. v, 31), » qui de Ægypto fugit, et cum Domino stans perseverabat. Et in Evangelio, qui steterunt usque ad horam undecimam, æqualem mercedem operantibus acceperunt (Matth. xx, 9, 10). Et quæ steterunt virgines usque ad adventum sponsi, ad nuptia simul introire merue-

(22) Rom. edit. sola, *diuturna exspectatione perfunctionem, sed habent præsentem*. Et continuo post, ubi omnes edit. ac plures mss., *quod autem serum est*; ibi cod. Vict. et Colb., *quod autem serum est*. Optime; *serum enim hic opponitur suavibus, quam levicula esse consueverunt*.

(23) Edit. omnes et mss. aliquot, *servitutis injuria; quatuor, servitus injuriam*. Rursus post pauca, ubi cunctæ edit. cum tribus mss., *Hic saltatio, illic oratio*; mss. alii, ... *illic ploratio*. Quæ quidem lectio, etsi minime videatur contemnenda, tamen priori Basilius, ex quo petita est, favet his verbis: ἐνταῦθα δργεσιν, κάκεῖ προσευχὴν.

A runt; quæ autem discerunt, et postea reverterunt, Dominicæ excluduntur auctoritate sententiæ (Matth. xxv, 12). Didicimus ergo non stare in via peccatorum, stare autem in virtutis officio; quia scriptum est: « Tu autem fide stas (25) (Rom. xi, 20). »

27. Nunc consideremus quid sit: « Et in cathedra pestilentiae non sedit. » Et quidem præmisimus, quod non simplex concessus in hujusmodi quod in usu est solio, reprehendatur. Quid enim invidiæ haberet ad culpam? Sed cum oculi Domini semper super fideles terræ sint; tanquam sub consecu imperatoris locati, et veluti in ministerio quodam positi, stare debemus. Miles in procinctu stat, non sedet; miles in armis non se reflectit, sed excitat atque erigit. Ideoque militibus Christi dicitur: « Ecce nunc benedicte Dominum, omnes servi Domini, qui statis in domo Domini (Psal. cxxxiii, 4). » At contra iniquitas in talento plumbeo sedet, eo quod fixa in peccato, se ab eo separare non possit. Etenim inveterati in errore, et studiose flagitiis inhærentes, sedere dicuntur, qui nolunt assurgere, nec audire dicentem; « Surgite postquam sederitis (Psal. cxxiv, 2). » Denique hic ipse Propheta alibi ait: « Sederunt principes, et adversum me detrahebant (26) (Psal. cxviii, 23). » An ignoramus quod tantam vim habeat inveterata consuetudo peccandi, ut excludat naturam, quæ cum sit medicabilis ad salutem, tamen corroboratis tempore passionibus immedicabilis (27) invenitur? Non ergo permaneamus in vitiis; sed unusquisque etiamsi fuit, exsiliat a culpa, sicut scriptum est (Prov. v, 3) de muliere meretrice. Ne intendas in eam oculum tuum, sed exsili, ne moreris; exsili antequam te anni juventutis inveniant. Sed, quod gravius est, plerique luxuriam corporis nec albenti erubuere canitie, et usque ad senectutis ætatem vitam produxere maculosam. Intimis enim concepta visceribus lues culpe, processu temporis coacervatur. Cave igitur ab impiorum consiliis, non penetrant hujusmodi consilia mentem tuam; ne dicatur de te: « Alligavit quis ignem in sinu, vestimenta autem non comburet (Prov. vi, 27)? » Etenim qui semel in sinu mentis flagiti flammam ferventis adoleverit, cito corporis sui vestimenta comburet. Et ut in stipulam ignis exsiliens, inhæret ac permanet, donec omne quod corripuit, absumat: ita vel exigua (28) scintilla peccati, si quo vitiorum somite fuerit excitata, incendium grande

(24) Quædam edit. Paris, *hoc est, noli persistere*.

(25) Edit. cum tribus mss. *Tu autem vide, vel in fide sta, quinque mss. cum omnibus Apostoli exemplaribus, ... fide stas*.

(26) MSS. nonnulli, *adversum me tractabant*.

(27) Ita cod. Vat. unus et quinque Gallicani. Vict. autem, Colb. ac vet. edit. *tamen corroborata tempore passionibus immedicabilis*. Rom. sola, *diuturno tamen tempore passionibus depravata, immedicabilis*, etc.

(28) MSS. quinque, *Et tu stipulam ignis absunit, ita vel exigua, etc. Reliqui ac omnes edit. ut nos supra.*

excitat. Noli ergo stare in peccato. Postremo posuisti vestigium supra voraginem culpæ, cito aufer pedem; ne supra plantam tibi ascendat pollutio, **750** et lapsu faciliore deceptus, supra lutum resideas.

28. Cavenda ergo prima sunt vitia, ne in plura deinde graviora proserpent. Etenim sicut ii qui se in luto versant, quo magis voluntur, eo amplius inquinantur: ita qui semel se luto improbitatis asperserit, nisi ab eo velociter exsiliat, gravius sibi dedecoris sui cœnum per singulos dies lutulentæ conversionis obducit. Itaque gravi odore terræ illius ac flagitiosæ voraginis contrahitur quædam animarum pestilentia, corruptoque salubrium cogitationum spiramine, lues æstuantum passionum miseranda grassatur. Hinc lethale se mentibus virus infundit, hinc subrepit ægritudo corporibus, languores animis. Est enim malus languor, erroris languor, avaritiae languor, inexplebilis cupiditatis languor. Istæ divitiæ sunt, ut ait Ecclesiastes: «Est languor malus quem vidi sub sole, divitias custodiri in malum possidentis eas (*Eccle. v, 12*). » Dic mihi, o Ecclesiastes, qua causa malus hic languor sit? Respondebit, quia multos avara spes devorat. Insatiabilis edacitas cupiditatis est. «Nescit satiari argento, qui concupiscit argentum (*Ibid. 9*). » Distendunt divitiæ, non explet: «Et si quis satiatus fuerit divitiis, non est, inquit, qui sinat eum dormire. Et quidem omnes dies ejus in tenebris, et luctu, et iracundia multa, et languore, et ira (*Ibid. 11, 16*). » Quomodo enim potest dormire, qui sollicitam auri exercet custodiam, qui damna formidat, qui lucra cogitat, qui usuras computat, qui apothecas numerat? **(29)** Malus ergo languor qui bonam aufert mentis quietem. Est languor malus luxuria, libido, concupiscentia, delectatio, sacerularis ambitio, quæ cito corrumpit salutem sobrietatis. Omnis postremo mundi hujus corruptela pestilentia est. Ne ergo tetigeritis, ne attaminaveritis eam. Lues est, contaminat; morbus est, polluit. «Ne gustaveritis quæ sunt omnia ad corruptelam ipso usu, » ut Apostolus dixit (*Coloss. ii, 21, 22*), qui et alibi clamat: «Radix omnium malorum est avaritia (*I Tim. vi, 10*): » morbos excitat, dolores inserit. Denique qui eam appetierunt, «inseruerunt se multis doloribus (*Ibid.*). Ista est pestilentia, quæ plerumque neque calidos, neque frigidos, sed, quod et calidis est deterius et frigidis, tepidos facit, ut evomantur ex ore Domini Jesu, quos propter gravia peccata rejicerit. Ista est quæ non paucorum, sed omnium excitat ægritudines. «Omne caput in dolore, omne cor in mœstitia (*Isa. i, 5, 6*). A pedibus usque ad caput peccatorum ulcera. «Omne caput in dolore, » quando qui sapientes æstimantur, dolore cruciantur, avaritæ; sensus

A enim sapientis in capite ejus. Quod referri potest etiam ad Ecclesiæ præminentibus: « Omne cor in mœstitia, » quando sapimus quæ sunt carnalia, et corporeis voluptatibus aciem nostri cordis infodimus. Unde ait Dominus (*Ezech. xi, 49*) ad hujusmodi, quod dederit illis cor carneum.

29. A pedibus usque ad caput serpit lues dira morborum, quando laborant contagio, quando compatiuntur aliis, si quis effectu libidinis **(30)** defraudetur, viduæ pudorem expugnare non potuit, **751** agrum invadere; et ægre cuncti invicem languores transferunt. Quoties ingemiscunt seniores quod diu potare non possint? Quoties dolent quod scortari desierint, cum scortandi habent voluntatem? Quoties inter fabulas ebriorum virtutes probro sunt, peccata laudi, honestas ludibrio, continentia risui, misericordia vanitati! Isti sunt morbi qui mala sua in multos transferunt. A paucis corruptela ad omnes pervenit. Sedent in consiliis derogantes sobriis, ructantes crapulam; sedent in tabernis de ebrietate certantes. Inter hos meretrix plena vino, huic arridens, illum adurens, et omnes ardore inflammans libidinis. Verecundus si transeat, erubescit, a singulis carpitur; si flagitosus, omnium ore laudatur, et tanquam morbus transit in animas singulorum; qui enim in flagitiis celebris, plurimos ad imitationem adducit erroris. Itaque dum peccatum imitantur alienum, suum faciunt malum. Non sedeas inter eos, quos sanctus Propheta fugiebat. Illum imitare, fugientem utique, non sedentem, qui ait: «Non sedi in consilio malignantium, et cum iniqua gerentibus non introibo (*Psal. xxv, 4*). Qua ratione eos fugiebas, David, explica nobis. Demonstra has partes, ut et nos eas fugere possimus, ne inficiamur earum contagio: «Corrupti sunt, inquit, et abominabiles facti sunt: non est qui faciat bonitatem, non est usque ad unum (*Psal. xiii, 4*). Generaliter ergo ad omnes flagitiosos potest referri: demum specialiter ad irratores bonorum quos Aquila χλευαστὰς dicit, quod isti vere morbi sunt, qui irridendo bonos, plurimum animis operantur errorem, mentesque corrumpunt. Quanta dixit a quibus beatus vir debeat abstinere! Et adhuc adjicit alia.

30. (Vers. 2.) «Sed in lege Domini fuit voluntas ejus, et in lege ejus meditabitur die ac nocte; » hoc est, beatus ille qui hæc faciat consilio, ratione, prudentia; potest enim et parvulus non per virtutem, sed per impossibilitatem et inscientiam delinquendi ab iis quæ dicta sunt, abstинere. Potest et irrationali pecudi convenire, cui nulla vis consilii, nullus sensus erroris est: Hoc est ergo quartum quod sequitur, in quo definitio beati viri a pecude discernitur; quia vir sapiens subditus legi est voluntate, non necessitate. Plurimum enim

(29) Rom. edit. sola, *qui hypothecas numerat*. Et videtur favere, quod præcedit, *qui usuras computat*. Verum aliæ edit. atque omnes mss. reclamant; nec malus sensus est, si *apothecas*, id est arcas,

loculos, cellas quibus divitiæ reconduntur, dicatur avarus numerare.

(30) Reg. cod., *si quis affectu libidinis*.

refert ; quia in voluntate mercedis est fructus : in necessitate, dispensationis obsequium. Ita enim docuit nos Apostolus dicens : « Si volens hoc ago, mercedem habeo : si invitus, dispensatio mihi credita est (*I Cor. ix. 17*). » Ordo autem conveniens. ut primo diligas legem, secundo ut mediteris. Qui diligit, ex voluntate facit mandata legis ; qui timet, invitus observat. Hanc disciplinam docendi etiam Dei justitiam in lege accepimus. Sic enim scriptum est : « Andi, Israel : Dominus Deus tuus, Deus unus est (*Deut. vi. 4*). » Et : « Diliges Dominum Deum tuum ex toto corde tuo, et ex tota anima tua, et ex tota virtute tua. Et erunt verba hæc quæ ego præcipio tibi hodie, in corde tuo, et in anima tua : et demonstrabis ea filiis tuis, et loqueris eis sedens in domo, et ambulans in itinere, et 752 in quiete, et in vigilia. Et alligabis ea in signum in manu tua (31), et erunt monilia ante oculos tuos : et scribes ea super limina in domiciliis tuis et in januis tuis (*Ibid. 5-9*). » Et infra : « Et nunc, Israel, quid abs te postulat Dominus Deus tuus, nisi ut diligas Dominum Deum tuum, et ambules in omnibus viis ejus (*Deut. x. 12*) ? Sapientia quoque dicit : « Concupiscite ergo sermones meos, diligite illos, habebitis disciplinam (*Sap. vi. 42*). » Clara est, et quæ nunquam marcescat sapientia, et facile videtur ab iis qui diligunt illam, et invenitur ab iis qui querunt illam. Legitime ergo docemur a sancto Propheta voluntatem in lege habere, meditationem secundum legem. Voluntas in lege non solum in studio, sed etiam in facto est. Prior voluntas, secunda operatio. Denique et Dominus dicensi sibi : « Si vis, potes me mundare (*Matth. viii. 2*), » respondit : « Volo, mundare (*Ibid. 3*) ; » quo ostenderet operationibus nostris (32) voluntatem præviam esse debere. Denique lex voluntarios querit ; quia lex Domini irreprehensibilis est, convertens animam : nemo autem convertitur, nisi qui voluntate convertitur. Voluntarius autem abscondit et sensum furatur laboris.

31. Ideoque die et nocte in lege meditatur ; in quo non tam continua legendi postulatur intentio, quam servandæ legis affectus. Ille enim plene meditatur, qui sibi ipse lex est, scriptum in corde suo legis intendens. Aquila tamen diem tantummodo posuit, non etiam noctem. Quod non tam a cæteris discrepans, quam alio referens posuit ; quoniam qui legem meditatur, semper in luce est, noctem non habet. Etenim cuius lucent opera, non potest utique in tenebris ambulare ; quia ju-

(31) Edit. vet. et plures mss., *Et alligabis ea in sinu tuo*. Rom. et mss. aliquot. *Et alligabis ea in signum*. LXX, Καὶ ἀφάγεις αὐτὸς εἰς στρεψόν ἐπὶ τῆς χειρός σου ; in quo omnes Scripturæ versiones consentiunt. Ubi vero Rom. edit., et erunt immobilia ante oculos tuos (ex LXX scilicet, apud quos legas, καὶ ἔσται ἀστάλευτον [quidam. cod. ἀστάλευτα] πρὸ δρόσημῶν σου), ibi vet. edit. ac omnes omnino mss., et erunt monilia, etc. Porro cum ea pars versiculi ejusce alibi aliter conversa sit ; ut puta ex textu Hebræo, et

A stitia ejus sicut lumen effulget. Meditetur ergo legem vita nostra, meditetur conversatio, meditetur actus, meditetur intellectus mysteriorum cœlestium Lex enim exemplar est et umbra cœlestium, umbra futurorum bonorum, quæ is qui credit in lege, in Evangelio recognoscit. Meditetur in tenebris et die, id est, et in adversis positus, et prosperis. Lex enim præcepit ut diligas Dominum Deum tuum. Qui diligit, in omni statu suo debet servare diuturnæ charitatis affectum. Pater diligit filium, diligit etiam cum arguit, diligit etiam cum verberat baculo ; qui enim parcit baculo suo, odit filium, suum. Nos quoque Dominus castigat, et diligit. Itaque etiam cum digna coercitione committimus, ille tamen diligit, qui etiam recipit offensum. Castigat enim Dominus omnem filium quem recipit. Et tu cum castigaris dilige : quia ideo castigaris, ut recipiaris. Nam quid grande est, si tunc diligas Dominum Deum tuum, cum tibi abundat omnia, cum fruoris optatis, cum honoribus, facultatibus, liberis gaudes ? Et homini, a quo acceperimus beneficium, gratiam referre consuevimus. Denique cum laudaretur Job judicio cœlesti, hoc retulit diabolus : Minime mirum si gratus esset Deo, cui tanta suppeditat affluentia prosperorum ; sed tunc probandum, si illa amittat universa, et pii cultoris præstet officium (*Job. i. 9-11*). Hæc 753 igitur prima virtus, ut non frangaris adversis, non extollaris secundis. Id te lex docet, ut in afflictione non relaxes (33) intentionem, nec desperationem induas ; victor non dicas : « Virtus mea et fortitudo mea hæc traxit mihi (*Deut. viii. 17*) ; » sed omnia noveris divinæ misericordiæ deputanda.

32. Clamat Isaias : « Non confundetur qui in angustia est usque in tempus (*Isa. v. 22*). » — « Hoc primum bibe (*Isa. xxxi. 21*). » Quid est, « hoc primum bibe ? » Sequestremus mystica, persequamur moralia, quæ docet littera. Propter errorum gravia graves contritiones et vexationes populi dicunt futuras ; et oportuit eas præcedere, ut sequuntur misericordia. Bibe ergo primum tribulationem ; per multas enim tribulationes oportet nos introire in regnum Dei ; bibe, ut sensus tribulationis pectoris tui infundatur internis : bibe cum patientis affectu mœrentis dolorem (34). Dum enim conversus ingemueris, tunc Deminum tibi reconciliabis D offendum. « Hoc ergo primum bibe ; » ut sis in dolore et angustiis. Cito lætitia infundit errorem, Pinguis factus et incrassatus populus surexit ludere, et recessit a Domino. Prodest tibi cor habere

Hæbreo-Samar, ab Interprete Lat. reddatur, erunt quoque in frontalia, vel, ut Grotio placet, erunt quoque pro conspicillis. etc. ; ex paraphr. Chald., et erunt quasi appendix quedam, etc. quidni etiam ab aliquo verti potuerit, ut in nostro contextu ?

(32) MSS. aliquot. quo ostenderet cogitantibus nostris,

(33) MSS. quatuor e Gallic., ut afflictionem non relaxes in victoria, nec desperationem induas in tentatione ; non dicas, etc.

(34) Quinque mss., pectori tuo infundatur interius, Bibe compatientis affectum, mœrentis dolorem.

contritum. « Hoc primum bibe, » ut sacrificium tuum accipiatur a Domino. Doceat te Apostolus quid sit : « Hoc primum bibe, » hoc est, tribulationis poculum. « Tribulatio enim patientiam operatur (*Rom. v, 3.*) » Non potest esso patientia, nisi ante fuerit tribulatio. « Tribulatio, inquit patientiam operatur, patientia autem probationem, probatio vero spem ; spes autem non confundit (*Ibid. 3-5.*) » Bibe primum tribulationem, ut postea tibi tot virtutum pocula ministrentur. Et ut scias quia bibitur tribulatio, audisti dicentem hodie Prophetam : « Potasti nos vino compunctionis (*Psal. LIX, 5.*) » Et in posterioribus, ait : « Et potum dabis nobis in lacrymis, in mensura (*Psal. LXXIX, 6.*) » In mensura petit potum, non supra mensuram ; ne ferre non possit. Derique quam bono hoc precaretur affectu, suo probabat exemplo, qui potum suum cum fletu miscebat (*Psal. cI, 10.*), ut Domini in se inclinaret misericordiam.

33. Bibe ergo primum, ut bibas et secundum (35) (hoc enim tempus est ut inseramus mystico) ; bibe primum Vetus Testamentum, ut bibas Novum Testamentum. Nisi primum biberis, secundum bibere non poteris. Bibe primum, ut sitim mitiges ; bibe secundum, ut bibendi satietatem haurias. In Veteri Testamento compunctio, in Novo laetitia est. Vide quemadmodum Dominus artibus diaboli pro suis servulis obviaverit. Ille cibo fraudis decepit unum, ut in uno omnes circumveniret; Jesus autem cibo salutis omnes redemit, ut in omnibus et illum qui deceptus fuerat, reformaret. Ille calicem aureum Babylonis excogitavit, ut quicunque plus biberent, plus sitirent ; et quia potus placere non poterat, auri pretio illiceret ad bibendum. Propinavit de vino suo, cui etiam metalli suffragia requisivit. At vero Dominus Jesus aquam de petra effudit, et omnes biberunt. Qui biberunt in typo, satiati 754 sunt ; qui biberunt in veritate, inebriasi sunt. Bona ebrietas, quæ infunderet laetitiam, non afferret confusionem ; bona ebrietas, quæ sobriæ stabiliret mentis incessum ; bona ebrietas, quæ vitæ munus rigaret æternæ. Hoc ergo poculum bibe, de quo dixit Propheta : « Et poculum tuum inebrians, quam præclarum est (*Psal. xxII, 5.*) ! » Nec te moveat quod Babylonis aureum poculum est ; quia et tu bibis poculum sapientiæ, quæ sit auro argentoque pretiosior. Utrumque ergo poculum bibe, Veteris et Novi Testamenti ; quia in utroque Christum bibis. Bibe Christum, quia vitis est, bibe Christum, quia petra est quæ vomuit aquam ;

(35) Era. et Gill., *ut bibas et secundum. Hic enim tempus est ut inseramus mystica.* Rom. edit.... *Nunquam tempus est, etc.* MSS. nobis consentiunt, nisi quod nonnulli, pro *mystico bibe*, legunt *mystica, bibis*. Ut autem lectionis nostræ sensum facilius capias, adverte pronomen *hoc* referendum ad id quod ἀπεσώς anteponitur : *Bibe ergo primum, etc.*, tum post vocem *mystico*, subintellige intellectui, tractavi. vel quid simile.

(36) Rom. edit. sola, *inde fac cito ut bibas et in Novo Testamento. Unde et tanquam festinet, dicit :*

A bibe Christum, quia fons vitæ est ; bibe Christum, quia flumen est, cuius impetus laetificat civitatem Dei ; bibe Christum, quia pax est : bibe Christum, quia flumina de ventre ejus fluent aquæ vivæ ; bibe Christum, ut bibas sanguinem quo redemptus est ; bibe Christum, ut bibas sermones ejus ; sermo ejus Testamentum est Vetus, sermo ejus Testamentum est Novum. Bibitur Scriptura divina, et devoratur Scriptura divina cum in venas mentis ac vires animæ succus verbi descendit æterni. Denique non in solo pane vivit homo, sed in omni verbo Dei. Hoc verbum bibe, sed ordine suo bibe. Primum bibe in Veteri Testamento : cito fac ut bibas et in Novo Testamento (36). Et tanquam ipse festinet, dicit : « Galilæa gentium et partes Judææ, populus qui ambulatis in tenebris, videte lucem magnam ; qui habitatis in regione mortis, lux fulgebit super vos (*Isa. IX, 1, 2.*) » Bibe ergo cito, ut lux tibi effulgeat magna ; lux non quotidiana, non diei ; non solis, non lunæ, sed lux illa quæ umbra mortis excludat. Nam qui in umbra mortis sunt (37), lucem utique solis ac diei videre non possunt. Et quasi requirenti tibi unde tantus splendor, tanta gratia sit, respondet : « Quoniam puer natus est nobis, filius datus est nobis (*Ibid. 6.*) » « Puer, » Quia ortus ex Virgine est ; « Filius, » quia ex Deo natus tantæ auctor est lucis. « Puer nobis natus est, » Nobis, qui credimus ; non Judæis, qui crediderunt ; nobis, non hæreticis ; nobis, non Manichæis ; « nobis natus est, » quia Verbum caro factum est, et habitavit in nobis ; « nobis natus est, » qui carnem suscepit ex Virgine, quia homo natus est ex Maria. Caro nascitur nobis, Verbum datur. Quod nostrum est, inter nos natum est : quod supra nos est, nobis donatum est.

C 34. Satis excurrimus, ut putamus, sed non otiose ; ut doceremus quia et in tribulationibus diligere Dominum debemus, nec recedere ab eo, quoniam et laetitiae tribulatio sæpe succedit, et laetitia tribulationi. Denique qui tribulazione non frangitur, et legem sequitur, beatus est.

D 35. (Vers. 3.) « Et erit tanquam lignum quod plantatum est secus decursus aquarum, quod fructum suum dabit in tempore suo. Et folium ejus non defluet, et omnia quæcumque faciet, prosperabuntur. » Quæ ista beatitudo est, quæ ligno arboris comparatur, nisi intelligamus 755 in paradiiso, illo beatorum loco, lignum vitæ in medio lignorum aliorum de terra productum (38) ? Inter multa enim ligna quæ erant speciosa ad aspectum, et

*Regio Zabulon, et terra Nephthalim, et cæteri Paraliam inhabitantes, et trans Jordanem Galilææ gentium ; populus qui ambulabat.* etc.

(37) Sic edit. et Vat. cod., cui accedunt quinque Gall. in quibus tamen legas, *Nam si in umbra, etc.* In Vict. autem et Colb., *Nam si umbræ mortis sunt.*

(38) Codices Vat. et quinque Gallic., *legisse nos in medio de terra esse productum* ; alii vero ac edit. consentiunt, excepta Rom., quæ, pro voce *productum*, habet *productorum*.

bona ad escam, etiam hoc lignum terra produxit, et in medio paradisi erat; ut cætera ligna ejus viriditate florerent. Quod esse hoc lignum dicimus, nisi per quod nobis salus venit? Et recte hoc terra præduxit, quia eum Virgo generavit, quæ erat terra secundum auctoris sententiam, quæ in eum dicta est; « Terra es, et in terram ibis (*Gen. III, 19*). » Pulchre quoque in medio legitur lignorum aliorum; qui erat in medio apostolorum discentium *39*, vel quia in medio erat mentis et cordis, sicut ipse ait: « Medius vestrum stat, quem vos nescitis (*Joan. I, 26*). » Et alibi ait: « Ego autem in medio vestrum sum (*Luc. XXII, 27*). » Denique et de ipso Salomon dixit: « Lignum vitæ est omnibus percipientibus eam (*40*) (*Prov. III, 18*). » Qui ergo beatus est, imitator erit Domini Jesu, qui est lignum vitæ, lignum sapientiæ, plantatum in utero Virginis, voluntate Patris: a quo in perpetuum mansurum plantatur, ut fructum daret in tempore suo. Non enim potuit arescere ista plantatio, quæ habebat ubertatem in se manentem gratiæ spiritualis. Denique plenus Spiritu sancto Jesus regressus est ab Jordane. Hi sunt decursus aquarum de quibus dicitur in Evangelio: « Flumina de ventre ejus fluent aquæ vivæ. Hoc autem dicebat de spiritu quem incipiebant accipere qui credituri erant in eum (*Joan. VII, 38*). »

36. Est et alia traditio, quia sunt aquæ de quibus prohibet nos bibere Jeremias dicens: « Quid tibi et viæ Ægypti, ut bibas aquam Geon (*Jerem. II, 18*)? » Est et Tigris fluvius Assyrios præterfluens. Est et Euphrates in Babyloniam tendens, Est et Phison, qui Latina interpretatione oris dicitur commutatio, circumiens terram Evilath, ubi est aurum, et aurum terræ illius bonum; et lapis carbunculus, et lapis prasinus. Merito os illic commutatur (*41*), ut non teneatur promissorum fides: sed sit in ore dolus, ubi est aurum bonum; avaritia enim fidem frangit, nec tenet verborum simplicitatem. Ornamenta quoque pretiosa mentem animumque commutant; ut aliud in pectore, aliud in sermone sit. In illis ergo regionibus fluminum fuerunt Judæi captivi, adducti in Ægyptum, et ad Assyrios, et ad Babylonios, ubi super flumina Babylonis sedebant, et flebant suæ calamitatis ærumnam: et ut hic ipse Prophetæ testatur (*Psal. CXXXVI, 1, 2*); illic suspenderunt organa sua, et omnem deposuere lætitiam, ubi graviora tolerarunt. Denique reliquæ decem tribus ad Assyrios ductæ sunt: duæ autem Juda et Benjamin, tanquam gravioris reæ flagitiæ, in Babyloniam trans-

(39) Vox apostolorum expuncta fuerat in edit. Rom., forte quod crediderint Ambrosium locutum more Tertulliani, a quo passim apostoli simpliciter, ac sine addito *discentes*, nominantur.

(49) Cod. duo, *Lignum vitæ in manibus percipientibus eum*.

(41) Idem cod., *Merito omnes illic commutantur*.

(42) Vocem hanc eodem sensu interpretatur Hieron. in Ezech. xxvii, 40, et Isa. xxi, 2. Per-

Aierunt. Atrocius enim sacerdotis filia adultera quam cæteræ puniuntur; quia sacerdotalis generis gratiam turpi opprobrio decoloravit.

37. Sicut illi ergo in temptationibus gravissimis fuerunt: ita multis temptationibus se Salvator noster objecit; ut nulla temptationis nostræ certamina præteriret. Plantatus ergo recte dicitur secus decursus horum fluminum, non in ipsis decursibus; **756** ut finitimum, non demersum, intelligas. Fuit illi congressio prima carnis et sanguinis, Denique ait: « Pater, transfer a me calicem istum: sed non quod ego volo, sed quod tu vis (*Matth. XXVI, 39*). » Fuit divitiarum objecta tentatio, cum omnia regna terræ ei inimicus offerret, si procidens Dominus adoraret eum. Habes duorum fluminum decursus Geon et Phison. Fuit illi collectatio adversus principes mundi: fuit in ipsa passione certamen adversus tentatores, quos Persas Hebræa appellat interpretatio (*42*), qui falsa testimonia deferebant. Adversus eos qui dicebant: « Descendat nunc de cruce, et credimus ei (*Mar. XV, 32*) ; » quæ diabolus suggerebat. Habes Tigrem et Euphratēm flumina.

38. Quadripartitum autem nobis certamen esse etiam Apostolus comprehendit dicens: « Quia non est nobis luctatio adversus carnem et sanguinem, sed adversus principatus et potestates; adversus mundi hujus rectores tenebrarum; adversus spiritualia nequitiae, quæ sunt in cœlestibus (*Ephes. VI, 12*). » Hi sunt fluvii qui de paradiiso exeunt. Unde puto quod is qui in paradisum gestit redire, hos debeat transire decursus aquarum. Quod non otiose expressit idem ipse sanctus Prophetæ, demonstrans his qui tentationes omnes subirent (*42*), deberi sibi jam paradisi requiem. Itaque sic ait: « Decursus aquarum descenderunt oculi mei (*Psal. CXVIII, 136*). » Sicut enim romphæa est in ingressu paradiisi ignea; ut qui redit, per ignem revertatur, urat peccata sua, probet aurum suum: ita qui redit, per hos decursus redit. Meritoque dicunt sancti: « Transivimus per ignem et aquam (*Psal. LXV, 12*). De istis decursibus et Isaias dicit: « Si transeas per aquam, flumina non te concludent (*Isa. XLIII, 2*). » Quæ flumina? Audi dicentem David de iis qui festinabant ad paradiſum (*44*): « Forsitan pertransisset anima nostra aquam intolerabilem (*Psal. CXXIII, 5*). »

39. Quamvis nonnulli de istis quatuor temptationibus etiam illud accipiunt: « Super aspidem et basiliscum ambulabis, et conculcabis leonem et sarum autem idcirco hic meminit Ambrosius, ut per Tigrem qui eorum fines alluit, tentatores significari doceat.

(43) Omnes edit., *Demonstrans quod qui tentationes omnes subegerit, deberi sibi jam paradisi requiem speret*, His accedunt pauci mss., in quibus tamen verbum *speret* desideratur: alii majori numero ut in textu.

(44) Ita edit. cum tribus mss. Alii vero quinque præferunt, *David qui festinabat ad paradiſum*.

draconem (*Psalm. xc, 13*). » Ut ambulaverit in incarnatione, conculcaverit in passione, vel in traditione regni conculcet, quod Patri tradet, cum omnem evacuaverit principatum. Pulchre autem Aquila τὸ μεταπεφυτευμένον dixit, hoc est, transplantatum, eo quod primo sit plantatum in Virgine, postea transplantatum in paradisum: sicut dixit ad latronem: « Amen, amen dico tibi: hodie mecum eris in paradiſo (*Luc. xxiii, 43*). »

40. Hoc lignum igitur fructum dabit in tempore suo. Ligna terrena fructum non dare, sed ferre dicuntur: sed lignum vitæ ac sapientiæ dat fructum, hoc est, largitur et donat. Rursus illud occurrit: Si lignum est sapientiæ, cur in tempore dabit, et non semper? Ne forte grave sit nobis hoc sentire de Christo; sed tu qui legisti quia dispensatorem fidelem et prudentem constituet Dominus supra familiam suam, ut det illis in tempore tritici mensuram (*Luc. xii, 42*), in tempore utique, non semper, turbari utique non debes. Potest sapientia semper fructum dare; sed quia sapientia **757** est, debet sapienter dare, dispensare prudenter, si quando nos plenam mensuram aut possimus accipere. Sicut hic extrellum tempus fructum, ita et illic dabit fructum bonum in gentibus (*45*); ut possimus. Nunc non possimus, odioso sæculo non resurrectionis ejus consortium capere ac servare sustinemus. Hic enim corruptela est (*46*), et cavendum fuit ne corrumperemus bonos fructus, quos lignum vitæ daret; quia nunc corrupti, illic autem incorrupti: « quando et mortui, inquit, resurgent incorrupti, et nos commutabimur. Oportet enim corruptibile hoc induere incorruptelam, et mortale hoc induere immortalitem (*I Cor. xv, 52, 53*). Quid ergo prodierat morituro accipere, quod ei mors habebat auferre? Novit ergo sapientia quibus quando dare debeat, quæ nec folium amittit ligni sui. Et ideo qui fructus sit sapientiæ, quod folium consideremus.

41. Fructus interior est; folium quo fructus vel a sole torrenti, vel a frigore defenditur. Fructus videtur esse fides, pax, doctrina, excellentia veræ cognitionis, intentio bona, mysteriorum ratio. Hos fructus bona vita custodit: mala etiam si percepit, amittit: « Peccatori autem dixit Deus. Quare tu enarras justitias meas (*Psalm. xlii, 16*)? In mysticis fructus est, in moralibus folium, contemplatione mysteriorum cœlestium (*47*). Nam virtutes sine fide, folia sunt: videntur virere, sed prodesse non possunt. Agitantur vento, quia non habent fundamentum. Quanti gentiles habent

(45) Vet. edit. ac Rom. cum mss. Vict. et Coll., prudenter. Tunc debet dare semper, quando nos plenam mensuram possumus (Rom. edit., meremur; mss., possimus) accipere. Sicut hic.... dabit fructum bonis indesinentibus. Nobiscum vero faciunt Paris. edit. atque alii sex mss.

(46) Ita Rom. edit. ac mss. Vat. cum quinque Gallic. At edit. vet. cum aliis, *Hic enim corruptibles sumus*

**A** misericordiam, habent sobrietatem; sed fructum non habent, quia finem non habent! Labuntur cito folia, ubi ventus flaverit. Et aliqui Judæi habent castimoniam, sedulitatem in lectione multam, et diligentiam; sed sine fructu sunt, et versantur ut folia. Hæc forte sunt folia quæ Salvator in illa sicut reperit, sed fructum non invenit (*Matth. xxi, 19*).

42. Mystica salvant, et a morte liberant: moralia autem ornamenta decoris sunt, non subsidia redemptionis. Præstare autem mystica moralibus etiam ipse Dominus docet in Evangelio suo dicens de Maria, quæ sedens secus pedes Domini audiebat verbum illius, cum Martha circa ministerium festinaret, et quereretur quod soror eam propria circa mensæ ministerium non juvaret: « Martha, Martha, Maria optimam partem sibi elegit, quæ non auferetur illi (*Luc. x, 41, 42*). » Si illa quæ Christo ministrabat ad mensam, non conferebatur ei quæ verbum cupiebat audire; quem operantem studioso cognitionis æternæ conferre poterimus? Ita tamen, ut nec illius operationi fides, nec hujus cognitioni, sicut Mariæ, desit operatio: ne vel folia sine fructu sint, vel fructus sine munimentis naturalibus sit intectus, et pateat injuriæ.

43. Possumus etiam illud intelligere, quia foliis se texerunt Adam atque Eva, corporea vestimenta quærentes, eo quod resurrectio Dominicæ corporis prophetaretur; quia nec caro, quæ antea vice foliorum interire consueverat, peritura **758** esset in Christo; justorumque omnium, qui secundum Evangelium et imitationem ligni sapientiæ nati ex Virgine vitam suam actusque formarent. Nam Græcus ita dixit: ὁ τὸν καρπὸν αὐτοῦ δόσει: quod potest ad beatum referri, μακάριος καρπὸν δόσει, Græce; Latine autem sic dicitur, ut sit: « quia beatus dabit fructum, » in resurrectione scilicet sua, quando potest perpetuum dare. Potest et sic, ὁ τὸν καρπὸν αὐτοῦ ὑπὲρ ξύλον, ut referatur ad ignum, cuius facta omnia prosperabuntur. In quo evidens testificatio, quia de Salvatore dictum est. Cujus enim nisi ipsius facta possunt universa laudari, et prosperos habere exitus? Aquila autem, « dirigerunt, » ait: quod et ad quemcunque hominem referendum videtur, quem dirigit Dominus favore cælesti. A Domino enim diriguntur gressus viri, et orationem suam in conspectu Dei David propheta dirigi postulavit (*Psalm. cxli, 2*). Sed et ipse Dominus direxit opera sua, ut nullo erroris curvarentur anfractu.

44. (Vers. 4.) Sequitur: « Non sic impii, non

(47) *Contemplatione mysteriorum cœlestium*: deerant hæc in edit. vet. ac mss. Vict. et Coll.; sed in Rom. aliisque codicibus inveniuntur. Id autem illis vocibus significatur, virtutes morales seu activæ vitæ, si cum mysteriis cœlestibus, eorumque fide atque contemplatione, conferantur, esse tanquam folium cum fructu comparatum, ut, in sequentibus exponit sanctus doctor.

sic ; sed tanquam pulvis quem projicit ventus a facie terræ ; » hoc est, non sic ut beatus vir, qui ideo beatus, quia non abiit in consilio impiorum, quia in peccato non stetit, in consilio pestilentium non sedit, volentium vel credentes pie, vel viventes pervertere ; qui voluntatem habuit in lege, et meditabitur in ea ; aut, sicut Aquila posuit, « resonabit in lege : » ut præcepta legis resonet vita ejus, mores resultant sicut illorum, quorum in omnem terram exivit sonus. Forte hic sonus doctrinæ hominum exeat ; illic autem ubi facie ad faciem dabitur videre, plenior quædam verbi fieri videatur expressio. Non ergo sicut beatus iste qui haec fecerit, qui erit tanquam lignum plantatum, cujus gesta omnia prosperabuntur, ita erit et impius. Ideo repetivit vel qui scripsit, vel qui postea addidit (ut quidam putant) quo confirmatior fieret repetita sententia dicendo (48) : « Non sic impii, non sic, » qui erunt tanquam pulvis ; sunt enim terreni, et sicut pulvis projicitur a facie venti, ita et isti projiciuntur et dissipabuntur a Spiritu sancto, qui terræ fertili atque secundæ animæ salutaris sicut ventus austri aspirare consuevit.

55. Huic vento dicitur in Canticis : « Veni, Auster (*Cant. iv, 16*), » ut clementia aeris mollioris cordis nostri arva laxentur, quæ brumali gelu stricta recipiendis gremium seminibus denegabant. Bonum est nobis ut hic ventis aspiret, qui naves Tharsis ferentes vero Salomoni quæ ad templum ejus necessaria videntur, tutos deducat in portus. Sed tunc iste ventus aspirat, si boreas ille gravis ventus flare desierit. Ideo vel Ecclesia, vel anima pia dicit : « Exsurge, Borea, et veni, Auster (*Ibid.*) ; » hoc est : Tu Borea, recede, et veni, Auster : aspira hortum meum, ut flores non discutias, sed reserves. Anima igitur plena floribus pietatis hortum habet, vel ipsa hortus est, qui fructus ferat : anima quæ impietati patet, pulverem habet, qui est infecundus ad fructum. Fructiferam quidem illam **759** fecit Dominus ; sed ipsa sibi collegit impietatis pulvrem.

46. Quid te jactas, o plene impietatis ? An quia honoribus es potens, et abundas divitiis ? Non advertis quia pulvis es, et tu dispergeris et dissipaberis. « Vidi, inquit, impium superexaltatum et elevatum sicut cedros Libani ; et transivi, et ecce non erat (*Psal. xxxvi, 35, 36*). » Quid gloriaris, quia multa te servitia ambiunt, multi amici tegunt latera tua, plurimi te equi sequuntur, quorum nobis

(48) Negat revera scholiastes repetitionem hanc reperiri in Hexaplo, ut videre est apud Nobilium super hoc loco.

(49) MSS. nonnulli, et quædam edit. Paris., aut nitentes auro triumphales palmæ. Alii mss. atque edit., palmatæ. Melius ; nec enim temere inveniatur ab imperatoribus in triumphis palmas, quæ eorum tantum qui vel in olympiacis, vel in gladiatoriis ludis vicerant, præmia erant, manu gestari solitas ; at vero palmatæ, id est, togæ palmis acu pictis, sive, ut aliqui volunt, latis clavis distinctæ, triumphantium ornâmenta erant ; quemadmodum prætextas, quæ hoc ipso nominantur, hoc est,

A enarras prosapiam, et tanquam majorum tuorum genus. Præfers divitias, quia conviviis pascis sodales. Utinam egenos pasceres ! utinam non jocorum ministros, sed votorum adjutores ! Jactas quia prodeunti illico ceditur, et homines te tanquam feram declinant aut bestiam. Num hæc esse aliquid putas ? Non audis quia ea omnia tanquam umbra prætereant ? Quid juvant consulares prætextæ, aut nitentes auro triumphales palmatæ (49) ? Nudus exibis : nemo illic consulem recognoscet. Quid prosunt innumeræ possessiones ? Publicæ sunt, non tuæ. Hodie tu tenes, cras alias. Cum tu exieris, alias intrat. Vix movisti pedem, alias gressum intulit. Quanti ante te illic fuerunt, quanti post te dominabuntur, et hoc putas esse privatum ? Quem unquam a morte divitiæ redemerunt ? Imo quem non ad mortem divitiæ coegerunt ? Quem ab inferis suæ revocarunt opes ? Quem potentia excusavit a poena ? Pulvis est impietas, sicut pulvis est impiorum potentia : caliginem infert, dare salutem non potest. Simul ut vehemens flare cœpit spiritus, spargit eam atque dissolvit : aerem turbat, solum nudat ; ut pulvis projicitur, deficit ut fumus, liquescit ut cera.

B 47. Hinc plerique non mediocrem moverunt quæstionem, utrum perituras naturam. videatur assere re Scriptura divina : maxime quia alibi dicit : Comminuam eos ut pulverem ante faciem venti, et ut lutum platearum delebo eos (*Psal. xvii, 43*) ; » et alibi : « Ecce confundentur et reverebuntur omnes adversarii ; erunt enim tanquam non sint (*Isa. xli, 11*). » Primum ergo interrogo, utrum impietatem secundum naturam potent esse, an præter naturam ? Si secundum naturam asserant (50), errare eorum opinionem certum est. Denique dicant, utrum naturæ peccatum conveniat, an non ? Sed certum est peccare, deviare esse ab eo quod est secundum naturam. Quid igitur tam ineptum, quam ut dicant minus videri impium esse quam peccatorem, cum omnium acerbissimum sit, quidquid in Dei fieri videatur injuriam ? Quod si impie agere, non est præter naturam ; vivere ergo impie secundum naturam est, nec (51) peccati loco habendum, nec dignum reprehensione exsitemandum ; nemo enim reprehenditur, qui operatur secundum naturam. Unde concluditur, quia impietas præter naturam **760** est. Quomodo igitur cum perditione consuetudinis, ἀπολλησομένας φύσεις, hoc est perituras naturas, inducit Scriptura, cum impietas non utique natu-

D ticas limbis purpureis decoratas, magistratum ac nobilium puerorum vestes fuisse compertum est. Quod autem pro aut nitentes auro, plures mss. habent, annitentes auro, hoc ita potest explicari, ac si legeretur, auro suffulta ac rigentes.

(50) Cod. Vict. et Colb., *Afferunt quod ea quæ naturaliter subsistant, interire funditus nequeant errare, quorum, etc.* Verum hæc verba potius otiosi cuiuspiam glossa videntur, quam auctoris textus.

(51) MSS. aliquot, *Quod si impii agere est præter naturam ; vivere ergo secundum naturam nec peccati loco habendum est, nec, etc.*

ralis sit, sed præter naturam? Quod enim non habet, non amittit: nec potest ea substantia perire, quæ non fuit. Nam et pulvis commotus, aut in aquæ substantiam transfertur, aut in aerem, aut in ignem, hoc est, in aliam videtur sæpe transire naturam. Non ergo in nihilum deficit, sed in aliud transit.

48. Quid obstat igitur quin et ille qui verbi virtute et ratione comminuitur ut pulvis, non in nihilum dissipetur, sed commutetur in melius; ut ex terreno fiat spiritualis homo, et ut lumen platearum sic deleatur, ut tollatur quidquid asperum ac soridum videtur, remaneat quidquid planum ac mundum est? Et quod ait de adversariis Jerusalem: « Sunt sicut qui non sunt; » utique potuit dicere: Non erunt. Sed cum dixerit: « Confundentur et reverebuntur, » utique intelligis quia erunt per substantiam, et profectum conversionis, sed non erunt quasi adversarii, quod fuerunt. Itaque per improbitatis defectum non erunt, erunt fide ac devotione mutati, id denique et alibi ex peccatoris persona dicitur: « Et iram Dei sustinebo, quia peccavi, donec justificet judicium meum (*Mich. vii, 9*). » Convertere enim Deus cupiens peccatorem, punit eum et urit, ut purget. Unde ait: « Et educet me in lucem (*Ibid.*). Nam et ceram urit ignis, et liquecit, ut purgetur: et nos per ignem probamur: et fumus consumpto omni materiali expurgatur, et neque natura transit (52). Itaque et anima purgata ab omni labe, in id quod est deficit, non in id quod non est; unde ait Balaam: « Moriatur anima mea ut anima justorum (53) (*Num. xxiii, 10*); » ut moreretur lapsus ejus, et quidam improbitatis usus: transiret autem in consuetudinem, vitamque justorum; omnia enim Deus salva vult esse. Unde et Salomon ait: « Deus mortem non fecit, nec lætatur in perditione vivorum (*Sap. i, 13*). » Fecit animam ut sit: creavit hominem in incorruptionem, quem ad imaginem sui fecit: sed homines a naturæ munere deviantes, obnoxios fecere se mortui, ut quasi terreni corruptantur. Sed Deus per tribulationes ad poenitentiam cogit, ut per poenitentiam uratur et consumatur illud accidens malum improbitatis, et pereat; et locus ille animæ, qui erat accidentis impietatis possessio, pateat ad receptionem virtutis et gratiæ. Certum est autem animæ naturam esse pretiosam, quæ ad similitudinem Dei facta receptionem omnis virtutis admittit; utpote quæ cognitionis supernæ non sit fraudata consortio.

49. Nunc illud superesse arbitramur, quod in multorum ore versatur, qua ratione Deus, cuius

(52) Edit. ant., *neque naturam transit*; Rom. et pauci mss. *et neque in naturam transit*. Alii quinque, *et neque natura transit*. Commodo, hic enim *transit* idem est atque *in nihilum redigitur*.

(53) Ita quinque mss.; alii autem tres cum vet. edit., *Moriatur anima mea in anima justorum*. Rom. sola, ... *in animis justorum*. Suffragantur tamen LXX interp., apud quos. Ἀποθέσου τὴν ψυχήν μου ἐν ψυχαῖς δικαιῶν... *inter animas justorum*.

(54) Rom. edit. sola, *quæ multæ sunt nempe, Angelorum, Archangelorum, Principatum, Potestatum,*

**A** sine voluntate nec passer vilissimus cadit, et apud quem capilli capitis numerati sunt, dixerit per Isaiam: « Sic omnes gentes ut stillicidium de **761** urceo, et sicut momentum stateræ æstimatae sunt, et ut sputum æstimabuntur (*Isa. xl, 15*). » Ita ergo peribunt omnes gentes sicut stillicidium de urceo, et ut sputum perit, et ad nullos usus proficit. Sed tu qui nosti quia gentes non eo usque pro nihilo habuit Deus nosler, ut et Abrahæ dixerit: « Benedicentur in te omnes gentes (*Gen. xii, 3*): » et per David locutus sit ad Filium dicens: « Dabo tibi gentes hæreditatem tuam (*Psal. ii, 8*). » et infra: « Omnes gentes servient ei (*Psal. lxxi, 11*); quia obtulit Deus Filium suum pro omni gente, ut salvos faceret peccatores (*Rom. viii, 32*); » debes hoc loco vim divinæ sententiæ considerare. **B** Contemplatione etenim creaturarum cœlestium, quæ multæ sunt (sicut cœlum quod multipliciter majus quam terra est, ut a plerisque punctum comparatione cœli terra sit æstimata), Angelorum, Archangelorum, Principatum, Potestatum, Thronorum, Dominationum, millium, et decem millium, et innumerabilium millium; contemplatione ergo horum gentes ut stillicidium de urceo æstimatae sunt, cuius est omnis plenitudo. Ex illa igitur (54) plenitude cœlesti tanquam gutta cadens æstimatae sunt gentes. Quomodo enim poterant maximæ videri, cum ipsa terra in qua sunt gentes, minima mundi portio sit, et omnium quæ operatus est Deus, tanquam stateræ exigua inclinatio gentes sint? Simul cognosce per hanc stateram omnia Deum cum justitia condidisse, et in ipsis gentibus inesse quidam naturaliter, in quo justitiæ videretur vel exiguum esse momentum, et sputum ipsum tanquam ex universitate totius corporis interiorem exsistere portionem.

50. Magis ergo hic misericordia prædicatur: quoniam qui venit querere quod perierat, nec stillicidium illud quasi vile contempsit, et allevavit momentum stateræ: et suto illi substantiam boni corporis donans, dignatus est omnes gentes in unum corpus Ecclesiæ congregari (55). Inter gentes autem et Israel annumerari potest uequaquam expersa divinæ ejus justitiæ; quia ipse Moyses dixit de Israël: « Ecce populus sapiens, et disciplinæ tenax, gens magna (*Deut. iv, 6*). » Et ut scias quia supra meritum nostrum Dei bonitas redundavit, Apostolus hunc propheticum locum interpretatus ait: « Conclusit Deus omnia in incredulitate, ut omnium misereatur (*Rom. xi, 32 et seq.*); » et subjunxit: « O

Thronorum, Dominationum, millium, et decem millium; et innumerabilium millium, gentes ut stillicidium de urceo æstimatae sunt. Nam sicut cœlum adeo majus est quam terra, ut a plerisque comparatione cœli terra ut punctum sit æstimata; ita et ejus plenitudo. Ex illa igitur, etc.

(55) MSS. aliquot, et spuit cum illi substantiam boni corporis donare dignatus est, id est, omnes gentes in unum corpus Ecclesiæ congregari; unus, congregavit.

altitudo divitiarum sapientiae et scientiae Dei! quam inscrutabilia sunt judicia ejus, et investigabiles viæ ejus! Quis enim cognovit sensum Domini, aut quis consiliarius ejus fuit: aut quis prior dedit illi, et retribuetur ei (*Ibid. 33*)? » Hunc autem locum præmittens Propheta ait: « Sic omnes gentes ut stillicidium de urceo æstimatae sunt (*Isa xl, 15*),» et reliqua, ut cognoscas intellectum istum cum interpretatione Apostolica convenire.

51. (Vers. 5.) Sed quid evidentius eo quod perituras naturas non videat inducere, cum ipse subjevit sanctus Propheta: « Quoniam non resurgent impii in judicio. » Non enim dixit: Non resurgunt; » sed ait: Resurgent quidem, sed non in judicio. Qui autem resurget, est utique, et manet; sed quia non credidit in Christum, jam judicatus est: et ideo non venit in judicium, quem peracti jam **762** manet pœna judicii. Et de resurrectione quidem plurima divinarum Scripturarum sunt testimonia, quæ non prætermisimus in libris Consolationis et Resurrectionis (56). De eo autem quod ait: « Non resurgunt impii in judicio; » secundum Evangelium absoluta sententia est, quia non omnes judicabuntur. Apostolus autem ait: « Omnes enim oportet nos stare ante tribunal Christi, ut recipiat unusquisque propria corporis, prout gessit, sive bonum, sive malum (*II Cor. v, 10*). » Haec putant plerique esse contraria; nec advertunt quia Salvator de perfidis dixit atque impiis, qui non crediderunt in Dominum Jesum. Sic enim ait: « Qui credit in me, non judicabitur; qui autem non credit, jam judicatus est, quia non credit in nomine unigeniti Filii Dei. Hoc autem et judicium, quia venit lux in hunc mundum, et dilexerunt magis homines tenebras quam lucem; erant enim mala ipsorum opera (*Joan. iii, 18, 19*). » Liquet igitur de quibus dictum sit, hoc est, de iis qui non crediderunt in Dominum Jesum. Apostolus quoque, etsi dixit omnes, de iis utique dixit qui crediderunt, sed actuum suorum rationem in die judicii reddituri sunt (*Rom. xiv, 12*). Denique ipse alibi ait (*Rom. ii, 15*), quia testimonium conscientiae nostræ in die judicii revelabitur, cum invicem cogitationes nostræ aut accusabunt se, ut scriptum est, aut defendant, et patebunt cordis occulta. Quid autem hoc evidentius quod ait alibi: « Omnes quidem resurgemus, sed non omnes immutabimur (*I Cor. xv, 51*)? » Immutabuntur enim justi in corruptionem, manente corporis veritate. Daniel quoque dicit: « Judicium sedit, et libri aperti sunt (*Dan. vii, 10*). » Ostendit ergo judicium futurum, maxime cum alibi idem dicat: « Multi qui sedent in tumulo terræ, exsurgent, isti in vitam æternam, et isti in opprobrium et confusio nem æternam; et intelligentes splendebunt sicut splendor cœli, et de justis multi sicut stellæ lucebunt (*Dan. xii, 2, 3*). »

(56) Intellige libros *De fratribus obitu*, et *De fide Resurrectionis*.

A 52. Quod istud est judicium sedentium judicum, et qui libri aperti, nisi conscientiae nostræ, velut libri peccatorum nostrorum seriem continentest? Quanquam hoc ipsum vile sit æstimare quasi humani simile judicii. Aliud est Christi judicium, ubi conscientia ipsa se prodit, quæ latere non potest occultorum arbitrum: ubi cogitationes lucenti apud eum, qui adhuc cogitantibus dicebat; « Quid cogitatis mala in cordibus vestris (*Matth. ix, 4*)? Cum Judæis diceret, dicebat omnibus; ne quis putaret quod occulta possent esse quæ eum fallerent, ne quis putaret quod parietibus clausis testem occulti erroris effugeret. Ideoque et Evangelista testatur dicens: « Jesus autem sciebat cogitationes eorum (*Luc. vi, 8*). » Quomodo ergo ait: « Libri aperti sunt? non utique atramento scripti, sed vestigiis delictorum, et flagitorum inquinamento. Aperietur liber conscientiae tuæ, aperietur liber cordis tui, culpa nostra recitatibus. Est ibi liber, ubi est tabula; imo sunt libri inscripti, ubi sunt inscriptæ tabulæ, quas inscribit Spiritu sancto apostolica doctrina, sicut legimus, dicente Paulo: » Epistola nostra vos estis... inscripta non atramento, sed Spiritu Dei vivi: non in tabulis lapideis, sed in tabulis cordis carnalibus (*II Cor. iii, 2, 3*). Sunt ergo tabulæ cordis inscriptæ **763** Spiritu sancto, istæ recitabantur. Si bene egeris, manebit Scriptura. Vide ne tollas Spiritus sancti gratiam; vide ne deleas, et scribas atramento flagitia tua, ne veniat dies judicii, et dicat Judex: » Recitentur libri, recitentur tabulæ gestorum ejus; et dicat tibi: Ego scripsi tabulas tuas, cur delesti apices meos? Ego scripsi dona mea, quomodo delesti munera mea, et scripsisti opprobria tua! Non legisti quia scribo? Non tibi dixi per os Prophetæ mei: « Lingua mea calamus scribæ velociter scribentis (*Psal. xliv, 2*)? judicium autem Verbi est.

B 53. « Multi ergo dormientium in tumulo terræ surgent, qui bene egerunt, in resurrectionem vitæ: qui male egerunt, in resurrectionem judicii (*Joan. v, 28, 29*). Quod Daniel ait, « in vitam æternam; » hoc Salvator: « in resurrectionem vitæ, » dixit. Item quod ait Daniel: in opprobrium et confusio nem; » Salvator dixit, « in resurrectionem judicii. » Unde non expedit nobis ad judicium venire; et non expedit non venire; ne aut prædamnati videamur, aut in hac labe vitiorum subeamus tanti pondus judicii. Propheta rogat ne intret Dominus in judicium cum servo suo (*Psal. cxxii, 2*); quanto magis non judicium Domini timere debemus? Pone quia misericors Dominus ignoscet quanta prodentur quæ latere credebam? Qui pudor, quæ confusio erit mihi, cum his qui alios profitebar docere, ipse in eo deprehendar, in quo alios arguebam?

C 54. Et ideo quoniam et Salvator duo genera resurrectionis posuit (57), et Joannes in Apocalypsi

(57) Videtur hic non multum recedere sanctus Ambrosius ad opinionem Chiliastarum. Nolim autem

dixit: « Beatus qui habet partem in prima resurrectione (*Apoc. xx, 6*), isti enim sine judicio veniunt ad gratiam: qui autem non veniunt ad primam resurrectionem, sed ad secundam reservantur, isti urentur, donec impleant tempora inter primam et secundam resurrectionem: aut si non impleverint, diutius in supplicio permanebunt. Ideo ergo rogemus ut in prima resurrectione partem habere mereamur. Sunt qui resurrexerunt in passione Christi; et isti plane beati, qui acceperunt Christi gratiam, et audierunt vocem ejus de qua scriptum est: « Venit hora quando audient mortui vocem Filii Dei, et qui audierint, vivent (*Joan. v, 25*). » Et: « Ingressi sunt in sanctam civitatem (*Matth. xxvii, 53*). » Puto quod magis illam significet supernam, quam istam Jerusalem, quam reliquit, quam incusavit quod in istam pedibus, in illam autem supernam meritis intraverint.

55. Sed illud caveamus, ut hic positi surgamus de tumulo terræ. Sunt qui viventes sepulcro sunt circumdati et repleti mortuis, quorum guttus sepulcrum est, non loquentium verba vitae, sed mortis. Si hic resurrexerimus a mortuis, et illic resurgemus: si hic non fuerimus ossa arida; **764** sed acceperimus rorem Verbi, humorem Spiritus sancti, et illuc vivimus; sic hic nos excitaverit Jesus voce sua magna, ut excitavit Lazarum, et per discipulos suos solverit a vinculis mortis, et induxit in Bethaniam, ubi erat Lazarus, hoc est, in domum obediens, et adhibuerit hic convivio suo; et illic cum eodem recumbemus, et cum eo semper epulabimur, et ille nobis redolebit unguentum, quod solus proditor dolebat effusum.

56. (Vers. 5.) Ergo « impii non resurgent in judicio,» hoc est, in portionem eorum qui judicium subituri sunt: « nec peccatores resurgent in concilio justorum. » Vides quia surgunt impii, et non surgunt in judicio justorum, quia peccatores etsi non resurgent in concilio justorum, resurgent tamen in judicio. Unde videntur qui bene credi-

eam intelligas, qua Damascenus lib. *De heresibus* tradit. Origenistas docuisse, *Christi regnum tandem aliquando desitum, et simul angelos desituros*, neque etiam Gobari tritheistæ blasphemiam qua asservit *cum justis resurrectura quoque omnia animalia*, etc. Sed eam qua dicebantur *justi primum omnium revicturi, et cum Christo in summa pace ac voluptate regnaturi per mille annos; post quod spatium fieret resurrectio generalis atque universale judicium*. Quod quidem etsi Ambrosio tribuerimus non esset cur mirari quisquam deberet. Certum enim est in ea opinione non tantum Origenem cuius sententia subinde in scripta sua transluit sanctus noster; sed etiam complures alios fuisse magni nominis Patres tum Græcos tum Latinos. Horum reverentia eamdem sententiam damnare non ausi sunt Hieron. in *Jeremiæ xix, 11*, et August. lib. *xx, cap. 7*, qui hoc ipso loco satis declarat nihil in hoc dogmate sibi magis disdiscere, quam quod istic spiritales voluptates non admittentur; sed ab Ambrosio atque aliis quibusdam ipsas admitti potuisse hinc intelligi datur, quod

**A**derunt, et fidem suam etiam operibus exsecuti sunt, ipsi non judicari, sed surgere in concilio justorum peccatores autem qui non possunt inter justos surgere, surgent in judicio. Habes duos ordines. Tertius superest impiorum, qui quoniam non crediderunt, jam judicati sunt; et ideo non surgunt in judicio, sed ad poenam: « dilexerunt enim magis tenebras quam lucem (*Joan. iii, 19*); » et ideo judicium eorum poena est, et forte poena tenebrarum. Et poterat quidem intelligi quod ii qui mala opera habent, credentes tamen in Christum, volentes quidem recte vivere; sed victi illecebris peccatorum, dilexerunt plus tenebras quam lucem: id est, utrumque dilexerunt, sed magis tenebras. Sed quia de illis praemisit qui non crediderunt, sic accipendum puto quod dilexerunt tenebras, et non lucem; lux enim Christus est. Qui ergo non crediderunt luci, absurdum est ut lucem vel dilexisse credantur, quam nescierunt. « Nescierunt enim, neque intellexerunt, in tenebris ambulant, » sicut scriptum est (*Psal. lxxxvi, 5*).

57 (Vers. 6.) Sequitur: « Quoniam novit Dominus viam justorum, et iter impiorum peribit. » Adverte sensum: « Non resurgunt impii in judicio: quoniam novit Dominus viam justorum. » Vias eorum utique novit, quorum dirigit gressus; sunt enim gressus hominum, qui a Domino diriguntur. Diriguntur a Domino et viæ viri. Has novit Dominus vias, quæ sunt rectæ, quæ ad illam vitam tendunt dicentes: « Ego sum via, veritas, et vita (*Joan xiv, 6*). » Hæc bona est via: tortuosa autem est via saeculi. Non dignatur illam viam nosse. Illos enim agnoscit qui sunt ipsius, qui operantur opera ejus: qui autem operantur iniquitatem, his dicit Dominus: « Discedite a me, omnes operarii iniquitatis non novi vos (*Luc. xiii, 27*). » Non per ignorantiam, sed per id quod indigni sint scientia Dei, nesciuntur.

**765** 58. Pulchre autem ait: « Et iter impiorum peribit. » Speravit Latinus, ut iter diceret, et tan-

ipse Augustinus ibidem fatetur se illas dum prius cum millenariis sentiret, admisisse. Quod vero non obscure videtur hic et infra num. 56 atque alibi doceri omnes peccatores qui in Christum crediderint, post expurgata per ignem crimina salvandos esse, non modo Origenis aliorumque multorum ejusdem ætatis Patrum ea sententia fuit, verum et ipsiusmet Hieronymi lib. *i Adversus Pelag.* cap. 9, et alibi pluribus locis. Unde colligas errorem hunc illis temporibus needum ab Ecclesia liquido fuisse reprobatum. Sed cum Ambrosius præfat. in psal. *xxxvii, num. 2* absolute dicat: *Nam si hunc peccata gravia portaveris, illic, nempe in futura vita, requiem non habebis*; et alibi non dissimilia tradat: eum hoc loci non tam ex propria, quam ex memoratorum Patrum mente locutum possumus judicare. Porro de hac omni Chiliastarum doctrina qui plenius aliquid desiderabit, adeat Sextum Senensem *Bibliothecæ sanctæ* lib. *v, adnot. 233*, et lib. *vi, adnot. 347*, nec non P. D. Huctium *Origen.* lib. *ii, quæst, 9*.

quam discrevit iter a via; Græcus autem in utro-  
que viam dixit. Non otiose tamen Latinus, quia et  
Dominus: « Ego sum via, » dixit; non dixit: Ego  
sum iter. Perire autem iter impiorum dixit,  
non impios. Servat eorum substantiam, qui si  
convertantur, **766** solum iter impietatis amittent,

A quod nec ab initio fuit, nec erit. Quod accidentis  
igitur est perit: quod substantivum, manet.  
Pereunt autem impii, quomodo dicitur: « Anima  
quæ peccat, ipsa morietur (*Ezech. xviii, 4*): » ut  
peccati aculeo (58), non omni substantiæ suæ dis-  
solutione moriantur.

(58) *Mss. nonnulli, ut peccati vinculo.*

## IN PSALMUM XXXV ENARRATIO <sup>(59)</sup>.

### PRÆFATIO.

1. Dicturus Propheta in psalmo sequenti (60)  
quæ esset forma justi, ante formam expressit inju-  
sti. Neque enim possumus cognoscere quæ sit  
forma justitiae, nisi cognoscamus quæ sit iniquita-  
tis effigies; sunt enim sibi adversæ atque contra-  
riæ. Namque in altera simplex habitudo naturæ, in  
altera fallax versutia nequitiae: alia virtutum  
imagines præfert, alia vitiorum commercia præ-  
tendit (61). Convenire autem hunc ordinem et ipsa  
ratio docet: et si de contrariis sumenda sunt  
testimonia, ipsi doctores philosophiæ confessi  
sunt, dum sequuntur. Quis autem dubitet longe  
anteriorem Davidem Platonis fuisse temporibus,  
quem non solum magister ejus (62), sed nec avi  
quidem avorum ejus videre potuerunt: cum ille in  
principio regni fuerit Judæorum (quod per innumera  
annorum curricula propagatum est), iste post tem-  
pora captivitatis, quibus regnum gentis ejus jam  
fuerat dissolutum. Ergo ipse qui tenet in omnes  
sæcularis sapientiae principatum, cum diceret non  
posse formam justitiae comprehendendi, nisi ante  
discutiendam injustitiae seriem putavissent, exem-  
plum attulit quod ii qui velint aurum quærere,  
prius se luto obliniant. Aurum itaque justitia,  
iniquitas lutum est. Quod a nostris quoque prius  
dictum esse non dubium est, cum scriptum sit:  
« Ut lutum platearum delebo eos (*Psalm. xvii, 43*). »  
Et vere lutum; quia eos inquinat qui sibi appro-  
pinquaverint. Fugiamus ergo injustiam, ne luteis  
sordibus inquinemur, atque in ejus voraginem  
non pes noster exterior, sed, quod est gravius,  
mens nostra mergatur. Et philosophia quidem  
aurum se quærere dicit; sed luttum versat, quæ  
divinitatem quærerit in statuis; sed vasa figuli virga  
confringet. Nos aurum querimus, quo corpora  
nostra mundemus, mortificationem Jesu Christi in  
corpo nostro circumferentes; ut et vita Jesu Chri-  
sti in corpo nostro manifestetur. Bonum aurum,  
sanguis est Christi, dives ad pretium, profluus ad

B lavandum omne peccatum. Ordinem diximus, titu-  
lum consideremus.

2. (Vers. 1.) « In finem, inquit, servo Domini  
psalmus (63) David. » In toto psalteri corpore solus  
hic titulus est, quod psalmum servo Domini se scri-  
psisse testetur. Quis iste est servus Domini videa-  
mus: quid psalmi series significet: cui dictus hic  
psalmus sit? Audiamus ad quem loquatur: « Do-  
mine, inquit, in cœlo misericordia tua, et veritas  
tua usque ad nubes. Justitia tua sicut montes Dei,  
judicia tua abyssus multa. (*Psalm. xxxv, 6, 7*). »  
Cui hoc, nisi Filio Dei dicitur? Hæc enim non hu-  
manæ, sed divinæ sunt potestatis. Sed quid sibi vult  
quod servo Domini dici psalmum hunc **766** titu-  
lus declaravit (*Psalm. lxxxix, 4*), cum orationem  
Moysi hominis Dei maluerit, quam servi Domini in  
posteriore titulo nuncupare? quod ergo consilium  
Prophetæ fuerit non intelligo, vel potius ipsius Do-  
mini Salvatoris, qui locutus est in Prophetæ, Vere  
judicia ejus sicut abyssus multa, ut servo honorifi-  
centiam reservaret, sibi conditionem servitutis  
ascriberet. Videor mihi intelligere, videor hausisse  
aliquid de gratia spiritali. Adversus injustiam, ut  
diximus, psalmus hic scriptus est: et ideo plus  
gravatur injustia perfidorum, qui Christum Jesum  
Dominum recipere noluerunt, cum ille propter ipsos  
susceperit servitutem. Quid enim tam iniquum,  
quam ingratos fuisse tantis beneficiis; ut quibus  
ille salutem daret, hi sanguinem ejus effunderent?  
Denique alibi cum de sua passione loqueretur, ad  
acervandam Judaicæ impietatis invidiam sic ait:  
D « Ne avertas faciem tuam a puerō tuo: quoniam  
tribulor, velociter exaudi me... (*Psalm. lxviii, 18*).  
Pauper et dolens ego sum (*Ibid. 30*). »

3. Veni, Paule, interpretare nobis, qua ratione  
Dominus cœli atque terrarum se pauperem dixe-  
rit, et quæ sit ista paupertas. Tu certe illum divi-  
tem dixisti: quomodo idem dives et pauper est?  
Audiamus testimonium Pauli. « Scitis, inquit,  
gratiam Domini nostri Jesu Christi; quia propter

(59) *Scrip. post an. 393.*

(60) *Rom. edit. sola, in psalmo tricesimo quinto.*  
Minus bene; quandoquidem non hunc, sed tricesi-  
mum sextum Ambrosius indicatum voluit: quod  
utriusque psalmi argumentum consideranti pla-  
num erit.

(61) *Mss. aliquot, vitiorum commenta prætendit.*

(62) *Magister ejus id est, Socrates, ad quem a  
regno David effluxere, ex quorumdam chronologia,  
omni 633. Quod vero ad regni Judæorum duratio-  
nem, eam fuisse annorum 484 iidem tradunt.*

(63) *Rom. edit. prætermiserat vocem Psalmus,*

vos pauper factus est, cum dives esset; ut vos ejus in opia ditaremini (*II Cor.* VIII, 9). » Veni et tu, Isaia, interpretare nobis quomodo se dolentem dixerit Christus, qui dolores vulnerum sanare consuevit. Medicus venit, ut curaret ægros: quid ipse habuit quod doleret? Audiamus etiam Isaiæ testimonium. « Pro nobis, inquit, dolet: et nos æstimavimus eum esse in doloribus (*Isa.* LIII, 4). » Expressit medici affectum, qui, etiamsi ipse nullum vulnus habuit quid doleret, tamen compassus est vulneratis. Hoc igitur in psalmo Dominus exprobavit Judæis: Ego propter vos pauper, ego pro vobis dolens, et vos mihi manus impias intulisti dicentes: « Tollamus justum, quia inutilis est nobis (*Sap.* II, 12). Injiciamus lignum in panem ejus (*Jerem.* XI, 19). » Bene panem dixit pro carne ejus. Ille alimen- tum detulit, isti pro beneficio retulere supplicium. Non mirum ergo si esuriunt, qui sibi vitæ æternæ alimoniam denegarunt. Pulchre etiam duo ista junxerunt: « Injiciamus lignum in panem ejus. » Ne sciebant quid loquerentur Judæi, et mysterium loquebantur. Paradisum nobis crux reddidit Christi. Hoc est lignum quod Adæ Dominus demonstravit, dicens de ligno vitæ, quod esset in medio paradisi, edendum: de ligno autem scientiæ boni et mali, non edendum. Erravit Adam, mandata non tenuit, interdictum gustavit. **767** Per lignum cœpimus esurire; quia suum caro accepit alimentum. Ideo Dominus in Christo carnem junxit et lignum, ut famæ antiqua cessaret, vitæ gratia redderetur. Beatum lignum Domini, quod omnium peccata crucifixit: beata caro Domini, quæ victum omnibus ministravit!

4. De paupertate igitur et dolore Domini idonea, ut arbitror, sanctorum protulimus testimonia, quorum alter vidit et dixit, alter est electus ut diccret. Ipsorum igitur qui probati sunt, de servitute Domini testimonia iterum proferemus imo sua quæ de se ipse locutus in utroque est. Audiamus ergo quid dicat: « Sic dicit Dominus, qui fixit me ex utero servum sibi ad congregandum Jacob et Israel ad eum (*Isa.* XLIX, 5). Advertimus ergo quod propter congregationem populi, formam suscepit servitutis. Audis, Judæe, et de gratia contumeliam refers (64); et hoc ad perfidiam derivas, propter quod magis credere debuisti. Ad te vocandum venit, et conviciaris. Ex utero servum se dixit. Audi, Ariane, ex quo utero; paululum supra recurre: « Ex utero, inquit, matris meæ, vocavit Dominus nomen meum (*Isa.* XLIX, 1). » Quod nomen ejus sit, audiamus, quo eum Pater vocavit. « Ecce virgo in

**A** utero accipiet, et pariet filium, et vocabitur nomen ejus Emmanuel; quod interpretatur, Nobiscum Deus (*Isa.* VII, 14; *Math.* I, 23). Quod enim aliud nisi Filius Dei (65) nomen est Christi? Accipe aliud. Dixerat quidem et Gabriel ad Joseph de Maria. « Pariet filium, et vocabit nomen ejus Jésum (*Math.* I, 21). » Accipe Dei vocem: « Et tu, Bethleem Judææ, non es minima inter principes Juda, ex te enim exiet Princeps qui regat populum meum (*Mich.* V, 2). » Adverte mysterium: ex utero Virginis idem et servus exivit et dominus; servus ad operandum, dominus ad imperandum; ut regnum Deo in hominum mentibus radicaret. Utrinque unus, non alter ex Patre, et alter ex Virgine; sed idem qui ante sæcula ex Patre, ipse postea carnem suscepit ex Virgine. Ideo ergo et servus vocatur, et Dominus; propter nos servus: sed unitate divinæ substantiæ Deus ex Deo, Princeps ex Principe, æqualis ex æquali; neque enim degenerem genuit in quo se ipse complacere memoravit (*Math.* III, 47).

5. Magnum, inquit, tibi est vocari puerum meum, ut statuas tribus Jacob. Servat ubique suæ vocabula dignitatis. Magnus Deus, et magnus puer: nec in carne magnitudinis suæ nomen amittit, cuius magnitudinis nullus est finis. Meritoque securus, « cum in forma Dei esset, ut Apostolus dicit, non rapinam arbitratus est esse se æqualem Deo: sed semetipsum exinavit, formam servi accipiens, in similitudinem hominum factus, et specie inventus ut homo; humiliavit semetipsum, factus obediens usque ad mortem, mortem autem crucis (*Philipp.* II, 6-8). Hic est ergo æqualis quasi Dei Filius, hic servi formam in carne suscepit, hic mortem gustavit, cuius magnitudo non habet finem; quia finis legis est Christus adjustitiam omnium credenti: ut in ipsum omnes credamus, hunc intimo adoremus affectu. Bona servitus, quæ omnes liberos fecit: **768** bona servitus, quæ nomen super omne nomen acquisivit; bona humilitas, quæ fecit ut in nomine ejus omnes genu figant, cœlestium, terrestrium, et inferorum; et omnis lingua confiteatur quoniam Dominus Jesus in gloria est Dei Patris. In hunc ergo finem dirigitur hic psalmus, ut et nos servi simus ad justitiam, non superbi ad arrogantiam. Servitus enim stipendium libertatis est (66); stipendium autem mortis arrogantia est. Sed jam ipsam psalmi seriem adoriamur.

#### ENARRATIO.

6. (Vers. 2.) « Dixit injustus, ut delinquat sibi. »

(64) Cod. duo, *contumelium seris*.

(65) Rom. edit. sic verba illa contraxerat, *Quod nomen quid aliud est nisi Filius Dei?*

(66) Omnes edit., *Servitus enim stipendium libertas est*; omnes mss.. *Servitus enim stipendium libertatis est*. Iterum edit. Rom. sola, *stipendium autem arrogantiæ mors est*; aliæ ac mss. ut in textu. Sed ut locus hic alioquin obscurus intelligatur, *advertisendum allusionem fieri ad militiam, in qua*

post certum stipendiiorum, id est annorum, numerum missio dabatur militibus. Sic ergo interpretamur: Servitutem sequitur libertas, et mors arrogantiam; quemadmodum post emerita stipendia missio conceditur: vel brevius, servitus libertati militat, morti arrogantia. Et hunc sensum satis indicant antecedentia illa: *Bona servitus*, etc.

Quid dixerit, non expressit, et ideo sic intelligendum arbitror, quia quidquid dicit injustus, peccatum est. Omnis enim iniquitatem, peccatum; quoniam ubi organum vitiosum, quomodo potest cantus non esse vitiosus? Degeneris materiae decolor partus est. Quidquid ergo loquitur injustus, iniquitas est, quae in suum refertur auctorem, sicut viperæ partus, qui primo suam scindit parentem, ut frequens sermo est (*De Tobia*, cap. 12, num. 41. et inf. *Psalm. xxxvii*, num. 8). Sibi ergo delinquit. Nihil hac sententia sublimius dictum arbitror. In illis qui sibi sapientiam sæculi vindicarunt, nihil tale legi; nihil tale cognovi. Nec mirum, quandoquidem illi humano ingenio locuti sunt, hoc infudit Spiritus Dei, Spiritus veritatis: quia injustus sibi delinquat, sibi generet vulnera, se ipse confodiat. Nam sicut spinæ nascuntur in manu ebriosi, ut Scriptura asserit (*Prov. xxvi*, 9), ita et injusti sermone nascuntur, quæ compungant loquentem. Loquitur injustus, et interior ejus conscientia vulneratur; quia in omni sermone quem loquitur, nou est fraudis immunis. Cujus enim gravior est poena, quam propria, cum pro omni sermone det penas? Serpens aliis infundit venenum, injustus sibi: in eum enim refunditur quidquid effuderit. Injustus igitur et aliis inutilis, et sibi noxius: justi autem vita fructuosa aliis, et sibi dulcis. Dicit enim Salomon: « Fili, si sapiens eris, tibi sapiens eris, et proximis; si autem malus evaseris, solus hauries mala (*Prov. ix*, 12). »

7. Advertimus ergo quia justitia aliis est potius nata, quam sibi: commune commodum, non suum exspectat; et alienum bonum pro suo dicit emolumento. Beata et præclara justitia, ejus bonum omnibus proficit: ex uno plerumque ad plures proficiscitur, atque ad omnes pervenit. Justus David, qui parcerat inimico, et malebat innocentiam suam, quam vitam tueri; ne malo publico vindicaretur, atque appetendi principis in malis quoque causis aliis exemplum ederet, cum ipse vindictam de insidiatore sumpsisset. Justus Abel, qui de ovinis suis quas ei Dominus dederat, primitias, Domino putaverit offerendas; et ideo plus placuit Deo, quia moram non fecit, devotionem probavit. Sed hoc impius ferre non potuit, justitiæ prævaricator, radix iniquitatis; et ideo fratrem occidit, quia hostia ejus Deo magis quam oblatione sua fuerat comprobata. Sed **769** ille occisus Deo loquebatur in voce sanguinis sui, hic vivus a facie Domini repellebatur; et cum adhuc a Domino penæ cessarent, torquebat eum suorum conscientia peccatorum. Latebat miser tremens; et timens; et cum adhuc percussor decesset, ipsa sese injusti vita cruciabat. Accepit signum, ne eum aliquis occideret: non ut vitae suavitate frueretur, sed ne mors auferret ærumnam: ut percussorem suum quotidie timendo pateretur. Meruerat quidem ut percussor inhibere-

**A** tur; sed sine ulla intermissione ipse sibi suus carnifex erat, ipse percussor.

8. Quæ poena major quam timere quod vitare non possis, nec quod timueris, evadere? Unde præclare David exprimens conventionem gravissimam conscientiæ peccataricis ait: « Quoniam iniquitatem meam ego cognosco, et delictum meum contra me est semper (*Psalm. L*, 4). » Offunditur enim nobis ultrix nostri imago peccati; nec quietum reum suum esse permittit, inferens miseram servitutem: atque in sua vincula trahit, ut enodare se non queat; quoniam volens ipse se vendidit, cui liberum erat delictorum æra non capere, et libertatem innocentiae reservare. Itaque dum oramus, peccatum offunditur: ubi somno sensus se corporis relaxaverit, peccatum recurrat. Semper nobis error noster tanquam malus exactor occurrit, vel tanquam improbus fenerator conveniens debitorem. Unde Dominus ait: « Qui facit peccatum servus est peccati (*Joan. VIII, 34*). » sed justus novit quemadmodum peccatorum suorum vincula dissolvat, nec exspectat accusatorem, sed prævenit ut confitendo suum allevet omne delictum; ne habeat quod adversarius criminetur. Ideoque Scriptura tibi dicit: « Justus in principio sermonis accusator est sui (*Prov. xviii*, 47). » Vocem enim eripit adversario, et quasi dentes quosdam paratos ad prædam criminationis infestæ, peccatorum suorum confessione constringit (67). Dixit Judas Iscariotes ut delinqueret sibi. Quid dixit: « Quem osculatus fuero, ipse est: tene te eum (*Matth. xxvi*, 48). » Hoc dixit, et se ipse proprio ore egit in mortem. Quantos putamus in ipso fuisse tortores, ut sibi ipse tam gravis poenæ exactor incumberet, et semetipse laqueo strangularet?

9. « Dicit injustus ut delinquat sibi. » Locutus est justus: « Ecce ego peccator male feci (68), et grex iste quid fecit (*II Reg. xxiv*, 171)? Et remissum est omne peccatum. Dixit ergo justus, et sibi profuit. Dixit Cain: Numquid ergo custos sum fratri mei (*Gen. iv*, 9)? » Et sibi ipse mentitus est. Dixit Ananias omnes venditi sui ruris pretium protulisse, et mentitus est sibi, qui potuit minus offerre sine fraude. Ideoque præclare ait: « Et mentita est iniquitas sibi (*Psalm. xxvi*, 12). » Sibi enim ante mentitur, cum in suum mentitur exitium; sibi delinquit, qui sibi innocentia eripit suavitatem. Qui enim puritate et simplicitate corporis dulcior fructus? Quis cibus suavior, quam is quem animus bene sibi concili, et mens innocentis epulatur? At vero iniquitas velut quodam plumbeo-talento, ut Scriptura testificatur (*Zach. v*, 6), conscientiam gravat. Meritoque David ait: « Sicut onus grave gravatæ sunt super me (*Psalm. xxxvii*, 5). » Et Salomon: « Sicut uva acerba dentibus, **770** et fumus oculis, ita iniquitas omnibus utentibus ea (*Prov. x. 26*). » Gravis poena quæ cibum impedit, aspectum obducit; et, quod est amplius, oculis mentis internæ tenebrosam offundit caliginem, ut quæd

(67) Nonnulli mss., *confessione confringit*.

(68) Rom. edit., *Ecce ego pastor male feci*.

verum est, videre non possit injustus, Ideoque delinquit sibi, qui sibi quæ pretiosa sunt, eripit.

10. « Dixit ergo injustus ut delinquat sibi. » Justus autem loquitur, ut aliis et sibi prospicit; ille loquitur ad perniciem, hic loquitur ad salutem. De justis vero et fidelibus dictum est: « Corde creditur ad justitiam, ore autem confessio fit ad salutem (*Rom. x, 10*). Illius lingua vulnerat, lingua autem prudentum sanat. Unde cum expostularet David cum rege Saul, quod oblitus beneficii, salutis ingratus eum persequeretur ad mortem, a quo toties jam videret se esse servatum; et vitam ejus appeteret, qui vitam suam pro regis salute periculis obtulisset, ait sibi fructum non perire justitiæ, qui insidiatorem suum in manus suas a Domino sibi traditum non peremisset (*I Reg. xxiv, 14*). Ab injustis iniquitas prodivit, venenum a serpentibus effusum est, venenum et iniquitatis arma perierunt.

11. Ideo scriptum est: « Dixit injustus ut delinquat sibi. » Quid dixit? « Ponam thronum meum super nubes, et ero similis Altissimo (*Isa. xiv, 14*). » Effectum non habent verba, sed peccatum habent. Inanis quidem pompa jactantiæ; sed superbiae spiritus criminosis non timet convicio maiestatem violare divinam. Etenim si ullus Dei timor ejus inesset affectui, non in conspectu Dei plena doli gerenda sibi ausu temerario credidisset, quasi Deus non possit occulta cognoscere, qui scrutator est internorum. Spectat omnia Deus; nihil est quod eum prætereat, nemo qui fallat: cui omnia præsentia quæ futura sunt, et manifesta quæ latent. Etenim si sol iste mundanus clausis plerumque domiciliorum habitaculis suum lumen interserit; quanto magis Deus summus, æternus. etiam secreta penetralia mentis humanæ, atque omne angelorum consilium scientia sua scrutatur, et prævenit? Quid ergo aliud agit injustus, nisi ut iniquitatem sibi querat et odium?

12. Sic enim scriptum est (*Vers. ii, 31*): « Non est timor Dei ante oculos ejus: quoniam dolose egit in conspectu ejus, ut inveniret iniquitatem suam et odium. » Quid enim inveniret? Omnis enim qui querit, invenit: ergo si malum queritur, agitur ut inveniatur (69). Sed quemadmodum lau-

(69) MSS. duo, *ergo et malum queritur, ut inveniatur*; unus. *ergo sic malum*, etc.

(70) Sic mss. Vic. et Colb. a quibus Reg. atque edit. hoc tantum discrepant, quod infra legit ille, *cum quo peccata sua copulans*: hæc autem, *cum quo despcta suam copulam*. Alii denique locum præferunt in hæc verba, *quæ Herode Romam adusque tendente quasi germano mariti hospitii et offinitatis jure suscepto cum quo de pacata sua cœpula tractans non multo post*, etc.

(71) Natalem diem quotannis summa hilaritate celebrare olim apud multos populos in more fuit; sed illum præcipue proceres ac reges per epulas et convivia splendida agitabant. Hujuscem vetustatem consuetudinis declaravit Moyses, Gen. cap. iv, vers. 20, ubi natalitium epulum a Pharaone exhibitum memoravit. Quod tamen convivium, non

A dabilis est ille, qui bonum quod quæsivit, invenit, ita inveniabilis qui laboravit ut malum quod quæsierat, inveniret; bonis enim rebus, non flagitiis atque criminibus laborem nostrum nos oportet impendere. Quid igitur nisi summæ stultitiae atque dementiae est, odium querere, iniquitatem malis artibus invenire, quam bonus nemo quæsivit?

13. Quomodo igitur improbi iniquitatem suam et odium querant, consideremus. Nempe Herodias erat tetrarchæ Philippi legitimæ nexa conjugio, regiæ abundans opibus potestatis: quæ Herodem Romam adusque tendentem quasi germanum mariti (70), hospitii et affinitatis jure suscepit; cum quo depacta suam copulam, non multo post relicto viro, consortii sui jura mutavit. 77 Nonne ea quæsivit iniquitatem et odium, quæ conjugium deseruit, ut inveniret adulterium? Et quia sanctus Baptista nuptias illicitas constanter increpuit dicens Herodi: « Non licet tibi uxorem habere (*Marc. vi, 18*), quæ maritum contra legem reliquit, et fratri mariti quasi ex lege convenit; commota est adultera, ut eum vellet occidere. Sed cognito quod Herodem ad necem justi non facile posset inflectere, excogitavit qua via istud efficeret, Natalis erat Herodis (71) quem luxu nimio, ut plerisque regibus mos est, celebrare consueverat. Adornavit filiæ, ut in convivio regis pignus regale saltaret. Et cum placuissest Herodi, quod displicere debuit patruo, obtulit ei, ut quod vellet præmium pro saltationis opprobrio postularet. Matrem illa consuluit, cujus impulsu caput Baptistæ poposcit.

C Victus Herodes, quia sacramento se constrinxerat daturum quidquid neptis propria petisset, jussit occidi Joannem, et caput ejus afferri. Quod allatum puellæ dedit, et illa matri suæ pertulit. Verum est ergo quod iniquitas et odium requirantur: quandoquidem ea mulier, quod facili petitione impetrare non poterat, pravis artibus excogitatæ fraudis elicuit.

14. Quid de Juda proditore loquar qui quæsivit avaritiam, et invenit sacrilegium dicens: « Quid mihi dabitis, et ego eum vobis tradam (*Matth. xxvi, 45*)? » Nec expletus pauperum spoliis, ad plenitudinem criminum gravissimorum crimina ferendo pervenit, pia miscens charitatis sacramenta

D secus ac Herodianum Hugo Grot. ad utrumque locum mavult die aëspicati regni, quam initæ vitæ celebratum. In conviviis autem solitos adhiberi saltantium choros res est communior, quam ut debeat adnotari; sed illud non ita obvium quod Ambrosius memorat adornatam fuisse Herodiadis filiam, *ut pignus regale saltaret*. Nam etsi, teste Luciano *De saltatione*, non fuerit ἐναγώνιος ἡ ὁρκηστική, tamen hic videtur significari præmium proponi solitum puellis saltantibus in conviviis, sicut forte non semper determinatum; ut quæ illud esset promerita, majus vel minus acciperet, quo majus vel minus placuissest. Est autem idem *saltare pignus regale*, ac saltare saltationem pignoris regalis, quemadmodum apud Horatium *saltare cyclopæ*, non aliud est quam saltare saltationem Cyclopis.

flagitiis, cum diceret : « Quem osculatus fuero, ipse est : tenete cum (*Ibid.* 48) ; » ut vere de eo dictum dubitari non queat : « Verba oris ejus iniquitas et dolus (*vers.* 4). » Oscula labiis ferebat, offundebat venena pectoribus ; meditabatur acerba supplicia, gratiae pignus afferebat.

15. Bene de eo prophetia addi fecit : « Noluit intelligere ut bene ageret (*vers.* 4) : » non enim per naturam deliquit, sed per voluntatem. Denique Apostolus erat, audiebat quotidie divina mandata, discebat coeleste mysterium, potuit intelligere ut bene ageret, si voluisset. Videbat sanari paralyticos, cæcis refundi lumen, mortuos resuscitari ; num debuit intelligere quod Deus esset, qui talia posset operari ? Sed intelligere noluit, quia avarus homo et pecuniae intentus a cognitione divinitatis vigorem suæ mentis avertit. Unusquisque enim qui se flagitiis ingurgitaverit, non vult intelligere quæ cœlestium mandatorum sunt, ne revocetur a vitiis. Vide illum fugientem intelligere, qui ait : « Tenebræ operiunt me, et circumdant parietes : quis scit an videat Dominus (*Eccl.* xxiii, 26) ? » Non vult enim quærere et invenire, quod Deus omnia videat atque cognoscat : ne metu retrahatur a crimen. Vide regem Achab petentem a Nabuthe vineam ejus : cognoscere respondentem illum : « Absit ut cedam hæreditatem patrum meorum (*III Reg.* xxii, 3). » Non debuit intelligere quod justa referret. « Sed noluit intelligere ut bene ageret, » et aliena non 772 quæreret. Non debuit intelligere quod vero Elias Deo serviebat, cum videret in verbo Eliæ clausum cœlum tribus annis et tribus C mensibus, et ad preces ejus pluvias esse demissas ut arida omnia rigarentur ? Sed noluit intelligere, ne perfidiam condemnaret, sequeletur fidem.

16. (*Vers.* 5.) Quin etiam « Iniquitatem meditatus est in cubili suo, » ubi verum quærere debuisse. In cubilibus enim compungere nos debent nostra peccata, non in ipsis delinquendo committi, dicente Propheta : « Quæ dicitis in cordibus vestris, et in cubilibus vestris compungimini (*Psal.* iv, 5.). »

17. « Astitit, inquit, omni viæ non bonæ, malitiam autem non habuit. » Non enim immerito injusta meditatur, qui in via erroris assistit, et malitiam diligit, quam odisse deberet. Plus dixit, « astitit : » quasi jamdudum in via nequitiæ, diurna statione, permaneat. Ille enim beatus qui in via peccatorum non stetit (*Psal.* i, 1), non is qui in ea stare non desinat. Et ideo prima præcepta sunt sancti prophetæ David, impietatem fugere, in peccato non stare, in lege meditari ; ut intelligas quæ bona sunt, et justa atque injusta secernas. In omnibus igitur radix est spectanda gignendi, ne eam inutilis ab exordio succus inficiat, gravioraque multo sunt, animorum vitia, quam virgultorum. Cavendum ergo præ cæteris, ne humano ingenio malitiæ usus inolecat, atque omnis ætas secutura

A degeneret : arbor enim mala fructus malos facit. Nam si plerumque quod nolumus, hoc agimus, et vitare non possumus ; et quod odio habemus, hoc facimus, victi quadam aut delectatione flagitii, aut obreptione peccati : quomodo possumus vitare quod amamus ? Astringimur et inviti quomodo possumus voluntarii non teneri ? Vix se exsolvit Paulus erroribus quotidiana decertatione luctando, ut vinculis captivitatis exutus, per Christi gratiam servatur ; et tu putas quod assistendo delictis possis ad cœlestium reprobationum merita pervenire ? Luctando corona quæritur, non reluctantando ; studio, non refragio camparatur. Certanibus quoque divinae misericordiae suffragia postulanda sunt, ut corona justitiae pro laborum meritis deferatur. -

B 48. (*Vers.* 6, 7.) Denique quid sequatur consideremus. « Domine, inquit, in cœlo misericordia tua ; et veritas tua usque ab nubes. Justitia tua sicut montes Dei ; judicia tua sicut abyssus multa. » Nonne hunc locum secutus est Paulus ut diceret : « Infelix ego homo ! quis me liberabit de corpore mortis hujus ? Gratia Dei per Jesum Christum Dominum nostrum (*Rom.* vii, 24, 25). » Ubi enim mens humana turbatur, et certaminum dura atque aspera nos fatigant, Domini auxilium postulandum est. Ideoque conversus ad Dominum, ipsum invocat et implorat, ut laborantibus adjutor assistat. Misericordia ergo peterenda de cœlo est, et veritas Dei ex prophetarum oraculis colligenda, qui quasi nubes mysteria divinae cognitionis obtexunt (72). Posuit enim tenebras 773 Deus latibulum suum, ut primo pluviam mysticæ fertilitatis accipias, et tunc infusus rore cœlesti fulgorem reseratæ lucis agnoscas, ut possis dicere : « Ex plenitudine ejus accepimus (*Joan.* i, 16). » Quis enim potest secreta Dei facile comprehendere, cujus « justitia sicut montes Dei, » vel (sicut Aquila posuit) « ut montes validi ; » eo quod validæ virtutis plena præcepta sint. Unde et Apostolus videns esse sublimia quæ audivit, dicit : O altitudo divitiarum sapientiae et scientiae Dei ! quam inscrutabilia sunt judicia ejus et investigabiles viæ ejus ! Quis enim cognovit sensum Domini ? Aut quis consiliarius ejus fuit (*Rom.* xi, 33, 34) ? » Altitudinem itaque divitiarum sapientiae retulit ad altitudinem montium. Audi quorum montium. Ipse enim Dei Filius mons magnus est ; et ideo ascende in hunc montem qui evangelizas Sion (*Isa.* xl, 9), ut stes radicatus et plantatus in Christo. Est mons quasi sapientia Dei, est mons quasi justitia, est mons quasi scientia Dei, est mons quasi sanctificatio, est mons quasi redemptio, est mons quasi resurrectio. Demonstravit nobis hos montes Scriptura, quæ dixit : « In ipso autem vos estis in Christo Jesu, qui factus est sapientia nobis a Deo, et justitia, et sanctificatio, et redemptio (*I Cor.* i, 30). » Vel quia angelis angelus factus est Dei Filius, prophetis propheta ; cujus judicia sicut abyssus

(72) *Mss. aliquot, divinæ cogitationis obtexunt.*

multa. Audi bona : « Abyssus abyssum invocat in voce cataractarum (*Psal. xli, 8*) ; » id est, Scriptura Veteris Testamenti, Novi advocat seriem Testamenti ad consummationem sanctificationis et plenitudinem gratiae, sonitu quodam atque profluvio redundantiae spiritalis.

19. (*Vers. 8, 9.*) « Homines et jumenta salvos facies, Domine ; sicut multiplicasti misericordiam tuam, Deus. Filii autem hominum in protectione alarum tuarum sperabunt. Inebriabuntur ab ubertate domus tuae, et torrente voluptatis tuae potabis eos. » Quid est, « homines et jumenta ? Rationabiles utique, et irrationabiles. Rationalibus judicia, irrationabilibus misericordia. Alii reguntur, alii nutriuntur. Ideoque addidit : « Filii autem hominum in protectione alarum tuarum sperabunt, » id est, non generatio viperarum, sed filii hominum, qui ad imaginem et similitudinem Dei vivunt ; non in pascuis, sed in conviviis collocantur : alii enim in loco pascuorum, alii in privilegio sacramentorum. Imperfectis succus lactis, perfectis mensa refectionis, de qua dixit : « Parasti in conspectu meo mensam (*Psal. xxii, 5*) ; in qua panis vivus, id est, Verbum Dei ; in qua oleum sanctificationis, quo impinguatur caput justi, et sensus firmatur interior ut aboleatur oleum peccatoris ; in qua etiam « poculum inebrians, quam praeclarum, vel, quam validum (*Ibid.*) ! Κράτιστον enim dixit Græcus vel potens, vel forte, vel validum ; validum enim, quo abluuntur flagitia vel delentur. Bona ergo ebrietas poculi salutaris. Sed est alia ebrietas de redundantia Scripturarum. Est et alia ebrietas per infusionem Spiritus sancti. Denique illi qui diversis linguis in apostolorum Actibus loquebantur (*Act. ii, 4, 13*), musto pleni audientibus videbantur. Domus ergo Ecclesia est ; ubertas domus, redundantia gratiarum, torrens voluptatis, Spiritus sanctus.

774 20. Nec te nomen aut mos torrentis offendat, quod aliquando aridior aut exilior sit, ut ejus soleant fluenta cessare. Cessavit et hic noster, cessavit aliquando torrens profluvii spiritalis in populo Iudeorum. Quid dicam, torrens cessavit ; cum mare cessaverit, sicut lectio hodierna nos docuit, dicente Domino : « Ecce ergo increpatione mea desolabo mare, et ponam flumina deserta, et arefient pisces eorum (*Isa. i, 2*), » utique Iudeorum suæ ariditate perfidiæ, ut enatare non possint ? Cessavit ergo torrens propter Synagogæ sacrilegia ; quia erat illa plebs sive arida, sterilis operibus, captiva peccatis. Quid enim flueret non bibentibus, sed contaminantibus sacros meatus, cum ipsum fontem necarint (73) ? Bonus torrens, qui illis cessavit, ut nobis abundaret, et sitim humanæ cupiditatis averteret, sicut torrens in austro.

(73) Ita edit. et mss. aliquot. Alii autem plures, fontem negarint. Et infra ubi edit. vet. in margine, Rom. in corpore ac pauci mss. et sitim humanæ cupiditatis ; ali majori numero, et sitim humanæ captivitatis.

A Unde et Scriptura dicit : « Surge, aquilo, et veni, auster (*Cant. iv, 16*), » qui arbusculas paradisi perflare consuevit.

21. Diximus sensum, etiam elocutionem consideremus, cur « torrentem voluptatis, » dixerit « potatis eos, » et non torrente, quasi de torrente ; nisi quia aviditatem bibentium voluit exprimere, quasi torrentem ipsum vellent ebibere, si possent ? Hic est forsitan torrens voluptatis quem in Genesi legimus (*Gn. ii, 10*), fontem qui abluit paradisum, et dividitur in quatuor flumina, quæ circumdeunt totam terram. Ex hoc enim fonte virtutes profluunt spiritales, prudentia, temperantia, fortitudo, iustitia. Bonus fons gratiae et splendoris ejusdem atque naturæ, cuius est illud flumen de quo in posterioribus dicitur : « Fluminis impetus laetificat civitatem Dei (*Psal. xlvi, 5*). »

22. (*Vers. 10, 11.*) Aptissime itaque substituit : « Quoniam apud te est fons vitae : et in lumine tuo videbimus lumen. Prætende misericordiam tuam scientibus te, et justitiam tuam iis qui recte sunt corde. » Etenim post commemorationem cœlestium beneficiorum, jure gratiae referuntur auctori Domino nostro Jesu Christo, qui fons vitae irriguus æternæ descendit in terras, ut ariditatem nostri pectoris irrigaret. Idem est splendor gloriae Dei Patris, et imago substantiæ ejus ; et ideo in lumine ejus vero, quod illuminat omnem hominem venientem in hunc mundum, videbimus, inquit, Patrem ; quia Deus lux est. Recte etiam dicitur : « In lumine tuo videbimus lumen : » secundum illud : « Qui me videt, videt et Patrem meum (*Ioan. xiv, 9*). » Apud te ergo, Fons vitae, præsentem videbimus Patrem. Sicut enim tu apud Patrem eras in principio Deus Verbum : ita apud te semper est Pater, qui in te est. Est enim apud ipsum, in quo est. Prophetatur autem adventus Domini Salvatoris, qui venturus in terram diceret (74) : « Ego et Pater unum sumus (*Ioan. x, 30*) ; id est, unum sumus lumen, sicut unum nomen. Per luminis et nominis unitatem ambo unum sumus ; imo Trinitas unum in unitate substantiæ, sed distinctione uniuscujusque personæ. Trinitas distinctionem significat personarum, unitas potestatem. Potest et ad Patrem dici : « Quoniam apud te est fons vitae, » id est, in te ex quo vita processit, erat Verbum, et semper erat, quia apud te erat. Omnia per ipsum et in ipso facta sunt ; et ipse est 775 vita universorum, et ipse te nobis manifestavit, ut corda hominum ad cognitionem tuae majestatis illuminentur.

23. « Prætende ergo misericordiam tuam scientibus te. » Prærogativa prætenditur, ut mereantur misericordiam quibus cognitionis tuae meritum suf-

(74) Ms. Thuan., *Propheta autem adventum Domini Salvatoris in spiritu prævidens, cui nisi ei qui venturus erat in terra, diceret apud te est fons vita, et in lumine tuo videmus lumen. Unde et Salvator in Evangelio dicit : Ego, etc.*

fragatur. Denique in posterioribus etiam vilioribus personis studium scientiae agnoscimus suffragatum, dicente Domino : « Memor ero Rahab et Babylonis scientibus me (*Psal. LXXXVI, 4*) ; » id est, meretricis illius Rahab, et confusionis illius memor ero apud scientes me, vel inter ipsos ; quia meretrix illa me agnovit, quem populus non agnovit. Inter illos (75) ergo qui me sciverunt, commemorabitur Rahab, ut dignum fidei præmium adipiscatur. Unde et in Evangelio dictum adverimus : « Meretricis et publicani præcedent vos in regno cœlorum (*Matth. xxi, 31*). Sed quia invalidi sumus ad exsequendum, licet devoti ad credendum : tu, prætende misericordiam tuam in te credentibus, quo devotioni et fidei facta quoque nostra convenient ; nec studium mentis nostræ destituat corporis hujus infirmitas, sed in ipsis temptationibus et infirmitatibus gloriemur, in quibus gloriabatur Apostolus dicens : « Liberalissime itaque magis gloriabor in infirmitatibus meis, ut prætendat in me virtus Christi (*II Cor. XII, 9*). »

24. (Vers. 12, 13.) Pulcherrime itaque addidit : « Non veniat mihi pes superbiæ, et manus peccatorum non moveant me. Ibi ceciderunt operantes iniquitatem, expulsi sunt, nec potuerunt stare. » Superius quidam accipiunt torrentem voluptatis tuæ in temptationibus fortitudinem, sicut est martyrum, in quibus placuit Deo exhibere sibi suavis, et grati certaminis voluptatem. Etenim si hiemes pro temptationibus accipiuntur : unde et orandum Dominus admonet, ne fiat nostra hie-  
me aut sabbato (*Matth. xxiv, 20*) : hoc est vel in tentatione, vel otio ; hieme autem crescit torrens, et adimpletur, atque intumescit : torrens utique pro graviore tentatione potest accipi, quæ est in persecutionibus. Et ideo bene torrens voluptatis dicitur, quia ubi superabundavit peccatum persecutionis, superabundavit et gratia confessio- nis.

25. Vide virtutem propheticæ distinctionis. Primo injustum exposuit, qui vel in corde suo, vel in sermone dicit, ut sibi delinquat, vel in se delinquit ; habet enim Græcus codex, *εἰ εὔτῷ*, id est in se ipso, sed non omnes. Et forte ideo, quia « insipiens in corde suo dixit quia non est Deus (*Psal. XIII, 1*). » Ne forte et injustus intra se dicat, et intra se delinquit, licet Deum palam negare de mentis sit ; in justitiam autem plerique pro laude profitentur. Rapere enim, nocere etiam iis qui non læserint, et circumvenire plerique sibi existimant gloriosum. Ergo primo injusti vitam exposuit, postea sacramentum divinæ cognitionis adjunxit ; ut timentes Deum, iniquitatem et in justitiam declinemus. Precepit addidit, ut ab injustorum consortio justos suos liberare digne-

(75) MSS. Reg. Remig., Long, Valc, et Thuan., quem populus non cognovit, ut electus. Inter illos etc.

(76) Cod. Reg., Quomodo ergo in tenebris viator incedens ; Remig., Long., Valc. et Thuan., Quo-

A tur ; ut in iis quoque qui mundo sunt' cordæ, iustitia divina prætendat, quasi speculatrix pia ; ne nobis peccatorum velut hostium incursum obrepat, et capiat dormientes. Ideo vigilandum est, semper castra **776** Domini munienda sunt : quia nocte advenit inimicus et adversarius, quando somno sensus tenetur, cibo corpus distenditur. Orandum ut iustitia Dei prætendat in nobis, quæ in infirmitate positos faciat fortiores, ut possit unusquisque nostrum dicere : « Cum infirmor, tunc potens sum (*II Cor. XII, 10*). »

26. Deinde etiam specialiter pro se orat, ut nos doceat, quemadmodum orare debeamus ad Dominum : (vers, 12). « Non veniat, inquit, mibi pes superbiæ, » id est non in superbiam incidam. Denique et alibi meminit sui dicens : « Si non ambulavi in magnis (*Psal. CXXX, 1*). » Hic oravit, ibi implevit : non implesset, nisi orasset. Cavenda superbia, quæ etiam in prosperis supplantat. Denique gravius Adam in paradiiso cecidit, quam si cecidisset in terra. De altissimis cadere, præcipitum est : in planis lapsus vocatur. Ideo pes errat superbi, quia caput non tenet ; oculi enim sapientis in capite ejus. Non mirum ergo si errat vestigium, ubi oculus non habetur. Præcedat oculus, ut pes sequatur. Quomodo enim in tenebris viator incederet (76) ? Cito pes offendit in nocte, si quasi quidam mundi oculus viam luna non monstraret. Et tu in nocte es sæculi, monstrat tibi Ecclesia viam; ex alto te iustitiae sol illuminet, ut lapsum timere non possis.

27. Et quia pedem dixerat superbiæ, addidit : « Et manus peccatorum non moveant me. » Etenim sicut sancti membra sunt Christi, ita impii membra sunt diaboli. « Manus peccatorum non moveant me, » id est, actus eorum qui peccant, non me de iustitiae statione dimoveant. Plerumque enim dum videmus peccatores prosperis abundare successibus, nutamns affectu, et quasi quadam peccatorum manu de radice virtutis avellimur. Cavendum ergo ne quos in domo Dei manus divina plantavit, manus adversa supplantet. Pulchre tamen hoc dicit, qui a persecutoribns verberatur. Qui autem moventur de radice sua, qua jam Christo inhæserant, cadunt.

28. Vers. 13.) Unde addidit : « Ibi ceciderunt qui operantur iniquitatem. » Quid est, *ibi* ? Utrum ubi est superbia, ubi est manus peccatorum ? An ubi stabant, ubi erant ante plantati ; ibi ceciderunt ? An in vicino, an in continentí, quasi in ipso tempore, in ipso loco ? Et videtur ambiguum. Sed alibi docemur qui sit *ibi*, ubi dicitur : « Ibi dolores sicut parturientis (*Psal. XLVII, 7*). » Bonus dolor ei cui partus (77) est fidei, quo Christus in Ecclesia formatur, te nascitur. Et alibi dicit :

*modo ergo si in tenebris viator incedat. Non male ; tamen edit. atque alii mss. melius.*

(77) Cod. Thuan, *Bonus dolor, et bona via partus* ; cui accedunt alii quatuor, in quibus tamen vox bona desideratur.

« Memor ero Rahab, et Babylonis scientibus me. Etenim alienigenæ, et Tyrus et populus Æthiopum hi fuerunt ibi (*Psal.* LXXXVI, 4) ; id est, ubi scientes me, ubi fundamenta in montibus sanctis, ibi et alienigenæ, » quia et ipsi in me putaverunt esse credendum. Ibi ergo ceciderunt, ubi magis stare debuerunt ; quia et in paradyso cecidit Adam, et Christus in ruinam venit, et in resurrectionem, ut ruina sit perfidorum, justorum autem et fidelium resurrectio.

29. Denique « expulsi sunt ; » quia injusti viri in loco sancto stare non poterant. Unde et Apostolus dixit : « Et tu qui stas, vide ne cadas (*I Cor.* x, 12). » Et utique ei dixit qui non corpore, sed fide stabat. Possumus 777 et in futurum intelligere, *ibi*, ut est : « erit fletus, et stridor dentium (*Matth.* XIII, 42) ; » et : « Nudus ibi pergam (*Job.* i, 21). » Quam brevis in exitu et quanta conclusio (78) ! Non sim,

(78) Thuan. cod.. *Quanquam breviter aut in exitu, et tanquam in conclusione.* Alii quatuor...*tanquam conclusio.*

(79) Ita mss. et edit. Era., Gill. et Rom. excepta voce, *primum*, quam hæc non agnoscunt. Paris, autem nonnullæ legunt, *in ipso primum princeps su-*

A inquit, superbus, ut peccem ; non' peccem, ne movear, ne cadam ; non cadam, ne expellar, sicut Adam de paradyso expulsus est ; quia in ipso primum pes superbiæ stare non potuit (79). Nescit stare superbia ; et si ceciderit, non novit resurregere. Et ideo pulchre iste et in superioribus locutus est de superbis : « Hi in curribus, et hi 778 in equis ; nos autem in nomine Dei nostri magnificabimur (*Psal.* xix, 8) ; hoc enim stabile, illud infidum. Et subjecit : « Ipsi obligati sunt et ceciderunt ; nos vero surreximus, et erecti sumus (*Ibid.* 9). » Et in libro Michææ prophetæ scriptum est : « Noli superbe gaudere mihi (80), inimica mea, quia cecidi, sed resurgam (*Mich.* vii, 8). » Cecidimus enim in hoc mundo, sed in Christo resurreximus : cui est honor, gloria, virtus, perpetuitas et sæculis, et nunc et semper, et in omnia sæcula sæculorum. Amen.

*perbiæ stare non potuit.*

(80) Vet. edit., *Noli super me gaudere*, etc. ; Rom., *Noli super gaudere mihi*, etc. ; LXX interpr., Μὴ επιχαιρέ μοι, etc. ; mss. tamen ut in tex- tu.

## IN PSALMUM XXXVI ENARRATIO.

### 777 PRÆFATIO.

1. Omnis Scriptura divina, vel naturalis, vel mystica, vel moralis est. Naturalis in Genesi, in qua (81) exprimitur quomodo facta sunt cœlum, maria, terræ, et quemadmodum mundus iste sit constitutus, Mystica in Levitico, in quo comprehenditur sacerdotale mysterium. Moralis in Deuteronomio, in quo secundum lægis præceptum vita humana formatur (82). Unde et Salomonis tres libri ex plurimis videntur electi : Ecclesiastes de naturalibus, Cantica canticorum de mysticis, Proverbia de moralibus.

2. Sed quia omnium psalmorum corpus unum est, idecirco nihil in is divisum est atque distinctum ; sed prout se obtulit ratio, nulla intermissa doctrina istiusmodi disciplina est. Namque et naturalem evidentissime comprehendit, dicendo de Angelis atque Virtutibus, et sole, et luna, et stellis, et lumine cœli cœlorum, et aqua quæ super cœlos est : « Quia ipse dixit, et facta sunt, ipse mandavit, et creata sunt. Statuit ea in sæculo in sæculi, præceptum posuit, et non præteribit (*Psal.* xxxii, cxlviii, 6). » Et de mysticis locutus est, cum de occultis, et sacræ unctionis unguento, et de com-

C summatione scripserit Tabernaculi (*Psal.* LXXXVIII, 21 ; xlvi, 5). Quorum multiplex gratia, quoniam multifariam et multis modis locutus est Dominus in prophetis. Nam et venturum præfatus est Dei Filium principem sacerdotum, et passum esse pro nobis, et sanguine suo mundaturum nostra peccata tituli « Pro torcularibus (*Psal.* viii, 1) » declararunt ; et resurrectum psalmus « resurrectionis (*Psal.* lxv, 1), expressit, et alias postea titulus indicavit, in quo « terra ejus est restituta (*Psal.* xcvi, 1), » commutationem quoque universorum futuram fidei sacramentis (83). Et de moralibus plura contexuit, diversaque virtutum genera demonstravit, et dedit præcepta vivendi, quibus ulcera nostrorum sanavit errorum, moresque renovavit humanos, atque intimos mutavit affectus, sicut docet psalmus tricesimus tertius, quem etiam Petrus sanctus in epistola sua tanquam medicamentum nostris pectoribus affixit (*I Petr.* iii, 11), atque iste qui nobis hodierna lectione propositus est. Nam isti præ ceteris ethici reperiuntur : sed iste diffusior, qui tricesimus sextus 778 inscribitur. Nam, et si ille prædulcis et lucidus est, iste tamen dulcior ; quoniam (84) ille me docuit cohi-

*præceptum vitæ humanæ formatum.*

(83) MSS. proxime laudati, *commutationem quoque universorum futura fidei sacramenta.*

(84) Idem mss., *et lucidus est, iste tamen multo magis, quoniam etc.*

(81) Ms. Reg., *In Genesi de factura creaturarum, in qua, etc.* Quatuor alii : *In genesi de formatione creaturaræ, in qua, etc.* Sed quod neque in aliis neque in edit reperitur, glossema redolet.

(82) Cod. Vict, et Colb. *in quo secundum legem*

bere linguam a malo, iste desinere ab ira, indignationem relinquere. Ille præcepit sine dolo loqui, iste instituit esse mansuetum, qui præmia mansuetudinis demonstravit. Quæ majora fomenta sunt cordis humani, quam mansuetudo atque simplicitas : quibus et dolor omnis acceptæ levatur injuriæ, et labes criminis omnis excluditur ?

3. Ad hæc igitur manum medicamenta mittamus, ut vulnera nostra curemus, ne si velimus dicere quod alios curare possimus, dicatur nobis : « Medice, cura te ipsum (*Luc. iv, 23*). » Ergo quod etiam non medicis, sed vulgo quoque solet esse commune, ut medicinam pauci profiteantur, plurimi tamen remedia ejus aliqua scire se dicant : vel quod medicorum pueri faciunt nos quoque alieno medicamento remedium indigentibus proferamus. Dives magistrum adhibeat, pauper ministrum. Qui perfecti altitudinem capit, sumat ex ipso : qui planiora desiderat, in valle pascatur, ut parvulus. Qui fluvium metuit, de rivulo bibat (*85*) : et qui profundum pavet, ad littus enat. Pulchre autem sanctus David in superiore psalmo (*Psal. xxxv*) injusti vitam describit, hic justi ; ibi injustus exponitur, hic justus instituitur ; ille sibi delinquit, hic tollit etiam aliena peccata. Et ideo quod primum medicamentum sit justitiae consideremus.

## ENARRATIO.

4. (Vers. 1.) » Noli, inquit, malignari inter malignantes : neque æmulatus fueris facientes iniquitatem. » Primum discamus quid sit « æmulari (*86*) ; » licet minor vis sermonis hujus sit in Latino, quam in Græco. Nam et in bono æmulationem legimus, et in malo. Denique Apostolus dicit : « Bonum est æmulari in bono semper (*Galat. iv, 18*). » Et supra ipse dixit : « Æmulantur vos non bene ; sed excludere vos volunt, ut illos æmulemini (*Ibid. 17*). » Et iterum ipse ait : « Æmulamini meliora charismata (*I Cor. xii, 31*). » Et ad Romanos habes. « Dico ergo, numquid sic offenderunt, ut caderent ? Absit : sed illorum **779** delictum salus est gentibus, ut illos æmulentur (*Rom. xi, 11*). » Et infra : « Vobis enim dico gentibus : quandiu ego sum gentium Apostolus, ministerium meum illustrabo, si quo modo æmuler carnem meam, et salvos faciam aliquos ex ipsis (*Ibid. 13*) ; » hoc est, afficiam carnem meam. Denique παραξηγος Græcus habet. Nam et hic : μὴ παραξηγόσλο ἐν πονηρευομένοις habet ; μήδε ζῆλου τοὺς ποιοῦντας τὴν ἀνομίαν ; hoc est, noli malignos in æmulationem excitare ; quoniam illi non de bono, sed de malo certant.

(85) MSS. quinque, bilit, et qui profundum putavit ad littora natat.

(86) Rom. edit. sola., *Noli subæmulari inter malignantes. Primum discamus quid sit subæmulari?* Hanc quidem lectionem videntur ea quæ sequuntur, postulare ; sed nos ex fide verba mss. et vet. edit. repræsentamus. Cui vero placuerit varias hujus versiculi lectiones cognoscere, adeat Nobilium, apud quem etiam cum aliorum Patrum, tum ipsiusmet Ambrosii expositiones reperièt.

A 5. Quid est, in æmulationem excitare ? Exempli possumus aperiamus. Intemperantes mulieres quædam sunt, quæ aliorum conjugum corda sollicitant : quos cum consuetudini suæ probroque subdiderint, non contentæ erroris sui habere secretum, student coram jugalibus eorum suum jacitare flagitium, ut eas in zelum sui excitent et inflamment, triumphum quedam de dolore probarum mentium et commotione captantes. Quæ æmulatione feminea thori proprii contumeliam non ferentes, solvunt complaciti vincla conjugii, aut quotidiana rixa decertant (*87*) ; fitque ex æmulatione discordia, ex dissensione dissidium, quo dominus tota turbetur. Exemplo igitur protervæ mulieris cognosce, qui legis, partes esse nequissimæ destabilisque versutiæ, improba æmulatione alterius animam commovere : aliudque esse zelum, aliud parazelum. Hæc est enim prava æmulatio, quæ bonorum subintrat affectum : qua etiam Judæus erravit qui a vero et bono evangelicæ disciplinæ itinere, devia legis æmulatione deflexit (*88*), sicut de se Apostolus ait (*Philipp. iii, 6*), quod secundum æmulationem legis persequebatur Ecclesiam Christi.

B 6. Ergo quamvis Deus noster ingratissimæ Judæorum offenderetur frequenter affectibus et querelis ; tamen assumptum semel et electum sibi populum minime relinquebat ; sed Synagoga tantum mere-trix procax irritare eum cœpit in æmulationis amaritudinem, prævaricationis se miscendo sacrilegiis. Denique dixit ad sacerdotem Aaron : « Fac nobis deos quos adoremus (*Exod. xxxii, 1*) ; » et vituli caput adorare cœperunt. Unde per canticum magnum Moysi Dominus in ore ipsius resultavit dicens : « Ipsi excitaverunt me in æmulationem in non Deo, irritaverunt me in simulacris suis ; ego autem excitabo eos in æmulationem in non gente, in natione insipiente irritabo eos (*Deut. xxxii, 21*). » En quomodo Dominus condemnavit Synagogæ meretricios mores, quo ipsorum in eos versutiam retorqueret, et suo afficerentur ingenio, qui Dominum Deum suum a quo assumpti fuerant, gravibus sacrilegiis refutarunt, deos sibi quos colerent eligentes : assumens e contrario sibi Ecclesiam de profanis, quam prælatam sibi sine lege, sine gratia Judæorum populus ingemisceret ; atque eo amplius in æmulationem illorum excitaretur affectus, quo viliorum facta esset electio. Nam ante quo afficeretur ille populus non habebat cum solum se a Domino consideraret electum. Ubi vero advertit ascitam ex nationibus conveniam plen-

D (87) Sic edit. vet. ac Rom. MSS. autem Vict. et Colb. cum vet. edit. in margine, aut quotidiana via decertant. Alii plures, aut quotidianæ vitæ decernunt.

(88) Edit. ant. et Rom. cum mss. Vat. Colb. et Vict., qui a vero bono evangelicæ disciplinæ, devia legis æmulatione deflexit. Paris. quædam cum Reg. .... disciplinæ devius, legis, etc. Om-nium, uti putamus, optime quatuor alii quos secuti sumus.

bem (89) quæ **780** sibi legem Domini, prophetarum oracula, Testamentum novum Domini vindicaret, tunc demum excruciali nimio cœpit affectu, posteaquam se repudiatum esse cognovit. Denique si videat gentilium cæremonias, non movetur: si audiat profectum Ecclesiæ, cruciatur miseraque torquetur invidia. Completur ergo in Judæa: « Et ego in æmulationem eos excitabo in non gente (*Ibid.*). »

7. Accedit ad cruciatus gravioris ærumnam, quod ex gentibus peccatores sibi videntur esse prælati, qui ne gentis quidem, alicujusve nationis nomen attollant. Nam omnis congregatio cujusque regionis nomen sibi vindicare consuevit, ut Ægyptii, Æthiopes, Syri, Judæi, Arabes, provinciæ suæ terrarumque suarum vocabulum præferunt: nos de diversis populis congregati, vocabulum nobis unius gentis non possumus usurpare; et ideo quia nomen non habebamus in terris, de cœlo accepimus, ut Christi populus diceremur. Sed hoc gentilis stultitiam putat, Judæus opprobrium. Verum est ergo quod scriptum est, quia ultus est Deus propriam contumeliam, Ecclesiam sibi ex non gente quærendo; et eam ex gente insipiente, vetusto illi atque regali populo preferendo. Quæ sit gens insipiens, quæ prælata sit, audi dicentem: « Quoniam stulta mundi elegit Deus, ut confundat sapientes (*I Cor.* i, 27). » Et iterum: « Si quis videtur inter vos sapiens esse in hoc sæculo, stultus fiat, ut sit sapiens (*I Cor.* iii, 18). » Reddidit ergo, non intulit Dominus æmulationis communio nem; ut esset non in forma imitationis, sed in pœna iniquitatis.

8. Denique Latinus interpres volens distinctionem facere inter æmulationem virtutis, et æmulationem offensionis, ait: « Numquid æmulantur Domino (*I Cor.* x, 22)? » Hoc est, numquid Domino offensionem æmulationis inferimus, ut de iis edamus, quæ immolata simulacris sunt; sicut Judæi, cum sacrificando simulacris exasperaverunt? Quod si inter homines excitandæ æmulationis offendit intentio, et frequenter persona exasperati superior invenitur, quod incentoria æmulationis (90) fraudi esse consuevit, cuius stultiæ est majestatem irritare diuinam, et offendiculo æmulationis incessere, ubi nulla ultiōis est difficultas?

9. Non debemus igitur malignis æmulandi adversum nos aculeos ministrare, qui etiam non lacescunt, invidiæ stimulis excitantur, ut noceant, sicut Cain fratrem occidit, quia magis illius sacrificium acceptum esset, quam quod ipse putaverat offerendum. In quo non æmulatus Abel: sed invidus Cain

(89) Cod. nonnulli, *advertisit ad scientiam Dei convenientem plebem.*

(90) Edit. Rom., *invenitur, incentori, æmulationis, etc.* Aliæ, *invenitur incentoria æmulationis.* Mss. omnes... *quod incentoria, etc.* Et certe particula, *quod*, videtur omnino necessaria constructio ni. Vocem autem, *incentoria*, fuisse tunc temporis pro causa quæ ad aliquid incenderet, usurpa-

A prælationis gratiam scelesto parricidio persecutus est. Non enim ille fratri voluit obumbrare sacrificium, sed servare sacrificii disciplinam, ut primitias nulla desidia moraretur, nec aliqua in usus proprios derivata usurpatione violaret. Saul quoque triumphatorem Palæstinorum David prophetam, et propriæ conservatorem salutis, juvencularum sibi sermone prælatum tentavit insidiis; teli jaculo paravit occidere, ac pene sanguinem generi fuderat, innocentis **781** nisi vulnus ille sinuati corporis (91) inflexione elusisset. Quæ ibi malitia, si juvencularum dixerunt: « Saul in milibus, David in decem milibus (*I Reg.* xxix, 5)? » Quam atrox autem invidia regis Saul, qui sermonis errorem in innocentis exitium derivavit!

B 10. « Neque æmulatus, inquit, fueris facientes iniquitatem. » Non repetivit quod dixerat, sed mutavit: aliud est enim subæmulari, aliud æmulari: subæmulatio astutiam habet, æmulatio simplicitatem. Sed tamen etiam ipsa cauta debet esse simplicitas et provida, ut noverit quid cavendum sit. Neque enim otiose dictum est: « Estote astuti sicut serpentes, et simplices sicut columbae (*Matth.* x, 16). » Spiritalis ergo debet esse astutia, quæ servet salutem, dolum nesciat. Spiritalis debet esse simplicitas. Videtur autem etiam alio loco distinctionem subæmulationis Scriptura fecisse, cum dicit: « Et auferetur zelus Ephrem, et inimici Judæ peribunt. Non erit æmulus Ephrem Judæ, et Judæ non vexabit Ephrem (*Isa.* xi, 13). » Alibi autem habes: « Sic et vos, quoniam æmulatores estis spiritalium ad ædificationem Ecclesiæ, quærите ut abundetis (*I Cor.* xiv, 12). » Æmulatores probannis, et bonæ rei imitatoribus posuit, æmulum pro obliquo et invido.

C D 11. (Vers. 2.) Primum est ergo, ne malignos ad æmulationis malignitatem lacessas; secundum, ut non æmuleris iniquitatem facientes. Plerumque enim videntes pii fraude aliquos et astutia quæsisse divitias, et pervenisse ad honores, æmulatione deformi, vias eorum sequi gestiunt ut ad divitias et honores simili arte perveniant, vel in contrahendo conjugio circumscribant adolescentulas. Quid enim prodest, cum ipsæ divitiae et omnis gloria sæcularis tanquam fenum cito arescat, et tanquam olena herbarum in ipsa specie sui floris intercidant? « Omnis caro fenum, et omnis gloria hominis ut flos feni (*Isa.* xl, 6). » Noli ergo magnopere affectare quod perpetuum esse non possit, noli esse æmulus et obliquus; noli esse contentiosus et decertator in zelo. Unde et Aquila dixit: « Noli concertare in malignantibus. » Symmachus: « Noli contendere

tam existimamus.

(91) Edit. quædam Paris., nisi vulnus illi æmulati corporis. Reg. ac Thuan.... *simulati corporis, etc.* Forte quod crediderint sanctum Doctorem alludere ad ligneam illam effigiem quam pro Davide Michol supposuisse memoratur. Sed præstare Gill, et aliorum mss. lectionem palam faciunt verba, tum quæ præcedunt, tum quæ sequuntur.

re. » Noli etiam esse imitator iniquitatis et fraudis, sed esto apostolicæ doctrinæ, propheticæ gratiæ, sanctorumque virtutis imitator; ut fructum feras, et messem bonitatis recondas, sicut Joseph, qui multitudine frumenti famem diurnæ sterilitatis exclusit: ut Habacuc, qui prandium messoribus deferendo, elevatus ab angelo aerii tramitis iter carpsit, et redditus terris, inter sœvos leonum strepitus pio prophetæ dulce convivium ministravit.

12. (Vers. 3.) Recte ergo dicit Propheta: « Spera in Domino, et fac bonitatem; et inhabitato terram, et pasceris in divitiis ejus. » Quæ est terra quam suadet inhabitandam, nisi anima tua, quam bene debes excolare, frequenter spiritualibus inarare vomeribus, ne longo inhorrescat situ? Bonus enim agricola quotidiana operatione et pervigili sollicitudine exercet agrum suum, et propria rura custodit; ne devastet ea aper de silva, et fructus maturos raptor eripiat. Ara ergo terram tuam, ut cum 782 venerit, qui seminat verbum, animam tuam inveniat præparatam: ne supra inculta cordis tui decidat semen, et veniant ayes cœli, et diripient quod fuerit seminatum. Quæ sit ergo terra, audi dicentem: « Ecce exiit qui seminat, seminare agrum suum: et dum seminat, aliud cecidit secus viam, aliud supra petram, aliud supra terram bonam.... (Luc. VIII, 5-8). Quod autem supra terram bonam, ii sunt qui in corde bono audientes verbum retinent, et fructum afferunt per patientiam (Ibid. 15). » Mundum sit ergo cor tuum, munda sit anima tua, ut fructum bonitatis possis afferre, hoc est, gratiæ spiritualis. Bonitas enim fructus est Spiritus sancti; sicut scriptum est: « Fructus autem Spiritus est charitas, gaudium, pax, patientia, benignitas, bonitas, fides, modestia, continentia. (Galat. V, 22). » Hi sunt fructus, quorum divitiis pascimur, et ubertate satiamur. In hac terra vitem illam fructiferam justus Noe plantavit, et de fructu ejus babit, atque intimo corde solitus est; quando eum laudabili pietatis amictu induit virtutum suarum geminata posteritas. Alio: queque loco nobis istas Propheta sanctus divitias demonstravit, quibus erat dives in Christo, et omnibus quæ ad vitam æternam conducerent, abundabat. Et revera quis dicitur, quam qui dives in Domino est; ut possit dicere: « In via testimoniorum tuorum delectatus sum, quasi in omnibus divitiis. (Psal. CXXVIII, 14) ? » Quid enim poterat deesse viro qui colestibus ditabatur oraculis? Et ideo suadet hoc psalmo, ut thesaurum illum nobis quæramus æternum, et delectationem ejus acquisitione capiamus:

13. (Vers. 4) Ideoque ait: « Delectare in Domino, et dabit tibi petitiones cordis tui. » Quare non dixit tuas, sed cordis tui(92) petitiones? Et enim petitiones exterioris hominis interiorisque communes non sunt, nec omnes probantur a Christo,

(92) Omnes edit. cum mss. nonnullis, Sed cordis tui? Petitiones..... communes sunt. Aliorum quinque mss. lectionem eo præfulimus, quia sensu et contextui accommodatior visa est; nec non ad

A quia lex carnis legi mentis frequenter repugnat. Quæ autem interioris sunt hominis, qui renovatus est Spiritu, illas petitiones Dominus petitori donat effectu. Unde et alibi ait: « Tribuat tibi Dominus secundum cor tuum, et omnes petitiones tuas confirmet (Psal. XIX, 5). Secundum cor, » ait, non secundum appetentiam carnis, et illas petitiones, inquit, quæ prodeunt ex intimo corde, confirmet, non quæ ex carnis hujus illecebra et voluptatibus dirigantur.

14. (Vers. 5, 6.) « Revela ad Dominum viam tuam, et spera in eum, et ipse faciet. Et educet sicut lumen justitiam tuam, et judicium tuum sicut meridiem. » Hoc solo versiculo qualis esse debeas, declaravit. Quisenim revelat viam suam, nisi qui Deo occultorum suorum arbitrio interna sui pectoris confitetur? Bene ait, « revela » hoc est, aperi conscientiam tuam, ne eam sæculi istius gravet umbra vel carnis. Prorumpentia enim semina si fuerint obumbrata, tenuantur, soli objecta pinguescunt. Quid de seminibus loquor? Ipsas arbusculas, quominus sessiles in altum subjiciant, umbra silvestris internebat, et prohibet brachia ramosa diffundere. Pulchre autem dixit: « Revela ad Dominum viam tuam, » quia natura hominum prona peccato velut quoddam menti nostræ velamen obducit, 783 ne nostra Domino peccata fateamur, qui potest vulnera nostra sanare, ut erubescat quis ore proprio postulare medicinam, ne coram hominibus sua prodantur opprobria. Premit igitur se intra hominem conscientia, cum latere non possit, et tamdiu differt, quoad vulnus efferveat, ut jam non fidei salubritate, sed immedicibili atrocitate ulceris detegatur. « Revela, inquit, ad Dominum viam tuam, » hoc est, aperi viam, noli abscondere, sicut abscondebat Cain, qui latere cupiebat, omnis enim qui male agit, odit lucem. Revelabat David viam suam, qui ait: « Dico ego opera mea Regi (Psal. XLIV, 2). » Aperi sensum tuum, ut nihil sit quod timeas reprehendi. Revelavit et Paulus, qui præsumpsit adjicere: « Nihil mihi conscius sum (I Cor. IV, 4). » Is actus, ea vita sit, ut via tua coram Patre tuo luceat, qui in cœlis est.

15. Sed quia obnoxia fragilitati omnis humana conditio est, et non nostræ est potestatis iter nostrum ex voluntate dirigere; ideo tibi dicit: Spera in Domino, et ipse faciet; hoc est, ut aperiat viam tuam, nec tales te esse permittat, ut fugias lucem, dum times prodi, et diligas tenebras, ut possis tua occultare flagitia, dicens: « Tenebræ operiunt me, quis scit si videt Altissimus (Eccli. XXIII, 26) ? » Quomodo enim potest qui adulterium molitur, non noctem suis accomodam querere testamentis? qui falsum cogitat testem suæ fraudi adhibere, qui corruptelam judicis captat; ut opprimat innocentem, iniquitatis non explorare se-

Origenis, quem in psalmos Ambrosius plurimum imitatur, interpretationem magis accedit. Ipsum consule, hom. I in hunc Psalmum.

cretum? Latro in solitudine subsidet (93), noctis tenebras opperitur, ut celeri cedat effectus. Iniquitas ergo tenebrae sunt: « Deus lux est (*I Joan.* 1, 5). » Et si tu velis tuam occultare justitiam, Deus eam educet in lucem; nec patitur latere judicium quo ea quae bona sunt elegisti, quae improba refutasti. Nec solum facit tum lucere judicium; sed lucere sicut meripiem. Quando se sol iste in splendorem totus effundit, meridies est. Meridies erat quando Joseph cum fratribus epulabatur, non ultus injuriam, sed oblitus.

16. (Vers. 7.) « Subditus esto Domino, et obsecra eum. » Non solum ut subjectus sis Deo, moneris, sed etiam ut obsecres Dominum, quo possis tuae studium subjectionis implere, sicut et supra ait: « Revela (94) Domino viam tuam, et spera in eum. » Non solum revelare viam tuam te convenit; sed etiam sperare in Dominum. Bona autem subjectio, non abjecta, non vilis, sed gloriosa atque sublimis; ille enim Deo est subditus, qui facit Domini voluntatem. Denique quis ignorat quod sapientia mentis præstantior, quam carnis sapientia sit? Sapientia carnis non est subdita. Et addidit Apostolus: « Nec enim potest (*Rom.* VIII, 7). » Esto ergo subditus, hoc est, proximus Christo, ut legem impleas. Denique Christus faciendo voluntatem Patris, legem implevit. Et ideo finis est legis, et plenitudo est Charitatis; quia diligens Patrem, affectum omnem ejus adhibuit voluntati. Unde pro gloria Apostolus dixit; « Cum autem subjecta illi fuerint omnia, tunc et ipse subjectus erit illi, qui sibi subjicit omnia, ut 784 sit Deus omnia in omnibus (*I Cor.* xv, 28). Et ipse de se ait: « Nonne Deo subdita est anima mea; ab ipso enim salutare meum (*Psalm.* LXI, 2)? » Denique pro pietate erat, non pro infirmitate, Joseph et Mariæ parentibus subditus. Gloria autem Christi maxima, ut se universorum hominum pectoribus infundat, et omnes revocet ab impietate perfidiæ, et gentilitatis affectu, ut sibi faciatesse subjectos. Cum autem sibi subjecerit omnia, cum intraverit plenitudo gentium, et salvus factus fuerit omnis Israel, et toto orbe unum fuerit corpus in Christo; tunc erit et ipse subjectus, munus suum Deo Patri offerens, et quasi Princeps omnium sacerdotum, et cœlestibus corpus altaribus (95), ut sit sacrificium fides omnium. Pietatis ergo est ista subjectio, quod erit subjectus in corpore Dominus Jesus, cuius nos sumus corpus et membra. Esto ergo homo subjectus Christo, hoc est, subditus sapientiae Dei, subditus verbo, subditus justitiae, subditus virtuti; quia haec omnia Christus est. Omnis homo Deo se subjiciat; non

A enim unum, sed omnes docet ut subjiciant cor suum, subjiciant animam suam, subjiciant carnem suam, quo sit Deus omnia in omnibus. Subjectus ergo est qui plenus est gratiæ, et suspicit jugum Christi, et mandata Domini strenuus et incunctanter exsequitur; si ne subjectione autem, qui se frustra extollit, sensu propriæ carnis inflatus, insolens devotionis et piæ declinans observantiam servitutis, quam ipso jure naturæ Auctori debemus æterno. Postremo qui sine peccato est, subjectus est Christo, quoniam redemptus a Domino est; qui autem in peccato est, non potest dici liber, sed servus, quem gravia tenent vincula peccati.

B 17. (Vers. 7) Sequitur: « Ne æmulatus fueris eum qui prospere dirigitur in via sua, faciens iniquitatem. » Evidenter hic quid superius senserit intimavit: non excitandos malignos facientes iniquitatem. Non enim iniquitas, sed prosperæ res quæ proveniunt iniqua gerentibus nos sæpe sollicitant, ut eos putemus imitandos, quo ad eorum possimus pervenire successus dicentes: « Ecce ipsi peccatores, et abundantes in sæculo, obtinuerunt divitias. Et dixi: Ergo sine causa justificavi cor meum, et lavi inter innocentes manus meas; et fui flagellatus tota die (*Psalm.* LXXII, 12, 14). » Si igitur flagellatus est David, cavere debemus ne et nos flagellemur, et dicatur nobis quia divitiae, honores, potentiae, generationi huic videantur esse disposita, quasi vaga et incerta pecuniæ opera, iniquitatisque compendia, non quasi præmia ulla virtutis; ideoque velut somnium veniant, et cum C somnio resurgentे deficiant. Ipsos athletas cum vicerint, certum est coronari, non antequam vincent. Nobis lucta cum sæculo est. Vince ante sæculum, ut coronam petas. Nemo ante coronatur, nisi certamen impleverit. Qui stadium currunt, numquid ante bravium accipiunt, quam stadium percurrerint? Quanti priores in exitu cadunt, et cursus sui celeritate fraudantur? Numquid tu Deo, quam Paulus acceptior? Ille vas electionis, ille gentium Doctor 785 nunquam sibi in hoc sæculo coronam ausus est postulare. Denique audi dicentem: « Certamen bonum certavi, cursum consummavi, fidem servavi. Quod reliquum est, reposita est mihi corona justitiae, quam reddit mihi Dominus in illa die (*II Tim.* iv, 7, 8). Paulus ille raptus D in tertium cœlum, qui audivit arcana quæ non licet homini loqui: utrum in corpore esset raptus, an sine corpore, nescit sicut ipse testatus est (*II Cor.* XII, 2, 4). Paulus ergo dicit, in illa die coronam sibi esse reddendam; tu hic tibi ut redatur insistis? Imple ergo ceraminis tui tempus.

(93) Edit. Rom. in corp. et vet. in marg. cum cod. scriptis aliquot, *Latro solitudines obsidet*; eadem vet. edit. in corp. et mss. Colb. ac Vict. ut nos in textu. Rursus edit. vet. in corpore ac Rom. cum mss. Thuan ac Vat., *noctis tenebris operitur*. Vet. in marg. ac mss. Reg., Colb. et Vict., *noctis tenebras opperitur*.

(94) MSS. Vat. et quinque Gallic. ita præferunt; alii autem et edit. omnes, *Sicut supra non solum revelare, etc.*

(95) Omnes edit. ac mss. aliquot, *compos altaribus*, alii plures, *corpus altaribus*. Commodo; nihil enim aliud hic declaratur, nisi Christum et sacerdotis et hostiæ vicem functurum.

Non semel athleta luctatur, nec semel præliatur miles, ut stipendia sua possit implere; et tibi non cum una passione luctamen est.

18. (Vers. 8). Superiores si evaseris passiones, ira succedit; et ideo tibi dicit Scriptura: « Desine ab ira et relinque indignationem. » Sunt multa vitia quæ obrepunt insipientibus. Ira gravis passio est: plerumque accedit invitum; et volantem mitius vindicare, in furorem rapit, ut perimat quem putaverit coercendum. Commotus, gladio sæpe transverberat innocentem. Amicos et fratres per indignationem plurimi peremerunt. Ideo sapiens dicit: « Ira perdit etiam sapientes (*Prov. xv, 4*). » Salomonis dictum est, quia non solum quosunque de medio homines, sed etiam ipsos perdat ira sapientes. Et David sapientem monet dicens: « Desine ab ira; » ne cum accenderis eam, illa non desinat priusquam te ejus flamma consumat. « Relinque, inquit, indignationem; » hoc est, natura te rapit, movet affectus, culpa te alicujus excitat vel offensa, ut indignareris, sed non usquequaque, ut modum nescias: relinque eam, finem impone, ne te in peccatum trahat. Hoc est, quod supra dixit: « Irascimini, et nolite peccare (*Psal. iv, 5*). » Non enim hortatur ut irascaris, sed ad tempus cedit affectui; dat tamen medicamentum, ne diutius vis ulceris serpat. « Irascimini, » quod ait, tuæ est passionis. Medicus enim non statim adhibet medicamenta languori; si dolor fervet, fomenta adhibet, ut mitescat dolor; si febris exæstuat, remediæ tempus exspectat, ipsum potum sitientibus negare consuevit. Non dicit: Noli febrire, cum vapor fervet ægroti, sed dicit: Exspecta desinat febris, digeratur commotio. Sic et Propheta non potuit dicere homini, cuius caro ut variis morborum, ita commotionum passionibus excitatur: Non irascere; sed dicit: « Desine ab ira, et indignationem relinque, ne pecces; ira enim gravis est magistra peccati. Alius quoque medicus dicit: « Sol non occidat super iracundiam vestram (*Ephes. iv, 26*): » ne dum diu differs, veniat ille qui calefactum corporis somno exsitate consuevit, et stimulet te, inserat tibi cogitationes, et in sacreta se tui pectoris immergit dicens. Vindica injuriam tuam, virum te esse cognosce; femineæ infirmitatis est, non capere vindictam. Ergo contemnere te debuit servus, frater decipere, amicus illudere, et tu adhuc tuam non ulcisceris contumeliam? Proscribas necesse est, gladio oportet insurgas, et dolorem tuum adversarii morte solvas. Vir fuit ille qui suum occidit inimicum, merito 786 prædicatur; quia ita se vindicavit, ut alias ignorans audiret, eique irrogare non auderet injuriam (96). His stimulis plus accenditur, plus movetur; ut

(96) Sic mss. Vat. et Gallic. fere omnes; aliquatenus, atque edit., ut alius irrogare ei non auderet injuriam.

(97) MSS. partim. cum edit., *novi principii nova est æquitas*; partim ut nos in textu, nisi quod solus Thuan. habet conjunctionem et. Iterum mss.

A compleatur quod scriptum est: « Ira perdit etiam sapientes. »

19. (Vers. 8, 9.) Ergo tu ne audias eum: « ne æmuleris ut nequieras facias. Quoniam qui nequier agunt, exterminabuntur. » Exterminantur qui radices non habent, sicut olera vel fenum. Olera infirmus manducet: tu autem vitæ insere in agro tuo, vineam institue. Et si venerit Achab, qui tibi dicat: « Da mihi vineam tuam, ut olera mihi seram (*III Reg. xxi, 2*); » noli ei acquiescere, ne ex consensu tuo caduca serat, abscondat æterna. Ideo Nabuthe inter sanctos habetur, quia majorum suorum hæreditatem, ne regi quidem putavit esse cedendam; et lapidari maluit, ut vineam suam non daret in direptionem. Hæreditas majorum, fides vera est. Exstiterunt Ariani regali subnixi potentia, qui templum Domini putarent sibi esse tradendum, supplicia acerba minitantes; sed absit, ut apud mentem Domino servientem præponderaret magis pœnæ formido, quam forma pietatis. Non prævaluit perfidia, quia fides restilit. Est etiam quædam vinea in pectoribus fidelium, de qua dicit Isaias: « Vinea facta est dilecta in cornu uberi » (*Isa. v, 1*). » Hanc vineam Dominus plantavit in cordibus nostris et ideo legimus dicentem Deum: « Ego te plantavi vitæ fructiferam totam veram (*Jerem. ii, 21*), » Nemo ergo de agro animæ nostræ hanc auferat vitæ; quia benedicta est ea vitis. Ideoque dictum est de sanctis: « A fructu frumenti, vini, et olei, multiplicati sunt (*Psal. iv, 8*). » Bonum est ergo habere intra te torcularia vino redundantia; ut fluat tibi vinum in vas tuum de vinea Sorech, poculum illud inebrians quam præclarum! Sorech enim vinea novi principii est, et novæ æquitatis (97). Unde et dicitur nobis: « Cantate Domino vestro canticum novum, principium ejus, magnificate nomen ejus ab extremo terræ (*Isa. XLII, 10*). » Hæc ergo vinea uvas faciat, non iniquitatem. Ideo relicta est vinea Judæorum; quia iniquitatem fecit, ut scriptum est (*Isa. v, 7*), et non judicium. Nos ergo fructum feramus in Christo, ut perpetui esse mereamur.

20. « Sustinentes enim Dominum possidebunt terram; illam utique viventium terram. Est quædam terra cœlestis, quæ fructum cœlestibus ferat de qua ait: « Credo videre bona Domini in terra viventium (*Psal. xxvi, 13*). » Hæc terra multo hominum sudore ventri ministrat alimenta; illa terra bona Domini sine ulla labore fructificat in qua iustorum diurna possessio, et piæ mentis hæritas est. Et bene ait: « Sustinentes autem Dominum hæreditate possidebunt terram. Hæc est enim terra quæ non præterit; nam cœlum et terra præteribunt, verba autem Domini non præteribunt. Et Vict., Colb. cum iisdem edit.... *canticum novum, magnificate nomen, etc.* Vat. autem ac plures Gallic.... *canticum novum, principium ejus, magnificate nomen, etc.*, in quo consentiunt cum LXX, ubi legas: ὑμνήσατε τῷ Κυρίῳ ὑμνον καινὸν, η ἀρχὴ αὐτοῦ δοξάσατε, etc.

ideo nec illa intelligibills terra poteat præterire paradisi, in qua sunt qui Domini verba conservant. In hac terra collocatus est. Adam, ut fructum æternæ caperet vitæ; sed quia verba Domini servare non voluit (98), ideo in possessione quam accepérat **787** manere non meruit. Qui autem verba Domini custodit, confidenter dicit: « Exspectans exspectavi Dominum, et rexpexit me (*Psal. xxxix*, 2). » Adam autem quoniam non exspectavit Dominum (quomodo enim exspectavit qui refugit et offere se tenuit), ideo nec Dominus eum videre dignatus est; oculi enim Domini super justos. Hunc autem eosque videre nolebat, ut quæreret dicens: « Adam, ubi es (*Gen. iii*, 9)? » Qui quæritur, pro absente habetur. Fides est quæ eos repræsentat Deo, perfidia quæ facit implos exsulare. Nullus itaque absens est Deo, nisi qui se absentem facerit. Et ideo dicit: « Fiat tibi secundum fidem tuam (*Matth. ix*, 29); » qui enim ignorat, ignorabitur. Ergo Adam quasi peccator locum suum servare non potuit. De paradiſo ejectus, in castellum est relegatus (99), ut ageret pœnitentiam. Accepit dilationem, ne continuo penitus interirent; ut salva fieret Eva per generationem filiorum, fidem sancti Abel, prophetarum gratiam, Ecclesiæ posteritatem.

**21.** (Vers. 19.) Sed quia per hæc redimi noluerit, et in peccato perseverandum ducit, de eo dicit Propheta: « Et adhuc pusillum, et non erit peccator; et quæres locum ejus, et non invenies. » Quomodo enim esse poterit in futurum, cum peccati locus diuturnus esse non possit? Hæc est enim terra quæ aperuit os suum, ut sanguinem susciperet innocentis. Et ideo in hac terra locus est peccatorum. Præterit terra, quomodo peccatoris locus poterit inveniri? Ego arbitror quod ideo firmamentum inter aquam et aquam Deus esse præceperit (*Gen. i*, 6), ut a virtutibus peccata discerneret; et superior aqua quæ laudat Dominum, quieta maneret erroris, inferior peccato esset obnoxia. Denique illa Deum videt, hæc non videt: quæ super cœlos est, videt; quæ in abyssō, non videt. Unde etiam dictum est: « Viderunt te aquæ, Deus, viderunt te aquæ, et timuerunt: turbatæ sunt abyssi, multitudo sonitus aquarum (*Psal. lxxvi*, 17). » Merito turbantur abyssi subter quas tenebræ sunt deformes, et ideo pacem habere non possunt. Unde rogavit legio dæmoniorum ut in abyssum mitteretur, et se cum magno tumultu præcipitavit in fluctus, ut porcorum gregem quem reperrat, strangularet (*Matth. viii*, 31, 32). Peccatores

(98) Vet. edit. in marg. et mss. septem Galliani, servare non potuit; Verum si lectionem hanc probaveris, accipe non potuit, lato modo; uti sollemus dicere aliquem id non potuisse, quod a vera non fecerit, sive alioquin habuerit, sive non habuerit, ejusdem rei faciendæ, ut cum Philosophis loquamur, possibilitatem.

(99) Ita edit. et sex mss. qui tamen legunt, religatus, quæ vox fere semper invenitur in mss. pro relegatus. At Vict., Colb., et vet. edit. in mar-

A Itaque abyssum petunt ubi caligo tenebrarum,

22. (Vers. 11.) « Mansueti autem possidebunt terram, et delectabuntur in multitidine pacis. » Merito terram possident in quibus Deus ipse requiescit, sicut divino per Isaiam resultavit oraculo dicens: « Super quem requiescam, nisi super humilem et quietum, et trementem verba mea (*Isa. lxvi* 2)? » Qui sunt mansueti, nisi quos nullus stimulus dissensionis exagitat, non ira perturbat, non sævitia exasperat, non rabies crudelitatis inflamat? Et ideo quia non vina, non epulas, non divitias, sed pacem Domini dilexerunt in corpore constituti, pro illa delectatione corporalium voluptatum, qua se putarunt esse fraudandos, ut gratiam adipiscerentur æternam, « delectabuntur in multitidine pacis, » quam Dominus noster Jesus in diebus suis generi donavit humano, sicut prophetia quæ non mentia est, **788** comprehen-dit asserens: « Orietur in diebus ejus justitia, et multitudo pacis, donec extollatur luna (*Psal. lxxi*, 7). » Quæ igitur est pax: qua cunctæ Ecclesiæ multiplicatus est populus, nisi illa de qua Dominus dixit: « Pacem meam relinquo vobis, pacem meam de vobis (*Joan. xiv*, 27)? » Dedit pacem, qui animorum bella sedavit.

**C** 23. (Vers. 12, 13.) Sequitur: « Observabit peccator justum (1), et fremet super eum dentibus suis. Dominus autem irridebit eum; quoniam prospicit quod veniat dies ejus. » Indignantis quidem et effervescentis in irracundiam consuetudo est, dentibus fremere: sed habet etiam cor maligni dentes suos, qui (2) non resonare, sed lacerare consueverunt. Insidiæ, commenta, nequitiae, dentes sunt peccatoris. Insidiatur ergo peccator justo, quia invidet; justi enim vita redarguit peccatorem, quem tacita maiore auctoritate condemnat (3) quam si clara voce loqueretur. Sed justus timere non debet fremitum peccatoris, quia improbitas non potest esse perpetua. Insidiæ temporales sunt, munimenta autem virtutis æterna. Mors peccatoris omnem ejus potentiam fraudemque dissolvit.

**D** 24. (Vers. 14.) Plus adjicet: « Ecce, inquit, gladium evaginaverunt peccatores, extenderunt arcum suum, ut dejiciant pauperem et inopem. » Quis est gladius peccatoris, nisi contrarius gladio Spiritus sancti? Docuit hunc Scriptura me gladium; docuit Apostolus dicens, quia habemus « loricam justitiae, et scutum fidei, et galeam salutis, et gladium Spiritus, quod est verbum Dei (*Ephes. vi*, 4, 16, 17). » Ergo verbum Dei gladius Spiritus sancti est. Et conirario utique gladius spiritus nequissime preferunt, *in carcere est religatus*.

(1) Rom: edit., *Insidiabitur peccator justo*, etc. Vet. autem et mss. omnes. *Observavit*, etc. Fauvent etiam LXX, quorum verba sunt illa: Παρηγένεται δὲ ἀμφωλός τὸν δίκαιον.

(2) Edit. vet. cum Cod. Vict. et Colb., *Sed habent etiam maligni dentes suos, quibus*, etc. Rom. cum aliis, ut nos supra.

(3) Vat, et quatuor Gallic., *Quem tacito magis ore condemnant*.

mi, verbum est malum. Hoc gladio Petrus apostolus Ananiam et Saphiram sermonis sui quasi quodam ense percussit ; hoc gladio Paulus Elimae adversanti disputationibus suis, oculorum lumen eripuit, et noctem cæcitatibus infudit. Considera nunc mihi jurgantes peccatores, atque acerba jactantes insolentiae, et criminacionum opprobria proferentes ; nonne, si eos audias, dices : « Gladium evaginaverunt peccatores ; » quando sermo turpis tanquam de vagina petulanti ex ore profertur, quem cohiberi par fuit et recondi ? Similiter ut gladius verbum Dei dicitur, et idem sermo est peccatoris : ita et arcus quem extendunt peccatores, mens eorum est, et sagitta quam jaciunt sermo est venenatus. Sicut enim sagitta est Christus, qui est Verbum Dei, cui dicitur : « Posui te sicut sagittam electam (*Isa. XLIX, 2*), » quæ profertur ex pharetra Dei : ita sagittæ sunt perfidorum, quæ arcu quodam iniquitatis emissæ incautum vulnerant innocentem, nisi ignita eorum jacula scuto fidei repellantur. Et ideo sollicitus esse debes miles in prælio ; quia pugnat tibi non solum adversus carnem et sanguinem est, sed adversus ipsas quoque nequitias spirituales quæ non videntur. Abundant tibi arma fortia Deo, ut facile possis quæ volueris tela depromere : ne pauperem te inernem hostis possit opprimere. Esto Deo fortis, Deo dives, ut dicatur de te : « Redemptio animæ viri, divitiae ejus (*Prov. XIII, 8*). » Abundato thesauro sapientiae, esto dives in verbo et operibus bonis, ut possis esse munitus. **789** Fuge divitias peccatoris, ne inveniat ubi vulnerare te possit. Esto misericors, ut invulnerabilis maneas vel curare te possis, si fueris vulneratus. Est et pauper quem volunt adversarii vulnerare, ex illo numero de quo Salvator dixit : « Beati pauperes spiritu, quoniam ipsorum est regnum cœlorum (*Matth. V, 3*). »

25. (Vers. 15.) Et ideo « framea peccatorum intret in corda ipsorum, et arcus eorum confringatur. » Ut quemadmodum revertitur pax in Dei servulos ab eis qui non receperint benedicentium

(4) Pugnam designat adversus tyrannum Eugenium atque Arbogastem a Theodosio Magno commissam, qua nihil in omni antiquitate magis decentatum. De ipsa scripsit non solum Augustinus, lib. v *de Civit. Dei*, cap. 26 ; et Orosius, *Hist.* lib. VII, cap. 35, sed etiam gentilis poeta Claudianus in panegyrico de tertio Honorii consulatu : cuius poetæ hi duo versus :

O nimium dilecte Deo, cui militat æther,  
Et conjurati veniunt ad classica venti.

a duobus memoratis patribus referuntur. Post hos autem eamdem Theodosii victoriam certatim celebrare ecclesiastici scriptores.

(5) *Peccatoris*, hoc est, diaboli, eum enim tum alibi hac voce designat Ambrosius, tum ad sequentem hujuscem psalmi versiculum, ubi scribit : *nisi forte quia peccator dixit*, etc. Quibus locis credibile est virum sanctum respexisse ad illud : *Joan. III, 8, quoniam ab initio diabolus peccat.*

(6) Edit, Rom. Et *Malachius*. Certe quidem verba hic laudata non apud Ezechiem, sed *Malachiam* reperiuntur est, attamen edit, vet, ac omnes

A pacem : ita etiam malitia peccatorum, quæ justi nocere conantur, in eorum perniciem revertatur ; quo suis telis et vulneribus trucidantur. Sæpe enim jacula in ipsos qui ea jecerint, refunduntur. Quod etiam proximo accidit bello (4), cum infideles et sacrilegi lacesserent aliquem in Domino confidentem, et regnum ejus eruptum ire contenderent, Ecclesiis Domini persecutionum sæva minitantes ; ut subito ventus oriretur, qui infidelibus excuteret scuta de manibus, ac tela omnium, atque missilia in peccatoris (5) exercitum retorqueret. Adhuc hostis deerat, et jam illi ventorum prælia ferre non poterant, suisque spiculis sternebantur. Et quod pejus est, non erant corporum graviora vulnera illa, quam mentium, desiciebant enim corde cum Deum adversum se pugnare cognoscerent. Exierant itaque provocantes, et de pharetra cordis sui adversus populum Christianum venenata perfidiæ jacula proferebant ; sed in caput eorum sua revertebatur impietas. Denique ipsi inter se sua perfidia sunt soluti, paratasqne fidelibus insidias dissipavit Dominus ; ut non solum piis nocere non possent, sed propriis auxiliis nudarentur, atque ad hostem arma sua transirent. Quanto melius non protulissent gladium de vagina, hoc est, impia nequaquam prompsissent ? Nam si pro otioso sermone redditurus est unusquisque rationem, quanto magis verba sacrilegii gravibus suppliciis expiabit ?

26. « Igne nos examinasti, dicit David (*Ps. XVI, 3*) » Ergo omnes igne examinabimur. Et Ezechiel dicit : « Ecce venit Dominus omnipotens, et quis sustinebit diem introitus ejus ; aut quis sustinebit cum apparuerit nobis ? Quoniam ipse introibit sicut ignis conflatorii et sicut alveus lavantium (7) ; et sedebit conflans et purgans sicut aurum et argentum : et purgabit filios Levi, et effundet eos sicut aurum, et sicut argentum, eterunt Domino offerentes sacrificium in æquitate (*Malach. III, 1-3*). » Igne ergo purgabuntur filii Levi, igne Ezechieli, igne Daniel. Sed hi etsi per ignem

mss. legunt, *Et Ezechiel*. Quare dicendum est eum librum quem (ut Hieronymus, *Proœm. in Malachiam* ; Sixtus Sen., *Bibl. sanctæ* lib. v, adnot. 262 ; Huetius, *Demonst. Evang.* prop. 4 ; *De libro Malachiæ*, num. 2 et 3, auctores sunt) Origenes ab angelo, alii autem ab Esdra scriptum voluerent, Ezechieli ascriptum fuisse ab Ambrosio. Nec forte defuit exemplar aliquod cuius auctoritate niteretur ; cum parum verisimile sit ab eo testimonium hoc neque admodum breve, neque etiam ita commune ex memoria descriptum, ut in auctore nominando errori esset locus. Sed hic minime videtur omittendum doctorem nostrum in eo quod omnes omnino etiam sanctissimos viros igne purgatum iri asseverat, Admantii vestigiis insistere ; ut recte observavit Huetius, *Origin*, lib. II, quæst. 11, num. 2 et 8. Ipsam consule, sicut et præfixam Ambrosianis hisce enarrationibus admonitionem.

(7) Eadem edit. Rom., et sicut herba lavantium ubi ea quidem sibi faventes habet LXX, in quibus, καὶ ποιεῖ πλυνόντων. Sed contra vet. edit. ac mss, omnium consensum nihil movemus.

examinabuntur, dicent tamen : « Transivimus per ignem et aquam (*Psal.* lxv. 12). » Alii 790 in igne remanebunt : illis rorabit ignis, ut Hebreis pueris, qui incendio fornacis ardantis objecti sunt; ministros autem impietatis ultor ignis exuret. Væ mihi si opus meum arserit, et laboris hujus patiar detrimentum ! Et si salvos faciet Dominus servos suos, salvi erimus per fidem, sic tamen salvi quasi per ignem ; et si non exurimur, tamen uremuri. Quomodo tamen alii remaneant in igne, alii pertinseant, alio loco nos docet Scriptura divina. Nempe in mare Rubrum demersus populus est Ægyptiorum, transivit autem populus Hebræorum ; Moyses pertransivit, præcipitatus est Pharaon (*Exod.* xiv, 22-28) : quoniam graviora eum peccata merserunt. Eo modo præcipitabuntur sacrilegi in lacum ignis ardantis, qui superba in Deum jactaveret convicia. Sequamur ergo hic positi columnam ignis, quæ nos in hoc corpore positos illuminet, et viam monstret ; ut in futurum nobis nebula refrigeret noctis : quo sæva incendia relevare possimus.

27. Vide autem Scriptura qnid dicat : Arcum peccatorum Dominus confringat. Arcum autem sunm posuit in nube, quo diluvia cessarent, tranquillitas refunderetur (8). Unde credendum, quia adversarius et malignus arcum extendit suum, ut quietis animis moveat tempestates, excitet flatus. Oremus ergo ut arcum malignitatis dissolvat Dominus Deus noster ; adsit pauperi suo et inopi, qui propter Dei timorem duxit non affectandas esse divitias, non occupanda minorum prædia, C non viduas relictis majorum hæreditatibus exuendas.

28. (Vers. 16.) « Melius est parum justo, super divitias peccatorum multas. » Non ergo divitiae accusantur, sed divitiae peccatorum ; nisi forte quia peccator dixit : « Omnia hæc mihi tradita sunt, et cui volo, do illa (*Luc.* iv, 6). » Deinde quoniam divitiae magis facem cupiditatis inflammant ; et unusquisque dum majora desiderat, non declinat diverticula peccatorum. Unde et Salvator dixit : « Facite vobis amicos de mammona iniquitatis (*Luc.* xvi. 9). Iniquitatis enim census est, qui in diaboli potestate est, ut cui ille voluerit, conferatur. Potest et illud intelligi : « Melius est parum justo, super divitias peccatorum multas ; » D quia est qui est dives in verbis (9), ut sunt philosophi istius mundi, de sacrilegis disputantes, de motu siderum, de stella Jovis ac Saturni, degenerationibus hominum, de simulacrorum cultu, de geometria, de dialectica. Philosophi ergo in ser-

(8) *Mss aliquot, quando diluvia cesserant, ut tranquillitas refunderetur.*

(9) Edit. omnes, ac pauci mss., *quia est quidem (mss. quidam) dives in verbis.* *Mss. quinque, quia est qui est, etc.* Et sequenti versu. Rom. edit., *subtilia disputantes* ; sed præterquam quod cuncti mss. atque edit. vet. legunt, *de sacrilegiis disputantes*, videtur non aliud his verbis significari,

A mone divites sunt, fidei inopes, veritatis exsortes. Et sunt plerique simplices Domini sacerdotes, in sermone pauperes, abstinentia et virtute sublimes. 791 Illi multis loquuntur perfidiam, isti paucis fidem asserunt ; illi suos immittunt quotidie sacerdotes, hic pauper populos acquirit Ecclesiæ, numeroque credentium. Qui ergo hos audierit, et viserit operum qualitatem, dieit : « Melius est modicum justo, super divitias peccatorum multas. » Hinc Salomon derivavit illud, quod quasi suum ipse posuit : « Ex multiloquio non effugies peccatum (*Prov.* x, 19). » Dialetica ergo divitias verborum fluit, pietas timorem Dei servat. Ideo hic parcus in verbis, dives in spiritu, magis vult timere, quam vana veri verba jactare : timor enim disciplina sapientiae est : loquacitas innocentiae virtutisque naufragium, atque incentivum prolapsionis et culpæ.

B 29. (Vers. 17.) « Quoniam brachia, inquit, peccatorum conterentur. » Ut actus eorum justo impedimentum afferre non possint ; ne derelinquantur virga peccatorum super sortem justorum. Et Paulus ait : « Conterat Deus Satanam sub pedibus vestris (*Rom.* xvi, 20). » Si enim brachium ejus contritum fuerit, totus ipse conteretur ; ut concilcentur ejus commenta, sicut venena serpentis.

C 30. « Confirmat autem justos Dominus, » brachio adversarii dissoluto. Et ideo justus dicit : « Èt confirmasti super me manum tuam (*Psal.* xxxxi, 3). » Et Job ait : « Manus Domini tetigit me (*Job.* xix, 21). » Misit ergo Dominus manum suam in servum suum ; et manum peccatoris quam in eum accepta miserat potestate, brachiumque contavit. Ita diabolus suo sermone deceptus est, qui dixit : « Mitte manum tuam in eum, et videamus si in faciem te non benedicat (*Job.* ii, 5). » Non enim ausus est dicere, maledicat ; sed hoc intelligendum reliquit. Misit Deus manum suam, et confirmatus est Job. Cœpit benedicere, qui maledicere credebatur ; sanat enim justos, cum tangit manus divina, non vulnerat. Misit manum suam, et leprosi macula omnis abscessit ; tetigit cæcorum oculos, et cæcitatem depulsa lumen refulsit oculorum. Pete ergo semper ut confirmeris, quoniam et tu qui stas, vide ne cadas. Nos stare debemus, ut confirmemur a Domino. Lubricum est sæculum, cito labimur. Ideo rogemus ut nos Dominus stabilire et confirmare dignetur.

D 31. (Vers. 18. 19.) Noli putare quia viam tuam nesciat Dominus. Si justus es, novit. Crede dicenti Prophetæ : « Novit Dominus vias immaculatum (10) : et hæreditas eorum immaculata erit.

quam illis quibus Origenes gentiles inducit, diversas contra se invicem impietatis dialecticæ artis versutiis astruentes.

E (10) Sic versio Arab, et LXX interp. cum Psaltriis aliquot Gallic. Textus autem Hebr., Paraphr. Chald. et versio Syr. cum Vulg. Lat. legunt, dies immaculatorum. Quapropter quod Ambrosius infra testatur se in Græco exemplari hanc ulti-

Non confundentur in tempore malo. » Qui novit Dominum scitur a Domino. Novit justos, nescit injustos; ideo injustis dicet: « Discedite a me, omnes qui operamini iniquitatem: nescio vos (*Matth. vii, 23*); » hoc est, quia estis indigni cognitione divina. Nescio vos; quia me ipsi nescire voluistis. Opera vestra me nesciunt, facta vestra me nesciunt; etsi dicatis, quia me scitis, redarguunt vos peccata, vestra. Omne peccatum a malo est: qui autem non peccat, in me manet, hoc scripsit Joannes (*I Joan. iii, 6*). Quid de Domino dicam, quia dignatur impium scire? Paulus deditur, qui dixit: « Si quis in vobis propheta est, aut spiritalis, cognoscat quae scribo vobis: qui autem ignorat, ignorabitur (*I Cor. xiv, 27, 38*). » **792** Et alibi scriptum est: « Cognovit Dominus qui sunt ejus (*II Tim. ii, 19*). » Simus ergo Domini, ut cognoscat nos Dominus, et discedat ab iniquitate omnis qui nominat nomen Domini.

32. Græcus habet: « Novit Dominus dies immaculatorum. » Sunt enim dies Eliæ, sunt dies Nabuchodonosor; ideo Evangelium habet: « In diebus Eliæ, quando clausum est cœlum (*Luc. iv, 25*). » Nox erat perfidis, sed Eliæ lumen erat; clausum erat perfidis, cœlum, sed Eliæ patebat; famæ erat perfidis, sed Eliæ ubertas; neque enim esurire poterat, cui cibum cœlestia (17) ministabant; nec esuriebat, qui alios ipse pascebant. Ergo sibi dies est justus in tenebris quia et lux in tenebris lucet. Et Joseph in Ægypto erat, et lucebat ei meridies, sicut infra dixit: « Peccatori autem dixit Deus: quare tu enarras justitias meas (*Psal. XLIX, 16*)? » Justitia lumen est, quia supra habes (*Vers. 6*): « Et educet sicut lumen justitiam tuam. » Habet ergo quod in teluceat, si justitiam sequaris. Splendet tibidies, lucet tibi nox; quia fidelis et nox sicut dies illuminabitur. Dies igitur justi novit Dominus, quia ipse « illuminat omnem hominem venientem in hunc mundum (*Joan. i, 9*), » hoc est, illum qui ad imaginem et similitudinem Dei vivit; illum qui se hominem esse cognoscit, ut refugiat equorum libidinem adhucientem, ferarum rabiem, lepusculorum formidinem, vulpium fruudem, rapinam luporum; illum hominem qui sic agit, quasi in hunc mundum supervenerit; qui non ex sanguine, neque ex voluntate carnis, sed ex Deo natus sit. Venisti ergo, noli remanere, noli adhærere terrenis. Ut scias autem quia dies boni sunt, audi dicentem: « Abraham... diem meum vidi, et gavisus est (*Joan.*

mam lectionem observasse, eum ad Symmachi versionem respexisse crediderimus. Quod vero edit. Rom. pro, *immaculata erit*, correxerat, *in æternum erit*, in hoc quidem omnes codices sacros patrocinantes habet, sed e contrario omnes Ambr. edit. ac mss. reclamantes.

(11) *Cœlestia*, id est, angelus et corvi, ut habes Reg. xvii, 6, et xix, 5.

(12) Ms. Reg., *a morte servatur. Justus compatitur injusto igitur cum punitur*. Ubi vox igitur

**A** VIII, 56). » Bonum habet diem, qui Dei Filium bonum Deum novit, et Dominum confitetur. Et rursus ipse nos admonet cavere debere, « quia dies mali sunt (*Ephes. v, 16*). » Qui mali sunt dies? In quibus utique malum cognoscitur, quod est a malo. Aut forte dies sæculi mali sunt quia sæculum in maligno positum est. Sed legimus etiam post sæculum diem malum: « In die mala liberabit eum Dominus (*Psal. XL, 2*), » hoc est, in die judicii, mala quidem propter multorum supplicia. Necesse est enim ut torqueantur injusti, compatiuntur justi; quia et Angeli gaudent, cum peccator a morte servatur unus. Compatiuntur igitur cum punitur (12); etsi alibi legerimus: « Lætatur justus, cum viderit vindictam impiorum (*Psal. LVII, 11*), » quod suo loco reservo; etsi frequenter audieris cur lætetur; sed occupationes occupationibus non inseramus.

**B** 33. « Novit Dominus dies immaculatorum, » quia immaculatæ innocentiae gratia ejus et plenitudo miseretur, non miseretur errantibus. Isti non habent diem, quia lucem fugiunt, de quibus pulchre dictum est: « Dies eorum sicut umbra prætereunt (*Psal. CXLIII, 4*). » Cognitio ergo Dei, dignationis est, non visionis. Oculi ejus, dies justorum sunt.

**C** 34. Unde « et hæreditas eorum in æternum erit: » quia æterna bona, non temporalis hæreditatis compendia **793** quæsierunt. Et non habebunt de quo erubescant, « in tempore malo, » id est, judicii cœlestis: « Et in diebus famis saturabuntur; quia non in solo pane vivit homo, sed in omni verbo Dei (*Matth. iv, 4*). » Sed quis homo? « Scio hominem in Christo ante annos quatuordecim (sive in corpore nescio. sive extra corpus, nescio, Deus scit) raptum ejusmodi usque ad tertium cœlum (*II Cor. XII, 2*). » Ille ergo homo qui in Christo est, qui se in carne esse non novit, qui non in carne ambulat, sed in spiritu; ille qui rapitur non solum ad cœlum, sed etiam ad tertium cœlum, raptum ad paradisum, et audit arcana verba quæ non licet homini loqui qui non in virtutibus suis, sed infirmitatibus gloriatur: ipse non in solo pane, sed in omni verbo Dei vivit, Verbum enim Dei vita est, quia « Verbum caro factum est (*Joan. i, 14*). » Unde præclare dixit Evangelista: « Quod factum est in ipso, vita est (*Ibid. 4*). »

**D** 35. Alexandrini quidem et Ægypti legunt (13): « Omnia per ipsum facta sunt, et sine ipso factum est nihil quod factum est (*Ibid., 3*); » et intervidetur transposita, et inante *compatitur retrahenda*. Alii quatuor: *A morte servatur, cui compatuntur. Igitur cum punitur peccator compatitur justus, etsi alibi, etc.*, Cæteri et cunctæ edit. ut in textu.

(13) Græci omnes, nedum Alexandrini, et Ægyptii hunc locum legunt in hunc modum: Πάντα δὲ αὐτοῦ ἐγένετο, καὶ χωρὶς αὐτοῦ ἐγένετο οὐδὲ ἐν γέγονεν. Aliam vero interpunctionem exhibent Latina exemplaria, et Latini Patres vulgo sequuntur.

posita distinctione subjiciunt: « In ipso vita est (Joan. 4). » Salva sit fidelibus illa distinctio: ego non vereor legere: « Quod factum est in ipso, vita est; » et nihil habet quod teneat Arianus, quia non illius venena considero, sed lectionis sacræ consuetudinem recognosco. Non enim dixit: Factum est Verbum ante omne principium. Non dixit: Factum est Verbum; sed si quod dixerit audire desideras: « Verbum, inquit, erat apud Deum (Ibid. 4). » Erat apud Deum, quod cum ipso operabatur, cum ipso dominabatur. Non dixit: Factum est verbum; sed dixit: « Deus erat Verbum (Ibid.); » Deus autem non factura, sed factor est et creator. Aperi aures, et audi: « Omnia per ipsum facta sunt, et sine ipso factum est nihil. » Discis esse Filium, in quo divinitatis est plenitudo? Aperi aures adhuc paululum, et audi dicentem: « Quod factum est in ipso, vita est. » In ipso, inquit, factum est: non Dei Verbum factum est: Aut si hoc movet te ad calumniam, quia dixit: in ipso factum est; numquid et Deo Patri calumniaris, quia Dei Filius dixit: « Qui autem facit veritatem, venit ad lucem; ut manifestentur opera ejus, quia in Deo sunt facta (Joan. III, 21)? » Aut quia David dixit: « Consitebor tibi, Domine, quoniam exaudisti me, et factus es mihi in salutem (Psal. cxvii, 21); » hoc est, conversus es mihi in salutem, operatus es mihi ad salutem? Possem aliis uti, sed nolo mihi credas; ne putas argumenta esse ingenii (14), non testimonia veritatis.

36. Ipse tonitru filius, ipse qui in Christi pectore recumbebat, ipse cui secreta sua Dominus non tacebat, cui Petrus innuit ut Dominum interrogaret, et ille interrogavit, et Dominus revelavit; ipse exponat quid senserit de eo quod ait: « Quod factum est in ipso, vita est. » Audi ergo interpretantem, quia tuas, Ariane, calumnias jam cavebat: « Quod erat ab initio, et quod audivimus, et vidimus oculis nostris, quod perspeximus, et manus nostræ scrutatae sunt de Verbo vitæ, et vita apparuit, (I Joan. I, 4). » Caro ergo est quæ in Christo apparuit, vel Christus in carne; ipse nostra in omnibus vita est. Ipsius divinitas, vita est, ipsius æternitas, vita est, ipsius caro, vita est, ipsius passio, vita est. Unde et Jeremias ait: « In umbra ejus vivemus (Thren. IV, 20). » Umbra alarum, **794** umbra crucis, umbra est passionis. Ipsius mors, vita est: ipsius vulnus, vita est: ipsius sanguis, vita est: ipsius sepultura, vita est: ipsius resurrectio, vita est universorum. Vis scire quoniam mors ipsius vita est? « In morte, inquit, ipsius baptizati sumus... ut cum ipso in novitate vitæ ambulemus (Rom. VI, 3, 4). » Et ipse ait: « Amen, amen dico vobis, nisi granum frumenti cadens in terram moriatur, ipsum solum manet;

(14) Ita edit. omnes, mss. vero fere ad unum, argumenti esse ingenia. Non male, si voces, argumenti ingenia sumas pro argumentationis tricis et

A si autem mortuum fuerit, multum fructum afferit (Joan. XII, 24, 25). » Ipse granum pro nobis corpore solitus et mortuus est; ut fructum multum afferret in nobis. Mors itaque ejus fructus est vitæ. « Quod factum est ergo in ipso, vita est. » Caro facta est in ipso, vita est; infantia facta est in ipso, vita est; judicium factum est in ipso, vita est; mors facta est in ipso, vita est; remissio peccatorum facta est in ipso, vita est; vulnus factum est in ipso, vita est; illusio facta est in ipso, vita est; divisio facta est in ipso, vita est; sepultura facta est in ipso, vita est; resurrectio facta est in ipso, vita est. Vide quanta in ipso facta sunt, quibus vitæ nostræ facta conversio est, ut quæ perierat, redderetur. Ad postremum venditio facta est in ipso, vita est: redemptio facta est in ipso, vita est. Ad mortem venditus est a Juda, emptus a Judæis ad mortem, ut pretioso ejus sanguine nos redimeremur ad vitam. Hæc est vita quæ facta est, hæc est vita quæ apparuit, hæc est vita quam audivimus, hæc est vita quæ erat apud Patrem, quia ipse qui erat in principio, ipse postea est natus ex Virgine, ut esset vita morituris.

37. Ipsum hunc propositum nobis locum interrogemus? Quid est, « hominem in Christo (II Cor. XXII, 2)? » Hoc est, factum in Christo, « in quo facta sunt omnia, sive Sedes, sive Dominationes, sive Principatus, sive Potestates, omnia per ipsum et in ipso creata sunt, et ipse est ante omnes, et omnia in ipso constant (Coloss. I, 16 et 17), » hoc

C est, in virtute ejus. Homo ergo in Christo, qui factus est ad imaginem ejus et similitudinem: homo in Christo, qui totus in Christo sit. Sicut enim Deus per unitatem et plenitudinem divinitatis Pater Deus totus in Filio est, et Filius in Patre: ita per intentionem et pietatis affectum (ut exempli vice, non comparationis utamur) homo totus in Christo est, qui enim adhæret Domino, unus spiritus est. Homo ergo in Christo, non ille terrenus, non ille peccati, sed homo Christi. Quid ergo movet: « Quod factum est in ipso, vita est, » si et homo præcipue interior, in ipso factus est, in ipso crucifixus, in ipso renovatus, in ipso sepultus, et cum ipso conseptus, in ipso resuscitatus? Quid movet, ut dixi, quia scriptum est: « Quod factum est in ipso, vita est, » cum homo dixerit: « in Deo faciemus virtutem (Psal. LIX, 14)? » Si queris quæ vita sit, si moveat quod factum sit in ipso, adcipli. Nempe vita, Ecclesia est. In ipso facta est, in ejus costa, in ipso resuscitata Eva. Eva autem vita, hoc est, quod factum est, quia Eva quæ perierat, salva facta est per Ecclesiam, hoc est, per filiorum suorum generationem, sicut scriptum est (I Tim. II, 15), quia delictum superioris prævaricatrixis sobria emendavit hæreditas. Unde et ipse Paulus

cavillis, sive sophismatis. Vide Glossarium Gangii ad nomen, *ingenium*.

raptus est ad vitam, qui ante erat persecutor ad A jusmodi gloriabor : pro me autem non gloriabor mortem. (Ibid. 5). »

**795.** 38. Prolixius evagati sumus, ut de eo homine qui non in solo pane, sed in omni verbo Dei viveret, diceremus. Revertamur ad psalmum (vers. 19) : Et ideo immaculati non confundentur in die judicii, et in diebus famis saturabuntur. »

39. (Vers. 20.) « Deficientes sicut fumus deficiens. » Græcus ἔλειπον habet, hoc est defecerunt. Vides subito aliquem ad potestatem venisse et honoris insignia : sublimem judicas (15). Vides illi alium esse successum ; nonne dicis de eo : Ubi honoratus et exaltatus est iste ? Defecit. Ideo plus dixit Græcus, quia ubi honorari et exaltari quis creditur, ibi defectu proprio prævenitur, ut meatus fluminum præterisse citius quam venisse comprehendas, et dum ventura opperiris fluenta, te adhuc exspectante, fluxerunt. Contra humiles atque mansueti dum subjiciuntur a divitibus et opprimuntur, exaltati sunt a sua humilitate, et subito resurgent. Ideoque Paulus in infirmitatibus sibi plaustrum, non in virtutibus.

40. Sed consideremus, ne quis putet eum in relationibus gloriatum ; et repetamus ea, ut se ipse defendat humilitatis magistrum. « Scio, inquit, hominem in Christo ante annos quatuordecim, sive in corpore nescio, sive extra corpus nescio, Deus scit, raptum ejusmodi usque ad tertium cœlum (II Cor. XII, 2). » Ante annos quatuordecim revelationum sibi dicit, et tamen revelationem tandiu apud se tenuit et repressit : nec dixisset, nisi utile nobis judicasset ut diceret ; ne nos revelationibus extolleremur. Si enim in tanta gratia non est gloriatus Paulus, nec nos gloriari oportet. Juvenis ipse non gloriatus est, senex gloriaretur ! Deinde raptum se usque ad tertium cœlum negare non potuit, et tamen utrum in corpore, an extra corpus raptus esset, se ignorare testatus est. Non ergo de scientia, sed de ignorantia gloriatur, et Dei circa se gratiam prædicat. Quod scientiæ est, negat ; quod charitatis est, confitetur, scientia enim inflat, charitas vero ædificat. Et iterum, raptum ejusmodi hominem dixit : quemadmodum raptus esset, utrum in corpore, an extra corpus, incertum sibi esse memoravit. Vide stateram sapientiæ. Constituit unum in Christo, et se alterum, qui ait : « Nescio. » Quod alienum est, attollit, quod suum humiliat. « Et audavit, inquit, verba ineffabilia (II Cor. XII, 4). Non dixit : Audivi, sed quod alter audierit, non negavit. Verecunde itaque testimoni se maluit significare quam vatem, et refugit videri cœlestium arbiter secretorum. Testimonium enim dicere, veritatis est : meritum elationis (16) non refugere, gloriantis. Ideoque ait : « Pro hu-

(15) Edit. omnes ac mss. Vict. et Colb., sublimem judicas. Vides illi esse successum. Alii mss. eo dissentiunt, quod pro vides... judicas, legunt, Vide... judica; e quibus etiam quatuor habent, alium esse successum. Et sane vocem alium, necessario sensus postulat.

41. Quid est autem quod ait audisse hominem, et hominem illum in Christo, quæ non licet homini loqui ? Quomodo hoc convenit, ut non licuerit homini loqui, quæ licuerit homini audire ? Si ipsi homini qui audivit, non licet loqui, quomodo ei creditum est audire, quod non permisum est loqui ? quæ ista distantia est ? Si alteri homini qui esset exterior, quomodo potuit homo cognoscere quod homini non licebat audire ? Unde videtur non gratia loquendi illi homini defuisse **796** qui esset in Christo, cui non defuit ; sed eis qui audirent, locum, tempus, meritum defuisse. Ille enim in cœlo audivit ; et ideo non competere judicatum est, ut id loqueretur in terris, quod audisset in cœlo ; cum in ipsa terra sit ista discretio, ut quod in altera regione canitur, in altera non canatur, secundum quod scriptum est : « Quomodo cantabimus canticum Domini in terra aliena (Psal. cxxxvi, 4) ? » Denique Hebræi non canebant in terra captivitatis, quod in sua patria canere consueverant. Hæc terra captivitatis est, alia terra libertatis est ; ista peccati, illa quietis aeternæ ; vallestris ista, illa cœlestis. Ergo in cœlo illa nunc prædicabat Paulus, quæ terris ante prædicare non poterat ; inter perfectos enim secreta sapientiæ sunt loquenda.

42. Attamen quid commemoratione istius revelationis operatur, nisi ut doceat quod in revelationibus minime gloriandum sit, sed in infirmitatibus ; quia infirmitas, et remedium revelationis, et virtutis exercitium est ? Contra autem revelatio, elationis lubricum est ; namque ne revelationis sublimitate extolleretur ipse Paulus, qui raptus in tertium cœlum est, stimulum carnis accepit. Subvenit ergo infirmitas, ne gratia in periculum verteretur. Utilior ergo infirmitas, quam gratia. Eadem quoque infirmitas officina virtutis est ; sicut ipsi Apostolo testificatus est Dominus, quia « virtus in infirmitatibus consummatur (II Cor. XII, 9). » Denique iste post revelationem rogavit remedium sanitatis, et non impetravit ; in infirmitate autem remedium non quæsivit, sed cursum consummavit, et coronam invenit.

43. (Vers. 21.) « Mutuatur, inquit, peccator, et non solvit : justus autem miseretur, et tribuit. » Hoc quoque convenit personæ Pauli, quia « justus miseretur et tribuit. » Vide illum Domini eloquia dividentem, vide argentum Domini fenerantem. Unam mnam accepit, duas reddidit : duas accepit, quatuor reddidit : quinque accepit, decem reddidit. Non ligavit in sudario quod acceperat, sed numulariis erogavit ; et quod erogaverat, cum usurris recepit. Ita et accipientem a peccato maximo

(16) Cod. quinque, meritum electionis. Sed vocem electionis, pro elationis, ab aliquo positam arbitramur, qui non consideravit hic elationem dici, non superbiam, sed ipsum Apostoli raptum, quo usque ad tertium cœlum elatus sive elevatus dicitur.

liberavit, ne apud eum pecunia Domini deperiret, et ipse ut decem civitatibus præsiceretur, emeruit. Quæ sint decem civitates, in epistolis recognosce quas scripsit, etsi apostoli præscripto numero non teneantur, quibus dictum est : « Ite per orbem universum, et prædicate Evangelium universæ creaturæ (*Marc.* xvi, 15). » Hic ergo ab Jerusalem per Orientem et Illyricum et Italiam Domini pecuniam dispensavit. Et ne quis putaret quod suam feneraret, Domini esse pecuniam testabatur dicens : « His autem qui matrimonio juncti sunt, denuntio non ego, sed Dominus, uxorem a viro non discedere (*I Cor.* vii, 10). » Et alibi : « Quid experimentum quæritis ejus qui in me loquitur Christus (*II Cor.* xiii, 3). » Denique ipse rex ita dixit, in quo figura est Domini : « Oportuit te pecuniam meam committere nummulariis (*Matth.* xxv, 27). Meam, inquit, non tuam. » Justus ergo miseretur et tribuit. Quomodo tribuat, audi dicentem : « Per omnes Ecclesias doceo (*I Cor.* vii, 17). » — « Peccator autem mutuatur, et non solvit. » Vide divitem mutuantem, et non reddentem : pauperem accipientem, **797** et continuo remunerantem, ne diutius in ære alieno sit. Hæc moralia.

44. Vide nunc pauperem mysticum, id est, simplicem et timentem Dei nomen, audientem verbum de castitate, et solventem; audientem de misericordia, et solventem; audientem de placiditate, et non irascentem : divitem vero illum arrogantem et superbum, audientem quidem, sed post se rejicientem sermones Dei; audientem de condemnatione luxuriæ, et magis luxuriantem. Denique Ecclesia solvit quod accepit, Synagoga non solvit. Cognosce Ecclesiam solvere : « Tui, inquit, erant, et mihi eos dedisti, et verbum tuum servaverunt (*Joan.* xvii, 6). » Et alibi : « Ipse enim Pater diligit vos, quia vos me diligitis (*Joan.* xvi, 27). » Reddidit ergo Ecclesia quam accepit a Domino pecuniam charitatis, sed Synagoga non reddidit. Ideoque de Judæis dicitur : « Si non venissem, et locutus non fuisset his, peccatum non haberent : nunc autem excusationem non habent de peccato suo (*Joan.* xv, 22); » quia audierunt utique, et non crediderunt. Probatum est ergo quia mutuati sunt peccatores, et non solverunt. Peccator igitur eget semper : justus autem abundat et tribuit, cuius dives est conscientia. Ideoque Judæi in suis divitiis eguerunt : « Divites eguerunt et esurierunt (*Psal.* xxxiii, 11), » Christiani autem in divitiis simplicitatis suæ non defecerunt.

45. (Vers. 22.) Bonus ergo justus; et ideo addit Scriptura : « Quoniam benedicentes eum, posside-

(17) Ita edit. omnes, et mss. quatuor, quibus tum divinus textus, tum Ambrosius ipse lib. i *De Cain et Abel*, cap. 5, num. 17, et alibi, suffragantur, locum hunc eisdem verbis exhibentes. Alii tamen quatuor mss. post vocem *potestatem hanc*, inserunt, *universa hæc regna*; non alia sane de causa, nisi ut sit quo referatur τὸ illorum. Atqui ellipsis est ubi subintelligitur τὸ negotiorum, Græce χρη-

**A** bunt terram; maledicentes autem eum, disperibunt. » Quomodo justus possidet terram, aut quam terram, cum Scriptura dicat : « Numquid soli habitabis super terram (*Isa.* v, 8)? » Et alibi : « Væ habitantibus super terram (*Apoc.* viii, 13), » quod increpationis est verbum atque maledicti. Cujus ergo terræ benedicta possessio est? Non istius quæ tenebris absconditur et amaritudinibus impletur : sed illius quæ fluit mel et lac, id est, habet gratiam suavitatis, et fulgorem lucis æternæ. Accipe mellis boni suavitatem; imo supra mel : « Fugit dolor et gemitus et tristitia (*Isa.* xxxv, 10); » quia suavitas gratiæ amaritudinem humanæ fragilitatis excludet. Et alibi : « Et delebit omnem lacrymam de oculis eorum; et mors non erit amplius, neque luctus (*Apoc.* xxi, 4). » Accipe etiam lactis nitorem. « Et non indigebunt lucerna, et lumine solis; ipse enim Dominus illuminabit super illos, et regnabunt in sæcula sæculorum. Amen (*Apoc.* xxii, 5). »

46. Est etiam mysticus justus, qui miseretur et tribuit, qui omnia verba quæ accepit a Patre dedit nobis, et peccatorum nostrorum nobis æra dimisit, et sanguinem suum pro nostris debitis solvit; ut non in senore essemus alieno, sed in suo ære bonus creditor nos haberet. Est et peccator ille qui congregavit quæ non peperit, et mutuatus est quod non tenebat, nec vult restituere quod accepit. Audi quia mutuatus est diabolus : « Tibi, inquit, dabo potestatem hanc universam (17), et gloriam illorum (quia mihi tradita sunt, et cui volo, do illa), si procidens adoraveris me (*Luc.* iv, 6). » Nequissime, accepisti ad temptationem, non ad mortem; hoc est accepisti ut probarentur Dei servuli, **798** non ut extinguerentur; accepisti ut Deus adoraretur, non ut negaretur; accepisti sacerdaria, cur eripis quæ æterna sunt? accepisti quæ mundi sunt, cur vis auferre quæ Christi sunt? Da illa cui vis, non invidimus. Cur nobis a te quæ nos volumus, invidentur? Tu adorari vis, qui omnibus nequior, ipsa quoque indignus es servitute.

47. (Vers. 23.) « A Domino gressus viri corrigentur (18). » Græcus διαβήματα dixit, hoc est transitus. Et ideo dicitur tibi : « Si transeas per aquam, flumina te non concludent (*Isa.* XLIII, 2). » Transi ergo, noli cessare : sicut bonus viator cum venerit ad aliquod viæ signum (19), non stat, sed pertransit; et tu in via es, quandiu in hoc cursu es constitutus. Paulus si stetisset, cursum suum non consummasset. Vide ne ideo dicat : « Et tu qui stas, vide ne cadas (*I Cor.* x, 12). » Non enim qui transivit, potest timere ne cadat. « Vidi, in-

μέτων, quæ videlicet indice dæmon ostendebat.

(18) Rom. edit., *A Domino gressus viri dirigentur et viam ejus cupiet. Gressus viri dirigentur. Gressus Græcus διαβήματα*, etc. Aliæ ac mss. omnes, ut nos in textu.

(19) Id est, columnam ad indicandas vias in bi-viis aut triviis erectam, vel ἐρμαῖον λόφον, de quo *Prov.* xxvi, 8.

quit, impium superexaltatum, et elevatum super cedros Libani ; et transivi, et ecce non erat (*Infra*, vers. 35). » Videns ergo impium superexaltatum, qui non stetit, non offendit : si stetisset, et miratus illum fuisse, et secutus esset, offenderat, et ceciderat sicut impius, Ideo Moyses videns rubrum relucere et non ardere, ait : « Transiens videbo hoc visum magnum (*Exod.* iii, 3). » Qui transit de hoc saeculo, magnum visum videt : qui solvit vincula istius nexus quo ligamur huic corpori, magnum visum videt. Moyses in Exodo, ut legitur, multa videt miracula : non tanta aliis videt qui non est in Exodo. Idem Moyses transivit : transit et populus patrum, quia de terra captivitatis exibat. Dirigebantur itaque a Domino gressus eorum, quibus per noctem ignis columna lucebat, per diem nubis ; ut nec diei ardor afficeret comedantes, nec impedimentum viantibus tenebrae noctis afferrent.

48. Et tu merere factis, votisque deposce ut gressus tui a Domino dirigantur, ne moveantur pedes tui ; quia scriptum est : « Mei autem pene moti sunt pedes ; paulo minus effusi sunt gressus mei (*Psalm. LXXII*, 2). » Cavendum est quoque ne rectam semitam derelinquas, et diverticula te viarum tortuosarum decipient ; ideo dicitur : « Parate viam Domino : rectas facite semitas ejus (*Isa. XL*, 3). » Paremus ergo viam Domino Deo nostro in mentibus nostris ; rectas faciamus animorum semitas, ne labamur ; non effundantur gressus nostri sicut uxor Lot, quae post se respexit, et gressus tenere non potuit, sed effusi sunt, cum in salem esset repente conversa ; non effundantur sicut Aegyptiorum, quorum gressum maris fluctus effudit. Ipsi Hæbreis qui cum Moyse erant, quia peccaverunt in deserto, ceciderunt vestigia pedum, ne in terram resurrectionis (20) intrarent.

49. Nonne etiam de his pulchre dicitur quia effusi sunt processus eorum, quorum spes lapsæ, in vanum effusus labor, vota sunt destituta. Considera enim aliquem per aliquot annos habuisse studium probitatis, castitatis custodiam, vitæ attentoris affectum, piæ propositum servitutis, sedulæ **799** observationis officium ; subitoque eum esse mutantum, discessisse monasterio, valedixisse jejuniis, continentiae renuntiasse, indulgere deliciis (21), D studere luxuriæ. Dudum de monasteriis exierunt (22), et nunc luxuriæ sunt magistri, disseminatores incontinentiae, incentores petulantiae, obrectatores pudoris. Nonne de his pulchre dixeris :

(20) *Vet edit. in margine, ac Rom. corpore, ne in terram reprobationis ; sed cuncti mss. constanter legunt, ne in terram resurrectionis ; translato scilicet rei figuratae nomine in ejus figuram.*

(21) *Mss. aliquot, indulgere delictis.... incentores pestilentiae.*

(22) *His admodum affinia in epist. ad Verc. Eccl. leguntur de Sarmatione ac Barbatiano monachis apostalis. Hi siquidem cum disciplinæ severioris impatientes asceterium Mediolanense deseruerint, ac postea petiti redditus a sancto antistite repulsam*

**A** Effusi sunt gressus eorum, quos bene direxisse pœnituit ? Egerunt itaque novi generis pœnitiam pro virtutibus, et non agunt pro delictis. « Sed hi ex nobis exierunt, dicit Joannes, sed non erant ex nobis ; si enim ex nobis fuissent, nobiscum perseverassent (*I Joan.* ii, 19). » Hi ergo viam suam condemnaverunt, quibus convenit dici : « O qui dereliquistis semitas rectas abeundo in vias tenebrarum ; et qui lætamini in malis, et gaudetis in eversione mala, quorum semitæ prævæ, et flexuosi cursus eorum (*Prov.* ii, 13-15), » sicut lubricus et flexuosus auctor ipsorum ; cur odisse cœpistis viam rectam, et justum consilium deseruistis ? Non vos direxit Dominus : quem autem dirigit Dominus. « viam ejus cupiet (vers. 23). » sicut scriptum est, et ipsius semitis delectabitur.

50. Utrumque tamen intelligi potest, ita est medium, quod et ipse qui a Domino dirigitur, viam Domini cupiet ; quia duce ipso, omnis levatur labor, omnia impedimenta removentur, incentivâ subministrantur : et ipse Dominus nonaspernatur, sed libenter accipit viam viri quem ad virtutem ipse direxerit. Pulchre autem viri gressus dirigi dicuntur a Domino, quia non volentis neque currentis, sed miserentis est Dei, sine offensione servare vestigium. Qui enim plantat et rigat, nihil sunt ; sed qui dat incrementum Deus : ipsi solidi gloria virtutum jure defertur.

51. (Vers. 24.) Denique etiam justus cadit interdum ; sed si justus est, « cum acciderit, non turbatur. » Quod conditionis est, cadit ; quod justitiae, resurgit : quoniam justum Deus non derelinquit, sed « confirmat manum ejus. » Qua ratione non pedem, sed manum dixit ? Nisi forte ea, quoniam qui cadit, non magis pede labitur, sed infirmus lubrico sæpe decipitur, vel offendit in petra ; hic autem justi casum intellige, id est fortioris. Denique de populo qui luctatur, si genu fixerit, vel pede lapsus fuerit, pro victo habetur ; athleta qui luctandi peritiam habet, et ad coronam luctatur, etiam volens genu figit, ut vincat ; et si lapsus fuerit, non excludifur ; et si ab eo qui superior sit, prematur, manibus tamen se sustinens, jure decertat ; nec aufertur bravum, nisi fuerit fusus in ventrem, aut distentus vinculo lacerorum. Inde oriuntur crebra certamina ; quia multa et incognita plerisque sunt genera ruinorum. Nam casus eorum proprie appellantur ruina (23), Græce enim πτῶματα nuncupantur. Ergo cum stringitur et urgetur, sæpe se volvit, et fit

passi fuissent, ita hanc ob ignominiam exarsere, ut continentiam, jejunia, et alia id genus monastici instituti ornamenta bacchari atque insanire nusquam desinerent. Quapropter utrumque hoc loco designari prudenter admodum observavit Hermannus Vitæ sancti Ambrosii lib. vii. cap. 4, et ex nostris qui Historiam Benedictini Ordinis vernaculo sermone nuper in lucem emisit. Illum adisis, lib. i, cap. 3, § 5.

(23) *Edit. vet. et mss. aliquot Nam casus eos proprie appellant Latini ; sed edit. e regione in*

supra qui inferior habebatur, superioremque dum **A** surgit, edidit : quod videtur Scriptura significare, cum dicit : « Universum **600** stratum versasti in infirmitate ejus (*Psal. xl*, 4). » Itaque de eo dicitur : « Cum ceciderit bonus athleta, non turbabitur : plerique enim volunt teneri, quo maturius vincant, qui de arte presumunt. Sed etiam si assignatus, ut ipso verbo utar, et primo et secundo fuerit (24), non excluditur, licet ei interdum reparare luctamen, et vincere saepe contingit, et cedere eum qui secunda contentione superavit. Ita ergo etiam justus etsi offendiculum incurrit et ceciderit, non relinquat tamen studium devotionis et fidei, sobrietatem teneat, paenitentiam gerat, saepe se reparat. Ideo interrogat Petrus : « Si peccaverit in me frater meus, quoties remittam ei, usque septies (*Matth. xviii*, 21) ? » Et respondit Dominus : « Non solum septies, sed etiam septuages septies (*Ibid. 22*). » Ut scias autem quia athletæ sumus et impellimur, et alii ruunt, et plerique eliduntur, audi dicentem : « Suffulsa Dominus omnes qui ruunt, et corrigit omnes elisos (*Psal. cxliv*, 14). » Unde et ipse de se dicit David, vel ille qui locutus est in Propheta : « Impulsus subversus sum ut caderem ; et Dominus suscepit me (*Psal. cxxii*, 13) ; » Jesus enim non cecidit, sed impulsus est. Etenim cum ipse convertat elisos, quomodo ipse potuit elidi ? Justum autem, cum ceciderit, posse resurgere testatur Scriptura, quæ dicit : « Numquid qui cadit, non adjiciet ut resurgat ; aut qui aversus fuerit, non revertetur ? Væ iis qui avertuntur aversione impudenti, dicit Dominus (*Jerem. viii*, 4 et 5). »

52. Utinam quidem ineluctabilis et insuperabilis sit Christi athleta, et in omni ætate, in omni virtutum genere glorus, sicut ille ait : « Sed in omnibus superamus propter eum qui nos dilexit (*Rom. viii*, 37). » Quid est in omnibus ? Sunt athletæ qui vocentur pueri, ephebi, viri ; hoc est, παῖς, ἔφεβος, πόντραι. Etiam Scriptura has in luctatoribus novit ætates, dicente David : « Ne avertas faciem tuam a puerō tuo (*Psal. lxviii*, 18). » Et « : Juvenis sui, et senui (*Infra* vers. 25). » Unde et Joannes ait : « Scribo vobis, pueri ; quia cognovistis patrem : scribo vobis, juvenes ; quia viciis malum : scribo vobis, patres ; quia cognovistis eum qui est ab initio (*I Joan. ii*, 12 - 14). » Maturior itaque ad patres scribens, maturos designat fidei devotionisque processu. Virtutum ergo istæ, non infirmitatis ætates sunt ; neque enim sine virtute puer est, qui cognovit Patrem Deum

margine habent *ruinam*, quam dictionem suppressa voce *Latini* Rom, in textum transtulit. MSS, vero quatuor nobiscum faciunt.

(24) Ita edit. cum parte mss. Alia pars, *Sed etiam si assignatur.... et secundo fugerit*. Utra lectio sit præponenda, ambiguum est. Obscuritas autem inde suboritur, quod verum sensum agonistici illius verbi, *asignatus est* sive *assignatnr*, cognitum non habeamus. Suspicamur tamen ex serie orationis pos dici potuisse *assignatos*, qui jam in terram de-

**A** virtutum. Ex illo puero isti sunt pueri, qui prius quam sciret vocare patrem, aut matrem, accepit virtutem Damasci, et spolia Samariæ. Ipse est puer qui natus est nobis, filius qui datus est nobis, cuius principatus super humeros ejus. Ipse nos docuit pueritiam esse virtutem dicens : « Sinite pueros, et nolite eos prohibere ad me venire (*Luc. xviii*, 16). » Et alibi : « Amen, amen dico vobis, nisi conversi fueritis, et efficiamini sicut puer iste non intrabitis in regnum cœlorum (*Matth. xviii*, 3). » Ipsa quoque corporis fortitudine pueri plerumque viros vincunt. Et utique si ætatem pueritiae consideremus, non potest puer aut usum omnem scire, aut vim subire luctandi. Novimus tamen quod frequenter pueri quos non poterant portare, **801** vicerunt. Adeo vigor animi infirmitatem excludit ætatis.

53. Quales autem pueri, tales et ephebi, hoc est, spirituales. Novit Scriptura adolescentem Paulum jam proximum conversioni (*Act. vii*, 57) ; novit et Eutychum adolescentem, qui cum sermonibus Pauli intentus hæreret, somno victus de tritector cecidit et resurrexit (*Act. xx*, 9-12) ; novit et Joannem adolescentem in Christi pectore recumbentem (*Joan. xiii*, 23), qui tam fortis fuit, ut persecutionem non timeret, malum vinceret. Illic est puer qui patrem genitali reliquit (*Matth. iv*, 20), secutus Patrem eum quem cognovit æternum ; adolescens amictus sindone, Dominum sequebatur tempore passionis (*Marc. xiv*, 51), qui sua omnia dereliquerat ; maturior, Deum Verbum in principio ipso semper fuisse atque esse cognovit (*Joan. i*, 1), et manere in se probavit.

54. Viros quoque Scriptura nos docuit spirituales, Agabo propheta dicente : « Virum hunc cujus est zona hæc, sic alligabunt Judæi in Jerusalem (*Act. xxi*, 11). » Et Festus ait : « Vir quidam est relatus a Felice in custodia (*Act. xxv*, 14). » Ante passionem suam Paulus adolescens dicitur, in passione sua vir significatur, qui, cursu consummato, esset iam proximus ad coronam.

55. Cognovimus ætates pro fide et devotione certantes, cognoscamus etiam genera certaminum singulorum (25). Hæc quoque Scripturæ nos doceat tenor. In hoc itaque sæculari agone alii sunt, qui simplici quodam et legitimo genere luctantur, et ligaturis tantum corporis certant, verberare non norunt, qui palæstritæ vocantur ; alii qui cædem et pulveris jactum membrorum nexibus miscent (26), omni sibi verberandi jure permisso ; quos pammacharios vocant (27), eo quod omnis litis et

jecti tanquam mox vincendi spectatorum oculis ac nutibus signabantur.

(25) Ita Rom. edit. cum sex mss. Vet. autem cum Vict. et Colb., *devotione certantium : cognoscamus etiam certamina singulorum*.

(26) Reg. cod., *membrorum nisibus miscent*.

(27) Omnes edit., *quos παμμάχους vocant... capitibus cruentantur : omnes mss. saltem Gallic, ut in textu,*

pugnæ adversum se habeant potestatem; alii qui cœlestibus adversum se decernunt, et dilaceratis capitibns, cruciantur : hi πύρται feruntur.

56. Hæc omnia certamina subiit Paulus apostolus, sicut ipse demonstrat. Itaque dicit : « Quoniam non est nobis pale adversus carnem et sanguinem, sed adversus principes et potestates, et (ut compendio utar) adversus nequitias spiritales (*Ephes. vi, 12*). » In Latinis plerisque collectatio reperitur, in Græcis omnibus πάλη scribitur; πάλη enim Græcorum, lucta est Latinorum. Et vere pale; quia caro et sanguis, et nequitiae spiritales patientia et continentia corporis, et animi moderatione superantur. Ira, furor, cœdes arma sunt diaboli. Alibi quoque plagis supra modum cæsum se esse significat dicens : « In plagis supra modum, in mortibus frequenter (*II Cor. xi, 23*). » Hierosolymis autem pugnis se esse percussum; ubi cum intervenientibus militibas, aliquando cessassent Judæi percutere Paulum, ipse pontifex Ananias circumstantibus jussit percutere os ejus, cui respondit Apostolus : « Percutere te incipiet Deus, paries dealbate. Et tu sedens judicas me secundum Legem, et extra Legem jubes me percuti (*Act. xxiii, 3*)? » Scivit profecto referirc, qui graviore pugno pontificem repercussit; ipse enim corporaliter cæsus est; illi retulit quod in animam percuteretur a Christo. In prima quoque epistola ad Corinthios scribens ait : « Ego igitur sic curro, non ut in incertum : sic enitor, non ut aera cædens (*I Cor. ix, 26*). » Quod Latine dixit, « enitor. »

**802** Græce ait πυρτεύω. Et vere quasi bonus pycta non aerem, sed aerias potestates et Judæorum capita verberabat; quia caput omnium Jesum Dominum non habebant. In omni itaque certamine Apostolus est probatus, qui etiam caronam cursus consummati accepit. Unde et ipse ait : « Omnia possum in eo qui me confortat (*Philipp. iv, 13*). »

57. Habet et Christus, qui in pueritia sua ævi maturos vicerint; ut Daniel puer spiritu valido seniores illos redarguit Judæorum, et de victoriæ jure dejecit in mortem. Habet et alios, qui priusquam nascerentur, in matris ventre luctati sunt. Denique Jacob fratrem supplantavit Esau, et malum vicit; atque ita de utero matris exivit, ut victoriæ insigne monstraret, et pedem senioris degeneris victor inverteret. Jeremias in vulva matris sanctificatus est et probatus. Joannes Baptista Principem agonis humani, præmiatoremque luctantium, necdum natus venisse cognovit, atque in utero matris exsiliens piæ bravium confessionis emeruit. Recte jam tunc designatus est ad coronam, qui ante omnes ad Christi agonen fidei testis et præco virtutis suum nōmen obtulerat. Bonas præco, qui ad certamen alios excitabat. Et vere bonus præco, qui tam ma-

(28) Hunc locum memoriter citavit Ambrosius; quandoquidem Jacob fugienti fratrem ea tribuit, quæ ab eo in patriam redeunte dicta memorantur. Ab ibi etiam reperitur aliqua varietas; cum pro,

A gna voce clamavit, ut ad ejus sonum secreta cœlestia resultarent. Quid multa? Terram movit, cœlum implevit. Ideoque vocis nomen accepit, quia Verbum Dei vox sacra præcessit, quemadmodum ipse nos docuit dicens : « Ego vox clamantis in deserto (*Joan. i, 23*). » Dixit hoc Isaias propheta (*Isa. xl, 3*): de se dictum iste firmavit. Audivimus quid dixit præco : « Parate viam Domini, rectas facite semitas ejus (*Joan. i, 23*). » Hæc est vox singularis et sola, tam sonora, ut ab omnibus audiretur; tam dulcis, ut universorum corda mulceret. Istos ergo athletas suos Dominus confirmavit ut vincerent; nunquam enim suos deserit, et relinquit.

58. (Vers. 25). Et ideo addidit Propheta : « Juvenis fui, et senui : » sic Latini; aliqui autem juxta Græcos habent : « Juvenis fui, etenim senui, et non vidi justum derelictum, nec semen ejus quærrens panem. » Simpliciter qui vult intelligere, patet sensus, quod vitæ suæ tempore David non viderit justum derelictum. Sed hoc et brevis temporis est, et incredibile; siquidem multos videamus in sæculo justos ab hominibus derelinqui, quando eos aliqui potentium persecuntur: et nullus ad eos audet accedere, cum in timore aut in injuria viderit constitutos. Unde Job dicit : « Fratres mei discesserunt, agnoverunt extraneos magis quam me; amici mei immisericordes facti sunt, et qui me noverant, obliiti sunt nomen meum (*Job xix, 13*). » David quoque non solum destitutum, sed etiam impugnatum se ab amicis et proximis clamat : « Amici, inquit, mei et proximi mei adversum appropinquaverunt (*Psal. xxxvii, 12*). » Ergo si in hoc sæculo reperiuntur justi derelicti, quomodo sibi contraria dixit David; nisi intelligas quod justus etsi in sæculo derelinquitur, a Domino tamen non derelinquitur? Neque enim Job cum esset in stercore (*Job ii, 3*), a Domino derelictus est, quem in Angelorum concilio Dominus ipse sua voce laudabat, quem tentari passus est, ut corona ret, temptationem autem in corpus dedit, in animam denegavit. **803** Nec derelictus David cui regnum dedit, ut populo imperaret electo; quem parricidalibus præliis appetitum, regni sui depulsum finibus, victoriæ jure restituit. Ipsi quoque Jacob, Elias et Elisæus, et Joannes Baptista, et cæteri qui in caprinis pellibus circumeuntes errabant in solitudinibus, et montibus, et speluncis, et foveis terræ, licet ludibria multa et acerba supplicia tolerasse videantur; tamen non derelicti sunt. Si quidem cum fratrem fugeret Jacob, et per deserta incomitatus erraret, obdormivit, et surgens vidit ibi multitudinem cœlestis militiae, et ait : « Hic locus vocatur castra angelorum (28) (*Gen. xxxii, 2*). » Non satis fuit castrum vocare, sed casta, quæ tantæ multitudini convenienter. Vides ergo

castra angelorum, LXX Interp. habeant, παρεμβολὴ Θεοῦ αὕτη : qua in lectione ipsis sacri omnium idiomatum codices consentiunt.

quia solum se putabat, et castra eum cœlestis exercitus sequebantur; sicut et patres nostros Moysis tempore, ne in deserto sitirent, petra (ut scriptum est) sequebatur (*I Cor.* x, 4). Nam cum in Exode legerimus (*Exod.* xvii, 6) quod sitiente populo, percussit Moyses virga petram, et aqua fluxit, et babit populus Dei; iterum in Levitico legerimus, vel in Numeris quod rursus Moyses tegerit petram virga (*Num.* xx, 11), et scaturiverit aqua patribus ad bibendum; præclare Apostolus hoc interpretatus est dicens: « Bibeant autem de consequenti eos petra; petra autem erat Christus (*I Cor.* x. 4). » Illos igitur querulos, illos murmurantes, illos prævaricantes, tamen non deserebat Dominus, sed sequebatur. Quid de Elia et Elisæo dicam, quibus per deserta gradientibus equi de cœlo, et igneus currus occurrit? Quomodo derelictus Elias, qui est invitatus a Christo (*Math.* xvii, 3)? quomodo derelictus in terris, qui raptus ad cœlum? quomodo egenus et nudus et inanis, qui geminati spiritus hæreditatem discipulo dereliquit; ut una melotide hæres donatus fluvios sisteret, Jordanem revocaret in fontem, regum exercitus pasceret in deserto, et potum sitientibus ministraret? Ad ejus arbitrium de cœlo profluebant pocula, in terris mortui resurgebant. Quorum derelictus est Elisæus, qui cum Syrorum vallatus esset exercitu, ut captivus raperetur ad regem, dicente Giezi servo: « Domine, quid faciemus, ait: Noli timere, quoniam plures nobiscum sunt, quam cum illis. Et dixit: Domine, aperi oculos ejus, ut videat. Et aperti sunt oculi ejus, et vidit montem et omnia in circuitu equis innumeris et cœlestibus repleta legionibus (*IV Reg.* vi, 16, 17). » Paulus quoque qui dixit, periculis in mari, periculis in deserto se esse jactatum (*II Cor.* xi, 26), tamen ipse testificatus est dicens: « Si Deus pro nobis, quis contra nos (*Rom.* viii, 31)? Ergo ille si derelictus, et destitutus ab hominibus, apud Deum abundant et profluit. Nam et Elias destitutus erat, ita ut diceret: « Domine, accipe animam meam (*III Reg.* xix, 4); et tamen vigebat apud Deum, ut ipsis esset regibus virtute terribilis.

59. Quomodo juvenis hoc David potuit comprehendere? Juvenis enim magis temporalia, quam æterna considerat; quia ætas ea propendet ad vitia. Sed sunt quidam in juventute senes, et alii **804** juvenes in senectute. Sunt, inquam, viri quorum animi senilium gravitate censentur, in quibus vigeat incana prudentia, qualis erat Jermias, qui cum se juvenem contuitu memoraret ætatis, et per juventutem excusaret, quod prædicandi impar officio videretur, ait illi Dominus:

(29) Edit. Rom. Postea quoque senui: id est usu roboratus, etc. Optimus sensus. Sed ei tamen ant. edit. ac mss. omnes reclamant, quorum consensum secuti sumus.

(30) « Cygnea.... gratia senectutis, » id est sua-

**A** « Noli dicere: Quia juvenis ego sum; quoniam ad omnes ad quoscunque misero te, ibis (*Jerem.* i, 7).. » Ita non juvenem non putavit, quem aptum propheticæ gratiæ judicabat. Talis ergo juvenis fuit David, qui renovatus esset, et refloruisse, ut ipse dixit (*Psal.* cii, 5), velut aquilæ juventus sua. Sic ergo intelligi oportet: « juvenis fui; sed sanctificatus, sed propheta in gentibus positus, qui jam possem regni cœlestis sacramenta cognoscere, et vera præmia considerare justitiæ, sed « non vidi justum derelictum. » Postea quoque alibi et usu roboratus (29) et munere, acquisivi incrementa sapientiæ. Eadem circa justum visa est mihi gratia permanere.

**B** 60. Explanavimus, ut potuimus, quomodo dixerit: Juvenis fui; sed quomodo addiderit: « Etenim senui, » consideremus. Bona juventus, sed melior senectus: qui enim usque in finem perseveraverit, hic salvus erit. Unde non perfuctorie de patriarcha Abraham dictum est (*Gen.* xxv, 8), quod nutritus esset in senectute bona. Et Joannes senex cœpit scribere Evangelium, vel Epistolas, qui cum refugeret apostolum se scribere, seniorem scripsit (epist. 2 et 3): nec minor est æstimatus, cui cygnea quædam suppeteret gratia senectutis (30). Ipse Vas electionis dominicæ scribens ad Philemonem ait: « Cum sit talis, ut Paulus senex, nunc autem et vinctus Christi Jesu, obsecro te pro meo filio, quem genui in vinculis, Onesimo (*Philem.* 9 et 10). Volens itaque illi plurimum deferre, seniori Paulo eum, non juveni comparavit; et ibi se senem esse gloriatus est, ubi jam in vinculis tenebatur. Et videte distantiam: adolescens significatus est in alterius passione, senex in sua. Ibi ut adolescens, quia Judæorum vestimenta servabat (*Act.* vii, 57); hic senex, ubi sui corporis exuvias exuebat. Denique et Petrus ibi senex dicitur, ubi certamen est passionis: « Cum junior, inquit, esses, cingebas te, et ambulabas ubi volebas; cum autem senueris, extendes manus tuas: et alias te cinget, et ducet quo tu non vis. Hoc autem dixit, significans qua morte clarificaturus esset Deum (*Joan.* xxii, 18, 19). » Ante certamen junior dicitur, in certamine senex, qui omne certamen impleverit. Hoc ergo dicit David ille in juventute bellator, in senectute pacificus: « Juvenis, inquit, fui: » sed nolo me adhuc juvenem putes: « Etenim senui, et non vidi justum derelictum, nec semen ejus quærens panem. »

**C** 61. Quod est semen justi? « Abrahæ dictæ sunt promissiones, et semini ejus: non dicit: Et semi-nibus, tanquam in multis; sed sicut in uno: Et semini tuo, quod est Christus (*Galat.* iii,

vior senectus: ex communi scilicet errore veterum, a quibus cygni sub mortem imminentem suavius canere asserebantur. Sed hoc merum esse commentum jam diffitetur nemo.

16). » Audi justi semen.« Filioli mei, quos ego parturio, donec formetur Christus in vobis (*Galat. iv, 19*). » Et nunc si quis ex gentibus veniens sermonem audiat nostrum, et Dominus juvare dignetur, ut formetur Christus in animo ejus, quo partus fidei ferat : semen ei Christus erit. Illic in utroque. Abraham itaque et generationis pater erat secundum **805** carnem, et is qui verbum Domini in pectoribus justorum primus infuderit. Et ideo hoc semen Abrahæ panes istos quibus præbeatur corporalis alimonia, non requirit ; quia habet panem justitiae, qui descendit de cœlo. Sicut enim negantur filii Abrahæ qui opera Abrahæ non fecerint : ita semen Abrahæ sunt, et inter filios recipiuntur, qui opus ejus effecerint (*Joan. viii, 39*). Verum Abrahæ semen Elias, cui angelus alimenta præbebat, et in virtute escæ illius quadraginta dierum curriculis ambulabat. Non requirebat istam corporis hujus alimoniam, verum semen Abrahæ, cui panes deferebantur de cœlo. Denique corvi ei quotidianum convivium ministrabant. Ita indigus erat omnium, ut nihil haberet suum, et mittebatur ut victum aliis largiretur. Verum semen Daniel, cui inter leones posito aerea fercula per Habacuc prophetam referta messorum epulis vehebantur. Est ergo panis Angelorum, quem manducavit homo ; sic enim scriptum est : « Panem angelorum manducavit homo (*Psal. LXXVIII, 25*). » Hic est panis, de quo dixit David : « Dominus pascit me, et nihil mihi deerit : in loco viridi ibi me collocavit. Super aquam refectionis educavit me (*Psal. xxii, 1, 2*). » Bonus David docuit me panem angelorum, et ipse me docuit aquam refectionis. Hæc refectione spiritalis est, hæc refectione requies est mentis internæ. Bona aqua, quæ peccatum lavat, mundat interna. Quæ sit aqua hæc, audiamus. « Si quis, inquit, sedit, veniat ad me, et bibat. Qui credit in me, sicut dicit Scriptura, flumina de ventre ejus fluent aquæ vivæ. Hoc autem dicebat de Spiritu, quem incipiebant accipere, qui crediti erant in eum (*Joan. vii, 37-39*). Ergo nec hoc pane, nec aqua refectionis indiget justus, cui Spiritus sanctus est requies et refectione.

62. (Vers. 26.) Quomodo autem poterit indigere, qui « tota die miseretur et fenerat ? » Quid est quod fenerat justus ? Non æs, non ferrum, non plumbum : sed argentum igni examinatum. Hoc defert ad mensam Domini, et dividit requirentibus : cui unam, cui duas, cui quinque mñas quotidie dividit, et nunquam deficit. Sed fenerationem audivimus in Lege reprehensam, dicente Moyse : « Non fenerabis (*Deut. xxiii, 19*). » Duplex est feneratione : una pecuniae, altera gratiae. Divide utramque : quia scriptum est : « Si-

(31) Codices aliquot manu exarati, « ut sequaris quod Abel qui recte divisit : fugias quod Cain erat, parricida erat, qui recte, etc.

(32) Uterque, nimirum Evangelista et Baptista.

(33) Rom. edit. hunc versum, ac 29 ita mutaverat, ut in hoc poneret : « Et inhabita in sæcu-

A recte offeras, non recte dividias, peccasti : quiesce (*Gen. iv, 7*). » Et tu recte divide, ne pecces. Ipse Moyses doceat te dividere, qui admonuit recte dividendum ; ut sequaris quod Abel egit, qui recte divisit : fugias quod Cain parricida fecit, qui recte(31) dividere nesciebat. Dividit ergo Spiritus sanctus divisiones, qui operatur omnia dividens singulis prout vult : ille prout vult, tu prout potes, prout ingenio vales. Divide quando lex de pecunia dicat, quando de gratia. Dixit enim tibi : « Fenerabis gentibus, cujus Dominus usuras exigit, tu autem non mutuaberis (*Deut. xv, 6*). » Est et pecunia fenoris, est et gratia, cujus Dominus usuras exigit ; pecunia fenoris, æs habet gratia fidem confert. Fenerato ergo **806** fidem gentibus, ut tibi abundet gratia : tu autem noli mutuari quasi indigus, sed quasi dives et locuples fenerato. Feneravit Petrus, feneravit Paulus, feneravit Joannes Evangelista, vel uterque, (32), et non indiguit ; hoc est fenerarunt pecuniam Christi, non fenerarunt pecunias ad usuram. Fenera ergo, et noli desistere fenerare. Audis quid dicat Scriptura : « Tota die miseretur et fenerat. » Justus per diem fenerat, avarus in nocte ; gratia enim lucis est, avaritia autem usura tenebrarum est. Et ideo semen fenerantis fidem in benedictione erit, habens utique præmium benedictionis.

63. (Vers. 27, 28, 29.) Declina a malo, et fac bonum ; et inhabita in sæcula sæculorum (33). Quoniam Dominus amat judicium, et non derelinquet sanctos : in æternum conservabuntur. Injusti autem punientur, et semen impiorum peribit. Justi hæreditate possidebunt terram, et inhabitabunt in sæculum sæculi super eam. His versiculis demonstrat Propheta quod pertineamus ad Dominum, et ipse arbiter cogitationum operationumque nostrarum sit, spectans merita singulorum, qui nihil sine judicio agit ; sed malos et bonos actus judicio discernit. Declinandum ergo est a malo, et faciendum est bonum. Ne bona malaque confundas, prius est ut criminis causas : postea ut innocentiae fructum deferas, quo possis esse perpetuus. Noli putare quod Deum tua peccata prætereant ; sic enim plerique labuntur. Ipse universa cernit et damnat, et impiorum semen exterminat ; semen utique non corporalis generationis, sed mentis internæ et impietatis successionem. Nam utique Job, de semine Esau genitus Scripturæ testificatione signatur. (*Job. i, 1*). Quomodo ergo semen Esau periret in Job, cum tantus iste vir fuerit, ut venturum in terras Dominum prævideret, qui cetum istius sæculi diabolum subjugaret ? Ergo hoc queritur, ne malitia transfundatur in posteros. Hoc per-

lum sæculi ; » in illo autem : »« Et honorificabunt Deum in sæcula sæculorum. » Haud dubie ad id respexerat, quod infra legimus : « Quid autem habitare meruerit in sæculum sæculi, etc. » Sed hoc contra mss. et vet. edit. consensum parum valere existimamus.

baptismatis sacramentum Christus operatur, ut exuat unusquisque quod natus est, induat quod venatus: fiat non familiæ hæres, sed gratiæ (34); ut perpetuum domicilium habitationis æternæ sibi possit acquirere. Qui autem habitare meruerit in sæculum sæculi, et ipse honorificabit Deum in sæla sæculorum.

64. (Vers. 30 et seqq.) Ubi moralibus justum instituit disciplinis, ut qualis deberet esse, te doceret, quære esset perfectæ forma justitiæ; ad sapientiam et theoremata (35) mentem vult ejus assurgere, et excitat ejus intentionem, ut spectet intento corde cœlestia et divina intra se volvat oracula, atque ad ea quæ complaceant Deo, suum informet affectum: sit meditatus in Lege, nec ulla eum Domini mandata prætereant; motus divini Sacramenti cognoscat (36). Denique abhinc vidi in præceptis sanctum Prophetam assurgere: « Os justi meditabitur sapientiam, et lingua ejus loquetur judicium. Lex Dei ejus in corde ipsius; nec damnabit, **807** inquit, eum Dominus, cum judicabitur illi. Exspecta Dominum, et custodi viam ejus; et exaltabit te, ut hæreditate possideas terram: cum perierint peccatores videbis. Vidi impium superexaltatum et elevatum ultra cedros Libani; et transivi, et ecce non erat; et quæsivi eum, et non est inventus locus ejus. Superiora moralia, hæc intelligibilia. Quod est justi os quod meditabitur sapientiam, nisi interioris hominis (37)? Duo sunt enim homines in singulis; unus interior, alter exterior; interior cogitat quæ mentis sunt, quæ mentis sunt loquitur; exterior quæ sunt corporis. Tamen adveniens Dominus utrumque coniunxit: et duos in uno homine condidit, ne diversis sese impugnent mentibus, sed invicem sibi voluntatum suarum unitate socientur. « Ideo os justi meditabitur sapientiam. » Jam enim et ipse exterior homo justi in interioris hominis transfusus est disciplinam: et in ejus conformatus naturam, ipsius exercet officia, ut caro meditetur quod mentis internæ est. Sed ne hoc

(34) Edit. ac mss. Vict. et Colb., « fiat non familiæ hæres, sed gratiæ. » Codex Vat. cum quinque Gallic., « fiat non familiæ, etc. » Melius; hic enim generis sive successionis hæredibus hæredes gratiæ opponuntur.

(35) « Theoremata, » id est, contemplationis argumenta, sive, ut vocant, objecta.

(36) Vet. edit. ac mss. Vict. et Colb. « Modos divini sacramenti cognosce. Mss. Rom. » « Motus divini sacramenti cognosce. » Mss. sex ut in textu, nisi quod Reg. habet *sacra*menta. Haud scimus an omnium optime, ut sensus ille efficiatur: Motionis atque operationis divinæ mysteria cognoscat.

(37) Edit. vet. ac Rom. cum mss. Colb. ac Vict., « nisi interior homo. » Mss. Suo Vat. et quinque Gallic., « nisi interioris hominis. » Bene. Hic enim sub-intelligendum os, quod superiori versu expressum est; licet omittatur in Vict. et Colb. Porro e superioribus versibus tres ab aliis avulsos. Rom. edit. alibi transcriperat, quos priorum edit. ac mss. formæ restituimus.

(38) Mss. aliquot, « transfiguravit corpus humanitatis nostræ.

(39) Mirabere forsitan Ecclesiasticum hic et sequenti psalmo in vers. 12 Salomoni adjudicari, cum

**A** incredibile tibi videatur, audi Apostolum dicentem (*Philipp.* III, 21), quia Dominus Jesus transfiguravit corpus humilitatis nostræ (38, ut conforme fieret corpori gloriæ suæ. Quis audeat dicere carnem sine peccato, carnem assumptam ex Virgine, carnem Spiritu Dei in Mariam superveniente generatam, quæ in nullo discrepavit a sapientiæ disciplinis, interioris hominis exsortem fuisse virtutum, nec in usus ejus transire potuisse; cum supra hominem fuerit quod tactu ejus sanabantur ægroti, cæcis refundebatur aspectus, mortui resurgebant? Competenter ergo scriptum est: « Os justi meditabitur sapientiam; » eo quod totus homo sit spiritualis, non utique terrenus; qualis enim terrenus, tales et terreni: et qualis cœlestis, tales et cœlestes. Absit ergo terrenus, remansit cœlestis. Ideoque in tempora Redemptoris referens Propheta, « meditabitur, » dixit: licet unus e pluribus, « meditatur, » scripsit. Nec abhorret a sensu; quia prophetarum spiritui futura pro præsentibus sunt. Alii putant os pro mente dictum. Pulchre autem istud exposuit nobis Salomon dicens (39): « Narratio justi semper sapientia; stultus autem sicut luna mutatur (*Eccli.*, xxvii, 12): » id est quod sæpe varietur, nec in sua perseveret sententia, et tanquam in tenebris lumen videatur offundere, nec tenere.

**B** 65. Sit ergo tibi semper in corde et ore meditatio sapientiæ, et lingua tua loquatur judicium, lex Dei tui in corde tuo sit. Ideo tibi dicit Scriptura: « Loqueris in illis sedens in domo, ambulans in via, dormitans, resurgens (*Deut.* vi, 7). » Loquamus ergo Dominum Jesum; quia ipse est Sapientia, ipse est Verbum et Verbum Dei. Nam et hoc scriptum est: Aperi os tuum verbo Dei. Ipsum spirat, qui sermones ejus resonat, et verba meditatur. Ipsum **808** semper loquamus. Cum de sapientia loquimur, ipse est: cum de virtute loquimur, ipse est: cum de justitia loquimur, ipse est: cum de pace loquimur, ipse est: cum de veritate, et vita, et redemptione loquimur, ipse est. Aperi os tuum Dei

**C** non solum Augustinua de hoc sicut et de libro Sapientiæ scripserit lib. xvii, *de Civit. Dei*, cap. 20: *Non autem esse ipsius* (Salomonis scilicet) *non dubitant doctiores*; sed et Ambrosius ipse lib. I. *De interpell.* Job, cap. 3, num. 6, eumdem Ecclesiasticum testatur scriptum fuisse a Sirach. Verum cum illi Salomonis titulum imposuit, id fecit eo permotus quod propter eloquii verba sunt Augustini loco citato, *nonnullam similitudinem, ut Salomonis dicatur, obtinuit consuetudo*, vel quod eumdem ex sententiis Salomonis compilaverit Jesus filius Sirach. Quod autem spectat ad ejus auctoritatem, quamvis non semper tanta fuerit in orientali Ecclesia, maximam tamen semper fuisse in occidentali constat, tum ex loco Augustini jam laudato, tum ex eo quod ipsum Ambrosius, lib. *De bono mortis*, cap. 8, num. 35; *De Elia et jejunio*, cap. 48, num. 67. et in Psal. cxviii, serm. 20, vers. 155, atque alibi nunquam non pro authentico habet. Uberius de hoc eodem libro disputatum reperies apud Huetium, in *Demont. Evang.* prop. 4. *De Ecclesiastico*, num. 1, 6 et seq. Videsis etiam B. Thomam, i p. q. 89, a. 8, ad 2. Item 22, q. 174, a. 4, ad 4, et Patrem Nicolai ad utrumque locum.

verbo, scriptum est: tu aperi, ille loquetur. Ideo dixit David: « Audiam quid loquatur in me Dominus (*Psal. LXXXIV*, 9).» Et ipse Dei Filius dicit: « Aperi os tuum, et adimplebo illud (*Psal. LXXX*, 11).» Sed non omnes ut Salomon possunt percipere sapientiae perfectionem; non omnes ut Daniel. Omnibus tamen pro possibilitate infunditur spiritus sapientiae; sed omnibus qui fideles sunt. Si credas, habes spiritum sapientiae; ideo Sapiens dicit: « Credidi propter quod locutus sum (*Psal. cxv*, 10).» Cum credideris, accipies loquendi gratiam. Et qui credit, redimitur; et qui orat, redimitur: si pie intendat orationibus, et in oratione assiduus sit, diem præveniat, noctem frequentet, soli matutinus occurrat (40), ut ante ipse illuminetur a Christo, quam terra solis exortu; et qui psallit redimitur; et qui compungitur, redimitur.

66. Ideo semper meditare, semper loquere quæ Dei sunt, « sedens in domo (*Deut. vi*, 7).» Domum possumus accipere Ecclesiam, possumus accipere domum interiorem in nobis, ut intra nos loquamur. Sedent judices in Jerusalem; sederunt sedes in judicio; sedit etiam judicium concilium, et libri aperti sunt, Propheta dicit: « Et tu cum consilio omnia fac (*Ecli. xxxii*, 24).» Cum consilio de factis tuis judica, cum consilio vinum bibe, cum consilio loquere, ut effugias peccatum, ne incidas per multiloquium. *Sedens* loquere tecum, quasi qui judices: *in via* loquere, ne unquam vaces. In via loquaris, si in Christo loquaris, quia via Christus est. In via loquere tibi, loquere Christo. Audi quomodo illi loquaris. « Volo, inquit, viros in omni locu orare, levantes puras manus sine ira et disceptatione (*I Tim. ii*, 8).» Loquere, o homo, « dormitans » ne tibi somnus mortis obrepat. Audi quomodo dormitans loquaris: « Si dedero somnum oculis meis et palpebris meis dormitionem, donec inveniam locum Domino, tabernaculum Deo Jacob (*Psal. cxxxii*, 4, 5).» Vince naturam diligentia, exclude corporis somnum. Naturam nobis formare non possumus, possumus diligentiam. Homo erat David, indulgebat aliquid somno per noctem, sed excludebat somnum, lavans per singulas noctes lectum suum et lacrymis irrigans stratum suum. Ideo memorerat in stratu suo semper Domini sui, et in ipso meditabatur, ut diluculum præveniret, et in tenebris ei illucesceret. Christus dicens: « Surge qui dormis (*Ephes. v*, 14).» Non in omnibus hæc gratia est, sed potest esse et in pluribus diligentia. Ne igitur exspectes ut excitet te Christus, sed potius Christum excita. Excita eum qui de ipso dormitans cogitat. Si tu illum excitaris, et ipse **809** te excitabit a somno, resuscitabit a morte dicens tibi: « Exsurge a mortuis (*Ibid.*).» Cum surges ergo vel resurges, ipsum loquere, ut impleas quod juberis. Audi quomodo te Christus excitet. Anima tua dicit « Vox fratris mei pulsat ad januam (*Cant. v*, 2), » et Christus ait: « Aperi

**A** mihi, soror mea, sponsa, (*Ibid.*). » Audi quomodo tu exsuscites Christum. Anima dicit: « Adjuravi vos, filiæ Jerusalem, si suscitaveritis et resuscitaveritis charitatem (*Cant. iii*, 5). » Charitas Christus est. Audi etiam quomodo dormiens loquaris: « Ego dormio, et cor meum vigilat (*Cant. v*, 2).» Hæc communiter: attolle nunc paulo altius mentem tuam.

67. Loquere « sedens in domo (*Deut. vi*, 7), » in hac terrestri domo hujus habitationis, quæ dissolvitur, in qua peregrinamur a Domino. In corpore enim isto positi, dum supervestire magis quam nos exscoliare volumus, exolumus a Christo, et graviter ingemiscimus. In hac sedens ergo confitere peccata tua; quia sedisti, et non stetisti, et non dixisti: « Stantes erant pedes nostri in atriis tuis, Jerusalem (*Psal. cxii*, 2), » Loquere magis, et noli occultare delicta; loqueresedens: ut audias dicentem: « Surgite postquam sederitis, qui munducatis panem doloris (*Psal. cxxvi*, 2). » Loquere « in via ambulans (*Deut. vi*, 7), » id est, carpens vitæ istius cursum. Hic loquere, ne illic obmutescas, sicut ille obmutuit qui angelo Christi ante non credidit, postea tamen cum credidisset, vocem recepit. Loquere « dormiens et quiescens (*Ibid.*).» conseptus in Christo; ut cum ipso in novitate vitæ resurgas. Loquere etiam sepultus in tumulo, sicut loquebantur animæ sanctorum, petentes de mortis auctore vindictam. « Usquequo, Domine, sanctus et verus, non judicas et vindicas sanguinem nostrum (*Apoc. vi*, 10)? » Loquere postremo « cum surgis; » sicut docuit ille qui dixit: « Ego dormivi, et quievi, et resurrexi; **C** quoniam Dominus suscipiet me (*Psal. iii*, 6). » Etillic ergo (vers. 30): « Os justi meditabitur sapientiam, » donec ad sublimiora tabernaculi secreta, cœlestis, ac sacræ plena jucunditatis aique lœtitiae ipse perveniat; quemadmodum Scriptura nos docuit, dicente David: « Hæc recordatus sum, et suffudi super me animam meam; quoniam ingrediar in locum tabernaculi admirabilis, usque ad domum Dei. In voce exultationis et confessionis sonus epulantis (*Psal. xli*, 5). » Ergo et sedentes in hac corporea domo, et egressi hinc, atque ambulantes in via, cum rapiemur, si meremur, obviam Christo, et dormientes loquemur.

68. Accipe tertiam *ἀναγορήν* qua se anima elevat justi. Est enim quidam spiritalis somnus intelligendus, de quo Salomon ait: « Si enim sedeas, sine timore sedebis; si dormias, suaviter requiesces, et non timebis pavorem qui superveniet tibi, neque impetus impiorum supervenientes tibi (*Prov. iii*, 23-25). » Cum suavitate requiesces, et pavorem, et supervenientes impiorum impetus non timebis; si lingua tua loquatur judicium Dei, et semper illud ante oculos habeas; ut peccato locum nullum relinquas, et neveris quod delicti pretium supplicii retributione solvetur. Ipse enim hoc in nonagesimo interpretatus est psalmo dicens: « Non timebis a timore nocturno, et a sagitta volante per diem, a

(40) Ita edit. et pauci mss. Alii majori numero, *solis matutinis occurrat*. Haud male, si mente suppleveris *radis, horis*, vel quid simile.

negotio perambulante in tenebris, ab occurrus et dæmonio meridiano. Cadent a latere tuo mille, et decem millia a dextris tuis, ad te autem non appropinquabit. Verumtamen oculis tuis considerabis, et retributionem peccatorum videbis (*Psalm. xc, 5-8*). » Justus enim cum **§ 10** loquitur judicium, Dei, vel cum loquitur ipse quæ justa sunt, et veri plena judicii, non cum iracundia loquitur, non ex animi mœrentis afflictione, non ex dolore, non ex aliqua passione ; sed loquitur ex veritate, loquitur ex æquitate, ut non propendat affectu, sed quæ loquitur, vero pendat examine : judicat enim quæ dicenda sint, vel non promenda. Cui simile est illud : « Labia sapientium alligata sunt sensu (*Prov. xv, 7*) ; » eo quod omnia quæ loquuntur, vero sensui convenire videantur, et sensus sui prudentia intelligent, quæ loqui debeant vel tacere : ut quæ silenda sunt, cohibeant claustrum quodam nexuque labiorum ; in iis autem quæ oporteat dici, labiorum vincula resolvantur. Merito ergo præmisit : « Os justi meditabitur sapientiam ; » meditatio enim diurna plenum poterit habere judicium, quod loquetur justus in tempore ; cum ea quæ perfecta sunt, facie ad faciem, viderit. Nunc enim de iis quæ non comprehendimus, loqui vera non possumus. Denique nec Paulus præsumpsit dicere, qui raptus in paradisum audivit secreta cœlestia : sed volens non in iis errare quæ diceret, ait : « Quam inscrutabilia sunt judicia Dei, et investigabiles viæ ejus (*Rom. xi, 33*) ! » Nunc autem absolutus corpore, forsitan investigabilium viarum genera, et judicia ejus quæ sicut abyssus multa sunt, comprehendit.

69. (Vers. 31.) Adhuc justitiæ forma describitur et augetur, dicente Scriptura : « Lex Dei ejus in corde ipsius ; et non supplantabuntur gressus ejus. » In corde justi lex Dei est. Quæ lex ? Non scripta, sed naturalis : justo enim non est lex posita, sed injusto. In corde ejus lex est, non perfunctorie, sicut in labiis Judæorum ; corde enim creditur ad justitiam. Qui credit, et loquitur ; qui autem loquitur, non continuo credit. Denique non credidit populus, de quo dictum est : « Populus hic labiis me honorat ; cor autem eorum longe est a me (*Isa. xxix, 13*). » Si igitur gentes cum ea quæ legis sunt faciunt, ipsi sibi sunt lex, cognoscentes quæ sequi debeant vel cavere ; quanto magis fidelis et justus, qui ad imaginem et similitudinem Dei vivit, decora novit et honesta decernere, et uti legitimo quodam naturalis sapientiæ gubernaculo. ne ejus supplantentur vestigia ; sicut Esau, quem propter gulæ aviditatem frater supplantavit ut caderet, atque in mortem vestigia ejus effudit.

70. (Vers. 32, 33.) Quo magis justus est quisque, eo magis illi insidiatur inimicus ; et ideo ait Scriptura : « Considerat peccator justum, et quærerit perdere eum. Dominus autem non derelinquet eum in manibus ejus ; nec damnabit eum, cum judicabitur

A illi. » Videns ego peccator quia justus in ore suo loquitur, et in corde meditatur sapientiam, quia in lingua sua judicium loquitur, quia in corde suo legem Domini custodit ; mortem peccati ei conatur inferre, sed Dominus tuetur eum. Et ideo non timemus insidias peccatoris, quoniam Deus pro nobis est. Si ergo Deus pro nobis, quis contra nos ? Propterea non derelinquet justum suum Deus, nec damnabit eum, cum habuerit de ipso judicium. Verus enim judex est, et ideo justitia non potest periclitari. Unde et Aquila dixit : « Nec damnabit eum in judicando eo. » Symmachus : « Nec damnabit, cum judicatur justus.

71. Sed quia Septuaginta viri sic posuerunt : **§ 11** « Cum judicabitur illi, » putamus quod ad aliud respexerit, quia scriptum est : « Quoniam ipse Dominus minus veniet in judicium (*Isa. iii, 14*). » Sed in quod judicium ? Audi dicentem : « Tibi soli peccavi, et malum coram te feci, ut justificeris in sermonibus tuis, et vincas cum judicaris (*Psalm. l, 6*). Ideo ergo præbet se Dominus audiendum, ut de se judicetur, quo magis vincat. Quomodo se præbeat, audi : « Populus meus, quid feci tibi, aut in quo contristavi te, aut quid molestus tibi fui, responde mihi ? Quia ex Ægypto eduxi te, et de domo servitutis liberavi te (*Mich. vi, 3, 4*) ? » Et alibi : « Ego sum, ego sum qui deleo iniquitates tuas, et memor non ero ; tu autem memor esto, et judicemur (*Isa. xlvi, 25-26*). »

72. Grave hoc judicium, cum Dominus de se postulat contra hominem judicari. Quid enim respondeas et, qui universa tibi contulit, omnibus te præfecit ; subjicit tibi Ægyptios, ad quos hospes adveneras, insectantes postea mari mersit. Ille tuos delavit hostes atque subvertit, ille te creavit et condidit, ille suo sanguine te redemit ; et tu tradiste, ut servias ejus inimico ! Ille tibi omnia peccata dimisit, et tu graviora committis ! Vocat te, in judicium venies, quid responsurus es ei, qui nisit iterum tibi donet, peristi ? Ideoque videns sanctus David hac quadam moralitate (41) Dei amplius se gravari, judiciam refugit, misericordiam poscit dicens : « Et ne intres in judicium cum servo tuo ; quoniam non justificabitur in conspectu tuo omnis vivens (*Psalm. cxlii, 2*). » Confitetur se in tenebris sicut mortuum sæculi collocatum. Caute sicut mortuum sæculi dixit, non mortuum ; non enim mortui sæculi sunt, qui moriuntur in Christo ; illi autem sunt mortui sæculi, qui omnem vitam suam quam vixerunt in sæculo, in interitu et morte constituunt. Et ideo quasi desperatus ad remedium confugit dicens : « Cito exaudi me, Domine ; quia defecit spiritus meus (*Ibid. 7*). » Talis enim judicii proposita sibi oblatione defecit, in quo examinanda veritas foret potius, quam misericordia conferenda.

73. Tamen tam pius est Dominus, ut etsi nemo justificetur in conspectu ejus vivens (quis enim quamvis justus non obnoxius est peccato ; aut cu-

(41) *Moralitate*, id est, usu consuetudinis ac moris humani quo se nobis Deus accommodat.

ius talis est vita, ut digna judicetur Dei similitudine? utique ad imaginem et similitudinem Dei factus debet, sicut Deus qui sine peccato est, ita et is qui ad imaginem ejus est, sine peccato esse. Quia ergo dignus est pena qui gratiam tantam Dominicæ operationis, et similitudinem divini decoris amisit? Sed quia misericors est, etiamsi ipse se judicio subjiciat; justum tamen non judicat, sed injustum. Justo parcit, quasi conditionis fragilitate peccanti: injustum punit, quasi qui detestetur ingratum. Deinde etiamsi multa habeas opera justitiae, noli esse impatiens atque arrogans, quo præmia (42) tibi justitiae in hoc sæculo existimes flagitanda, aut indigne tibi adversa accidisse aliqua conqueraris. Quandiu enim vivis, certamen tibi debetur, non præmium.

74. (Vers. 34.) « Exspecta » ergo vel auxiliatorem, vel remuneratorem Dominum « et custodi vias ejus; » hoc est, exspectare et ejus quem exspectandum putas, mandata conservare. Etsi conteraris, etsi affligaris, etsi ægritudine deficias, tamen exspecta **812** Dominum, et non te confundet spes.

75. Veniet Dominus, « et exalabit te, ut hæreditate possideas terram. » Liquet superiorem esse terram, non istam in valle terrenam; sed illam quæ est reprobationis æternæ, in qua quicunque constituitur, exaltatur a Domino.

76. « Videbis autem cum perierint peccatores; tunc enim justorum remuneratio erit, cum iudicium fuerit de meritis impiorum. Sed non uno genere pereunt peccatores. Ante tibi pereunt, si eorum potentiam et divitias non mireris: si non te moveat cum eos honoribus, liberis, amicis abundare cognoveris. Hæc enim sæculi sunt, et sæculum sæculari subjet malignitati: et princeps mundi iis qui sibi serviunt, favet; secundum illud: « Omnia tibi dabo, si procedens adoraveris me (Matth. iv, 9). » Quid quæris ut ea tibi dentur, cum ipse impius qui dat, in eis diutius esse non possit? Transit etiam ipse, quomodo possunt non transire quæ contulit? Tu modo constantem animum gere, justitiam tene, nemo te moveat, et videbis nihil esse impium.

77. (Vers. 35.) Denique audi dicentem: « Vidi impium superexaltatum, et elevatum super cedros Libani. Et transivi, et ecce non erat. » Vidi eum in sæculo hoc, vidi oculis corporis; vidi etiam jactantem se, et superexaltantem sermonibus suis, æstimantem se aliquid esse, qui nihil est. Quomodo se superexaltat? « Ponam, inquit, thronum meum super nubes: et ero similis Altissimo (Isa. xiv, 14). » Exaltat se, ut videoas eum sicut cedros Libani superexaltatas: ut ipsæ altæ sunt, et in monte sunt altissimo. Merito ergo superexaltatæ sunt et superexaltatus videtur impius, qui se in illo monte constituit, de quo scriptum est: « Si habueritis fidem

**A** sicut granum sinapis, dicois huic monti: Tollere, et jactare in mare (Matth. xvii, 19). » *Huic.* Cui? Dæmonio, inquit, a quo iste invasus fuerat et oppressus, quem miramini esse sanatum. Ideo charitatem magis habet in Christo, quam potestatem in diabolo. Vides cedrum in monte altissimo superexaltatam; sed vento frangitur, sed igni exuritur, sed vetustate dissolvitur: ita est dives in sæculo. Fulget quidem splendore quodam gratiæ sæcularis ut Libanus; nixus est mundi potentia, opibus et divitiis exultat. Videtur tibi aliquid esse, antequam dicas: « Transiens videbo (Exod. iii, 3). » Sicut enim Moyses animo et mente transivit materialia, et Deum vidit: ita et tu si transeas hinc, ad Dei gratiam vestigium tuæ mentis attollens, videbis eum nihil esse qui in hac terra sibi potentissimus videbatur. Ideo animæ tuæ dicit, menti tuæ dicit Deus Verbum: « Ades huc a Libano, sponsa, ades huc a Libano: transibis et pertransibis (Cant. iv, 8). » Si transæas sæcularia, pertransibis ad paradisum. Audi transeuntem. « Memento mei, Domine, cum veneris in regnum tuum (Luc. xxiii, 42). » Audi iterum per transeuntem: « Amen, amen dico tibi, hodie mecum eris in paradyso (Ibid. 43). »

78. Quid est: « Ecce non erat. » In principio utique Verbum erat. Et qui Verbum videt, qui particeps Verbi est, utique et ipse est; quia Verbum Dei semper est, et sermo qui de ipso est, non est: Est et non; sed: Est, et manet in eo qui sequitur Deum. Qui autem nescit Verbum, non est, quia non adhæret ei qui dixit: « Ego sum qui sum (Exod. iii, 14). » **813** Qui autem adhæret ei unus spiritus est. Ubi autem spiritus, ibi et vita. Ideo tibi dicit Scriptura de Deo: « Qui vivificat mortuos, et vocat ea quæ non sunt, tanquam ea quæ sunt (Rom. iv, 17); » hoc est, vocat gentes quæ non erant, tanquam populum suum qui erat; erant enim patres nostri, qui erant electi Dei. Et alibi dicitur: « Cognovit Dominus qui sunt ipsius (II Tim. ii, 19), » non cognoscit eos qui non sunt. Et Esther ait: « Non des virgam regni tui iis qui non sunt (Esther xiv, 41). » Recte ergo justus dicit: « Et transivi, et ecce non erat; » hoc est, vidi eum superexaltatum in sæculo, antequam considerarem quia nihil est sæculum. Ubi autem transivi mente supra mundum, vidi quia jam non erat qui ante erat superexaltatus in hoc mundo.

79. Et tu, si justus es, transi a præsentibus ad ea quæ futura sunt, et transibunt tibi præsentia. « Cœlum et terra transibunt; verba autem mea non præteribunt (Matth. xxiv, 35). » Justo ergo omnia transeunt. Transit impius, similis vanitati est, et dies ejus sicut umbra prætereunt. Nec solum prætereunt justo præsentia, sed etiam cum ad ea quæ sunt futura, intenderit, jam ista prætereunt. Vide quomodo justo præsentia præteriere. Utique temporibus David prophetæ Synagoga erat, Eccle-

(42) Cod. quinque Gallic., multam habeas in opera justitiam, noli esse impatiens atque arrogans qui præmia, etc.

sia ex gentibus non erat: et idem futuris quasi præsentibus dicit: « Benedicite, gentes, Deum nostrum (*Psal.* LXV, 8). » Deinde supra ait: « Ascendit Deus in jubilatione (*Psal.* XLVI, 6). » Transivit perfidiae ventura tempora, non ætate, sed mente; et resurrectionem Domini multo post sæculo futuram, pia fidei devotione celebravit dicens: « Psallite Deo nostro, psallite; psallite Regi nostro, psallite (*Ibid.* 7, 8). » Quasi interesset ipsis Christi et Ecclesiæ nuptialis copulæ sacramentis, ita tripudiat et gaudet. Causam quoque celebritatis expressit dicens: « Regnavit Dominus super omnem terram (*Ibid.* 9). » Ergo si nos prætereamus, et illa præteriisse quæ futura sunt, nobis videntur; ut si in navigando terram præterreas, illam quoque videas præterire, et quasi a te discedere. Sæpe nautæ, maxime in tempestate, fugiunt terram; et tamen cum eam fugiunt navigantes, ipsa potius fugere videtur navigantibus. Et tu si fugias mundum hunc, et ipse te effugiet; si præterreas terram hanc, et ipsa te præteribit. Et tu in mari hoc navigas, et in hoc sæculo fluctuas; fuge terram saxa habet, lapides habet; sicut scriptum est: Lepides de via projicite (*Isa.* LXII, 10). Si festines per aerium hoc profundum ad portum divinæ voluntatis, videbis tibi hæc omnia præteriisse. Quid enim interest utrum præterierint, an tibi ea judices præteriisse?

80. Est et alius impius qui videtur exaltatus et elevatus super cedros Libani; et si transeas, non erit, nec locum ejus invenies. Vide mihi scribam, Judaicum reddentem seriem veterum Scripturarum, sed non sequentem; audis quia labiis reddit, miraris ut doctum. Interrogas quid sentiat: respondet seundum litteram, percurrit historiam. Superexaltatus videtur tibi et elevatus, si **814** litteram cogites. Transi ad intelligentiam spiritalem, quia lex spiritualis est; vides illum nihil esse, tum dicis « Vidi impium superexaltatum.... et transivi, et ecce non erat; et quæsivi eum, et non est inventus locus ejus. » Quæsivi eum ubi esse debuerat, ubi vita est: non illum inveni. Non erat ibi, ubi vita erat: quia mortuus erat, et ideo nec locus ejus inventus est. Quis enim mortui locus, qui non erat, nec fuit unquam? Non enim fuit, qui in littera erat: littera enim occidit, spiritus autem vivificat. Quæsivi ergo eum, ut invenirem: ille se non præbuit, nt inveniretur; hoc est, ego eum volui convertere: ille se mihi præbere noluit, ut

(43) Psalterium Græc., φύλαξσε ἀκακίαν. Hebr., custodi integrum, id est integritatem, Syr., ... simplicitatem. Arab.... mansuetudinem. Multa Lat., ...

**A** converteretur. Feci quæ erant quærentis: ille refugit ea, quæ esse debuerant revertentis. Denique anima quæ convertivult, Verbum requirit; et cum invenerit, dicit: « Tenui eum, et non dimittam eum (*Cant.* III, 4), » hoc est, Dei Filium, Dei Verbum. Injustum autem qui sanari noluit, quæsivi eum, et non inveni; et ideo non illum imiteris.

81. (Vers. 37.) « Custodi innocentiam, et vide æquitatem. Qui custodit innocentiam, æquitatem videt; quoniam qui mundus est, Deum videt, cuius virga recta est, et recta justitia; ut aversetur eos qui declinaverint ad studia pravitatis. Bona innocentia, quæ Deum videt. Denique alii posuerunt: « Custodi perfectionem (33); » perfectus est enim qui malitiam nescit, nec dolum novit. Ideo inquit: « Custodi perfectionem, quia sunt reliquæ homini pacifico. » Reliquæ dicuntur hominis de corpore mortui, de ejus exuvia. Ideo reliquæ, quia post mortem hominis videntur superesse; supersunt enim quæ servantur ad resurrectionem. Oportet enim hoc corruptibile induere incorruptionem et hoc mortale induere immortalitatem. Ergo magis reliquæ sunt hominis spes resurrectionis, et fides conversionis, et gratia dilectionis, quoniam impii non resurgunt in judicium; vita autem justorum nota est Deo, et judicio Domini comprobatur. Huic loco pulchre illud convenit: « Reliquæ secundum electionem gratiæ salvæ factæ sunt (*Rom.* XI, 5). »

82. (Vers. 38.) « Injusti autem disperibunt simul; reliquæ impiorum interibunt. » Justorum reliquæ virtutes sunt: impiorum reliquæ improbitas atque perfidiae peccatum. Ea delebuntur, ut non sint.

83. (Vers. 39.) « Salus autem justorum a Domino; » non a sæculo, non ab elemento. Cœlum et terra præteribunt. Non committo salutem meam cœlo, quia et ipsum præterit, quia de pluribus cœlis dictum est: « Ipsi peribunt, tu autem permanes (*Psal.* CI, 27). » Deo soli committo, qui permanet, qui potest peccata donaret; ut protector meus sit in tempore tribulationis, et adjuvet me, et liberet me, et eripiat me a peccatoribus judicii sui tempore, et salvum me faciat, quoniam speravi in eum. In ipsum solum speravi; non vult enim nos et sibi et aliis servire. Qui ipsi soli servit, liberatur; quoniam ipsi est laus, gloria, perpetuitas a sæculis, et nunc et semper, et in omnia sæcula sæculorum.

veritatem. Nullum, quod viderimus,... perfectionem, licet ea lectio quam minimum ab Hebræo dissenniat.

## IN PSALMUM XXXVII ENARRATIO.

### 815 PRÆFATIO.

1. *De Pænitentia* duos jamdudum scripsi libellos,

et iterum scribendum arbitror. Primum, quia utile est vel quotidie veniam delictorum precari; deinde

quoniam in illis duobus libellis adhortatio pœnitentiae vel profectus est, si geratur; nunc autem quemadmodum agi pœnitentia debeat, exprimendum est; nihil enim prodest agere, nisi ita agatur ut oportet. In quo sanctus David sequendum nobis proposuit magisterium, qui ideo mihi videtur gustasse peccatum ut doceret quemadmodum peccatum posset aboleri. Unde enim medicina, nisi de vulnere sumpsit exordium? Dum prima ætas generis humani docet alios quod sibi profuit, et quemadmodum vulnus suum sanaverit, aliis ostendit; usus artem fecit, et ægritudo magisterium. Ipsa est enim prima et valida secta medicinæ, quam experientia, non conjectura formavit. Ideoque ab experientia *έμπειροι* primo medici sunt vocati, et ex ea secta cæteræ derivatæ sunt, atque ab ea usum quemdam (44) suæ sumpsere virtutis. Quid autem est ad cohortationem pœnitentiae validius, quam quod sanctus propheta David peccatorum nostrorum nos docuit pœnitere? Quis enim deditur humiliare se Deo, cum rex se humiliaverit? Aut quis dubitet affligere animam suam, cum propheta tantus afflixerit, solvens pretium lacrymarum pro redemptione peccati? Et quamvis toto scriptorum suorum corpore gerendæ pœnitentiae præcepta diffuderit; quis enim ejus psalmus non medicamentum est conscientiæ peccatricis; cum alibi quemadmodum impulsus sit (*Psal. cxvii, 13*), alibi quemadmodum conturbatus (*Psal. xxix, 8*), ostenderit: ut non solum quemadmodum sint sananda, sed etiam quemadmodum cavenda vulnera, demonstraret, et suo nos doceret exemplo? C Quis autem stare se credat, ubi lapsus est etiam (45) fortior; tamen in tricesimo septimo psalmo majorem vim doloris interni, et lamentabilis deplorationis expressit.

2. (Vers. 4.) Denique in exordio ipse nos titulus admonet hujusmodi præcepta formari; sic enim legimus: « In commemorationem, inquit, diei sabbati psalmus David. » Plena enim est pœnitentiae definitio, commemoratio delictorum; ut unusquisque peccata sua velut quodam quotidiani sermonis castiget flagello, et commissa sibi flagitia condemnnet. Sic enim docenur, dicente Domino: « Dic iniustitiae tuas, ut justiliceris (*Isa. XLIII, 26*). » Et Apostolus ait: « Ore confessio fit ad salutem (*Rom. x. 10*). » Sed forte moveat, quia non dixit peccatorum commemorationem, sed *diei sabbati*, aut (sicut alias habet) *sabbatorum*. Qui est autem sabbatum, nisi requies futurorum, levamen præsentium, quo Lex jubet hominum opera feriari, onera deponi (*Exod. xx, 8-11*)? Quæ sunt graviora onera, nisi nostra peccata? Hæc deponantur in sabbatorum diebus, hoc est in hoc vitæ istius tempore. Septem enim diebus hebdomas omnis concluditur, sex diebus mundus ille formatus est, septimo die requievit Dominus ab opere suo, qui in nostra mansuetudine requiescit,

A **816** sicut ipse dixit: « Super quem requiescam nisi supra humilem et mansuetum (*Isa. LXVI, 2*)? « Absolve te ergo omni sabbato, et alleva pondus errorum, ut securus ad illius futuri sabbati requiem pervenire merearis. Nam si hinc peccata gravia portaveris, illic requiem non habebis. Exonerata igitur tuam mentem, rejice omnia quibus conscientia gravatur et premitur, ne fiat fuga hie me vel sabbato: vita hæc in labore est, illa in re quie. Leviorem te sæculi hujus reperiat consummatio, ne oneratus peccatis fugere non possis. Ante fuge, ut prævenias. Fugit sæculum, qui sæculi illecebris non tenetur, qui se omni cura ejus absolvit. Fuge etiam futuram iram, hoc est, judicij diem. Fugit eam qui egerit pœnitentiam; sic enim definivit Baptista Joannes dicens: « Generatio vi perarum, quis vobis demonstravit fugere ab ira ventura? Facite ergo fructus dignos pœnitentiae (*Matth. III, 7, 8*). »

B 3. Audistis hodie legi quia Joannes baptizabat in Ænon, juxta Salim (*Joan. III, 23*). Ænon dicitur oculus suppliciorum: Salim ipse ascendens; hoc habet interpretatio. Qui ergo baptizari elit, supplicia prævidet; et ideo confugit ad baptismatis sacramentum, ut peccatum omne deponat, ne obnoxius incipiat esse suppliciis. Et forte supplicia prævidet qui baptizatur baptismō pœnitentiae; at vero ille gratiam spectat, qui baptizatur in Christo. Baptismus ergo Joannis, oculus suppliciorum est; baptismus Christi, oculus gratiarum. Tametsi in Ænon baptizabat Joannes, juxta ascendentem C baptizabat; hoc enim et ista habet interpretatio, ut Salim dicatur ipse ascendens. Proximus ergo erat Christo, qui ejus nuntiabat adventum. Etenim Filius hominis qui descendit de cœlo, ipse est et qui ascendit in cœlum, ut impleret omnia. Sed quia qualis cœlestis, tales et cœlestes, et ille ascen dit in cœlum, qui terrena deponens consepelitur in Christo; ut cum Christo resurgat a morte peccati ad novitatem vitæ hæreditatisque consortium; ut fiat, sicut scriptum est: *Dei hæres, Christi cohæres (Rom. VIII, 17)*.

D 4. Vera ergo medicina est gerere pœnitentiam: quæ tunc legitime prædicata est, quando medicus venit e cœlo, qui non exasperaret vulnera, sed sanaret. Bonus medicus, qui docuit quemadmodum in hac terra corporis nostri remedia quæreremus; eum flos nobis herbæ salutaris oriretur, qui « de peccato damnavit peccatum in carne (*Ibid. 3*). » Antidotum ergo facta est, caro, quæ erat venenum ante peccati: quia erat illecebra peccatorum. Audi quemadmodum antidotum caro Dei fit: « Verbum factum est caro (*Joan. I, 14*): » misit manum in cavernam aspidum, venenum evacuavit, peccatum abs tulit; id est, « de peccato damnavit peccatum in carne. »

E 5. Et ut hoc possit plenius considerari, ipsum Apostoli capitulum recenseamus. Namque ita scri

(44) Complures mss., atque ab ea succum quemdam.

(45) MSS. aliquot, ubi lapsus videt fortiorum.

ptum est : « Deus mittens Filium suum in similitudinem carnis peccati, de peccato damnavit peccatum in carne ; ut justificatio legis impleretur in nobis, ut **§ 17** non secundum carnem ambulemus, sed secundum spiritum (*Rom. viii, 3, 4*). » Venit ergo Dei Filius in similitudine carnis peccati : non utique in similitudine carnis venit, qui veram carnem suscepit ; sed in similitudine carnis peccati, id est, carnis peccataricis. Facta enim erat fraude et veneno infusa serpantis caro nostra, caro peccati. Postquam est obnoxia facta peccato, facta erat caro mortis ; quia erat morti debita. Hujus carnis jam reæ, jam præjudicata similitudinem Christus in sua carne suscepit ; quia etsi naturalem substantiam carnis hujus suscepit, non tamen contagia ulla susceperat : nec in iniquitatibus conceputus, et natus est in delictis, qui non ex sanguinibus, neque ex voluntate carnis, neque ex voluntate viri, sed de Spiritu sancto natus ex Virgine est. Quid ergo est : « De peccato damnavit peccatum in carne ? » Utrum de similitudine carnis peccati, an quia peccata nostra Christus non usu, sed qualitate suscepit : non criminis, sed suæ misericordiæ sacramento (46), et peccatum pro nobis factus est, qui peccatum ipse non fecit ? An vero quia etiam de ista carne peccati, hoc est, nostra hac obnoxia ex præjudicata damnavit peccatum in carne, docendo quemadmodum in carne positi non secundum carnem ambulemus, sed secundum spiritum ? Peccatum quippe est secundum carnem ambulare, quia luxui et voluptatibus, et lasciviis, et carnis cupiditatibus vivit, qui secundum carnis sapientiam conversatur : sapientia enim inimica est Deo ; unde qui in carne sunt, Deo placere non possunt. Ideoque peccatum damnat de peccato qui se a carnis vitiis abluendo, secundum spiritum vivit, totus Deo deditus, et cœlestibus intentus oraculis : propter quod Christus advenit, ut non suam, id est carnis, sed Dei faceret voluntatem. Si quis ergo illum sequatur, ut faciat quæ placent Deo, et carnis suæ comprimat appetitiam, imitator est Christi.

6. Quid senserimus, expressimus. Qui legis, elige quid sequaris. Nullus error, ubi simplex pietatis affectus, atque omnis fidelis est sensus. Damnavit peccatum Christus, suscipiendo similitudinem carnis peccati, ut delicta nostræ carnis aboleret. Damnavit peccatum, ut peccata nostra in sua carne crucifigeret ; factus pro nobis ipse peccatum, ut nos in ipso essemus justitia Dei, qui eramus captivitas mortis, et præda serpentis. Ergo pietatis est susceptio peccatorum ista, non criminis. Per hoc peccatum nos Deus æternus absolvit, qui Filio suo proprio non pepercit, et peccatum eum fecit esse pro nobis. Deinde damnavit peccatum Christus in carne de ipsa carne peccati, quæ judicabili quodam vigore et auctoritate censoria, odit vitia quæ amare consueverat, et horret impudicitiam, quam vo-

**A** luptatem putabat. Segregat se a lasciviis, abdicat a cupiditatibus, renuntiat criminibus atque flagitiis, propulsat avaritiam, quæ virilitatem quamdam carnis effeminat. En tibi illum Christi imitatorem, et ipsum de peccato peccatum in carne damnantem. « Sic curro, inquit, non ut in incertum ; sic luctor, non ut aera cœdens : sed castigo corpus meum, et servituti redigo, ne cum aliis prædicaverim, ipse reprobus officiar (*I Cor ix, 26, 27*). »

**§ 18** 7. Non superflue, ut arbitror, evagati sumus, quia et hoc ad medicinam hominis pertinebat. Cui medicinæ prospiciens Deus sicut terram istam salubres herbarum atque arborum succos ferræ præcepit, quibus carnis vulnera curarentur ; ita etiam præceptis salutaribns replevit divinarum seriem Scripturerum, quibus infirmitas animæ sanatur. Itaque quam grave est, ut muta animalia medicari sibi noverint, et vulneribus suis herbas salubres requirant, diligere non refutent ; et hominum industria non requirat, quibus etiam medicus est missus, qui medicinæ salutaris in veteribus Scripturis semina demonstraret, et nova ipse deferret ? Quam mula itaque salubria sunt, quæ noxia perfunctorie judicantur ? De ipsa sumamus exempla.

8. Serpens alit venenum, morsus noxios habet, vulnerat carnem ; sed in ipso quoque ejus veneno antidotum reperies, si requiras. Denique caro ejus exuritur, cuius pulvere theriaca conficitur, qua veneni vis consuevit hebetari, ut nocere non possit. Non terra ergo in vitio, quæ serpentem generat ; sed ille qui nescit cavere serpentem. Ipse serpens potest tibi prodesse, si intelligas : imo si medici præcepta non spernas. Imitandum disce quem putas esse fugiendum. « Estote, inquit, astuti sicut serpentes, et simplices sicut columbæ (*Matt. x, 16*). » Serva caput tuum sicut serpens ; et si laceratus toto corpore fucris, revivisces. Caput tuum Christus est, quia caput ipse est viri : si servaveris fidem, et si mortuus fueris sicut serpens, et tu resurges. Imitare serpentem, qui exteriorem suum exuit, ut renovetur interior : imitare serpentem, qui venenum suum evomit. Beatus et tu si cogitationes tuas malas evomas, et malitiæ tuæ venena deponas. Celebris sermo est, et scriptorum auctoritate robustus, serpentem, aquis appropinquantem sibili sibi feminæ anguis sponsare concubitus ; illam propriæ consulentem saluti, ea spondere lego petitos coitus sui usus, si serpens venenum evomat, captumque obedire jussis, arma deponere, ac proprii more conventus caput ori ejus inserere, atque, ubi calescere cœperit consuetudo, seu naturæ quadam violentia, seu libidinis ardore feminam stringere ora, morsusque libidinis osculis premere, atque ita caput serpentis abscindi.

9. Nonne in natura serpentis mysterium fidei recognoscet ? Serpens ille paradisi prior feminam ad

(46) Quinque mss., non usu qualitate suscepit, nec criminis ; sed suæ misericordiæ sacramento, etc.

culpæ adulterium provocavit; sed ubi venenum ejus effusum est in hunc mundum, soboles illius feminæ circumventione parentis, et fraude multa serpentis, armis eum suis exuit, et caput illius amputavit. Quod si venena prævaluerint, et peccatum in quo est aculeus mortis irrepserit; utere medico-rum exemplo, ut tibi serpens vel sero moriatur. Conteras ejus venenum, corpusque comminuas, et admistum salutaribus succis neveris temperandum; ut non solum vim suam et virus amittat, sed etiam fiat remedium de veneno. Moritur autem tibi serpens ille intelligibilis, si tu moriaris peccato, et tibi tua peccata moriantur. Sic conteritur ejus venenum, si te tua facta compungant: sic omne virus ejus aboletur, si bonis operibus tegas, et fideli confessione **819** temperes crimen admissum. Audi quemadmodum virtus draconis ipsius conteratur. « Conterat, inquit, Deus Satanam sub pedibus vestris (*Rom. xvi, 20*). » Contere primo cor tuum, in quo erat draconis cubile: ut non inveniat ubi possit habitare: contere draconis carnes: carnes ejus peccata nostra sunt. Ideo tibi dicit Deus: « Epulantur in eo gentes» (*Job. xl, 25*). Et infra ait: « Præcurrerit mori **(47)**: carnes autem corporis ejus sunt adhærentes ei (*Job. xli, 13, 14*). » Sicut enim sancti corpus et membra sunt Christi; ita peccatores qui peccatum non deserunt, sed peccato inhærent, corpus draconis et membra sunt. Ideo nos Christi corpus epulamur; illi autem corpus epulantur draconis: nos epulamur, qui Christo adhærere contendimus, remissionem quotidiam et veniam peccatorum, illi autem qui peccatis quotidie peccata connectunt, continuationem flagitorum epulantur et criminum.

40. Contere igitur has carnes, et super eas contritionem tui cordis asperge: deinde mitte super omnia ea Jordanis aquam. Jordanis enim descensio et ascensio est, quoniam qui in fontem sacrum descendit, et ascendit; ut quæ superiora sunt quærat. Descendit enim in mortem Christi, qui baptizatur in Christo, et in resurrectionem ejus ascendit. Si autem jam baptizatus errasti, mitte aquam lacrymarum, non mendacem, sed veram; ut de profundo clames ad Dominum Deum tuum, et dicatur de te: « Vox audita est in Rama, fletus et ululatus multus, Rachel plorans filios suos, et noluit consolari, quia non sunt (*Jerem. xxxi, 15*; *Matth. ii, 18*). » Rachel Ecclesia est, in qua benedicitur plebs Dei: ipsa pro te float, ipsa tua peccata deploret, et flat plurimum; ut consolationem facile non admittat, quemadmodum qui plurimum dolent. Ideo consolari se noluit; quoniam qui eras, esse desisti. Sed hac perseverantia doloris et fletus emereatur ut dicat: « Filius meus mortuus erat, et revixit: perierat, et inventus est (*Luc. xv, 52*). » Aut forte consolari se noluit Rachel in Filii Iudeorum; quia non sunt,

(47) Sic omnes mss. ac vet. edit.; Rom. vero, *præcucurrat mors ei*. Nimicum ex LXX, apud quos legas ἡμπροσθεν αὐτοῦ τρέχει ἀπώλεια, aut, ut

**A** quos utique ideo genuerat, ut essent. Et ideo non admisit consolationem, occisis parvulis ab Herode; quia nec in adventum Jesu crediderunt, mensuram sceleris adimplentes, ut et parvulos interficerent, ut inter eos et filius Virginis necaretur. Ergo Ecclesia Domini in Iudeis consolari noluit, quia non sunt: in Christianis autem qui ex nationibus congregati sunt, epulatur et gaudet, quoniam cooperunt esse, qui non erant.

11. Misisti ergo aquam Jordanis, aquam gratiæ, hoc primum bibe: misisti aquam lacrymarum, aquam pœnitentiæ, hoc secundum est poculum, ut primum repares. Bibe aquam de tuis vasis, bibe aquam de tuis fletibus, ut dicas: « Et potum meum fletu temperabam (*Psal. ci, 40*). » Fletus ergo tuus, potus est tuus; et lacrymæ tuæ, cibus est tuus. « Fuerunt, inquit, mihi lacrymæ meæ panes (*Psal. xli, 4*). Si lacrymæ panes, habes ex peccato iniquitatis cibum conversionis, secundum illud quod legis in Evangelio: « Quoniam cui plus dimittur, plus diligit (*Luc. vii, 47*). » Unde sæpe videmus aliquos qui ante negligentes fuerant Christiani, peccato aliquo commisso, fieri diligentiores, et ex illo per pœnitentiam evadere **820** solere perfectos. Sicut igitur ex peccato conversio, ita remedium de veneno. Audi hoc remedium: « Justus in principio sermonis accusator est sui (*Prov. xviii, 17*). » Venenum, peccatum est; remedium, accusatio sui criminis: venenum, iniquitas est; confessio, remedium prolapsionis. Et ideo vere remedium de veneno est, si dicas iniquitates tuas, ut justificeris.

12. Sed jam psalmum adoriamur, ut ipse nos doceat quemadmodum agenda pœnitentia sit. Itaque sic incipit:

### ENARRATIO.

13. (Vers. 2.) « Domine, ne ira tua arguas me; neque in furore tuo corripias me. » Qui pœnitentiam agit, paratus esse debet ad opprobria perferranda injuriasque subeundas; nec commoveri, si quis ei peccati sui crimen objiciat. Cum enim ipse accusare se debeat, quemadmodum alium non sustinet arguentem? Quod si ab homine argui timere non debet, quanto magis a Domino Deo suo, cui omnes etiam in iis quæ sunt occulta, peccamus; cum præsertim condemnatio præsentium, absolutio futurorum sit. Qui autem non condemnantur in sæculo, cum hominibus non flagellabuntur. Væ mihi! si de me dicatur: « Habet mercedem suam (*Matth. vi, 2*). » Si bonum factum hac condemnatur sententia, quanto magis crimen gravatur? Nam si misericordia faciliter jactata sermone, fructu fraudatur æterno, quanto magis iniquitatis pena acerbifenoris accessione differtur? Ergo qui pœnitentiam agit, offerre se debet ad pœnam, ut hic puniatur a Domino, non ad supplicia æterna servetur (48):

Aquila, ἔκληψια.

(48) Plures mss., non ad supplicia futura servetur.

nec exspectare tempus, sed occurrere divinæ indignationi.

14. Vide facta David ejus precibus convenire. Offenderat Dominum, quia numerari jusserrat populum. Confessione prævenit Dei nuntium, peccasse se valde, et nimis stulte fecisse commemorans: non quasi admoneret oblitum, sed quasi urgeret morantem; ne diutius commotionem differret effensa. « Peccavi, inquit, valde, quoniam verbum hoc feci (*I Par. xxii*, 8); » et nunc, Domine, dele iniquitatem servi tui. Quomodo autem deleantur peccata, audi dicentem: « Solutum est peccatum ejus, quia recepit de manu Domini duplia peccata sua (*Isa. xl*, 2). » Non ergo penitus sibi peccatum remitti postulat, sed moderata solutione deleri, hoc est, ut in futurum ejus memoria deleatur. Denique quasi interpellantis voce conventus Dominus, ne vindicta commissi protelaretur erroris, misit ad eum Nathan (49) prophetam; et ille venit ad regem, et dixit ei: « Quid fieri velis, elige: triennium famem super terram, aut tribus mensibus fugere te a facie inimicorum tuorum, et illos persequentes; aut triduo fieri mortem in terra. Et nunc scito, et vide quid respondeam illi qui misit me (*I Par. xxii*, 11, 12). » Vide docentem Deum qua moderatione ejus indignatio leniatur, si non penitus verbera recusemus; sed qualitatem levandi, non evitandi supplicii postulemus. Tria proposuit, ut quod moderatius putaret, eligeret. Vide etiam quemadmodum ad pœnitentiam provocat; ut nos offeramus injuriæ, eligere pœnam mandans, ut in ipsa pœna electionis quædam prærogativa servetur **821** et reo suo blandiatur hoc verbo. Et dixit David ad Nathan: « Angustiæ mihi sunt in his tribus: sed magis incidam in manus Domini, quoniam magna est misericordia illius, quam in hominum manus (*Ibid. 13*). » Nunquid donari sibi pœnam proposit erroris? Quod si fecisset, impudentiæ notaretur, qui moderationi divinæ fuisse ingratus. Nam plurimum suffragatur reo verecunda confessio; et pœnam quam defensione evitare non possumus, pudore levamus. Elegit non quod a flagello esset immune, sed quod moderatius judicavit; ut Dei lenitati magis qui nosset ignoscere, quam hominum se committeret potestati, qui mensuram ultionis frequenter excederent. Miseretur itaque qui necit errare; non miseretur, qui erroris est participes.

15. Nec fefellit sanctum David fides sua, sed in ipsa quoque offensione gratiam divinæ miserationis emeruit. Nam qui proposuerat mortem triduo exercere in terra, ne unum quidem diem passus est præterire; sed ad horam prandii libenter indulxit, et (ut verbo Scripturæ utar) « habuit pœnitentiam super malitiam (*II Reg. xxiv*, 16). » Vide quomodo te

(49) Rom. edit. hic et infra reposuit e sacris cod. Gad. Verum cum aliæ edit. atque mss. in voce Nathan consentiant, apparet memoria lapsum fuisse Ambrosium, quem auctoritate propria emendare

**A** Scriptura hortatur, ut et tu pœnitentiam non refugas, sed sequaris Deum, quem sequi debes. Bene addidit, « super malitiam; » quia videtur omnis dura esse vindicta. Ideo et dies judicii, dies dicitur mala, de qua beatus est qui per Deum liberatur; ut scriptum est: « In die mala liberavit eum Dominus (*Psal. xl*, 2). » Et dixit, inquit, angelo Dominus ut tibi parceret. Vide autem quia quando Dominus vult ignoscere, dat gratiam et fiduciam deprecandi. Et vidit David ferientem angelum, et dixit: « Ecce ego sum; ego peccavi, et ego pastor male feci, et isti in hoc grege quid fecerunt? Eiat manus tua in me et in domum patris mei (*I Paral. xxii*, 17). » Si mandaverat Dominus angelο ut parceret, quomodo feriebat adhuc angelus: nisi quia Dominus etsi vult ignoscere, vult rogari, et ut rogetur (50), operatur? Nec vidisset homo angelum ferientem, nisi Dominus ejus oculis angelum revealasset. Unde et Elisæus dicit: « Domine, aperinunc oculos pueri hujus, ut videat. Et aperti sunt oculi pueri ejus, et vidit montem equis repletum et curribus in circuitu prophetæ (*IV Reg. vi*, 17). » Nec te moveat quod persona vilior servuli, quam prophetæ vel regis; quia vilior et equorum et curruum species, quam sanctitas angelorum.

16. Et fortasse aliquibus perfuntorie legentibus durum videatur quod David ille humilis corde atque mansuetus, qui parcerat inimicis, mortem magis populi elegit, quam suam fugam, aut famem super terram. Famem populi vitavit, quia gravior morte et omnibus suppliciis habetur, quam sequitur etiam pestilentia, quæ cœlum contaminat, mortem acervat. Suam fugem non poposcit, propter illud; quia propheta pro populo deprecari poterat, sicut factum est: populus pro propheta intervenire non poterat. Scriptum est enim: Si populus erraverit, sacerdos orabit pro eo; si sacerdos erraverit, quis rogabit pro eo? Et tamen ubi vidit occidi populum, ipse se angelo **822** ferenti obtulit; ut ipse potius pro populo feriretur. Plus est quod nec ipsa perterritus specie mortuorum gladio se obtulit, quam si sermonem propositæ conditionis optasset. In electione itaque rationem secutus est, in dolore pietatem.

17. Vide autem Domini gratiam, quod et ipse a proposita conditione deflexit. Numquid aliquod miserationis est crimen: quia plus minatur, et minus D exigit? Qui in remuneratione præmiorum sua promissa custodit, in exactione pœnarum præscriptum remordet. Cum irascitur in reum, differt: cum miseretur, properat, ut absolvat; terret, ut corrigat; admonet, ut emendet; prævenit, ut ignoscat. Unde et alibi ait Propheta de Domino: « Calix in manu Domini vini meri plenus est misto... verumtamen fæx ejus non est exinanita (*Psal. LXXIV*, 9). » Ad terendum plenus est calix, ad ferendum non est

religioni est.

(50) Edit. omnes in corpore, et utrogetur, hortatur. Vet. autem in margine, cumque illis cuncti mss., et ut rogetur, operatur.

exinanitus. Plenus erat calix, cum mors per triduum mandaretur : sed occurrit misericordia Dei, tenuit manum angeli, priusquam calicem istum exinaniret. Ut scias autem quia calix pœna vel gladius est, audi dicentem : « Accipe calicem vini meri hujus de manu mea, et potionabis omnes gentes, ad quas ego mittam te : et voment, et insanient a facie gladii (*Jerem. xxv, 15, 16*). » Et ad Jerusalem dicitur : « Bibisti calicem iræ de manu Domini : calicem enim ruinæ bibisti (51), et exinanisti, nec erat qui te consolaretur (*Isa. li, 17*). » Jerusalem mensuram bilit, quæ supra mensuram peccavit. Ecclesia Christianorum calicem iræ exinanire non novit, sed exinanitum unguentum ; propter quam se Christus exinanivit, ut ubique fragraret. De manu Domini hoc munus accepit ; poculum autem mortis ignorat. Duos calices lego, unum mortis, alterum vitæ, Mortis calicem suo Christus exinanivit in sanguine ; et novum calicem ministravit, ut dicamus : « Calicem salutaris accipiam (*Psal. cxv, 13*). » Novi calix est Testamenti, qui in remissionem effunditur peccatorum. Effunditur hic calix, et fæx ejus non invenitur (52), quia mundat omne delictum.

18. Diximus quemadmodum in ulciscendo inflectat Dominus commotionem suam : dicamus quemadmodum in remunerando præveniat nostram preicationem, et doceamus exemplo. Audi illum ex duobus latronem dicentem Domino : « Memento mei, Domine, cum veneris in regnum tuum (*Luc. xxiii, 42*). » Respondit Dominus : « Amen dico tibi, hodie tecum eris in paradyso (*Ibid. 43*). » Ille adhuc rogabat ut meminisset sui cum venisset in regnum suum ; et Dominus, cum nondum venisset, ei jam regnum cœlestis tribuebat. Quam velox misericordia ! Tardius votum precantis, quam remunerantis est præmium.

19. Ideo ergo David moderationem tenuit, non remissionem oravit dicens : « Domine, ne ira tua arguas me, neque in furore tuo corripias me. » Furor Græce θυμὸς dicitur, et iræ impetus. Hoc ergo Latinus voluit exprimere : Neque in ira, neque in ipso impetu iræ arguas me, aut corripias. Correplio autem, eruditio est. Ipsa Græce dicitur πατθεσίς, de qua dicitur : « Beatus homo quem tu erudieris, 823 Domine (*Psal. xciii, 13*) ! » Non enim Deus passioni patet, ut irascatur, cum sit impassibilis ; sed quia vindicat, videtur irasci. Nobis hoc videtur ; quia ipsi cum commotione vindicare consuevimus. Plerumque tamen et homines inveniuntur cum vindicant, non moveri ; sed

(51) Duo mss. ac vet. edit. in margine, *calicem enim iræ bibisti*. Hebr., *calicem enim veneni mortiferi*, vel ut Grot. vertit, *poculum horribile*. Chald., *poculum maledictionis*, *bibisti*. Et post non multa, Rom. edit. sola, *Jerusalem supra mensuram bilit*, quia, etc. Minus bene ; siquidem videtur Ambrosius ad id respexisse, quod locus Isaiæ sic habeatur apud LXX : τὸ ποτήριον γὰρ τὴν πτώσεως, τὸ κόνδον τοῦ θυμοῦ ἐξέπιες, etc. Nam κόνδον genus mensuræ

A summa patientia celebrare vindictam, exercere tormenta. Cur ergo mireris in Deo, si hoc interdum in homine recognoscas ? Vindictam autem iram esse supra diximus. Denique usus habet, ut dicamus de quoquam punito, quia iram incidit legum : non quia legum iram, sed quia legum severitatem incidit. Sic et alibi de decem plagiis Ægyptiorum ait : « Misit in eos iram per angelos malos (*Psal. lxxvii, 49*), » id est vindictam ; lex enim nescit irasci, sed scit legum minister. Nescit ergo irasci qui auctor est legum, cui terrendi est voluntas, non puniendi. Imitamini ergo, imperatores, exemplum divinum ; ut sitis in statuendis legibus severiores, in exigendis suppliciis misericordes. Severitas legum insolentem restringat audaciam, misericordia principum reos subtrahat pœnæ. Recognoscit igitur Propheta culpam suam, videt vulnera, curari postulat. Qui sanari vult, argui non reformidat : sed non vult argui in furore, sed in verbo Dei. Verbum Dei, sanitas est. Sic enim legimus : « Misit Verbum suum, et sanavit eos (*Psal. cvi, 20*), » Non vult erudiri in ira, sed in doctrina ; ut si medicum roges, ne secet vulnus tuum, sed medicamentum apponat ; urget medicamento, sed non secat. Denique est dolor, sed non supra mensuram doloris : mordet, sed non cruentat.

20. (Vers. 3.) Et addidit : « Quoniam sagittæ tuæ infixæ sunt mihi. » Eadem videtur dicere, quæ sanctus Job : sed diversa sunt. Nam et ille ait : « Sagittæ enim Domini in corpore meo sunt, quarum furor bilit sanguinem meum : cum incipio loqui, compungunt me (*Job. vi, 4*). » Ille de vulnera sui corporis queritur ; hic deplorat animæ suæ vulnera. Et forte hic agit pœnitentiam de peccato (53) : ille causam agit infirmitatis humanæ ; et quasi nostræ imbecillitatis assertor, ad remedium operis auxilium Creatoris exposcit. Hic igitur precatur, ille patrocinatur. Ideoque vehementior hujus est dolor ; quia animæ vulnera graviora quam carnis sunt. Ille dicit sagittas Domini in suo esse corpore, iste deplorat infixas ; illius sanguis bibitur, hujus effunditur ; ille compungitur, hic vulneratur ; illum manus Dei tetigit, super hunc gravi pondere confirmata est ; hic animam suam deflet illusionibus esse completam, ille suum corpus ulceribus. Manum autem Dei, virtutem intelligimus puniendi. Hæc manus regem Ægyptiorum propter Abrahæ injuriam ab tentatam Saræ pudicitiam flagellavit. Hæc manus Ægyptiorum currus, equos et populos Rubri maris demersit profundo. Hæc ma-

est, quam Synagoga totam exhausisse hic declaratur.

(52) Rom. edit., et fæx ejus non inanitur. Aliæ cum mss... non invenitur. Melius, cum hic aperte significatur calicem Novi Testamenti fæculentum non esse, sed purum ; ut pote qui nullam criminis maculam non eluat.

(55) Vide priores duos libros *De interpretatione sanctorum Job et David*.

nus mentem gravavit regis Saul, ut gratiam sui conservatoris odisset; et pro prævaricatione cælestis imperii desertus a sociis, interemptis quoque filiis destitutus, victus ab hostibus (quo spectaculo nihil est deformius regi) gladium in se suum ipse converteret, ne captivus senex viveret filiis et regno superstes. Hanc manum David in seipso expertus et liberis, alterius incestum, alterius parricidium deploravit, et **824** (quod pio patri gravius est salutis suæ exitiis) simul oppobia sobolis, et pietatis deflevit excidia: quorum alter ad incestum accensus de germanitatis affectu, alter ad parricidium armatus est studio castitatis. Vide quemadmodum illos in gravissimis criminibus confinia lusere virtutum. Utinam aut ille sororem non amasset, aut hic non vindicasset! Ad postremum et ipse patriæ finibus pulsus a filio, fugiebat hostem, quem optabat hæredem: metuebat vincere, ne pietatis dispendio vinceretur.

21. Sed forte aliquis dicat: Quomodo in parricidio, vel in incestu manus fuerit Dei, cum opus illud inimici sit? Cognoscamus igitur quoniam et ubi diabolus vulnerat, sagittæ Domini vulnerare dicantur. Nempe sic legimus, quod cum in concilio angelorum sanctum Job servulum suum Dominus conversus ad diabolum prædicaret (*Job. i, 8*): ut ureretur invidus, et hamani generis adversarius (laus enim inferioris substantiæ viri **(54)**, condemnatio ejus est) responderit diabolus, quia non gratis Job Dominum veneraretur, qui nutu Dei omnibus abundaret. « Sed mitte, » inquit, « manum tuam, et tange omnia quæ habet: videamus si non in faciem te benedicat (*Ibid. 11*). » Et Deus potestatem dedit diabolo, ut mitteret manum suam in omnia quæ haberet Job. Quibus gestis, cum sanctus Job immobilis in sua fortitudine permaneret: quia non est motus Job aut interitu filiorum, aut dispendio facultatum: iterum Dominus ad diabolum dixit, illudens ei, quod dissipasset omnia quæ habuerat Job, filios ejus interemisset: ipsum tamen nequaquam movere de virtutis statione potuisset. Et ille respondit: « Quæcumque habet homo, pro anima sua dabit. Sed mitte, » inquit, « manum tuam, et tange carnem et ossa ejus (*Job. ii, 4, 5*). » Et accepit iterum potestatem ut mitteret manum suam in corpus ejus; tamen ut animam ipsius custodiret. Et perfudit ulceribus sanctum Job (*Job. xvi, 13, 15*), ubi est egressus a Domino. Advertisimus ergo quod manus Domini dicatur, ubi est hominis, diabolo infestante, tentatio. Siquidem et Job manum Domini dixit esse quæ se tetigerit (*Job xix, 21*), et sagittas Domini esse memoravit sagittas piratarum. « Et tradidit, » inquit, « me in manus injusti (*Job xvi, 14*). » Ipse itaque absolvit (**55**), quia cum diabolus vulnerat, Domini sunt sagittæ,

**(54)** Rom. edit. detraxerat has voces, *substantiæ viri*. Non satis consulte; nec enim hic signatur aliud, nisi laudem Job viri, cuius erat substantia ac natura inferior, quam substantia ac natura dæ-

A qui vulnerandi permisit diabolo potestatem. Denique si mandes, ut tuus servulus verberetur, nonne etiamsi ab adstante alio cædatur, a te dicitur verberatus? Est et illa ratio: quia Dominus ideo dat tentatori potestatem, ut hominum in temptationibus probetur affectus. Ideo fit persecutio, ut fides luceat, virtus excellat, mens interna omnibus manifestetur.

22. Ergo tentatio quasi sagitta penetrat interiora hominis, et quasi gladius Dei, qui scrutatur interna. Gladius autem verbum est Dei validum, et acutius omni gladio acutissimo: de quo gladio audi dicentem Mariæ Simeonem: « Et tuam ipsius animam pertransibit gladius; ut revelentur multorum cordium cogitationes (*Luc. ii, 35*). » Verbo enim Dei omnia revelantur, in cujus conspectu nuda et aperta sunt omnia. Anima ipsa videtur (**56**), medullæ **825** interiores, cogitationesque manifestæ sunt (*Hebr. iv, 12 et 13*): nec ulla postremo est creatura, ut Scriptura dicit, quæ se a cognitione ejus abscondat (*Psalm. xviii, 7*). Ergo vendamus omnia, ut Verbum emamus, ipsumque in nostris visceribus recondamus.

23. Ipse postremo diabolus testificatur, quia omnia dat homo quæ habet pro anima sua, nec dignum illud pretium totius patrimonii pro redemptione unius animæ confitetur. Quid parcimus patrimonio, quod et ipse diabolus vile judicat pro salute? Parum dixi pro salute, parum esse et pro errore testatur. Denique, « hæc omnia, » inquit, « tibi dabo, si procidens adoraveris me (*Matt. iv, 9*). » Nec solum divitias mundi, sed etiam honores et regna monstravit. Si tanto constat, ut diabolus adoretur; quantum Christianus debet offerre, ut cum Christo resuscitetur? Sed diabolum dimittamus quasi hircum emissionis in desertum; neque enim fidelis assertor est veritatis: etsi aliquando transfiguret se in angelum lucis.

24. Abundant nobis divinarum testimonia scripturarum, quibus instruimur nihil esse in homine pretiosius fide, nullum tantum esse patrimonium, quod salutis nostræ atque animæ pretio conferatur. Fide Abraham patriam suam reliquit (*Gen. xii, 4*), et terram, et proximos etiam quos videbat, et eum quem non videbat, tanquam adspiciens sequebatur. Moyses quoque animæ suæ pretium majus omnibus Ægypti divitiis æstimavit (*Hebr. xi, 26*). Quid de viris sublimibus loquar? Rahab meretrix (*Josue ii, 1, 9*) alienigena illa de saeculo, tamen animam suam non solum contemptu omnium quæ habebat, sed etiam vitæ periculis putavit esse redimendam: quæ exploratores Jesu Nave civibus suis querentibus denegavit; et hostes patriæ, legatos amen fidei maluit occultare quam prodere. Non eam minæ civium, non bellorum pe-

monis, ejusdem dæmonis esse condemnationem.

**(55)** *Absolvit*, id est, concludit ac evincit.

**(56)** MSS. aliquot, *Anima ipsa dividitur*,

ricula, non incendia patriæ, non suorum discrimina terruerunt. Disce, vir, disce, Christiane, quomodo verum Jesum sequi debeas; quando femina contempsit omnia sua, et Jesum in figura propter similitudinem nominis est secuta. Unde præclare Salomon dixit: « Divingæ viri, redemptio animæ ejus (*Prov. XIII, 8*). » Redime ergo animam tuam. Vilis est pecunia, sed sit pretiosa per fidem: vilis est cum conditur, pretiosa cum dispergitur; sic enim scriptum est: « Dispersit, dedit pauperibus: justitia ejus manet in sæculum sæculi (*Psal. CXI, 9*). »

22. Si igitur talis fueris, ut possis contemnere non solum omnia tua, sed etiam ipsam carnem tuam pro justitia, qua nulla (57) potest locupletior esse possessio (possessio enim pretiosa, homo mundus) et si flumina te superiora concluserint, transis. Nam etsi dederit tentandi tui Dominus potestatem, mandat tamen diabolo ut animam tuam ipse custodiat; secundum quod scriptum est: « Ut destruas inimicum et defensorem (*Psal. VIII, 3*); » tentat enim ut adversarius, defendit ut servus. Scriptum est enim: « Et volet tibi unicornuus servire (*Job. XXXIX, 9*). » Servit enim, qui non ex voluntate sua quod optat, exsequitur; sed ex necessitate mandatis imperialibus invitus obtemperat. Vide altitudinem Christi, quemadmodum retorsit in diabolum malitiæ suæ pretium. Ille nos cogit, quod odio habemus, hoc facere: « Non enim quod volo, hoc ago, » ut apostolus dixit, **826** « sed quod odi, illud facio (*Rom. VII, 15*). » Retorsit in illum Dominus, ut et ipse plerumque non faciat quod vult; sed quod odit, hoc faciat. Denique animam quam vult expugnare, custodit. Nos corruptelam carnis condemnamus, et sequimur; ut illa vidua quæ promissam marito fidem irritam facit, et postea nubere vult, quod ante fugiebat (*I Tim. V, 12*). Ille inimicus est sanctis, et defensor adhibetur, quo amplius puniatur; ut nocere non audeat, qui nocere desiderat. Et quanto tolerabilius est amare virtutes, etsi implere non possis, quam audisse virtutes, quibus novere non possis.

26. (Vers. 4.) « Non est, inquit, sanitas in carne mea a vultu iræ tuæ. » Exposuit nobis hunc locum Isaias; « Peccavimus, et tu iratus es nobis (*Isa. LXIV, 5*). » Quis est tamen iræ Domini vultus? Ne forte ille, quia « Oculi Domini super facientes mala (*Psal. XXXIII, 17*). » Si enim oculi Domini super justos, quomodo a vultu iræ Dei infirmatur Propheta? Unde et illud considera, quod ipse David in posterioribus dixit: « Quoniam ex omnibus tribulationibus eripuisti me; et super inimicos meos respxerit oculus meus (*Psal. LIII, 9*). » Sicut enim bona justorum respicit; ita et peccatorum occulta

(57) MSS. nonnulli, ut possis contemnere omnia tua, sed etiam ipsam carnem tuam pro justitia contemne; quia nulla, etc. His accedit Rom. edit., nisi quod habet non tantum omnia tua. Sed recta est

**A**dprehendit. Nisi forte ad Christum hoc referas, qui ab omnibus, a quibus conterebatur, eruptus est, quando se exuit a populo Judæorum, qui eum frequentibus sacrilegiis et quotidianis impietatibus conterebant, et inimicos suos vocavit ad gratiam, quos oculus Dei vidit et amavit. Ergo quia pius est Deus, nequaquam est desperandum. Etsi irascitur, ignoscit; etsi percutit, sanat; etsi tradit in interitum carnem, spiritum salvat. Noli ergo timere carnis infirmitatem; quia sanctus cum infirmatur, potentior est.

27. Quid autem est quod ait: « Non est pax ossibus meis a facie peccatorum meorum? » Quæ sunt ista ossa: utrum animæ, an corporis? Sed non tanta esset doloris cura corporei, ubi et anima laborat; cum sancti sit velle carnem propter animam flagellari; sicut se flagellabat et Paulus, ne ejus reprobaretur assertio. Sunt quædam interioris ossa hominis, sicut et membra sunt cætera, oculi mentis, et nares: sicut Job dixit: « Spiritus divinus qui est in naribus meis (*Job. XXVII, 3*). » Sunt ergo et ossa, quibus charitatis quædam compago formatur. Unde et Adam dixit de consorte charitatis, et cohærede gratiæ vitæ: « Hoc nunc os de ossibus meis, et caro de carne mea (*Gen. II, 23*). » Quod Apostolus interpretatus ait: « Sacramentum hoc magnum est: ego autem dico in Christo et in Ecclesia (*Ephes. V, 32*). » Christi autem et Ecclesiæ sacramentum non carnale, sed spiritale esse quis dubitet; cum bonus quisque in ipso conjugio non carnis, sed virtutis decore teneatur: et mores diligat in uxore, non usus? Denique audi, quia non secundum carnem loquitur, sed secundum virtutem intcriorem: « Non est absconditum os meum, quod fecisti in abscondito (*Psal. CXXXVIII, 15*). » Virtus itaque non caro est, quæ Dei Patris novit abscondita.

28. Ego non est pax animæ virtutibus, quando ante oculos nobis nostra peccata concurrunt, et offendunt se mentibus nostris. Et hoc bene interpretatus est gentium Doctor electus, in epistola secunda ad Corinthios dicens: « Nam et cum venissemus in Macedoniam, nullam requiem habuit **827** caro nostra; sed in omnibus sumus afflitti, foris pugnæ, intus timores (*II Cor. VII, 5*). » Illum Macedonum peccata vexabant; quanto magis propria unumquemque nostrum peccata perturbant, ut requies nobis esse non possit? Gravior adversarius nobis (58) culpa est nostra, quæ sollicitat otiosos, affligit sanos, contristat lœtos, inquietat placidos, exagitat mites, excitat dormientes. Reis sumus sine accusante, sine tortore cruciamur, sine vinculis astringimur, sine venditore vendimur. Unde et Scriptura dicit. « Peccatis vestris venditi estis (*Isa. L, 1*). » Hæc igitur peccata sunt,

aliorum mss. ac vet. edit. lectio, quam in textu re-presentamus.

(53) Quidam mss., *Gravis adversaria nobis*, etc. Et infra iidem mss. legunt, *sine venditore servimus*.

quæ contra nos semper sunt; ut dixit Propheta: « Vendiderunt nos, et dominantur nobis (*Isa. iii, 12.*) » Servus qui venditur, superiore servilio exit, ut ad dominum alternum migret: nos nec superiorum jugum deponimus, et ad nova peccata curvamur.

29. (Vers. 5) Unde et ingemuit sanctus dicens: « Quoniam iniquitates meæ superposuerunt caput meum: sicut onus grave gravatæ sunt super me; » hoc est, iniquitates meæ supertransierunt caput meum, et supererminent mihi, ut sensus meos deprimant: oculi enim sapientis in capite ejus. Et ideo Nabal malus erat durus: quia sensus ejus malitia et iniquitas obstruebant (50). Unde et Abigææ verbum ferre non potuit: sed obduruit cor ejus, et quasi infirmus occubuit. Aut vide ne hoc sit caput, de quo ait Apostolus (*Coloss. ii, 19*), quia non tenet illud, mente carnis inflatus. Hoc autem caput, Christus est, quia omnis viri caput Christus. Hoc est caput quod per compagationes et colligationes totius plebis crescit in incrementum Dei, quia in omnibus nobis per singula membra sua Christus assurgit. Ergo quando nos ingravant nostra peccata, et talento quodam iniquitatis plumbeo ad terrena deprimimur, dirumpamus vincula eorum, et projiciamus a nobis jugum ipsorum; ut possimus oculos nostræ mentis attollere, et audire dicentem: « Venite ad me, omnes qui laboratis et onerati estis, et ego vos reficiam (*Math. xi, 28*). » Denique Ægyptum avaritia onerabat, pecunia vexabat mercatus Æthiopes (60), sicut scriptum est: « Laboravit Ægyptus, mercatus Æthiopum, et Sabaim viri excelsi ad te transibunt (*Isa. xlii, 14.*) » Laboravit Ægyptus, antequam cognosceret veritatem: sed jam non laborat postquam transivit ad Christum. Sequuntur volentes Sabæi viri, qui ante fugiebant; quia tenent eos vincula charitatis, quæ adamante fortiora sunt. Pulchre et illud Isaiæ huic loco aptatur: « Omne caput in dolore, et omne cor in mœstitia: a pedibus usque ad caput non est vulnus, neque cicatrix (51), neque plaga cum fervore (*Isa. i, 5, 6*). » Fervet enim iniquitas, cum dominatur, super caput nostrum sese extollens, et locum occupans, ne eum Christus magister teneat pœnitentiæ. Non mediocrem vim habent istæ iniquitates, si consideres hominem illum iniquitatis, qui venturus est secundum opera Satanæ in omni virtute, et signis, et prodigiis mendacibus **828** et omnis eductione iniquitatis; quem cavendum nobis Apostolus demonstravit, quia operationem erroris accipiet:

(59) Quinque mss., *quia sensus ejus malitia et iniq*uitas observabant.

(70) Edit. aliquot Paris, cum mss. nonnullis, *mercatus Æthiopum*. At *mercatus Æthiopes* dici possunt pro *mercatus Æthiopici*; Æthiops enim vox adjectiva est. Rursus in Isaiæ verbis, ubi omnes edit. ac mss. nonnulli cum Vulgata edit., *Labor Ægypti, mercatus, etc.*, alii mss. plures cum LXX, *Laboravit Ægyptus, mercatus, etc.*, ἐκπλασεν Αἴγυ-

**A** ut probentur fideles, judicentur infidi (*II Thess. ii, 9, 11*).

30. (Vers. 6.) Merito ergo sub iniquitatibus positus, et quod pejus est suis, corruptas esse et computruisse dicit cicatrices suas a facie insipientiæ suæ; quia levantem onera iniquitatum tardius remedium sequebatur. Tamen et Job sancto qui saniem radebat suorum ulcerum perfusus ulceribus a pedibus usque ad caput, sanitas est refusa; et Lazarus pauper qui jacebat ad januam divitis, lambentibus ulcera ejus canibus, de cicatricum suarum fetore sublatus, ab angelis in Abraham sinu est collocatus. Est ergo in sancto David spes in remedium sanitatis; quia non unguentum redolent, sed fetorem suorum vulnera peccatorum, et quia affligitur his atque curvatur, et non delectatur. Specta nunc epheborum aliquem lascivum, et egregie libidinosum, qui in stupris vitam suam exigat, more illius divitis in bysso et ostro jacentem, atque epulantem quotidie splendide, cui nantent pavimenta vino, tegatur humus floribus et spinis cooperta piscium, incensis diversorum thymiamatum odoribus triclinia compleantur, quemadmodum se beatum putet, et bene se olere judicet; cumque gravia atque diurna animæ suæ vulnera gerat, et corruptum sanguinem fluat, nullum tamen fetorem suæ cicatricis accipiat. Obstructas enim cœno nares habet, nec potest dicere: « Spiritus divinus, qui est in naribus meis (*Job xxvii, 3*). » Ideo dives ille remedium salutis invenire non potuit, pauper invenit, Denique alter apud inferos in supplicio, alter in requie.

31. Invenit ergo perpetuae salutis remedium etiam sanctus propheta David, qui fetere sibi animæ suæ vulnera fatebatur, et a facie insipientiæ suæ computruisse sibi cicatrices proprias loquebatur. Sed est et insipientia quæ per stultitiam prædicationis credentibus salutem afferat. Refugit ergo Propheta Evangelico jam spiritu sapientiam istius mundi, qua non cognoscitur Deus: qua tegit sua vulnera, non revelat ad Dominum Melior igitur insipientia, quæ oculos habet ut videat ulcere sua, quam sapientia quæ non habet. Et ideo insipientiæ suæ obtutu admonitus spirituali tantus rex, afflictum se miseriis protestatur; ut remedium possit pœnitentiæ reperire, quod Judas, qui agrum de iniquitatis mercede possedit, reperire non potuit.

32. (Vers. 7.) « Miseriis, inquit, afflictus et curvatus sum usque in finem: tota die contristatus ingrediebar. » Usque in quem finem se dicit esse

πτος, etc.

(61) Rom. edit. cum Vulg., *a pedibus usque ad caput est vulnus, cicatrix, ac plaga*, etc. Verum qui sic emendarunt, non adverterunt Ambrosium sequi solitum versionem LXX, apud quos habes, ἀπὸ ποδῶν ἔως κεφαλῆς οὐκ ἔστιν ἐν αὐτῷ ὀλοκηρός, οὔτε μταῦρα, οὔτε μάλωψ, οὔτε πληγὴ φλεγμαίνουσα. Sic etiam hunc locum Basilius legebat, ut docet Nobilius.

curvatum? Utrum legitimum in finem pœnitentiæ? Aut amplius, ut mystice intelligamus, usque ad Christum (62), qui finis Legis est; qui se passus est verberari, passus est corpus suum mortuum lapidari (63)? Sed nullum fetorem pœnitentiæ, odorem vero omnem gratiæ **329** vulnera illa redolebant. Denique non tabes mortis de vulnere ejus, sicut hominum cæterorum, sed fons vitæ scaturivit æternæ, ut Scriptura nos edocet dicens: « Et saliet aqua cum delectatione de fontibus Salvatoris (*Isa. XII, 3*). » Exsilivit ergo de vulnere aqua, ut nos biberemus salutem. Bibent omnes peccatores terræ, ut peccata deponant. Vide singula. Miseris afflictus est Christus, ut beatos faceret homines, qui erant in miseriis constituti. Nemo miserum eum qui sit justus, appellat; quia dixit: « Vos nemo faciet miseros (*Isa. XXXIII, 1*), » Curvatus est ille, ut nos erigeremur: constrictus est ille, ut nos lætificaret, secundum quod scriptum est: « Si enim ego contristo vos, et quis est qui me lætificet, nisi qui contristatur ex me (*II Cor. II, 2*). » Qui contristatur ergo ex Domino Iesu Christo, ipse lætitiat Christum, et ipse lætificatur a Christo. Ideo ergo et nos non perfunctorie satisfaciendum a nobis esse cognoscimus. Curvemur usque in finem, id est non solum Christo fidem, sed etiam passionum nostrarum perseverantiam deferentes, et gaudeamus in passionibus nostris; sicut et Christus gaudebat in passionibus suis. Quas ille suscipiebat pro servulis suis, nos subeamus pro Domino. Hic ergo finis, « Ut adimpleam, inquit, quæ desunt tribulationum Christi in carne mea, pro corpore ejus, quæ est Ecclesia, cuius sum factus minister (*Coloss. I, 24*). » Videmus quid nobis suscipiendum sit, qui ministerium sacerdotale suscepimus; ut non solum pro nobis, sed etiam pro Ecclesia Domini sustinere fortiter passiones corporis debeamus. David autem addidit et animæ passiones.

33. (Vers. 8, 9, 10, 11.) Denique ipse ait: « Quoniam anima mea completa est illusionibus: et non est sanitas in carne mea. Incurvatus sum et humiliatus sum nimis: rugiebam a genitu cordis mei. Et ante te omne desiderium meum, et gemitus meus non est absconditus a te. Cor meum conturbatum est, et deseruit me fortitudo mea, et lumen oculorum meorum non est mecum. » Advertimus igitur laborem animæ majorem esse, quam carnis. Denique quibus anima illusionibus compleatur. intellige: eo quod in tensionibus diabolus ei videatur illudere et insultare quasi graviter laboranti, Symmachus tamen ait *lumbos*, in quibus seminaria sunt generationis humanæ. Unde præ-

(62) Edit. vet., *Usque in quem finem? Pœnitentiæ? Ut amplius et mystice intelligas usque ad Christum, Rom., Usque in quem finem? In finem scilicet pœnitentiarum, vel ut amplius et mystice intelligas usque in finem. hoc est, usque ad Christum.* MSS. Reg. atque alii quatuor ut supra in textu.

(63) Rom. edit. sola, *vulnerari* Sed hic *lapidari*

**A** cinctos lumbos habere te præcipit Sapientia Dei (*Luc. XII, 35*); ne tua castimonia resolvatur. Denique ut scias quia in lumbis sunt libidinis commotiones, quæ plerumque excitantur a diabolo; quando contendit dissipare membra Christi, et facere membra meretricis: « Ecce, inquit, fortitudo ejus in lumbis, et virtus ejus in utero (*Job. XL, 11*). » In lumbis viri semina sunt, in utero autem feminæ. Illudit ergo diabolus in his, ut faciat adulterium, incestum, fornicationem. Et ideo qui fornicatur, in corpus suum peccat, non extra corpus. Primum, quia infirmatur caro, quæ libidinibus difficit, et non servat moderamina castitatis; deinde quoniam seminaria quæ debent soboli proficere procreandæ, inquinamentum corporis, non fructum posteritatis operantur. Inde itaque dicuntur illusiones fortasse, quod in his corporis æstus sine coitus celebritate frequenter illudat. Unde bene **330** Septuaginta viri animæ illusiones dixerunt: eo quod diabolus affectus alicujus illudens, in vacum studeat vires ejus (64) effundere, virtutemque vacuare, resolvere fortitudinem. Ideoque alibi ait: « Et renes mei resoluti sunt (*Psal. LXXII, 21*). » In quo nos etiam beatus confirmat Apostolus, quod non illusiones animæ, non carnis infirmitatem metuere debeamus; quia et animæ et corporis nostri Christus est virtus, qui curat ægrotos, quasi medicus: confirmat invalidos, quasi omnium fortitudo. Denique « etsi foris homo noster corruptitur, sed renovatur interior de die in diem (*II Cor. IV, 16*). »

**C** 34. His itaque animæ illusionibus fatigatus incurvaverat et humiliaverat se nimis sanctus David, non quo iniquitatibus superponentibus se supra caput ejus, ut diximus locum daret, aut inimico cederet, qui in posterioribus docet ei non esse cedendum dicens: « Quanta maligne operatus est inimicus in sanctis tuis; et gloriati sunt qui oderant te, in medio festi tui? Posuerunt signa sua signa; et non cognovi sicut in via supra summum Quasi in silva lignorum securibus conciderunt januas ejus (*Psal. LXXXIII, 3-5*). Inimici meis, inquit, signa iniquitatis suæ supra summum ponentibus (quid est summum, nisi caput tuum, ubi sensus sunt, ubi Christus est Sapientia) ego non cognovi, id est, non acquieci, non his consensi, et meæ sententiam cogitationis adjunxi. Unde et alibi habes: « Non cognovi verbum nequam (*Psal. C, 3*); et: « Declinantes a me malignos non cognoscebam (*Ibid. 4*). » Denique cum omnia noverit Christus, peccatum non cognovit; cognoscit enim quæ sua sunt, id est, quæ virtutum sunt, non quæ flagitorum. Ideoque Scriptura tibi dicit: « Cognovit

videtur prorsus idem significare, ac *lapideo sepulcro includi*.

(64) Quædem edit. Paris. cum. mss. Vat. et quinque Gallic. *diabolus afflictis aliquibus illudens... vires eorum, etc.* Melius aliæ cum mss. Vict. et Colb. ut in textu.

Dominus qui sunt ipsius (*II Tim.* ii, 19). » Inquis autem dicit : « Discedite a me, quia non novi vos (*Luc.* xiii, 27). » Et per Jeremiam locutus est dicens : « Sicut agnus doctus sum ad immolandum, et nescivi (*Jerem.* xi, 19). » Quomodo nesciebat quod futurum ante prædixerat ? Sed nescivi, inquit, cogitationes eorum, malitiam eorum. Nolo scire quæ sanguinis sunt. Denique « non congregabo conventicula eorum de sanguinibus (*Psal.* xv, 4). » et : « Deleo iniquitates eorum, et memor non sum (*Isa.* xliv, 25). » Nolo scire quæ remissurus adveni Non cognovi ligna quæ ardeant, nec quæ in acervo lignorum sunt posita, vel stipulam, vel fenum, ut citius ea nutrimentis suis flamma consumat. Illa volo scire quæ maneant, ut fructum suæ mercedis accipiant : illa volo scire quæ supra fundamentum ædificata sunt, ut meliorentur ; non quæ in via, ubi ea diripient transeuntes : illa volo scire quæ vitis sunt, illa certa ligna quæ ferant fructum, non ea quæ in fasces collecta ad incendium præparantur ; id est, non sum illis arbiter et socius quæ ceduca sunt. Non ergo societas alicujus rei, sed societas criminoso in culpa est.

35. Qua ratione autem non cognovit in infructuosis et fragilibus gloriantes ? Quia malis operibus et iniquitatis suæ securibus evertunt animæ fidelis ingressus, et crudelibus factis scindunt piæ mentis vestibula : ne per ea possit Christus intrare. Debet autem unusquisque portas suas et januas custodire : ut cum venerit Christus et pulsaverit, dicant ministrae potestates quæ præeunt et præcurrunt : « Tollite portas, principes, vestras (65), et elevamini, **¶** portæ æternales (*Psal.* xxii, 7). Vere principes, qui se bene rexerint, ut in animas eorum Christo ingressus sit. Simile quoque illud est Salomonis : « Si spiritus habentis potestatem ascenderit adversum te, locum tuum non relinquas ; quia cura mitigabit delicta magna (*Eccle.* x, 4). » Diligentia (66) enim et fides superiorem locum tenent, inferiorem perfidia. Ideo ascendat ad te bona diligentia, quæ insidias excludit inimici et auferit peccatum, ne malitia potestatem habentis nocere possit. Hanc videt Ecclesiastes (67) in Canticis malitiam sub sole, hoc est, in hoc mundo, unde et subsolanum locum hunc Scriptura memoravit. Sub sole ergo vidit, non supra solem, ubi pax angelorum est, vel sanctitas coelestium potestatum. Aut forte sub sole iniquitatis dixit : malitiæ enim diabolus præsidet, virtutibus Christus. Itaque ut vinceret spiritum potestatem habentem,

(65) Nonnulli mss., *Tollite portas principis vestri !* verum præterquam quod illi minus cohærent cum istis subsequentibus, *vere principes*, etc... in hoc etiam ab omnibus recedunt versionibus, quas videlicet in Bibliis polyglottis, atque apud Nobilium in eundem versum.

(66) MSS. aliquot, *quia cura mitigat delictum. Magna enim diligentia.* etc. Melius alii atque edit. cum legere sit in sacro textu, ὅτι τὰ παντά πειράλας.

(67) Hic eodem modo liber *Ecclesiasticis* per vo-

A quam ad tempus accepit incurvabat se in oratione David, cervicem sicut circulum flectens, et humiliabat in precibus ; oratio enim se humiliantis nubes penetrat, et elementorum alta transcendent, ut Christo appropinet.

36. Et rugiebat a gemitu cordis sui. Rugit, qui gemitum solum, non verba exprimit. Hæc est ergo illa præclara oratio, quando « interpellat pro nobis Spiritus gemitibus inenarrabilibus (*Rom.* viii, 26), ut Vas electionis asseruit. Hic est gemitus quem non despicit Deus, qui non despicit servum juniores orbatum patre, nec viduam, si effundat loquela (68).

37. Gemitum ergo ante omnia signum Spiritus sancti Apostolus ponit, ut legimus. Denique custodiamus animæ nostræ januas ; ne multiloquii securibus scindatur nostræ confessionis ingressus. Nihil insolens et superbum nostro ex ore procedat ; ne securim levemus aut malleum, quæ non intrant in Ecclesiam Domini. Claude januam, cum oras, ne se ingerat spiritus nequam ; ut et ibi peccatum extorqueat, ubi lucrum volumus pietatis acquirere. Qui sic orat, non est a Domino gemitus ejus absconditus. Denique sic sancti Petri gemitus et cognitus et exauditus est, quando flevit amarissime. Utique non lacrymæ amaræ, sed amarus qui eas fundebat affectus. In ipso perfido Achab gemitus invenisset gratiam ; nisi manens invidia cumulasset offensam. Non enim perfuctorius gemitus prædicatur ; sed qui habet conversionem ; Scriptum est enim : Si conversus ingemueris, salvus eris.

38. Constituamus etiam ante Dominum omne desiderium nostrum : Quid est desiderium ? Bonæ enim rei legi desiderium : « Desiderio desideravi hoc pascha manducare vobiscum (*Luc.* xxii, 15) ; » et : « Cervus desiderat ad fontes aquarum (*Psal.* xli, 2). » Puto autem quod is qui pœnitentiam gerit, qui se affligit, non bona sua debeat, sed commissa sibi enumerare peccata. Denique versiculis illis, ut arbitror, hoc docemur, quibus ait : « Deus, vitam meam nuntiabo tibi : posuisti lacrymas meas in conspectu tuo (*Psal.* lv, 9). Non enim quasi innocentem vitam annuntiat, ubi lacrymæ funduntur, quæ **¶** solent legationem suscipere pro delictis. Nisi forte sic intelligamus, quod etsi innocens quisque sit, securus esse non possit, cui sint adversus gravissimos hostes quotidiana certamina ; et ideo hæc licet læta sit conscientia, tamen pugna lacrymabilis. Juxta hos ergo versiculos con-

cem in Canticis designatur quo Scriptura universim per vocem in hymnis significatur lib. *De Fuga sæculi*, cap. 4, num. 20, quem consule.

(68) Ita edit. vet. ac Rom cum. mss. aliquot, Edit. vero nonnullæ Paris, cum aliis scriptis cod., si effundat loquela gemitu (quidam mss., si effundant loquela gemitus). Ergo ante omnia signum quod inimicus ponit, non capiamus ; quale signum Antichristus ponet. Sed ista non tam bene ex antecedentibus consequentur.

cupiscentiam possumus accipere magis, quam desiderium; ἐπιθυμία enim Græcus posuit: concupiscentia autem et desiderium ἐπιθυμία dicitur. Sed concupiscentia et de bono et de malo dicitur. « Concupivit, et defecit anima mea in atria Domini (*Psal. LXXXIII*, 3), » pro bono; in Lege autem aliter: « Nam concupiscentiam nesciebam, nisi lex diceret: Non concupisces (*Rom. VII*, 7), utique pro malo. Denique subjecta nos doceant, quia occasione accepta, peccatum per mandatum operatur omnem concupiscentiam in hominis affectu. Possumus tamen sic accipere, *Ante te omne desiderium pono*, hoc est, tibi manifesto, quæ impetrare desidero; ut ad seriem petitionum, non ad jactantiam referendum videatur esse virtutum. Jactantia enim insolens etiam in integro, deprecatio autem in peccatore laudabilis.

39. Addidit etiam Propheta, quia cum cor suum conturbatum sit, deseruerit se fortitudo sua. Magnum periculum si cor exagitetur, quo credimus ad justitiam. Sed tamen ut in magnis periculis ægritudinum si dolor sentitur, et sensus ejus ex-primitur, remedium salutis ostenditur (dolere enim tolerabilius est, quam non dolere; aliud enim vivificationis adhuc manentis insigne, si doleas, aliud supremæ mortis indicium, si nullus sensus doloris sit), ita et cor salutis signa demonstrat, quando causas suæ perturbationis agnoscit. Denique turbatum est cor David adversus Nabal hominem pestilentem, et gratiam reperit, dum occurrit Abigæa, quæ mitigaret commotionem indignationis, et sanctificationem benedictionis acciperet. At vero Nabal duro et frigido corde verbum uxoris ferre non potuit, et obstupefactus obriguit, et in mortem incidit.

48. Quæ autem Prophetam deseruit fortitudo? Utrum carnis an mentis? Si carnis, non utique desperanda sanitas. Nam « virtus in infirmitate perficitur (*II Cor. XII*, 9). » De quo non mediocriter disputavit arbiter et præliator<sup>(69)</sup> qui luctæ mentis et corporis sciens, temperabat utriusque certamen; ut restringeret carnem, si cerneret fortiorem, ne in legem peccati captivam duceret mentem. Revocabat: sic ad coronam meruit pervenire. Ergo hoc dicit Propheta: Si carnis fortitudo deseruit, mentis fortitudo prævaluuit. Quod si fortitudinem mentis accipimus deseruisse, non mirum si in gravissimis temptationibus corde turbato putat se homo mentis suæ fortitudine deserit. Ipse te doceat dicens: « Fortitudo mea et laus mea Dominus (*Psal. CXVII*, 14). » Dominum ergo quærebat; et ideo ne deserit

(69) Edit. omnes cum tribus mss., *Arbiter et breviator*. Melius alii quinque cod., *Arbiter et præliator*; significatur enim Paulus et *Arbiter*, sive agonothetes dici spiritalis certaminis, quod multis epistolarum suarum locis ejus leges aliis prescripsit, præmiumque proposuerit; et idem *præliator*, sive athleta est, ut de se ipse testatur. (*I Cor. IX*, 26, et *II Tim. IV*, 7.)

A mereretur, sæpius putabat esse quærendum: et sicubi fluctuabat, putabat se esse desertum. Sic Apostoli **833** excitant dormientem; ne obdormiret sibi, non quia eum obdormisse credebant. Sic Eliæs (ut superiorum utamur exemplis). « Ubi est, inquit, Deus Eliæ (*IV Reg. II*, 14)? » Non quod putaret absentem, sed quia præsentiam ejus in beneficiis requirebat. Sic Jeremias eum sequebatur ut medicum, dicens: « Sana me, Domine, et sanabor, salvum me fac et salvabor. Non laboravi post te (*Jerem. XVII*, 14, 16). » Sic Ecclesia requiebat eum in Canticis Canticorum, et rogabat filias Jerusalem, ut suscitarent dilectionem (*Cant. III*, 5). Quærebat ut inveniret, quem sua dilectione retinebat, nec unquam sentiebat absentem. Sic ergo et David non querbatur a Christo se esse desertum; sed judicabat illo præsente, se non posse turbari.

41. Denique ut scias de Christo magis intelligendum, addidit: « Et lumen oculorum meorum non est mecum. » Quod est verum lumen omnium, nisi Christus Jesus dē quo Joannes dicit: « Erat verum lumen, quod illuminat omnem hominem venientem in hunc mundum (*Joan. I*, 9): » quia ipse est qui illuminat et corporis oculos, et mentis obtutum? Rogemus ergo ut semper nobis suum lumen infundat, et semper nobiscum sit, sicut erat cum David; et ideo audebat dicere: « Quoniam apud te est fons vitae, et in lumine tuo videbimus lumen (*Psal. XXXV*, 10). » Ille certe quasi propheta magnum viderat lumen: nobis lucerna ejus luceat, ne possimus errare. Et lucerna Verbum est, sicut verum lumen est Verbum, quod totum illuminat mundum: Denique, « lucerna pedibus meis Verbum tuum, Domine (*Psal. CXVIII*, 105). » Et lucernam illam etiam Propheta quærebat, non laternam (70). Lucernam autem illam Joannes invenit, et demonstravit: cum laterna persecutor advenit et demonstravit; laterna enim clausum habet, non liberum lumen. Judæus quasi lucerna sub modio, vel faces sub velamine potest videre, sed non videt: nos autem revelata facie gloriam Domini speculamur æternam; ut ad ejus imaginem a gloria in gloriam per Spiritum sanctum reformemur. Venit ergo persecutorum turba cum laternis; et ideo inclusam in eis lucem videre eorum oculi nequierunt. Venit D cum facibus, quæ plus habent in fumo caliginis, quam splendoris in lumine. Denique facibus mortuorum cadavera ardere consueverunt. Sibi ergo Judæi jam ferebant incendia, qui persequebantur salutis auctorem. Venere cum armis, significantes armis se perituros esse Romanis usque ad excidium

(70) Ita edit. ac plures mss., nisi quod hi post verba *non laternam*, addunt *sed lucernam*. In Vict. autem et Colb. sic legitur, *non lucernam*. Et lucernam lucerna Joannes, etc. Iterum ubi edit. ac mss. aliquot, *Lumen Judæorum quasi lucerna sub modio, vel fax sub velamine, potest videri*, etc. Alii cod. majori numero, ut nos in textu.

totius civitatis et templi, qui pacem Domini recusarunt.

42. (Vers.12, 13, 14, 15.) « Amici mei et proximi mei adversum me appropinquaverunt, et steterunt. Et proximi mei a longe steterunt. Et vim faciebant qui quærebant animam meam. Et qui inquirebant mala mihi, locuti sunt vanitatem : et dolum tota die meditabantur. Ego autem velut surdus non audiebam, et sicut mutus, qui non aperit os suum. Et factus sum sicut homo non audiens, et non habens in ore suo increpationes. » Videro qui sint qui argute ista discutiant. Mihi 834 in primo præcipue isto versiculo Domini videtur tenenda sententia; quia in temptationibus inimici fiunt hominis etiam domestici ejus. Hoc ergo sanctus David pure atque sincere et dolenter fatetur. Verus enim dolor est, et interioris cordis confessio, quando enumerantur omnia quibus secreta mentis viscera amarissimo compunguntur affectu, et domestico felle exacerbantur. Deplorat igitur Prophetæ ab inimicis se et proximis impugnatum, a quibus utique non impugnari debuit, sed juvari. Quod utique cum sancti Job querimonia concurrit, quia et ipse arguebat tres illos reges consolatores malorum, qui majora ei inferebant certamina, cum ad consolandum cum amicitiae gratia convenissent (*Job. xvi, 2-5*) : quod utique cavendum est nobis. Consolatio enim mitis esse debet, non aspera, quæ magis dolorem leniat, fervorem mitget, quam commotionem excitet. Certe ipsius corporis medicina nos doceat, quæ ferventibus vulneribus molliora medicamenta consuevit adhibere, quibus dolorem allevet. Ideoque foventur primo vulnera, post secantur; ne offendat ipsa durities, et incisio vulnus exasperet. Quanto igitur magis cavere nos convenit; ut cum venerimus ad consolandum, non facile, non perfectorie loquamur? Septem diebus tacuit Job, tacuerunt amici, nec locuti essent, nisi Job dolore prorupisset in vocem; quærendum est enim unde incipias, ne in ipso sermone offendat consolatio tua. Etiam taciturnitas ipsa medicina est, et velox in sermonibus magis vulnerat. Quid miraris si alterum vulnerat, cum frequenter ipse se vulneret; quia ex multiloquio peccatum non effugit? Etenim si medicus medendi tempus exspectat, ut digestis ægritudinibus, medicinæ subsidia deferantur; ne acerba adhuc et immatura, ut asserrunt, ægritudo curationis remediis reluctetur, et beneficium sentire non possit; quanto magis explorare nos convenit, ut opportune a nobis medicinalis sermo procedat, qui non accendere luctum.

(74) Locum hunc Rom. edit. ita decurtaverat : *Et ne dicatur tibi : audiri talia multa, consolatores malorum.* Nos cum ex vet. edit. restituimus a quibus etiam non differunt cod. Vict. et Colb., nisi quod habent : *Ne dicenti tibi. . . et respondeat.* MSS. vero Vat. et quinque Gallic., *Ne dicatur tibi, audi hæc. . . et respondeat tibi,* etc. Ad hos quoque Paris. quædam, edit. accedunt, excepto quod præmittunt. *Et, ante ne dicatur;* ac post respon-

A sed lenire videatur? Vis urget doloris : premitur cor mulieris afflictæ, quæ immaturo obitu maritum amisit, ant filios : quid properas cum te illa non audiat, nisi deservescat dolor? Sæpe lites de consolationibus vidimus excitatas. Venisti ut doleas, non ut litiges. Ordo sermonis ipse quærendum est; ne peccatum apud Deum incurras, dum desideras hominem consolari; ne dicenti tibi : Audi hæc et alia multa quæ nihil prosint; respondeat : « Auditæ, consolatores malorum (71) (*Ibid. 2*) ; » ne in luctu alterius certamen garrulæ disputationis inducas: ne non accedas, cum oporteat; ne accedat, et durior sit tuus sermo. Denique quid dicatur de talibus, doceat te sanctus Job : « Simul mihi venerunt temptationes gravissimæ, circumdederunt me insidiantes (72) : fratres mei discesserunt a me, cognoverunt extraneos magis quam me. Amici mei immisericordes facti sunt (*Job xix, 12-14 seq.*). » Hic ergo 835 naturalis est sensus etiam sancti prophetæ David ; ut queratur se ab inimicis impugnatum, a proximis destitutum.

43. Sed ne mysticus quidem abhorreat pietatis affectus, ut pro angelis dixerit, qui prætendent timentibus Dominum; ut eripiant eos de temptationibus, quas ferre non possent. Quomodo ergo longe stant, qui ad adjumentum sunt attributi? Sed non illi se separant, sed qui urgetur temptationibus putat eos longe abesse, quos proprius sibi adesse desiderat; et arbitratur dissimulare, cum illi juvandi tempus nutu sui imperatoris expectent, qui athletam suum quo gloriósius vinceret, diutius certare præcepit. Et videtur hoc magis sequentibus convenire; quia angelis protectionis excubias relaxantibus, insidiabantur inimici, quærentes in anima ejus invenire quod noceat. Tunc enim potestas illis gravioris temptationis permittitur, cum culpa animæ gravior reperitur. Unde habes illud in libro Regnorum regis Achab ad Eliam dictum; quando eum Prophetæ vehementer increpavit, et mortem ei denuntiavit : « Invenisti, inquit, me (*III Reg. xvi, 20*). » Et respondit Elias : « inveni; quia fecisti malignum in conspectu Domini (*Ibid.*) » Vides ergo quia regibus non temere vel a prophetis Dei, vel a sacerdotibus facienda injuria sit; si nulla sint graviora peccata, in quibus debeant argui : ubi autem peccata graviora sunt, ibi non videtur a sacerdote parcendum; ut justis increpationibus corrigantur.

44. Tamen David in hoc loco dicit quod nihil invenisse videantur; et ideo inimici ejus vanitatem locuti sunt, quoniam nihil quod pro veritate loque-

deat, expungunt tibi. Quam lectionem qui non improbabit, sumat dicatur tibi pro dicatur abs te. Quod latinis auribus non est insolens.

(72) Rom. edit. sola, *temptationes ejus, viis meis circumdederunt me insidiantes.* In quo LXX. Interp. secuta est apud quos Ὁμοθυμαδὸν δὲ γλῶσσαν τὰ πειρατήρια αὐτοῦ ἐπ' ἔμοι, ταῖς, ὅδοις; μου ἐχύκλωσαν ἐγκάθετοι.

rentur, invenerint. Aut certe, quia etsi peccavi, In quo illi cum dolo mecum loquebantur: ut me objurgatione confunderent, et a conversione revo- carent. Et vide ne hoc magis senserit, quæsisse illos mala ejus: sed eum vellent accusare, præ- ventos; quoniam vulnera sua ipse patefecerat, sui accusator esistens; et ideo vim accusationis eorum esse annullatam: locutos autem fuisse vana, quæ confessio culpam nocere jam non possent.

45. Exclusi igitur a criminationis invidia, dolum adhibebant; ut insurgerent, inquit, et mihi insultarent, quo me stimularent ad aliquam commotionem: quorum ego dolum videns, « velut surdus non audiebam. « Considera vim sermonis. Non dixit, quia simulabam non me audire quæ dicerent: sed « non audiebam, » dixit; et quod intentione mentis vocem loquentis excluderet: nec aperiret os suum, sicut mutus. Beatus qui potest tantam habere virtutem, ut lacesitus non irascatur, commotus se nolit ulcisci. Inimici hoc agunt, ut provocent ad iracundiam: maledicunt, ut maledicamus: criminantur, ut crimen retorqueamus: conviciantur, ut excitent nos ad vicissitudinem contumelias. Unde præclare Petrus de Domino Jesu in epistola sua posuit: » Quia cum malediceretur, non maledicebat: cum pateretur, non comminabatur (*I Petr. ii, 23*). » Ad ejus ergo similitudinem atque imaginem justus suæ vitæ cupiens instituta formare, accusatus tacet, Iesus remittit dissimulat lacesitus, et non aperit os suum; ut illum imiteatur, qui sicut agnus ad victimam ductus, sic non **836** aperuit os suum; et cum possit habere quod referat, magis vult silere quam dicere. Ipse enim Dominus Jesus vere cum accusaretur, tacebat; et cum percuteretur, non repercutiebat. Denique percussus respondit: « Si male locutus sum, testimonium perhibe de malo: si bene, quid me cædis (*Joan. xviii, 23*)? » Vide quemadmodum quasi vere infirmus, et quasi is qui se vindicare non posset, puerili quodam loquebatur affectu: ita ergo et tu si habeas quo redarguas arguentem, melius tacebis; ne redarguendi vicissitudine commotionem tuam prodas. Melius est enim dissimulare injuriam, quam cum redarguis, vindicare. Bonus mutus, qui loqui male nescit, cuius ex ore crimen exire non novit. Hic est mutus vere beatus, qui cum tacet, intra se loquitur. Dominus dat mihi linguam eruditio-nis, ut sciam quemodo oporteat me dicere sermonem. Talia loquebatur intra se Zacharias, cum obmutuisset: et vere quia loqui ei non profuerat, ne loqueretur, obmutuit: et ut loqueretur, exaudi-tus a Christo est. Denique scripsit quod Christus exaudiret; et vocem recepit, quam Christus indul-sit; et gratiam adjunxit, quam ante non habuit; ut prophetaret eum, cuius mandatis ante non cre-didit. Quid de Domino omnium virtutum loquor, cum mulier Susanna nec sexus infirmitate turbata, cum se ad periculum mortis cognovit addictam,

**A** vocem emiserit? Accusabatur, et tacebat: duce-batur ad mortem, silentio se tegebat, ne nudaret pudorem. Intra se tamen loquebatur Deo, qui eam magis audivit tacentem: quæ si voluisset loqui, forsitan non esset audita.

46. Et tu ergo qui proposuisti satisfacere pro delictis Domino Deo tuo, illi soli interiore corde purga, illum contuere, qui potest peccata di-luere. Adjuvat te, qui putaverit arguendum. Denique cum malediceretur David, et ejus dux Abessa injuriam regis vellet ulcisci, dixit ad eum David: « Dimitte illum, ut maledicat; quoniam dixit illi Dominus, ut videat humilitatem meam, et retribuat mihi Dominus, bona pro maledicto hoc (*II Reg. xvi, 10*). » Vides igitur quod a conviciantibus adjuveris, ut Dominus audiat te et peccatum tuum remittat? Nam cum ipse accusator tui esse debeas, et coacervare flagitia, teque ipsum offere suppli-cio; quomodo negare objecta desideras? Pœnitentia patientiam querit, patientia mitigat delicta magna. Quomodo irasperis aliis, tuæ ipse reus conscientiæ? Quomodo commoveris, cum debeas esse miserabilis? Qui arguitur, et (quod est am-plius) a semetipso, curare debet sua vulnera, non alterum vulnerare. Nemo alium vulnerando se sanat. Medice, cura te ipsum. Si medicus, quanto magis reus prius curare se debet! Consiferis pec-catum tuum, et medicum te profiteris alienum: etsi veritatis est quod retorques, temporis non est; peccatori enim dixit Deus: « Quare tu enaras justicias meas (*Psul. XLIX, 17*)? » Usurasti tibi ut de lege arguas, qui contra legem ipse fecisti. Quid lacrymarum tempus amittis? Quid concer-tando vanos sermones aut audis aut loqueris; cum tibi scriptum sit: Non accipias auditum vanum (*Exod. xxiii, 1*): cum legeris in Evangelio Pro omni sermone otioso judicium esse sub-eundum (*Matth. XII, 37*)? Etsi alius loquitur, tace: etsi alius conviciatur, aurem tuam ob-strue.

**B** **837** 47. (Vers. 16, 17.) David tacendo vicit adversarios suos: et quia sicut mutus factus est, vocem recepit; quia conversus ad Dominum lo-quebatur dicens: « Quoniam in te, Domine, spe-ravi: tu exaudies me, Domine, Deus meus. Quia dixi; ne aliquando exsultent in me inimici mei. »

**C** Vide singula: tacebat David, loquebantur inimici, provocabant ut aliquid et ipse loqueretur. Dice-bant: Audiamus vocem tuam. Intra se ille tacitus loquebatur: Quid opus est, ut ista audiant, quibus prodesse non possunt? « In te, Domine, speravi; » tibi soli loquor; tu audi, qui exaudire potes. A te semper poposci, « ne aliquando exsultent in me inimici mei; » quia etsi peccavi, tu peccatum di-mittis: etsi ego cecidi, tu resuscitas, ne habeant unde exsultare possint qui peccatis lætantur alienis. Plus enim acquisivimus, qui plus peccavimus; quia beatiores facit tua gratia, quam nostra inno-centia. Habemus hunc sensum et in libro Michææ

prophetæ. « Noli gaudere super me, inimica mea; quia cecidi, sed resurgam (*Mich. vii, 8*). » Non est gravis infirmitatis ruina, si non sit etiam voluntatis studium ab ea non resurgendi. Habe voluntatem surgendi, præsens est qui faciat ut resurgas.

48. Dixit ergo David in corde suo, petens ut exaudiatur a Domino, et ut non exsultarent in eum ejus inimici: petens etiam ut in conversio-  
nis suæ proposito permaneret: ne, dum propositi  
sui gressus quasi quidam pedes suæ animæ com-  
moventur, in eum adversarii superba et magnilo-  
quentiæ plena loquerentur; ut faciunt qui insultare desiderant. Tametsi moveatur ut homo, paratum ad flagella se dicit, ut vel suppicio solvat errorem. Etsi cessent flagella Domini, se tamen dolore proprio memorat flagellari, ut non inveniat culpa quod damnet, quam bona confessio prævenit. Hoc est ergo quod ait: « Et dum commoventur pedes mei, in me magna locuti sunt, » eo quod tam prompti sunt ad insultationis ludibria, ut in commotione pedum meorum paratam habuerint magniloquentiam, vel certe sic: « Dum commoventur pedes mei, » putantes quod ca-  
derem, superba jam et magniloqua sunt locuti.

49. Sed tamen quia ipse in posterioribus pene motos pedes suos dixit (*Psal. lxxii, 2*), ne quid oriatur hinc scrupuli, considera hic doceri nos affectum poenitentiæ, ibi opinionem ejus erroris excludi, quod divitiæ et successus prosperior fla-  
gitiosorum nos movere non debeant. Consuetudo autem locutionis in Scripturis divinis hujusmodi reperitur. Sic enim et alibi: « Dum converteret Dominus captivitatem Sion, facti sumus sicut consolati (*Psal. cxxv, 1*). » Quanquam sanctus non in ostensione verborum, sed in virtute spiritus probari se velit. Sensus ergo nobis spectandus est semper, quem etiam ipsum frequens translatio ex Hebræo in Græcum, ex Græco in Latinum attenuare consuevit.

50. (Vers. 48.) Ad omnia itaque superiora pulchrum remedium, quod in flagella paratus est, et offert se Domino, ut quæ placuerint Deo, flagella sustineat. Elegisse quidem lego sanctum David flagelli genus, quod æquanimiter sustineret: sed elegit, quia de tribus conditionibus eligendæ unius necessitas mandabatur (*I Paral. xxii, 13*). Ubi autem non mandatur, ad omnia paratus est Dei servulus, seu corporalem ægritudinem subeat, seu fugam a facie inimici, sive obitum filiorum, quos non timet præmittere, **838** quia recipere potest imperterritus. Nam et sciens quod si hic fuerit punitus suppicio temporali, levare in futurum perpetuæ possit pœnam ærumnæ: rogat ergo ut recipiatur petitio sua, et castigetur ipse, ut re-

**A** cipiatur, castigat enim Dominus omnem filium quem recipit.

51. (Vers. 19.) Si servulum tuum videoas peccata propria confitentem ultro offerre se pœnæ, infleteris, ignoscis: et de Domini miseratione diffidis? Judex ipse cui non licet in plurimis causis a gladio temperare, quia legibus servit, potest tamen lucrum donare pœnarum, et tu adhuc trepidas, quid a legum Domino et misericordiæ auctore deposcas, cui lex voluntas est, et donandi jus? Si tamen tu petas tibi tua peccata donari, nec consideres honores tuos, aut erubescas amicos tuos; ne dignitatem tuam deflexisse videaris. Amicus Dei, propheta Dei, rex ab ipso electus Deo, et unctus in regnum, flagellis se spontaneus offerebat, nec erubescat: et tu erubescis? Non multum ista verecundia tibi opitulabitur, cum ad judicium Dei veneris; sed pudoris te istius pœnitentebit, cum in conspectu non solum hominum, sed etiam Angelorum et omnium Potostatum cœlestium constitutus, coepiris peccata propria non negare. Quomodo excusabis, cum tanta commiseris? Prætendes conditionis infirmitatem, quia nemo sine peccato? Respondebitur tibi: Debuisti ergo agere pœnitentiam, dederam remedium, cur refutasti? Subtexes pudorem, quod honores tuos erubueris? Dicet: Si tu erubuisti me coram amicis tuis, et ego te erubescam coram Patre meo, qui est in cœlis. Disce verum esse quod scriptum est, quia « est verecundia adducens peccatum (*Eccli. iv, 25*). » David in conspectu suo dolorem suum ponebat, ne unquam oblisceretur; David iniquitatem suam ipse pronuntiabat; David de peccato suo, non de opibus cogitabat; David non erubescet sua recensere peccata, ne de iis erubesceret in meo judicio constitutus: et tu erubesceras? Non esset hodie in requie servulus meus Job, si erubuissest tres illos reges amicos suos; nec ipse David, si erubuissest delicta propria confiteri. Ergo quia non erubuit mihi sua aperire peccata; nec ego erubescam ei mea secreta reserare. Et quia uterque eorum non erubuit factorum suorum premium in mea ponere potestate, meo se judicio voluntatique committere, nec ego de talibus servulis erubescam, ut appellem amicos, qui meam studuerint facere voluntatem. Ideoque quoniam illi ante in mœrore, nunc in consolatione: tu quia in deliciis, nunc in suppliciis. Chaos inter vos magnum est; ut neque illorum ad te gratia, nec tua ad illos possit pœna transire. Audis ergo quid dicat David? Audi, dum tibi corrigere et emendare permittitur: si hic emendaveris, illic requiesces. Non te dulcia mundi et sæculi hujus amœna delectent (73); grave enim fel mouere consuerunt. Non ille jucunda quærebatur positus in regno, qui potius eliebat mortem sanctorum, quam vitam flagitiorum.

(73) Quidam mss., *sæculi hujus, sed amara delectent.*

(Vers. 20, 21.) « Inimici, inquit, mei vivunt, et confirmati sunt super me ; et multiplicati sunt, qui oderunt me inique. Qui retribunt mala pro bonis, detrahebant mihi; quoniam subsecutus sum justitiam. » Sed quanto illustrior ille, qui quotidie moriebatur, ut populos **839** suos viviscaret : et corpus suum mortis vulneribus offerebat ; sicut ipse ait: « In mortibus frequenter (*II Cor. xi, 23*) ! Mors enim honesta redemptio vitæ est etiam decoloris, aut innoxiae firmamentum : exitus autem mortis in manu vitæ. Et ideo malebat Apostolus quotidie mori : ut vitæ, suæ meritum comprobaret, Scriptum est enim : « Non laudes hominem in vita sua (*Ecli. xi, 30*). » Qui enim vivunt, morientur: qui moriuntur, resurgent. Propior ergo salutis est, qui moritur ut resurgat quam ille qui vivit ut moriatur. Quis est autem qui quotidie moritur, nisi qui mortem Domini Jesu in sua carne circumfert, ut omnia ei peccata moriantur ? Confirmati autem et multiplicati sunt inimici David in hoc sæculo : sed non idoneum firmamentum, nisi ejus qui confirmatur in Christo. Denique illi confirmantur in sæculo, qui oderunt justum inique: non ergo justum odium, sed injustum, cum odissent inique.

53. Sed vide distantiam. In posterioribus ait : « Qui oderunt me gratis (*Psalm. LXVIII, 5*) ; hic habet : « Qui oderunt me inique. » Sed ibi ex persona Christi, hic ex persona sua ; ubi ex persona Christi loquitur, gratis odio habetur : ubi ex sua, inique. Homo enim potest uni alicui vulneri non patere, ut puta injustitiæ, intemperantiæ, impudicitiæ; aliis autem vulneribus patet. In Christo autem nulla causa esse potuit, qua peccati alicius potuerit vulnus accipere, immunis a culpa, et integer a delicto, atque immaculatus a vicio. Sunt autem qui putant utrumque psalmum ex persona Christi esse decursum, qui pro nostris peccatis satisfaciebat Patri. Hic ergo dicebat se appetitum contra justitiam, illic contra gratiam.

54. Et bene addit, ut probaret se injuste appetitum. « Quoniam subsecutus sum justitiam. » Quanta vis verbi in unius syllabæ adjectione, ut subsecutum se diceret justitiam, non secutum ? Propior est enim qui subsequitur, quam ille qui sequitur, et suppar quam impar, et successio hæredis magis, quam accession nuncupatur (74).

55. (Vers. 22.) Et tamen quamvis subsequatur justitiam, non suæ virtutis putat esse, sed gratiæ cœlestis, si non deseratur a Christo, eoque orat impensius dicens : « Ne derelinquas me, Domine Deus meus, ne discesseris a me, » hoc est, ho-

(74) Rom. edit. sola, et suppar quam par, et successio hæredis magis quam cessio nuncupatur. Sed manifestus error est. Quis enim non videat quempiam ab alio minus remotum significari, si dicatur illi suppar esse, quam si eidem impar dicetur? Atqui apertissime hunc sensum series postulat orationis; quo etiam pacto de vocibus

A mines me dereliquerunt, amici mei impugnaverunt dilectum sibi proximum : non appropinquaverunt. Fugiebant me quasi mortuum, et abominati sunt, quia peccata mea tibi aperire desideravi, et confiteri, quia flagellis tuis me obtuli vulnerandum, quia elegi cicatrices vulnerum super epulas regum, et jactantiam potestatum : tu solus me non derelinquas, tu haeres servulo tuo, qui de terra suscitas inopem, et de stercore erigis pauperem. Tuo comitatu fatus, frequentiorem me ambientibus populis aestimabo. Computruerunt quidem cicatrices meæ, sed adhuc tuorum verberum desidero cicatrices, quæ sanatis vulneribus obducuntur, ut postea nullum ulcus appareat. Bonæ triumphalium vulnerum cicatrices, quibus B victores hujus terreni prælia gloriantur. Quanto illustriora **840** vulnera, quæ pro fide et nominis tui gloria videntur excepta! Ista est cicatrix quæ cœlum aperit, regnum acquirit, immortalitatem invenit. Hæc ergo, fratres, est cicatrix beata, quoniam beati qui laverunt stolas suas in sanguine suo. Sic cœpit stola esse gloriæ, caro mortis : in qua et Paulus ante periclitabatur electus Dei; nisi petisset se liberari de corpore mortis hujus, ut legimus (*Rom. vii, 24*).

56. Et ideo qui sumus in hoc corpore mortis, oremus ne bonus ille dilectus Dei medicus nos derelinquat, quem patriarcha David ne a se discederet, precabatur. Ipsi nos committamus, parati ad curandum (75) quo velit curari medicamento. Nemo dicit medico corporis sui quemadmodum sit curandus. Novit medicus quæ singulis vulneribus medicamenta convenient, cujus ulceris putredo ferro sit amputanda, ne in totius corporis serpat exitium. Si dixerit medicus medicinæ genus quo curari æger debeat, et ille fastidiat, discedit medicus et ægrum derelinquit. Vide eum qui curari velit, omni genere medico acquiescentem, attende ordinem. Aperit primo vulnera sua medico, et dicit: Cura me, sed rogo ne in ira tua, quia non sustinent duram medicinam infirmitates meæ. Medicina Christi, correptio est, corripit enim Dominus quem vult convertere. Ideo et Paulus ad medicum dicit: « Argue, obsecra, increpa (*II Tim. iv, 2*). » Non ergo recusat curari, qui petit argui, sed levari vult pœnam, D ne in iracundia arguatur, et impetu iræ corripitur.

57. Et vide processum. Primo petit argui ; postea, quod majus est, corripi. Deinde non solum confitetur peccata sca, sed etiam enumerat et accusat : non vult enim latere sua delicta. Nam ut febres eum in alto sunt, non queunt mitigari, cum successio et accessio philosophandum.

(75) Edit. omnes ac pauci mss. omittunt ad curandum, quod reperitur in quinque Gallic. Haud male ; idem enim est parati ad curandum, ac si legeres, parati ut curemur. Rationem hujusmodi locutionis disce apud Fr. Sanctum, *Minervæ* lib. III, cap. 8.

foras erumpunt, spem afferunt desinendi: ita peccatorum morbus dum tegitur, inardescit; si confessionibus proditur, evaporat. Et ideo justus accusator est sui in principio sermonis, priusquam contagio ulceris serpat intrinsecus; gravat enim conscientiam memoria delictorum, nisi medicina poscatur. Et si disert medicus, æger offerre se debet, ut citius secetur; sicut offerebat se David in flagella Domini (76) dicens: Redde mihi duplicita peccata, dummodo hic vindices, noli me deserere, noli avertere faciem tuam a me; noli dignari atque horrescere fetorem vulnerum meorum. Et Job servulus tuus percussus erat ulcere a pedibus usque ad caput, et remedium suæ sanitatis invenit, licet illud vulnus virtutis fuerit, istud erroris. Fetebant vulnera, quæ medici curare non possent. Locutus es, Domine, mysteria sacramentorum tuorum, manifestasti venena serpentis, et solius sermonis tui medicamento servi tui curata sunt vulnera, quia tu eum non deseruisti, et « non derelinquas me, Domine, ne discesseris a me. » Homines me dereliquerunt: quia sordent illis vulnera mea, quæ pietati tuæ putavi esse reseenda. Illi dicunt: Exi a nobis, quia peccator es tu; discede, ne nos polluas. Tu autem, Domine, curas, et non pollueris; adjuvas, et non contaminaris; quia « Deus salutis meæ es, » **841** Domine, et manus tua non perdere, sed sanare consuevit.

58. Complevimus psalmum etiam cum ejus interpretatione versiculi quem Græci nonnulli co-

(76) Ita omnes mss. atque edit., excepta Rom., quæ sic habet, dicens: *Ego in flagella paratus sum.* et alibi: *Fiat manus tua in me;* hoc est, *redde mihi,* etc.

(77) Rom. edit. sola, quem Græci nonnulli codices habent; sed omnes Latini. Versum autem illum nunquam alibi reperias, nisi in versione Aro-

**A**dices, sed non omnes habent Latini (77). Nam ante responsorium proximum versiculus est. « Et projecerunt me, sicut mortuum abominatum; » hoc est, illi qui reddebat mihi mala pro bonis. Sed tu « ne derelinquas me, Domine, ne discesseris a me; » hoc enim sequitur, id est: Tu ne derelinquas, qui mortuum fetentem curare consuesti. Denique habemus hoc in Evangelio: Nam cum venisset ad monumentum Lazari, et dixisset: « Tollite lapidem, ait Martha; Jam fetet, quadrua nus est enim; » respondit ei: « Nonne dixi tibi, quia si credideris, videbis gloriam Dei (*Ioan. xi.*, 39 et 40)? » Et clamavit Lazarum, et sanus exiuit. Credamus ergo et nos, ut de vulneribus nostris acquiramus medicinam salutis, et futuram gloriam.

**B** 59. In orationibus igitur et obsecrationibus, cum dolore et lacrymis exigenda pœnitentia est, ut illam gloriam Dei videre mereamur. Neque te moveat quod luctus, dolor, commaceratio corporis, gravissimæ passiones sunt, etsi gravissimæ videntur, tamen indignæ sunt hujusmodi passiones ad superventuram gloriam, sicut testis tibi est apostolus Paulus (*Rom. viii.*, 18). Non pigeat ergo nos hic leviora deferre, ut ibi plena laudis et gloriæ possimus adipisci, pro temporalibus laboribus perpetua præmia reportantes per Dominum Jesum: cui est laus, honor, gloria, perpetuitas a sæculis, et nunc, et semper, et in omnia sæcula sæculorum. Amen.

**C** bica, ubi legitur in hæc verba: *Respuerunt me dilectum, quasi mortuum abominandum; et clavis confixerunt corpus meum.* Quod autem ait Ambrosius hunc ipsum versiculum abs se etiam expositum esse, illum non dubitamus respicere ad superiora ista: *Homines me derelinquerunt, quia sordent illis vulnera mea,* etc.

## IN PSALMUM XXXVIII ENARRATIO.

**Titulus:** *In finem pro Idithum Canticum ipsi David.*

1. (Vers. 1.) In superiore psalmo expressa forma pœnitentiæ est: in hoc sequenti patientiæ forma signatur. Quem psalmum David scripsit, et Idithum viro disciplinis Leviticis et sacerdotalibus erudito canendum dedit, qui ante arcam Domini psalmorum seriem pangendi solertiissimus præcinebat. Ergo quia non Idithum scripsit hunc psalmum, sed propheta David, et Idithum viro

(78) Corona illa donabantur ii qui in ludis ab Hercule in honorem Jovis prope Olympiam urbem instituti, ac singulis quinquenniis celebrari solitis vicissent. Erat autem illa ex rampis olivæ. Porro épi-

**D**canendi perito psallendum dedit; ideo sic inscriptus est titulus. Denique etiam in sæcularibus scriptis alii erant qui scribebant, alii qui in scena, vel cantica, vel comedias, vel tragedias, canere consueverant. Et illi quidem coronam Olympicam postulabant (78): unde et ἐπινίκιον hymnum eorum scripta in fine testantur, David autem qui non hæc certa coronarum marcentium require-

νίκα, carmina sunt quibus victoria cujuspiam celebratur, qualia fere Pindarus, lyricorum princeps nobis reliquit.

bat, sed illam incorruptibilem et incontaminatam remunerationem cœlestium hæreditatem pio desiderabat affectu, hymnum non victoriæ ἐπινίον; sed ei scripsit, qui victoram in se credentibus impertiebat, qui finis est omnium quæ pia mente deponscimus. Sive enim sapientiam quæras, sive virtuti studeas, sive veritati, sive viæ atque justitiæ, sive resurrectioni (79), in omnibus sibi sequendus est Christus, qui est virtus Dei atque sapientia, veritas, via, justitia, resurrectio. Ad quem igitur contendas, nisi ad perfectioem omnium, summamque virtutum? Et ideo tibi dicit: « Veni, sequere me (Matth. xix, 21); » hoc est, ut ad consummationem virtutum pervenire merearis. Ergo qui sequitur Christum, ipsum pro possibiliitate sua debet imitari; ut præcepta ejus secum ipse meditetur, et divinorum exempla factorum.

2. Et ideo David secum ipse meditabatur, quod Christum in se locutum esse retinebat, ut cum aliqui ei essent molesti, et cum ad contentionem laceressere conarentur, patientiam indueret, certandi studia declinaret, ex quibus inanis strepitus et jurgia frequenter oriuntur. Ideoque 842 cum sancto David plerique ejus virtutibus invidentes, qui eum de proposito mansuetudinis, et humilitatis affectu crederent diducendum, frequenter ingruerent; ipsæ quoque præcipue nequitiae spiritales in cœlestibus, adversus quas grave luctamen est justis, ad commovendum eum ministros suæ improbitatis impellerent: ne inter obstrepentium crebra certamina, et disceptionum tumultus sermo aliquis sibi offenditionis excideret, tacere sanctus Propheta proposuit. O validum scutum circumspicte munitionis silentium! O fidissimum stabilitatis fundamentum, in quo si quis potuerit stare, lubricum verbi timere non possit! Multi enim etiam stabili corde firmati, incauti tamen, sermonis fluctuantis errore sæpe ceciderunt. Videlis igitur hujusmodi insidiis et vano concertantium strepitu se Propheta tentari, intra se ipse tacitus conferebat, legem sibi taciturnitatis imponens; et cum taceret, insultantibus sibi, et ut loqueretur aliquid provocantibus; qualia solent insolentium esse certamina atque sermones: Responde nobis, si de æqualitate præsumis: vides et tu esse te victimum, et nihil habere quod referas; cum se prope ad vocem conviciis videret impelli, se ipse revocabat, ut loqueretur in corde.

3. (Vers. 2.) « Dixi, Custodiam vias meas; ut non delinquam in lingua mea. Posui ori meo custodiam; dum consistit peccator adversum me; » hoc est, proposui, confirmavi, imperavi mihi, locutus sum cordi meo: « Custodiam vias meas. » Si alli dixisset, sermo meus stare deberet, quanto

A magis stabile debet esse, quod mihi ipse constitui! Si quis alienum fallat, indecorum est: si quis proximum, grave; quanto igitur gravius, si quis se ipsum eo quod sibi prouiserit, putet esse fraudandum; ut ipse sibi infidelis suo judicio et despicibilis aestimetur. Cui igitur idoneus videri potest, qui sibi vilis est? Teneamus igitur animæ constantiam nostræ: ne 843 in offenditionem labia loquendi festina prorumpant. Et Job plagam suam silentio vicit, et tolerantiam suam taciturnitate superavit. Non bene creditur carni: vicesimus, si Eva tacuisse. Ergo primum illud processit ex voce peccatum, et serpens ille nequissimus atque versatus per vocem nos ante tentavit. Atque utinam aut Adam surdus fuisset, aut Eva obmutuisset: ille, ne vocem suæ uxor audiret, ista, ne loqueretur marito, et lubricæ vocis ministerio serpentis in virum venena transfunderet. Cain quoque etsi parricidio naturam violavit humanam, et obliteravit impius jura pietatis; tamen per vocem sacrilegium sceleri suo addidit, ut negaret Deo necati fratris interitum. Quid de singulis dicam? Populus ipse electus a Domino, cui tacitus Moyses aperuit mare, ingratus cœlestibus beneficiis obmurmurabat, quo divinam contraxit offensam. Deinde ipsum ducem invii illius atque inusitati itineris Moysen respuit, et a fratre ejus Aaron deos sibi fieri quos coleret, postulavit.

B 4. Unde etiam ipse considerans tanta vocis pericula, « Dixi, inquit: Custodiam vias meas. » C Quæ sint igitur istæ viæ hominis, quæ magnopere præcavendæ, ne quid gravioris offenditionis incurvant, admonet nos tantus Propheta diligentius considerare. Admonet etiam Salomon ejus filius paternæ mentis interpres perspicacius examinare, qui scripsit: « Tria mihi sunt impossibilia intelligere, et quartum quod non agnosco. Vestigium aquilæ volantis, et viam serpentis in petra, et semitas navis in pelago navigantis, et vias viri in juventute. Talis via mulieris adulteræ, quæ postquam egit, abluta nihil egisse se dicit iniquum (Prov. xxx, 18, 20). » Tria ergo impossibilia sibi esse dixit ad intelligendum, et quartum quod ille habens inter homines sapientiæ signaculum, non agnosceret, viarum videlicet viri in juventute processum. Quarum igitur vel inexplicabilis, vel difficilis agnitus, potest facilis earum esse custodia? Unde non immerito ipse David delictorum juventutis suæ non defensionem obtulit, sed oblivicionem rogavit. « Delicta, inquit, juventutis meæ, et ignorantiae meæ ne memineris (Psal. xxiv, 7). » Non immerito igitur Salomon dixit se non agnoscer quod pater ejus, in quo major Dei gratia fuit, se ignorasse testatus est. Et fortasse delicta juventutis ad fervorem retulit carnis, ignorantiam

(79) MSS. Vict. et Colb., *Sive enim sapientiam sapientia, ipse veritatis via, justitia, resurrectio.*

*quæras, sive virtutem; ipse est Dei virtus atque*

autem ad verborum prolapsionem, quæ non ex sententia nostra, sed impetu quodam et cursu loquendi plerumque funduntur: quod periculosum esse Propheta cognoscens ait: « Credidi propter quod locutus sum (*Psal. cxv, 10.*) » Supra fundamentum ergo virtutis vox tuta est; sine fundamento, lubrica. Ideo quasi quodam tubæ sono Scripturæ divinæ electus interpres increpuit: « Corde creditur ad justitiam: ore autem confessio fit ad salutem (*Rom. x, 10.*) » Fides credentium principalis est, confessio exsecutio-

nis.

5. Quomodo igitur proposuerit sanctus propheta David, aut propter quid custodire vias suas, audiamus: « Ut non, inquit, delinquam in lingua mea. » Si hoc cavet Propheta, tu non caves? Si hoc motuit, in quo Dei gratia loquebatur, tu non metuis, qui erroris verba non refugis, et theatralibus sermonibus delectaris? Tu non reformidas, cui scriptum est in Evangelio, quia **844** pro omni otioso verbo rationem es redditurus (*Matth. xii, 36*)? Si pro otioso verbo periculum est, quanto magis pro crimino? Non omne quod otiosum, et criminosa: sed omne quod non fructuosum, periculosum atque eradicabile; omnis enim arbor non faciens fructum, excidetur, et in ignem mittetur. Cum morvetur animus, exagitatur stimulantibus adversariis, obstrepentibus, illudentibus, criminibus, excidit verbum commotionis; ideo silentium et tutum est et decorum, quod servat cum gravitate cautelam. Quid enim labia nostra, nisi quædam nostra vincula sunt? Denique vinculis labiorum suorum unusquisque constringitur. Ideo sapiens in tempore tacet, et secum ipse considerat quo tempore loqui debeat. De quo præclare ipse Salomon: « Labia sapientis alligata sunt intellectu (*Prov. xv, 7.*) » Quando ergo vides, illudentibus protervis, sapientem tacere, dic: Ligavit iste intellectu labia sua; hoc est, prudenter tacet, ne labiorum suorum vinculis alligetur. Posuit ori suo custodiam, sepsit aures suas spinis, vectem adhibuit foribusoris sui, servat thesaurum cordis sui et argentum eloquii sui, ut examinatum et purgatum, quando oportet, proferat; ne quisquam prius fur in ejus aut perturbator irrumpat, et ad eos captivum trahat, quibus flagitia sua vendat.

6. Meditabatur Judas Christum vendere, sed revocabat eum tanta Domini gratia, et quædam paternæ delinimenta pietatis, quibus furor ejus moliebatur: nec erupisset in scelus, nisi se in cor ejus, quia Christum tallere se putabat, adversarius demersisset. Non ergo dubites quando aliqui tibi molesti sunt volenti servare justitiam ministros esse illius nequissimi peccatoris, qui omnium auctor est flagitorum. Videbat David propheticis oculis, agnoscebat ejus figuram; ideo tacebat, ne illius faceret voluntatem, qui interturbare gestit

A affectum. Premebat vocem, claudebat portas suas silentio, prætendebat in eo patientia, et taciturnitatis vigilabat custodia: ne inimicus obrepert, ne de claustris oris vagus aliquis sermo et incautus exiret. Ideo fortior est patiens, qui se ipsum continet, quam qui urbes capit. Justus ipse sibi clavstrum est, ipse sibi pervigil custos.

7. Cum sibi ergo ipse prætenderet, loquebatur in suo corde: « Posui ori meo custodiam, dum consistit peccator adversum me. » Adest semper inimicus, quia semper insidiatur. Etsi illum non vides, adest: etsi illum non sentis, incursat. Si non vides, videnti crede: « Constituit, inquit, peccator adversum me. » Qui videt peccatum suum, videt etiam peccatorem sibi in iis quæ gesserit, illudentem. Qui autem peccatorem præviderit, potest vitare peccatum. Videbat David consistere adversum se peccatorem; quando Semei maledicebat et lapidabat regem suum, et clamabat: « Exi, vir sanguinum (*II Reg. xvi, 7.*) » Neque enim tam præruptus foret, ut nec tanti regis reverentia moveretur, nec armatum ejus timeret exercitum, cum unus de exercitu ejus conviciantem potuisset occidere; sed amentem diabolus fecerat, qui eum impellebat ad mortem. Ideo David adversus auctorem magis præliabatur, quam ministrum persequebatur. Quid enim magnum, de homine invalido **845** vindicari, quem ad furorem alter urgebat, in cuius nece peccator habuisse voluntatis effectum? Non gladio diabolus, sed verbo Dei vincitur; ideo taceat lingua hominis, Dei Verbum loquatur.

C Denique et Christus tacebat ante Pilati judicium constitutus, ut nobis daret formam tacendi, quia lingua corporis facilis est ad errorem, proclivis ad lapsum. Sunt autem et qui tacentes loquantur, sicut Moyses qui stabat attonitus, et tacebat, cui dixit tacenti Deus: « Quid clamas ad me (*Exod. xiv, 15.*) » Ut Susanna, quæ tacuit in periculis suis, et Dominus exaudiuit eam. Ergo etiamsi in te verbum Dei sit; et tacebis in Dei verbo, et tacitus clamabis, ut audiari a Christo.

D 8. Meditare ergo quæ Christi sunt, quæ secum meditabatur propheta David, in quo ea quæ secum in hoc psalmo meditatum esse se dicit, ante in eo locutus est Christus. Sic enim scriptum est: « Ego autem cum in aliquo mihi molesti esset, indubam me cilicio; et humiliabam in jejunio animam meam, et oratio mea in sinu meo convertetur (*Psal. xxxiv, 13.*) » Quid est in aliquo? Quia tunc maxime aut sermo non opportunus elabitur, aut affectus movet; quando vel in dolore aliquo et tristitia sumus, vel indignatione animus ægrescit, vel aliquibus sollicitudinibus impeditur, aut disceptationibus occupatur. Qui igitur molesti? Primum de ipso auctore peccati et angelis suis intellige; deinde de iis qui malunt sequaces ejus esse (80), quam Christi. Impellitur uxor, ut sancti Job

(80) Cod. Reg. et alii quatuor cum ant. edit., in marg., qui malunt se vase ejus esse.

(*Job. ii, 10 et alibi*) : amicus, quid in illo ipso libro manifestatur ; filius, ut Abessalon ; servus, liberatus, domesticus ; quia inimici hominis etiam domestici ejus, ut exagitent eum singuli. Quod igitur remedium adversus hujusmodi animorum ægritudines, nisi patientia, nisi silentium ? Et, quod est gravius, ille te magis lassit, qui beneficiis tuis usus sit : et inter ipsos amplius ille exasperat, qui plus tibi debeat ; quo magis ingrati hominis acerbitate, aut vilis alicujus personæ indignitate movearis.

9. Ergo justus, etsi amicus ei est insolens, dolet pro amico; quia idcirco amicus suus labitur, quia a tentatore impellitur. Si pro amico dolet, multo magis pro uxore, pro filio : si eos quoque sibi insolentes experiatur ; et si frater exagitat, ut Esau sanctum Jacob, dolet et querit sibi fratrem reconciliare, vel fugere a facie ejus, ut Rebecca suadebat, ne iracundia fratris occasionem nocendi aliquam reperiret ; et si proximus aut domesticus, dolet ; et si minister, aut libertus, aut servus, fert patienter, et in his omnibus tacet : ne ei respondeat, a quo eum cernit impelli. Conviciatur ergo ex domesticis aliquis ? dolet et tacet ; conviciatur libertus ? tacet, conviciatur servus ? tacet. Sic vincitur qui laqueum ejus animæ per escam vocis extendit. Tace ergo et tu cum tibi indignus conviciatur, tace cum tibi servus, et maxime tuus, contumeliam facit, et dic in corde tuo : Ego taceo : « Tu autem ne taceas, Domine (*Psalm. xxxiv, 22*), » et adde : « Ne discedas a me, » ut David propheta dicebat ; hoc est, ne solum me impugnantibus derelinquas. Non est enim solus, cui Deus præsens est. Accipe testimonium. « Ecce, inquit, venit hora, ut dispergant unusquisque in sua, et **846** me solum relinquatis ; sed non sum solus, quoniam Pater mecum est (*Joan. xvi, 32*). »

10. Justus ergo adversus insolentes sibi tacet, justus orat. Audi justum orantem : « Pro eo ut me diligenter, detrahebant mihi : ego autem orabam (*Psalm. cviii, 4*). » justus maledicentibus sibi benedicit ; ut faciebant apostoli, sicut Paulus asserit dicens : « Maledicimur, et benedicimus (*I Cor. iv, 13*). » Justus diligit inimicos suos. Vide quemadmodum paulatim per gradus singulos ascendere docetur ad incrementa virtutum, dicente Lomino : « Diligite inimicos vestros (*Matth. v, 44*). » Justus D orat pro calumniantibus ; quia et hoc præcepit Dominus adjungens : « Benefacite iis qui oderunt vos, orate pro calumniantibus et consequentibus vos (*Ibid.*). » Ipse est per omnia justus, qui hæc custodit et servat. Primum, quia tacet, et non respondet inimicis ; deinde quia orat, hoc est, non est otiosus affectu. Et qui orat, bona orat, non ea quæ cuique possint suo inimico nocere. Plus est ergo orare, quam tacere. Justus maledicentibus sibi benedicit. Plus est et hoc quam orare pro se ; securus enim sui benedicit ei quem non timet, aut etiam ei quem ante metuebat. Justus diligit inimi-

A cum. Plus est diligere, quam benedicere : quia major est mentis dilectio, quam sermonis gratia. Justus benefacit ei cujus odiis appetitus est. Justus orat pro calumniantibus. Bona charitas, et pietas bona : utrumque Dei, et utrumque est Deus ; quia *charitas est Deus*, ut dixit Joannes in epistola (*I Joan. iv, 16*). Ideo utrumque conjunctum est : « Diligite inimicos vestros... et orate pro calumniantibus et consequentibus vos. » Plenitudo Legis est charitas : sed etiam hæc Evangelii plenitudo pro calumniantibus et consequentibus nos jubet orare, ut peccatis eorum veniam postulemus ; sicut divino judicio Job sanctus electus est, cujus oratio regum illorum calumniantium justo aboleret offendam (*Job. xlII, 8*).

B 11. Ergo etsi infirmus es, ora ; etsi fortis es, ora. Infirmitas pro te oras, fortis pro inimico tuo oras. Bonum scutum infirmitatis, oratio. Tu oras, et Dominus te protegit. Bonum scutum etiam triumphantis, ut inimicum tuum quem possis ferire, defendas ; ne ab aliquo trucidetur, et (quod est majus) a Christo, qui dixit : « Mihi vindictam, et ego retribuam (*Rom. xii, 19*). » Hæc est oratio, quæ in sinum convertitur deprecantis, fructum referens eorum quæ voluit impetrare ; ut dona in ejus animam ac mentem recurrent, quæ poposcit a Domino ; sicut in posterioribus hic idem Prophetæ docuit dicens : « Sic benedicam te in vita mea, et in nomine tuo levabo manus meas. Tanquam adipe et pinguedine repleatur anima mea (*Psalm. LXII, 5, 6*). » Ipse est sinus animæ, secretum orationis ejus penetralia voluntatis, et quedam recurrentium votorum intima receptacula. Unde et justi in Abrahæ sinu requiescere leguntur (*Luc. xvi, 22*), quod in ejus gratia, in ejus requie, in ejus placiditate requiescant, qui conformem ei induerint fidem, et eadem in bonis operibus fecerint voluntatem.

C 12. Sed forte miretur aliquis, cum Dominus dixerit per os David, quod humiliabat in jejunio animam suam (*Psalm. xxxiv, 13*) ; quomodo ipse David ait in posterioribus : « Si non humiliiter sentiebam, sed exaltavi animam meam (*Psalm. cxxx, 2*). » Verum is consideret aliud esse **847** quod ad sapientiam mentis refertur, aliud quod ad humilitatem cordis : sapientia mentis sublimis est ; sapientia autem carnis non debet inflari. Humiliabat ergo David in jejunio animam suam, ut castigandum nostræ carnis tumorem doceret. Exaltabat animam Prophetæ, per sublimem Dei gratiam ; « quoniam et qui se exaltat, humiliabitur : et qui se humiliat, exaltabitur (*Luc. xiv, 11*). » Nec solum superbus retunditur, et humiliatur digna remuneratione meritorum, sicut primum est intelligendum : sed quia verbum Dei ex omni parte acutum est, velut gladius qui ex duabus acutus est partibus, ego arbitror posse intelligi, quia et qui se exaltat, novit se humiliare : et qui se humiliare novit, etiam exaltare se novit. Denique Paulus

ostendit, dicens: « Ego autem didici in quibus sum sufficiens esse. Scio et humiliari, scio et abundare (*Philipp.* iv, 11, 12). » Ergo et David non humiliter sentiendo de Christo exaltabat animam suam (80), quam humiliant et dejiciunt Ariani; et exaltando animam suam, sensus vigorem, fideique gratiam, virtutis humilitatis pio repræsentabat affectu.

13. (Vers. 3.) Ideo ergo dicebat: « Obmutui, et humiliatus sum, et silui a bonis, » quia neverat quando se humiliare deberet, et neverat quando silere deberet. Obmutuit (81), ne ipsa litigiosa cum objurgantibus contentionе perstreperet: humiliatus est, ut tunctorem dejiceret superborum, vel ut ipsos quomodo humiliare se deberent, suo doceret exemplo: siluit a bonis, quia bona conscientia non eget defensione verborum, quæ suo nixa est testimonio, ipsa sui judex. Ideoque justus dicit: « Quis contradicat, aut quis resistat mihi (*Isa.* l, 8)? » Et Paulus dicit: « Mihi enim pro minimo est, ut a vobis dijudicer, aut ab humano die (*I Cor.* iv, 3). » Adversum calumniantes et peccatores justus suo judicio contentus est: meritorum autem suorum judicium Christo reservat. Ideoque addidit: « Qui dijudicat me, Dominus est (*Ibid.* 4). » Pulcherrime eum judicem elegit, qui nulla fraude fallatur, ut eum nec occulta prætereant, nec infirmæ conditionis lapsus offendat: qui fragilitati norit ignoscere. Ad omnia igitur utile silentium. Si peccatum agnoscis, tace, ne negando exaggeres; si non agnoscis, tace securus de innocentia. Non possunt aliena verba crimen affigere, quod propria non recepit conscientia.

14. Sequitur: « Et dolor meus renovatus est. » Adhuc in inferiore virtutis gradu positus hæc verba depromit, quod dolor sibi peccatorum veterum objectione renovatus sit, quæ deleta jam obduxisse videbatur oblivio, vel bonorum operum texerat compensatio. Denique in posterioribus quasi fortior dicit: « Viderunt me, et moverunt capita sua (*Psalm.* cviii, 25), » eo quod minarentur, et nocere non possent. Et addidit: « Maledicent illi, et tu benedicces (*Ibid.* 28). Et quod quasi validior loquitur, negligens injuriæ, vel pudoris, cui benedictio Domini pro omnibus 848 abundaret. Ergo in isto psalmo tricesimo octavo quasi in quadam meditatione, nondum tamen in omni locatus perfectione virtutis, dicit sibi dolorem esse renova-

(80) Ita mss. Vat. duo, et quinque Gallic. Verborum quidem sensus paulo obscurior est; verum ei non minimum accedit luminis, si modo ad superius illud respicias, *cum Dominus dixerit per os David*, etc. Intellige igitur Prophetam in persona Christi exaltasse animam suam, et omnia jam plana erunt Hoc autem cum minus assequuntur Romani editores, verba transposuerunt in hunc modum: *De Christo quem humiliant et dejiciunt Ariani exaltabat animam suam; hoc est, sensus vigorem, fidei gratiam, virtutem humilitatis pio representabat affectu.* Ant. vero edit. et mss. Vict. et Colb. eadem verba prorsus reciderant sic præ-

A tum. Validissimus enim cicatricis offensionem sentire non novit, nec plagam potest timere, qui fortior est. In ipso pugilum certamine solet plerumque qui fortior est exspectare, aut inferioris ictu aliquo laceatur, quo acrior offensus surgat; ita exercitatione nimia atque patientia roboratus, ut tanquam insensibilis ad dolorem, plagam sentire non possit, percussus ridet, laceatus initiatur. At vero inferior si forte ictum ferientis supra obductam cicatricem veteris vulneris exceperit, renovatum sentit dolorem. Sic est cui objiciuntur peccata superiora, quæ competenter doluit atque deflevit; ut satisfactione congrua vulneri peccatorum suorum obducatur cicatricem. Si perfectus est, tacet conviantibus, nullo sibi dolore renovato; quia etsi peccavit, securus est, quia sine paenitentia sunt Dei dona; et ideo quæ semel donavit, resolvere ac renovare non soleat, cum ipse dixerit: « Ego sum, ego sum, qui deleo iniquitates, et memor non ero (*Isa.* xlvi, 25). » Si autem imperfectus et immemor cœlestium præceptorum, dolor ei tanquam rescissa cicatrice reparatur.

B 15. (Vers. 4.) « Concealuit cor meum intra me, et in meditatione mea exardescet ignis. » Graviora vulnera, sicut novimus, caustico medicamento vel admoto igne curantur. Ergo vir sapiens ipse medicus est sibi: tamen etsi medicus est, vulnus suum curat. Ideoque si non plene consummatus est ad inoffensæ habitudinem sanitatis, vaporatur ejus cor, habet febrem, ignescit ad objecta convicia. Et si tacet, vel intra se teritur. Lapis si ad C lapidem teratur, ignem excutit; ita etiam bona conscientia pudore succenditur, si renovetur ei suorum recordatio delictorum. « Et in ipsa meditatione ignis exardescit. » Non malus ignis, qui adurat, sed non exurat. Talis ignis Dei quem Moses in rubo vidit; quando rubus urebatur, sed non exurebatur. Est ergo ignis, qui peccatum minuit, et suo culpam ardore depascit. Est et ignis qui cœlestium Scripturarum meditationibus excitatur; velut ille de quo dicit Jeremias: « Et erat ignis flammigerus in ossibus meis (*Jerem.* xx, 9). » Aut ille de quo Cleophas, et qui simul iter agebat; quando post resurrectionem eis se Christus adjunxit, sermone mutuo conferebant dicentes: « Nonne cor nostrum ardens erat in nobis, cum aperiret nobis Scripturas (*Luc.* xxiv, 32)? » Ideo et Dominus venit, ut ignem hunc in terram mitte-

D ferentes: *De Christo, exaltabat animam suam, sensusque vigore, fideique gratia, virtutem humilitatis, etc.*

(81) MSS. Vict. et Colb., *Obmutuit et ipse, litigiosa cum objurgantes contentionе perstreperent.* Thuan. . . . ne litigiosa cum objurgantibus contentionе perstreperet. Demum edit. vet. ac Rom. cum Vat. et aliis Gall. ut nos in textu. Rursus post pauca, ubi edit. vet. ac Rom. cum mss. Vat. et quinque Gallic., *vel ut ipsos quomodo humiliare se deberent.* Cod. Vict. et Colb., *vel ut ipsos humiliare se debere.*

ret; quo illuminaret animas universorum, studium accenderet, crimen exureret.

16. (Vers. 5.) « Locutus sum in lingua mea : notum fac mihi, Domine, finem meum : et numerum dierum meorum qui est ; ut sciam quid desit mihi. » Bonus ignis, qui fecit ut Propheta loquetur. Et vide ne ipse sit ignis qui visus est, quando in die Pentecostes in unum locum discipulis congregatis, decidit cum **849** vi magna super eos Spiritus sanctus, et linguis variis loquebantur. Sic enim Scriptum est : « Quia visae sunt linguæ eorum dispersæ tanquam ignis (*Act. II, 3*). » Hic est ergo qui dixit ad Jeremiam : « Ecce do tibi in os verba mea in ignem (*Jerem. V, 14*). » Hanc ergo et David linguam ignis accepit, ut divinæ cognitionis succensus ardore loqueretur : « Notum fac mihi, Domine, finem meum. » Non de morte sua quærerit (neque enim hic finis resurrecturo), sed de eo fine quærerit de quo Apostolus dixit : Quia ille finis quando Dominus Jesus tradet regnum Deo Patri ; et evacuabit omnes Principatus et Potestates : et quando mors novissima omnium destruetur (*I Cor. XV, 24-26*) : ut mala deficiant, et bona æterna succedant. Et ideo dictum est : « Fugit dolor, tristitia, et gemitus (*Isa. XXXV, 10*). » Hunc finem in hominibus operabatur et Paulus dicens : « Et quis est qui lætificat me, nisi qui contristatur ex me (*II Cor. II, 2*) ? » Objurgando enim dolorem, tristitiam, gemitus excitabat, ut agerent pœnitentiam ; quo irrevocabilem veniam et salutem, cuius Deum non pœniteret, mererentur. Ille igitur verus est finis, qui non unius erit finis, sed omnium. Quomodo ergo finem meum dixit ? Sed considera quis loquatur. Utique homo, vel unus ex hominibus usus communitate substantiae, vel quia ad formam universorum describitur, et ad perfectionem consummati hominis eruditur.

17. Unde et addidit notum sibi fieri numerum dierum qui est, ut sciat quid desit sibi. Ad perfectionem utique quid disit, non ad istius corporis vitam de quo propheta David cupiebat absolviri dicens : « Heu me ! quia incolatus meus prolongatus est, habitavi cum habitantibus Cedar (*Psal. CXIX, 5*). » Denique dierum numerum cognoscere volebat, non etiam noctium. Hic enim dies et noctes sunt : ibi vero dies soli (82), ibi lumen perpetuum alque diurnum. Et ideo addidit : *Qui est*, inquit, non qui transeat. Cœlum enim et terra præteribunt, sicut autem permanet, et dies Christi ; quia heri et hodie ipse est, et in saecula. Quem autem numerum quærat, accipe. « In domo, » inquit

(82) Edit. Rom., *hic enim dies et noctes sunt. Ibi ergo dies solis.* MSS. Vict. et Colb., *Hic enim dicere noctes sunt. Ibi ergo dies, ibi sol.* Vet. edit. et alii codices, ut nos in textu.

(83) Edit. vet. ac mss. Vict. et Colb., *atque ipsam summiteatem cœlorum.* Alii quatuor, *in ipsum axem et in summiteatem cœli,* Vat. et Rcg., *atque ipsam assidem summiteatem,* etc. Lege, *Apsidem*, sive *Apsida*, ut edit. Rom. habet. Est autem *apsida*, *latior pars ædis*, ut habetur in *Gloss.* mss. apud

**A** « Patris mei mansiones multæ sunt (*Joan. XIV, 2*). » Dat ergo unicuique locum, *Dominus Jesus*, hoc est, aptam pro uniuscujusque meritis mansionem. Unusquisque enim in suo ordine. Præcessit ergo, ut pararet in se credentibus locum. Unde etiam et dixit : « Si abiero, et para vero vobis locum, iterum venio ad vos, et accersam vos ad meipsum ; ut ubi ego sum et vos sitis : et quo vado scitis, et viam scitis (*Ibid. III, 4*). » Est ergo via per quam resurgens Christus ascendit. Et ille quidem ascendit super omnes cœlos ad Dei sedem : homines autem a primo cœlo ad secundum, et deinceps a secundo ad tertium, et ab illo per distinctiones fere ad septimum cœlum, atque in ipsam apsidem et summitem cœlorum (83) qui merentur, ascendunt. Si ergo numerus viarum est, et numerus mansionum ; utique numerus dierum est, per quos ad cœli altitudinem pervenitur.

18. (Vers. 6.) « Ecce veteres posuisti dies meos : » Alius habet : « Palæstas posuisti dies meos. » Si secundum Septuaginta viros, veteres accipimus dies ; hoc est, secundum **850** veterem hominem intelligimus exactos. Sed vetus homo noster affixus est cruci. Ergo et vetus dies præterit, novus venit. Alius enim dies hominis, alias dies Christi, quem Abraham vidit, et gavisus est ; de quo et David ait : « Hic est dies quem fecit Dominus, exsultemus et lætemur, in eo (*Psal. CXVII, 24*). » Sanctus ergo in die Domini exsultat in die novo, in quo Deus Dominus illuxit nobis, et dedit novam lucem in innoxiam vitam et integrum reformatum. **C** Ideo vir justus securus novæ lucis et gratiæ Dei dicit (*Apoc. XXI, 1, et XXII, 5*) : Erit mihi cœlum novum, et terra nova, et novum lumen. Non enim lucerna, et lumen solis illic lucebit, aut lunæ ; sed Dominus illuminabit super populum suum. Illa ergo desideravi, illa exoptavi ; et ideo diem hominis non requisiavi.

19. Quod si palæstas accipimus dies, ex nomine intelligimus plenos certaminis et laboris, quoniam palæsta luctatores in agone dicuntur, qui luctantur ad coronam. Ergo quia et nobis lucta non solum adversus carnem et sanguinem est, sed et adversus spiritalia nequitiae in cœlestibus, dies nostri, hoc est, vitæ istius, in labore sunt et dolore. Unde (84) et in posterioribus ait : « Anni nostri sicut aranea meditabuntur : dies annorum nostrorum in ipsis septuaginta anni. Si autem in potentibus, octoginta anni : et plurimum eorum labor et dolor (*Psal. LXXIX, 9, 10*). » Unde et apostolus Paulus abundantius cœteris apostolis laboravit, ut Cangium. Atque tamen scriptum mallemus, *altior*, cum sit summa forniciis curvatura. Hieron. lib. II in Epist. ad Ephesios. *In summo cœli fornice, et ut ipso verbo utar, apside.* Invenitur etiam illa vox apud ecclesiasticos scriptores usurpata, ut Ecclesiæ partem ab aliis separatam, et quæ propriam haberet cameram, significet. Vide Mabillonum nostrum, tom. I *Analect.*, atque alios.

(84) Reg. cod., *in labore sunt et dolore, hoc est, in labore vitæ istius. Unde, etc.*

legitime certando ad coronam quam cuperet, per-  
veniret.

20. Sed tamen quia et architectorum mensuræ palestræ dici feruntur, quibus ad structuræ numerum vel modum spatii colligendum, ædificia metiuntur, locumque eum in quo ædificia sunt locanda; et quia per Isaiam locutus est Deus: « Quis mensus est manu aquam, et cœlum palmo, et universam terram clausa manu? Quis statuit montes statera (*Isa. xl*, 12)? Videamus ne forte hic sensus hoc sermone sit colligendus, eo quod cognitos dies omnium habeat Deus: cui nihil immensum sit, qui omnia mensura quadam suæ scientiæ comprehendat, nihilque ei sit inæstimabile, nihil inexaminatum atque innumerabile, qui ait: « Sed et capilli capitum vestri omnes numerati sunt (*Luc. xii*, 7). » Hoc ergo dicit Propheta: Ecce novisti dies meos; non te prætereunt quotidiani actus mei; peccata mea ante oculos tuos posuisti: et ideo « substantia mea tanquam nihil ante te. » Quid enim est homo, nisi quia memor ejus es? Homo vanitati similis factus est. Homo in peccato: et si aliquid habeat probitatis atque virtutis, recte cæteris terrenis animantibus antefertur, et in conspectu animalium quibus est præpositus, antecellit; in conspectu autem Dei tanquam nihil est ejus substantia. Unde et alibi ait: « Quoniam non justificabitur in conspectu tuo omnis homo vivens (*Psal. cxlii*, 2). » Quod Symmachus manifestius expressit dicens: « Et vita mea tanquam nihil ante te. »

21. Sunt autem qui breves putant dies dictos, quia Symmachus σπιθαμὰς posuit: σπιθαμὴ autem palmus est: et quia palmo mensus dicitur (*Isa. xi*, 12) Deus **851** cœlum (palma autem vel palmus portio manus est metentis, et aliquid comprehendentis), ideo tanquam breves dies æstimant nuncupatos: cum cognitio Dei per mensuram, ut supra diximus, possit intelligi: cœlestis autem ista cognitio, ut ad mensuram facta sint omnia. Non ergo breves, sed magni dies Prophetæ possunt intelligi, quos Deus mensus est palmo, quo mensus est cœlum. Neque enim breves suæ vitæ diceret, qui postea ait: « Heu me! quia incolatus meus prolongatus est (*Psal. cxix*, 5) »: nisi forte quia propter peccata hominum breviores vitæ istius dies fecit Deus, quæ ante et nongentis et septingentis annis extendebatur, ut nunc intra centum anno-

(85) Cod. Vat. ac Gallic. aliquot, *Ideo laboriosam pœnitentiam suavis gratia sequitur*. Alii cum edit. consentiunt.

(86) *Diapsalma*, est quædam in Psalmo divisio, vel mutatio, ut sioubi (ait Hilarius *Prologo in Exp. Psalm.*) *diapsalma intercesserit*, aut aliquid aliud dici, aut etiam ab altero dici, aut ab altero artis musicæ modulo cantari intelligendum sit. Hieronymus. epist. 138 ad Marc., ab hac opinione discrepat, contendens *diapsalma* nihil aliud sonare, quam Hebræorum *sela*, id est semper, quod tantum distinctionis causa ponebatur. Verum longe aliter de eadem voce disserit Eusebius Cæsar. in *Expositione Græc. PP. in Psalmos a Baltaz. Corderio*

A norum curricula claudatur. Sic ergo intelligendum est: Ecce peccato obnoxios dies meos nosti, dies enim vitæ hujus, quæ peccato est obnoxia, breves sunt: dies autem vitæ æternæ sine fine.

22. Aut certe sic (nostrum est enim argumentis quærere veritatem, tuum est eligere quid sequaris): Ne peccatum, inquit, cresceret, abbreviasti dies vitæ humanæ qua vivimus, in his terris, et tamen cum maturior in hoc brevi cursu istius vitæ finis sit peccatorum, mortis celeritate. « Substantia mea tanquam nihil ante te: » quia etsi ad imaginem et similitudinem Dei facti sumus, gravat tamen nos in hoc corpore constitutos quædam terrena contagio: quæ non gravaret, si nos exuere magis veterem hominem, cum induimus gratiam, quam supervestire mallemus, minorem etiam laborem nobis exsoliatus homo vetus, quam supervestitus afferret. Nam quod exsoliatur, abjicimus: quod supervestimur, induimus. Et ideo ingemiscimus et laboramus donec mortale hoc veteris hominis indumentum, et errori effectum obnoxium, novitate suæ vitæ spiritualis absorbeat; ut si supra venenum plurima mella fundantur, ægre ac nimis sero veneni virus aboletur. Aqua etiam multa diu cum veneni felle luctatur, si non illud exspuat, sed absorbeat. Ideo laboriosa pœnitentia, suavis gratia (85); quia peccatum exsoliatur, ubi gratia est; absorbetur, ubi pœnitentia; ibi remittitur, hic absconditur. Et ideo scriptum est: « Beati quorum remissæ sunt iniquitates, et quorum tecta sunt peccata (*Psal. xxxi*, 1)! »

23. (Vers. 7.) Et requievit paulisper ingemiscens humanæ conditionis ærumnam, quia dixerat: « Verumtamen universa vanitas, omnis homo vivens. » Et post diapsalma (86), resumpto spiritu, ait: « Quanquam in imagine Dei ambulet homo, tamen vane conturbatur: theaurizat, et ignorat cui congregat ea. » Vide quomodo ante asperitatem suæ sententiæ temperavit: postea rationem suæ vocis absolvit. Temperavit **852** dicendo: « Quia in imagine Dei ambulat homo. » Beatus homo, qui ad similitudinem Dei per fidem ambulas: beatus qui in te fidem habes: beatior si avaritiam non haberet. Aliud bonum mentis est æternum, aliud vanum carnalis cupiditatis incendium. Fides enim Deo militat, avaritia tentatori: ista congerit quod sibi prospicit, illa quod proficiat alienis. Quid igitur tam vanum, quam nescire cui concinnata, et Antuerpiæ typis Moreti an. 1643 edita. Illic siquidem narrat quinque cantores ordinis levitici, quos David elegerat, et quorum ipse medius stabat, singula musica instrumenta pulsantes contra sanctuarium psallere solitos Spiritu sancto inspirante. At si quando ejus afflatus cessaret, eos quoque tantisper a cantu destitisse, ac scripsisse, *diapsalma*. Gregorius Nyss., tract. 2 in Ps., cap. 18, silentium illud non cessationi divini instinctus, sed novæ cuiquam illustrationi a Spiritu sancto in mentem Davidis immissæ attribuit. Hunc adeas licet, sicut et cassiod. Prol. in *Psalmos* cap. 11, et alios.

laboret hæredi? Quis enim scit si sibi filius, aut nepos proprius supervivat (87)? Sæpe aut in tabulis testamenti scriptus hæres funesto ambitu testatorem præcedit ad tumulum, aut hæreditatem superstes absorbet, aut luxuriosus dissipat, aut stultissimus non tuetur, aut proscriptus amittit. Si quem ergo videris studiose divitias congregantem, dic et tu : « Vane conturbatur : thesaurizat, et ignorat cui congregat ea. » Neque enim secum potest auferre quæ possidet; et cum morietur, relinquit alienis divitias suas. Succedit frequenter inimicus et ingratus, et decessori successor insultat. Quos ille dilexit, iste persequitur : quos ille nutrit, hic vendit.

24. Græcus tamen non habet : « In imagine Dei, » sed tantummodo : « In imagine. » In qua ergo imagine ambulat homo? In ea utique ambulat ad cuius similitudinem factus est; id est, ad imaginem Dei. Imago autem Dei Christus; qui 'est splendor gloriæ, et imago substantiæ ejus. Christus ergo imago Dei venit ad terras (88), ut jam non in umbra ambularemus, sed in imagine. In Christo enim imagine ambulat, qui sequitur Evangelium. Ideo suo discipulo dicit : « Vade retro post me (*Marc.* viii, 33), » ut me sequare. Ideo erravit populus Judæorum, quia in umbra ambulavit. Ideo non errat populus Christianus, quia in imagine ambulat, habens solem sibi justitiæ resurgentem. Bona imago, non ceris picturæ fucata radiantis, sed plenitudine divinitatis expressa. In qua imagine et Pater simul videtur et Filius, quia per utrumque eorum unitas operationis effulget. Etsi C jam resurrexit Christus, tamen in Evangelio nobis adhuc ejus imago monstratur. *Lego* quod Lazarum suscitaverit (*Joan.* xi, 43, 44), et Patris opus et Filii credo. Filius vocavit, Pater audivit, et Lazarus ambulavit. *Lego* quia eum dæmones fatebantur; fatebantur et Patrem, quia Dei Filium preabantur; fatebantur et ipsum, quia per ipsum ejiciebantur (89). Scriptum est enim : « Quod si in Spiritu Dei ejicio dæmonia, filii vestri in quo ejiciunt (*Matth.* xii, 27) ? »

25. Primum igitur umbra præcessit, secuta est imago, erit veritas. Umbra in lege, imago vero in Evangelio veritas in cœlestibus. Umbra Evangelii et Ecclesiæ congregationis in lege, imago 853 futuræ veritatis in Evangelio, veritas in judicio D Dei. Ergo quæ non celebrantur in Ecclesia, eorum umbra erat in sermonibus prophetarum : umbra in diluvio, umbra in Rubro mari; quando baptizati

(87) Ita edit. et mss. Vict. et Colb. At Reg. et alii quatuor, *si aut filios, aut nepotes proprios supervivat*. Rursus eodem loco, edit. vet. et cod. Vict. et Colb., *conditis tabulis, testamentis scriptis hæres funereo ambitu*, etc. Edit. Rom. cum mss. quinque ut nos in textu, nisi quod aliqui pro *ambitu*, legunt *obitu*; alii, *abitu*, id est discessu, vel excessu.

(88) MSS. quinque, *Christus ergo imago, sancti ad imaginem. Hæc imago venit in terras*. Alii atque edit. ut nos supra. Iterum hoc ipso loco iidem

A sunt patres nostri in nube, et mari : umbra in petra, quæ aquam fluxit, et populum sequebatur. Nonne illud in umbra erat sacrosancti hujus mysterii sacramentum? Nonne in umbra erat aqua de petra, quasi sanguis ex Christo, quæ fugientes se populos sequebatur, ut biberent, et non sitirent : redimerentur, et non perirent? Sed jam discessit umbra noctis et caliginis Judæorum, dies approxinavit Ecclesiæ. Videmus nunc per imaginem bona, et tenemus imaginis bona. Vidimus Principem sacerdotum ad nos venientem, vidimus et audivimus offerentem pro nobis sanguinem suum : sequimur, ut possumus, sacerdotes ; ut offeramus pro populo sacrificium : etsi infirmi merito, tamen honorabiles sacrificio, quia etsi nunc Christus non videtur offerre, tamen ipse offertur in terris quando Christi corpus offertur : imo ipse offerre manifestatur in nobis, cuius sermo sanctificat sacrificium quod offertur. Et ipse quidem nobis apud Patrem advocatus assistit : sed nunc eum non videmus : tunc videbimus, cum imago transierit, veritas ve- nerit. Tunc jam non per speculum, sed facie ad faciem, ea quæ sunt perfecta videbuntur.

26. Ascende ergo, homo, in cœlum, et videbis illa quarum umbra hic erat vel imago ; videbis non ex parte, non in ænigmate, sed in consummatione : non in velamine, sed in luce. Videbis verum lumen, æternum atque perpetuum Sacerdotem : cuius hic imagines videbas, Petrum, Paulum, Joannem, Jacobum, Matthæum, Thomam. Videbis perfectum hominem jam non imagine, sed in veritate : qualis enim cœlestis, tales et cœlestes. Utique et ipsi jam in gloria vel decore, jam in resurrectionis gratia, non in corpore mortis, et corruptionis deformitate.

27. Vide ne eo deferas imaginem terrestris, ubi lux cœlestium est. Hic si quis tyranni imagines habeat, qui jam victus interiit, jure damnatur. Quomodo tu hostis et adversarii imaginem in civitatem veri imperatoris inducis, nisi ut ipse te damnes? Et si volueris imaginem terrestris inferre, contradicet tibi princeps istius mundi, et dicet : Mea est imago hæc, et quæ offers, mea sunt. Quid facies deprehensus, cum tibi dixerit : Mea est avaritia, mea est ambitio, meæ divitiæ, quarum imaginem in te recognosco? Ipse est enim adversarius et defensor. Quod si fueris qualis Jacob, dices Labæ qui se transfigurat in angelum lucis : « Recognosce si quid tuorum in me invenis (*Gen.* xxxi, 32). » Tunc ille requiret, et non inve-

quinque mss. *Utinam non in umbra.* Alii cum edit., ut jam non in umbra. Denique ubi Rom. edit. cum mss. nonnullis. *In imagine autem*, edit. vet. cum aliis habent. *In Christo enim*.

(89) Ita edit. ant. ac mss. Vict. et Colb. a quibus non dissentit edit. Rom., nisi quod erasit verbum *fatebantur, ante et Patrem*. Reg. autem et alii aliquot dæmones fatebantur : et Patrem, quia Dei Filium preabantur, fatebantur ; et in ipso vel per ipsum (Thuan. et per ipsum) ejiciebantur.

niens confutatus abscedet, quia abscondisti atque obliterasti omniam simulacra vitiorum. Beatus qui potest dicere : « Veniet hujus mundi princeps, et in me suum inveniet nihil (*Ioan. xiv, 30*). » Quae sua sunt enim querit ille, non illa quae Christi. Si ergo quae sunt Christi sequeris, noli quas non habebas affectare divitias, augere quas habebas, et divitem te sibi sentiat pauper. Induc in domum tuam inopem, frange panem esurienti, et nudum operi : ut tibi thesaurus condatur in cœlo, qui tecum transeat. Pauper Christus **854** est factus, cum dives esset, ut nos sua inopia divites facheret. Noli ergo propter divitias vane conturbari, excitari de somno, cogitare quemadmodum pecuniam tuam serves, opes tuas augeas, de nocte procedere, excubare ad judicis domum, ut aliena diripiatis, litem moveas pauperi, verecaris exactorem tributi : vana est ista conturbatio.

28. (Vers. 8.) Et ideo Justus dixit : « Et nunc quæ est expectatio mea? nonne Dominus? Et substantia mea ante te est. » Spes et patientia nostra Christus est : ipse factus est redemptio nostra, ipse est nostra exspectatio, ut dicamus singuli : « Exspectans exspectavi Dominum, et respexit me (*Psal. xxxix, 2*). » Respice ergo nos in judicio tuo. Respiciat super nos misericordia tua, ut qui de merito diffidimus nostro, per tuam misericordiam liberemur, in cuius potestate est animæ nostræ vitæque substantia. Et ideo non timeamus corporis mortem, sed eum qui potest animam nostram vel servare, vel perdere : cuius substantia virtus est, quam Deus ad similitudinem sui pectoribus infudit humanis.

29. (Vers. 9.) Quisquis igitur habet istam substantiam animæ suæ, dicit : « Ab omnibus iniquitatibus meis eripe me. » Non unius criminis lapsus fatetur, qui ab omnibus se iniquitatibus solvi precatur. Scit enim quod nisi Dominus ignoscat, nemo salvus esse possit, quicunque natus est sub peccato, quem ipsa noxiæ conditionis hæreditas astrinxit ad culpam.

30. « Opprobrium, » inquit, » insipienti dedisti me. » Quis est insipiens, nisi qui peccatum facit, et eligit mala pro bonis? Ergo qui auctor est peccatorum, ipse insipiens magis, quam ejus minister. Cum peccamus igitur, in opprobrium tradimur adversario; ut ille nos quasi inimicus in die judicii accuset et prodat. Suscipiamus ergo opprobrium crucis Christi, quod suscepit Moyses, et Ægypti thesauris regalibus prætulit; et ideo non est insipienti in opprobrium traditus. Alii habent codices : « Opprobrium insipienti ne tradas me. » Sed magis David eam consuetudinem habet, ut sua magis opprobria et peccata fateatur, nec de peccatis suis erubescat et opprobriis, qui scit in confessione esse veniam, et in peccati sui condemnatione justitiam.

31. (Vers. 10.) Denique ex his quæ sequuntur, manifestatur hic sensus; quia subjicit : « Obmutui

A et non aperui os meum ; quoniam tu fecisti me ; » hoc est, dedisti me tu opprobrium insipienti, ideo obmutui, et non aperni os meum, ne peccata majora contraherem. Agnovi voluntatem tuam, ut ad tempus erubescerem, et postea salvus fierem veniam postulando. Prodest ergo interdum et opprobrium. Siquidem etiam ipse prodest carnis interitus, ut testificatur Apostolus dicens : « Tradidi eum in interitum carnis ; ut spiritus salvus sit in die Domini nostri Jesu Christi. (*I Cor. v, 5*). » Opprobrium quoque prodesse David ipse testatus est dicens ad Abessam : « Sine, maledicat mihi Jeminæus ; quoniam dixit illi Dominus ; ut videat humilitatem meam, et retribuat mihi Dominus bona pro maledicto hoc. (*II Reg. xvi, 11, 42*). » Et revera vidit opprobrium ejus Dominus, quod flens ibat et excalceatus, operto capite; et amovit ejus opprobrium. Liquet igitur qui cum datus in opprobrium David fugerit, et humiliatus sit, et **855** nudis pedibus, Domino satisfecerit, et lapides jacientem non repercererit, et in maledicentem non permisit vindicari, et post hæc regno suo integro restitutus sit ; quia et opprobrium a Domino sit, et proposit magis sustinere opprobrium, quam refellere. Denique victoria post secuta est. Ergo opprobrium prodest. Sed quid est quod addidit : « Quoniam tu fecisti me? Nonne ideo obmutuisse se dicit, et non aperuisse os suum : quia agnovit Domini voluntatem : propterea patienter se pertulisse, ut satisficeret Domino per opprobrium pro peccato?

32. (Vers. 11.) Unde et adjunxit : « Amove a me plagas tuas (*Psal. xxviii, 18*). » Quomodo hoc sibi congruit? In superiore Psalmo flagellis se obtulit, hic flagella a se postulat amoveri; nisi quia solvit jam de manu Domini duplia peccata sua, erubescendo, opprobria sustinendo? Compunctiones cordis sui sunt et cogitationum, sunt et increpationum flagella. Videamus tamen ne ideo dixerit ante Deum esse substantiam animæ suæ; quia non impugnaret adversarius eam, nisi potestatem accepisset a Domino; quod enim fecit Dominus, et tueretur. Denique angelus in circuitu est hominis, qui prætendit, ne quis noceat ei. Non discedit angelus, nisi jussus a Domino, ut suus athleta decertet. Ergo quasi substantia Domini præsumit veniam sibi iniquitatum suarum a Conditore suo posse concedi; et ideo rogat, quia novit Auctorem suum misericordem. Deinde quia datus sit in opprobrium, non resistit; sed patitur adversum se assistere peccatorem, et silet substantiæ suæ conscientia, quæ bona est, et potest corporis ferocitatem refrenare, ut virtus succedat, culpa ponatur. Postremo quia factus a Domino est, citius sibi posse donari peccatum confidenter existimat, qui fortitudinem manus Domini potuerit sustinere.

33. Et hoc utique bonæ substantiæ est, etsi a fortitudine manus Domini defecisse se dicit. Fortis manus sicut male percutit, sic cito sanat : quæ fortis ad vulnus, fortis et ad remedium est. Unde

et ipse ait : « Percutiam, et sanabo (*Deut. xxxii, 39*) ; » ut non meminerit vulneris, qui sanatus evasit. Denique haec manus Domini sancto Job omnia abstulit, et omnia repræsentavit : imo omnia cumulo auxit, ut amissa geminaret. Nec te moveat quod defecisse se dixit. Est qui deficit, et fortior surgit; suffulcit enim Dominus omnes qui ruunt, et corrigit omnes elisos. Cum virtute enim surgit quicunque corrigitur. Defecit Paulus a fortitudine manus hujus. Cecidit persecutor, et surrexit Evangelii prædicator. Hoc est quod ait : « A fortitudine manus tuæ ego defeci. »

34. (Vers. 12.) Et addidit : « In increpationibus super iniquitatem erudisti hominem : et tabescere fecisti sicut araneam animam ejus. » Græcus ὅπερ ἀνομίας dixit, hoc est, « pro iniquitate, » et integrum versum ἐν ἐλεγμοῖς ὅπερ ἀνομίας ἐπαιδευσας ἀνθρωπον posuit, quod est : « In increpationibus pro iniquitate erudisti hominem. » Ideo sapiens dixit : « Quis mihi dabit cogitationum mearum flagella... (*Ecli. xxiii, 2*) et labiorum (90) meorum signaculum (*Ecli. xxii, 33*) ? » **856** Ut cor suum ipse suis cogitationibus flagellaret, et signaret labia sua; quo et vetera peccata minueret, nec alia loquendo renovaret; quo propriis increpationibus eruditus, exercitia virtutis indueret. Tabescit autem anima, quando peccatum minuitur; vel cum anima tabescit, culpa deponitur : incrassatur, cum peccata cumulantur. Unde ait Dominus de peccatoribus : « Non permanebit in his Spiritus meus in æternum; quoniam carnes sunt (*Gen. vi, 3*). » Et alibi Scriptura dicit : « Incrassatum est cor populi hujus (*Act. xxviii, 27*). » Ideo et Hieremias primum baculum vidit nucinum : deinde ollam ferventem, ut tabesceret anima prophetæ incipientis (91); quo culpa discederet, ut accederet gratia. Sed cur prius baculum, postea ollam? Quoniam qui baculo non corrigitur, in ollam mittitur, ut ardeat et tabescat. Et ideo ad prophetam Ezechielem dicitur : « Accipe tibi sartaginem... et accipies iniquitates domus Israel... et consummabis, et tabescent, inquit, in suis iniquitatibus (*Ezech. iv, 3, 4*). » Et alibi in eodem libro dicit Dominus : « Sed ego magnum faciam titionem, et multiplicabo ligna, succendam ignem; ut liquefat caro, et immiuatur jus (*Ezech. xxiv, 11*). » Quibus testimoniosis significatur quod animæ perfidorum admoto igne tabescant; ut deponant crassitudinis quemdam carnis humorem. Mittuntur ergo in sartaginem et animæ peccatorum; ut defluat quædam peccati caro, quæ obduxerat animæ ac mentis vigorem; et velut jure quodam, ita quibusdam infuderat animam illece-

(90) Ita mss. ac edit. omnes, excepta Rom. in qua legas : *Quis mihi imponet cogitationum mearum flagella; et quis dabit mihi labiorum*, etc. Ubi locum voluit accommodare ad sacri textus verba, quæ consule.

(91) Rom. edit., *prophetæ insipientis*. Melius aliæ, ac mss. aliquot, *prophetæ incipientis*; cum isthæc de Jeremia in ipso primo ejus libri capite

**A**bris cupidatum. Exspectant igitur nos quædam sartagines; ideo hic conteramus cor nostrum, ut subtile fiat, et deponat omnem duritiem et pinguedinem quamdam carnalis arvinæ : quod patientur qui luxuriati sunt in hac vita; et magis ludibria dedecorum, quam opera ulla virtutum exercenda sibi more Judaico crediderunt. Incrassatus est enim Jacob, et pinguis factus est, et surrexit ludere : quem a fidei veritate lusus ille in perfidiæ traduxit errorem. Merito ergo Paulus castigabat corpus suum, ne nutriri corpus peccati; luxuriando enim facimus membra peccati, sobrietate autem membra justitiae. Non natura ergo, sed culpa delinquit.

35. Nec iterum vana et inania sequamur, ne telam araneæ texere judicemur : eo quod peccata nulla perpetuitatis possunt habere substantiam. **B**Unde cum videris aliquos studere facultatibus ampliandis, cumulandis potestatibus, affectando decori, dices illud Isaiæ : « Telam araneæ texunt isti in omnibus diei unius (92) (*Isa. LIX, 5*), » quæ diuturna esse non potest; sed cito scinditur, atque opus ejus omne dissolvitur. Non enim supra solidum aliquod firmamentum locatur, sed in vacuo suspenditur. Nihil laxum, nihil molle verum Christi militem decet; ecce enim qui mollibus vestiuntur, in domibus regum sunt. Arguti sibi et industrii omnes avari videntur. Quid argutius, quid sollicitius aranea, quæ operi suo diebus ac noctibus semper intendit, nec ullo sumptu, ullaque impensa conficit vestimentum? Sed vanum **857** est omne quod fecerit. Sic homo omnis est, qui opus suum supra **C**Christi non constituit fundamentum. Vane noctibus et diebus et ipse turbatur; cum eum plerumque araneæ modo etiam in ipso suæ improbitatis molimine, operis sui ruina convolvat (93).

36. (Vers. 13.) Et ideo sapiens qui cognoscit hujus sæculi vanitatem, non diuturnam vitæ hujus precatur usuram; sed ad illa æterna festinat, et labore hujus corporis et dolore gestit absolvit; sicut Propheta desiderasse cognoscitur dicens : Exaudi, Domine, orationem meam et deprecationem meam : auribus percipe lacrymas meas. Ne sileas a me, quoniam advena ego sum apud te in terra, et peregrinus, sicut omnes patres mei. » Alius est incola, alias advena, alias accola. Incola, qui de loco est, et genitalem locum incolit advena, qui aliunde venit; accola, qui ad tempus colit, et mutatur annorum vicibus. Hoc est ergo quod dicit David : Apud te alienus sum, dum in terra sum : non sum nunc paradisi tui incola. Unde exposuit hoc ipse subjiciens : « Et peregrinus, sicut omnes patres mei. » Quod aperuit et apostolus Paulus, asserens

referantur. Non male tamen alii mss., *prophetæ insipientis*. Quod vero baculus ille dicitur, *nuceus* vel *nucinus*, id nusquam alibi reperimus.

(92) Sic mss. Vat. et quinque Gallic. Alii vero cum edit. hæc prætermittunt : *isti in omnibus diei unius*.

(93) Codices quinque mss., *etiam in quæstu suæ improbitatis, molimine operis sui ruina convolvat*.

quoniam « cum sumus in hoc corpore, peregrinamur a Domino (*II Cor.* v, 6); » quia etsi fides in nobis est, per fidem ambulamus, non per speciem, id est, non facie ad faciem, quasi præsentes : ambulamus enim in ænigmate adhuc, non in veritate. Denique addidit : « Audemus ergo et confidimus magis peregrinari corpore, et adesse ad Dominum (*Ibid.* 8). Audemus « præsumptionis in Deo fidei, non (94) temeritatis est verbum; et consentimus, id est, volentes acquiescimus et optantes, non plenioris scientiae auctoritatem velut principaliiter nostro judicio dependentes (95) : volumus verum esse quod cupimus; ut appropinquemus ad Dominum, a quo nos videtur futurorum et præsentium distantia separare. Audemus ergo adesse; et ideo inquit : « Connitimus (*Ibid.* 9.) » Cognoscis verbum volentis adhuc pervenire, non ejus qui pervenerit. Affectus igitur in hoc sermone, non effectus ostenditur. Denique ipsum testem sui sermonis interroga; imo audi dicentem, vel potius audi dubitantem, cum dicit : « Ideo connitimus, sive absentes, sive præsentes, placere illi (*Ibid.*) : » absentes adhuc per fidem, præsentes per speciem. Unde et hoc potest intelligi, quod et hic positi, et illic placere nostro judici, redemptori quoque nostrarum desideramus animarum. Necesse est enim nos ei assistere per speciem; ut unusquisque operum suorum merita dignæ adipiscatur sortis examine: vel justus in requie, vel impius in ærumna. Fundit igitur lacrymas; quoniam cum advena in terram venerit, demoretur et separetur a patria longo detentus exsilio. Considera nunc mihi illum Adam de paradiſo ejectum, in castellum relegatum, spectantem unde dejectus sit, flentem ubertim: quia reminiscitur quid amiserit, quove deciderit. Et ideo gratias agamus Deo, qui nos perpetuo exsilio liberavit, aperiens januam qua revertamur ad patriam. Unde Apostolus **858** præsumpsit dicere: « Ergo jam non estis advenæ atque peregrini; sed estis cives sanctorum, et domestici Dei (*Ephes.* ii, 19). »

37. (Vers. 14.) Hoc volens recipere David antequam Christus veniret in terram, dixit: « Remitte mihi ut refrigererer, priusquam eam et amplius non ero; » hoc est, hic mihi remitte, ubi peccavi. Nisi hic remiseris mihi, ibi remissionis requiem inventire non potero; quod enim in terra ligatum manserit, ligatum manebit in cœlo; quod solutum in terra fuerit, solutum erit in cœlo. Propheta enim et prædicator Ecclesiæ congregandæ, evangelico spiritu indulgentias Domini prævidebat; et præci-

(94) Omnes edit. et nonnulli mss., *præsumptionis et fidei, non, etc.* Melius alii, *præsumptionis in Deo fidei;* hoc est, *præsumptionis ac fiduciæ ejus quam fides in Deo nobis ingenerat.*

(95) MSS. aliquot, *nostro judicio defendantes.* Sic etiam edit. exceptis Paris. nonnullis, quæ legunt... *deferentes.* At plures potioresque mss. præferunt... *dependentes;* hoc est, quasi inclinata lance adjudicantes.

**A** pienda apostolis ei Dominus revelabat, imo hæc erat vetus sententia (96), ut qui se ligasset in terris vinctus migraret a corpore. Ideo Dominus, quod ante erat judicii sui, dedit apostolis peccata remittendi æquitate solvenda (97), ne cito solvenda, diu ligata manerent. Denique audi dicentem: « Tibi dabo claves regni cœlorum; et quocunque ligaveris super terram, erit ligatum et in cœlo: et quocunque solveris super terram, erit solutum et in cœlo (*Matth.* xvi, 19). » Tibi, inquit, dabo claves regni cœlorum, ut et solvas et liges. Hoc Novatianus non audivit, sed Ecclesia Dei audivit; ideo ille in lapsu, nos in remissione: ille in impenitentia, nos in gratia. Quod Petro dicitur, apostolis dicitur. Non potestatem usurpamus, sed servimus imperio, ne postea cum venerit Dominus, et ligatos invenerit quos oportuit solvi, commoveatur adversus dispensatorem, qui ligatos servaverit servos, quos Dominus jusserrat solvi dicens, quoniam « qui cognovit voluntatem domini sui, et non fecit secundum voluntatem ejus, vapulabit multum: qui autem non cognovit et fecit digna plagis, vapulabit minus (*Luc.* xii, 47, 48). »

**B** 38. Merito ergo David remitti sibi postulat quod sciebat non esse iis, qui secundum Aaron erant, sacerdotibus attributum: sed Evangelio servabatur. Cui ergo non remittitur, in exsilio est, in peregrinationis injurya perseverat. Hic ergo petenda est venia. Hic enim dictum est: « Beati qui nunc fletis, quia ridebitis (*Luc.* vi, 21): » hic locus est veniam postulandæ. Deploremus igitur in terris, ut mereamur indulgentiam. Nisi remissum peccatum hic fuerit, non habebimus requiem: si requies non fuerit, non erit vita æterna: si vita æterna non fuerit, non erimus. Ideo petit remitti sibi, antequam eat, ut sit. Si enim remissum non fuerit, non ero, inquit, cum iis qui sunt, cum iis qui in paradisum merentur ascendere. Qui autem non est, consumetur cum descendantibus in lacum, qui in catenis et carcere fuerit derelictus.

**C** 39. Non ergo definitive dicit: « Non ero; » quia alibi dicit: « Psallam tibi in cithara, Deus sanctus Israel. Gaudebunt labia mea cum cantavero tibi: et anima mea quam redemisti (*Psal.* LXX, 22, 23). » De redemptione ergo præsumit. Et alibi audi dicentem: « Placebo Domino in regione vivorum (*Psal.* cxiv, 9). » Erit ergo qui placere præsumit. Potest et sic intelligi; quia dixit: « Advena ego sum apud te in terra: et peregrinus sicut omnes patres **859** mei; » et ideo remitte mihi; ut peregrinus esse desinam: remitte mihi exsilium, quo relegatus

(96) Videtur alludere ad illud *Eccle.* xi, 3: *Si ceciderit lignum ad austrum, aut ad aquilonem, in quocunque loco ceciderit, ibi erit.*

(97) Omnes edit., *peccata remittendi æquitatem; ne cito solvenda, etc.* MSS. quinque Gall., *peccati remittendi æquitatem solvendam; ne diu ligatum maneret.* Omnim optime Vat., Colb. ac Vict. ut in corpore; ubi advertes dictionem *solvenda*, ad accusativum *peccata esse referendam.*

sum. Si remiseris antequam discedam hinc, non ero amplius exsul atque peregrinus. Cum enim tu remiseris, non ergo peregrinus; sed civis ero sanctorum tuorum. Ero cum patribus meis, qui et ipsi fuerunt ante peregrini, nunc vero jam cives sunt. Ero domesticus Dei, ut pœnam non

A timeam, gratiam merear: per Dominum nostrum Jesum Christum, cum quo tibi est laus, honor, gloria, perpetuitas, cum Spiritu sancto a sæculis, et nunc et semper, et in omnia sæcula sæculorum, Amen.

## IN PSALMUM XXXIX ENARRATIO.

1. In superioribus Psalmis pœnitentiam prædicavit: deinde de patientia sua, et perturbatione hominis est locutus (90): in tricesmo autem et nono Psalmo, Novum annuntiat Testamentum; qui enim malorum pœnitentiam agit, exspectat. Sed non est perfecti exspectare, sed exspectasse; nemo enim nisi qui perseveraverit usque in finem, salvus erit.

2. (Vers. 2, 3.) Ideo addidit: « Exspectans exspectavi Dominum. » Ubi ergo hoc dicitur, nisi in Evangelio? in quo jam nobis qui exspectabatur, advenit: in quo jam nobis non legis caliget umbra, sed veritas fulget; quia Christus illuxit, qui exaudivit deprecations suorum, et eduxit nos de lacu miseriae, et de luto facies; ubi jam demersi tenebamur nostrorum voragine peccatorum, et totus homo noster inhærebat nec poterat sese animus noster eruere, obrutus multiplicis labi flagitii. Gratias igitur Domino Jesu, unigenito Dei Filio redemptori nostro, qui nobis peccata omnia remisurus descendit e cœlo; ut nos de lacu ac limo istius mundi, et cœnulenta quadam palude terrarum, de corpore quoque mortis hujus eriperet, atque in carne sua statueret animi nostri interiora vestigia; ut confirmati in Dei verbo, et per crucem Domini corporis passionibus (99) absoluti, ambulemus jam non in opprobrio dedecoris, sed in remissione peccati. Confirmatus igitur et radicatus in Christo, supra petram sibi memorat pedum suorum statuta vestigia. Unde dicit Apostolus: « Bibebant autem de consequenti petra; petra autem erat Christus (*I Cor. x. 4*). » Petra, eo quod sitientes sequatur, confirmet labentes; ne sitientes aqua desit, labentibus firmamentum.

3. (Vers. 4.) Exspectanti ergo mihi, Domine Jesu, aliquando venisti, direxisti gressus meos in Evangelio, immisisti in os meum canticum novum, quod est Novum Testamentum. Gaudentes jam canimus hymnum Deo nostro, quia novarum virtutum præcepta cognovimus; ut nostra omnia relinquaremus, Christum sequentes, et nostros diligamus

(98) Ita edit. et mss. Colb. ac Vict.; Reg. autem mendose, *deinde patientiae suæ perturbatione hominis est locutus*. At paulo melius Vat. et alii quatuor Gall., *deinde de patientia suæ perturbationis nihilominus est locutus*.

inimicos. Novos etiam hausimus mores; ut pro consequentibus nos, precem Domino deferamus. B Maledicentes ecce benedicimus. Nescimus opera nostra jactare, aut celare peccata (1). Angelorum etiam more nuptias refutamus.

4 (Vers. 5.) Quid multa? De illo ærumnoso peccatore beatus homo factus est, jam non respiciens in istius mundi varias vanitates. « Vanitas enim vanitatum, et omnia vanitas (*Eccle. i, 2*), » totus hic mundus est; sicut dixit sapiens Salomon. Quid enim nisi vanum est ea sequi, quæ perseverare non possunt; et omnia tanquam umbra prætereunt? Insaniæ 860 autem falsæ, aut certamina ista bellorum, in quibus pro temporali possessione sanguis tantus effunditur; aut contentionum theatrum dissensiones; aut Circensis plena furoris studia declarantur; aut hæreticorum doctrina feralis: aut pseudoprophetarum in modum oraculorum cœlestium simulati gestus, verba composita. Sic enim dicit Propheta: « Beatus vir cujus est nomen Domini spes ejus: et non respexit in vanitates, et insanias falsas. »

5. Sunt ergo et veræ insaniae, et forsitan prophetarum, qui in excessu mentis positi profabant, repleti Dei Spiritu, ut quibusdam insanire viderentur; cum propriæ salutis immemores, nudis plerumque et exalceati, sicut Isaias sanctus, per populos currerent, vociferantes non quæ ipsi vellet, sed quæ a Domino juberentur. Ex his igitur intelligitur affulsiisse remedium salutis, quoniam qui exspectabatur, adest.

6. Exspectavit eum Adam de paradiiso ejectus; ut longo liberaretur exilio. Exspectavit cum in D Noe justo, qui ad semen futurorum est reservatus, ut ex illo justitiae semina in hominibus pullularent. Ipsum putabat publicæ salutis auctorem, qui diluvio superstes esse meruisset. Ipsum sapientiæ principem, qui excoluisset vitem, et ex ejus fructu inebriatus foret. Quid est enim vitis nisi sapientia? sicut aperuit nobis David cœlestis interpres oraculi dicens: « Uxor tua sicut vitis abundans in lateribus

(99) Vox passionibus in plerisque mss. desideratur: quæ tamen sensui non videtur supervacanea.

(1) MSS. aliquot, *Nesciamus opera nostra lædere* (forte legendum laudare) *aut desperare peccata*.

domus tuæ (*Psal. cxxvii, 3*) « Et quod in ipso esset sapientiæ plenitudo, quæ exspectabatur in Christo. qui novo repletus sapientiæ sacramento, quod oculas non vidit, nec auris audivit, inusitatum nobis deferre mysterium properavit ut nudus jaceret, et exuberantis sapientiæ pocula inaudita proflueret: ut oblii superiorum in novos mores, et novam sobrietatem vitæ resurgeremus æternæ; quo per stultitiam prædicationis Deus agnosceretur, quem per sapientiam non cognovit hic mundus. Denique in figura illa dormientis et nudati patris, qui stultitiam risit, maledictus est; qui venerati sunt, benedictionis gratiam sunt adepti. Ideoque qui mortem unigeniti Filii Dei, patris et creatoris omnium, ad offendiculum, aut opprobrium nostræ fidei objiciendam esse crediderint, peccatorum suorum nexibus ad perpetuam maledictionis ærumnam tenentur astricti; qui vero eam pro totius humani generis absolutione suscipiunt, virtutis æternæ præsidio fulciuntur. Crux enim Christi Judæis offendiculum, Græcis stultitia, ut Apostolus dixit: nobis autem qui credimus in Dominum Jesum, virtus Dei atque sapientia est (*I Cor. i, 23, 24*). »

**861** 7. Exspectatus est in Moyse, cum siccasset et pertransisset undas maris (2), et impossibile viribus humanis, pedestris viæ aperiret in fluctibus iter: sequeretur petra, et vomeret aquas; ut sitiendum patrum in medio deserti viscera interna satiaret.

8. Exspectatus est et in Aaron principe sacerdotum, qui inter vivos ac mortuos medius stetit: et serpentem statuit luem mortis (3); ne a cadaveribus defunctorum ad viventium transiret interitum. Quid enim tam proprium Christi, quam adlocutum apud Deum Patrem astare populorum, mortem suam offerre pro cunctis, repellere necem, vitam reformare perituis?

9. Exspectatus est et in Jesu Nave, et certe venit, qui et potestatem suam et nomen accepit, ut et populum in terram reprobationis induceret et vere Jesu nomine vocaretur. Siccavit fluenta convertit amnem in suum fontem, solem statuit, donec consummaret in virtute virtoriam. Sed adhuc figura erat ille, non veritas. Denique verus ei dux militiæ cœlestis effulsit, et adoravit eum Jesu Nave, quamvis adhuc nondum in corpore verus astiterat, sed adhuc venerat in figura.

10. Quando igitur verus advenit? Audi dicentem: « Annuntiavi et locutus sum: multiplicati sunt super numerum. Sacrificium et oblationem noluisti,

(2) Vet. edit. ac mss. Colb. et Vict., *cum sisteret undas maris*. Rom. cum iisdem vet. in marg., *cum scinderet undas maris*. Alii mss. ut in textu; Reg. excepto ubi legitur, *cum scidisset et pertransisset*, etc.

(3) Omnes edit. cum mss. Vict. et Colb., et per serpentem statuit luem mortis. MSS. alii quatuor, et serpentem statuit, lues mortis. etc. Omnium optime codex Reg. ut in textu. Sensus autem est, Aaron stare fecisse luem quæ serpebat, etc., uti docetur n. 16, sub finem.

(4) Ab hoc loco usque ad num. seq. Rom. edit.

A corpus autem perfecisti mihi. Tunc dixi, Ecce venio (4). In capite Libri scriptum est de me, ut faciam voluntatem tuam: Deus meus, volui. » Quid evidentius quam quod cum Evangelii sui munere nobis Jesus verus advenit? ipse locutus est, et innumeris credentium populi congregati sunt, qui vix singuli ante credebant. Ipse venit in carne, et cessavit sacrificium Judæorum. Cessavit oblatio pro peccato, quia peccatorum remissor advenerat. Non erat remedium necessarium legis, ubi legis Auctor astabat.

B 11. « In capite Libri scriptum est de me. » Scriptum profecto de Christo est in principio Veteris Testamenti quod venturus esset, ut in redemptione hominum, Dei Patris ficeret voluntatem, quando scriptum est, quia Evam in specie Ecclesiæ ad hominis adjumenta formavit. Quid enim nobis in hac corporis infirmitate, et sæculi istius perturbatione præsidio potest esse, nisi sola, Ecclesiæ gratia, qua redimimur: et fides nostra, qua vivimus? « In capite Libri scriptum est: Os de ossibus meis, et caro de carne mea. Propter hoc relinquet homo patrem et matrem, et adhærebit uxori suæ, et erunt duo in carne una (*Gen. ii, 23, 24*). » Quis iste sit qui locutus est, aut de quo istud sit sacramentum, audi dicentem: « Sacramentum hoc magnum est: ego autem dico in Christo et in Ecclesia (*Ephes. v, 32*). » Unde et admonet (*Ibid. 25*) ut sic diligat homo uxorem suam. quemadmodum Ecclesiam Christus, quoniam membra sumus corporis ejus, de carne ipsius, et de ossibus ejus. Quæ igitur C major salus, quam esse cum Christo, et ei unitate quadam corporis adhærere, in quo nec macula sit ulla, nec tortitudo peccati (5)?

**862** 12. Scriptum est in capite Libri, quod Abel justi placuit hostia Deo, displicuit oblatio parricidæ (*Gen. iv, 4. 5*). Nonne aperte significavit Dominus Jesus offerendum se esse pro nobis ut in sua passione novi sacrificii gratiam consecraret, ritum populi parricidalis aboleret? Quid autem expressius, quam quod a sancto patriarcha oblatus est filius, ei aries immolatus est? Nonne aperte ostendit hominis carnem, quæ omnibus terrenis est communis animantibus, non divinitatem unigeniti Filii Dei obnoxiam futuram sacræ vulnus passionis?

D 13. Scriptum est in capite Libri, venturum hominem qui Potestatis cœlestibus imperaret (*Gen. xxviii, 12*). Impletum est, quando Dominus Jesus venit in terras, et angeli ministrabant ei, sicut

non pauca in versiculorum distributione partim immutarat, partim inseruerat, quæ ex ejusdem ac nostræ edit. collatione nullo negotio deprehendens.

(5) Edit. vet. ac mss. Colb. et Vict., *nec fortitudo peccati*, edit. in margine, *forte, deformitas*: *aut formido*. Rom. sola, *nec sorditudo peccati*. Latin., *nec turpitudo peccati*. At mss. quinque distincte lectionem nostram præferunt. Dicitur autem *peccati fortitudo*, eo quod ab æterna regula desicitur ac detorqueatur.

ipse dignatus est dicere : « Ex hoc videbitis cœlos apertos, et angelos Dei ascendentes et descendentes ad Filium hominis (*Joan.* i, 51). »

14. Scriptum est in capite Libri : « Agnus sine macula, mundus, maturus, masculus, anniculus erit vobis, et occidet eum omnis synagoga (*Exod.* xii, 5). » Quis iste sit agnus, audistis dicentem : « Ecce agnus Dei, ecce qui tollit peccatum mundi (*Joan.* i, 29). » Hic est qui occisus est ab omni populo Judæorum : quem adhuc hostili odio perse-quantur. Et illum quidem oportebat pro omnibus mori, ut in ejus cruce fieret remissio peccatorum, et sanguis ipsius mundi inquinamenta lavaret : sed vœ illis qui auctorem salutis propriæ negaverunt ! « Fecistis, inquit, consilium, sed non per me (*Isa.* xxx, 1). » Quomodo poterat probare parricidium, qui consilium non probabat ? Et tamen quanta pietas ! Abhorrebat quidem a consilio, sed si converterentur, remedium non negabat.

15. Scriptum est etiam, non solum in capite, sed in omni legis complexione, venturum hominem ad conservandum hominum genus, qui omnia vellet quæ Deus vellet. Unde intelligis quoniam divinitatis ejusdem est, qui ejusdem est voluntatis. Unde etiam ad sacrificium passionis voluntarius accessit, meritoque prædictus : « Voluntarie sacrificabo tibi (*Psal.* lxxiii, 8). »

16. Sed forte dicas : Quomodo in Evangelio dixit : « Pater, si possibile est, transfer a me calicem hunc, sed non sicut ego volo, sed sicut tu vis (*Math.* xxvi, 39). » Et videtur quidem esse distantia voluntatis : verum intelligimus aliud esse quod secundum unitatem divinitatis exprimitur, ubi dicit : « Ego et Pater unus sumus (*Joan.* x, 30) : » aliud quod secundum hominis est locutus affectum, quem innuit cautum esse debere, nec præsumere quod facile implere non possit, ne dum præmium querit, incidat sacrilegium. Unde ait : « Cum consequentur vos in hac civitate, fugite in aliam (*Math.* x, 23). » Merita ergo et hic subiturus corporis passionem, cœpit contristari, et moestus esse : et assumptis Petro et duobus filiis Zebedæi : « Tristis est anima mea (*Math.* xxvi, 38), » ante præmisit : et subjecit postea : « Vigilate et orate, ne intretis in temptationem. Spiritus promptus est, caro autem infirma (*Ibid.* 41). » Vides ubique eum secundum hominem loqui, secundum hominem orare, secundum **863** hominem tristem esse, secundum hominem dixisse : « Pater meus, si possibile est. » Quod utique non impossibile Deo, sed hominis est dubitare, Dei confirmare. Ideo promptiores assumpsit, quasi electos ultimi judicii sui testes, qui verborum ejus agnoscerent sacramentum. Denique alii dormiebant, isti soli fida mente vigilabant. Unde et per Jeremiam nondum suscepto corpore, ipse ait : « Ego sicut agnus

(6) Rom. edit., *Ego sicut agnus innocens ductus sum, ut sacrificarer; scilicet quo Græcum locum redderet, ubi legimus : Ἐγώ ὡς ἀρνίον ἀκαπνού ἀγόμενον*

**A** ductus sum (6), et nescivi (*Jerem.* xi, 19). » Quid est quod nesciat Sapientia Dei, quæ in arcano Patris semper est ? Et ideo enarravit omnia Filius Dei, quia Dei Patris ipse sapientia est. Quomodo præscivit se sicut agnum esse ducendum, et quod duceretur nescisse se dicit ? Aut quomodo in superioribus per os ipsius David ait : « Deus, Deus meus, respice in me : quare me dereliquisti (*Psal.* xxi, 2) ? » Quomodo derelinquitur a Patre Filius, qui ait : « Et non sum solus, quia Pater mecum est (*Joan.* xvi, 32) ? » Et alibi : « Traditus sum, et non egrediebar (*Psal.* lxxxvii, 9) ? » Et alibi : « Exsurrexi, et adhuc tecum sum (*Psal.* cxxxviii, 18) ? » nisi ut advertas quod hominum sensum exprimit, qui putant se a Domino suo, quando sunt in periculis, derelictos. Denique audi quod sequitur : « Longe, inquit, a salute mea, verba delictorum meorum (*Psal.* xxi, 2) ; » hoc est, alia verba sunt delictorum, alia sacramenta salutis æternæ. Non præjudicant verba virtuti : suis viribus substantia divina fulcitur. Homo videtur, homo auditur, Deus in operibus agnoscitur. Et tamen de hoc homine dictum est : « Et homo est et quis cognoscet eum (*Jerem.* xvii, 9) ? » Quid est, quis ? Non quoniam nemo, sed quo rarus, quo sapiens, sicut illud : « Quis ascendet in montem Domini (*Psal.* xxiii, 3) ? » — « Quis sapiens et intelliget ea (*Ose.* xiv, 10) ? » Denique alibi : « Vir insipiens non cognoscit ea, et stultus non intelligit hæc (*Psal.* xcii, 7). » Et tu ergo cum legis Evangelium, quasi sapiens et non stultus cognosce (7) quæ legis : illuminet te **C** Sapientiae fulgor æternæ. Verba quidem sunt, sed et ipsa mundant, et ipsa illuminant, et ipsa confirmant, et ipsa vivificant. Unde ait Petrus : « Domine, ad quem ibimus ? Verba vitæ æternæ habes (*Joan.* vi, 69), et non relinquemus te. »

17. Denique ut adverteremus, quod secundum hominem locutus esset, paulo post dixit : « Ecce appropinquat hora, ut Filius hominis tradatur in manus peccatorum (*Math.* xxvi, 45). » Et Judæus osculantur ait : « Juda, osculo Filium hominis tradis (*Luc.* xxii, 48) ! » hoc est, venenum infundis osculo, quo gratia charitatis infunditur : osculo quod sacræ pacis insigne est : osculo quo amicitia fida firmatur : osculo, quo fides sancta signatur ? Hoc ergo osculo tradis periculo, quem propter osculi commercium venerari deberes ? Et tradis Filium hominis homo, qui propter hominum salutem descendit de cœlo ? Sic enim scriptum est : « Filius hominis qui est in cœlo, ipse est qui descendit e cœlo (*Joan.* iii, 13). » Filium hominis tradis, qui te ex peccatore apostolum fecit : Filium hominis tradis, qui venit, ut in sanguine suo omnium peccata dilueret ? Ego osculum non nego : ipse videbis, qui violaveris osculi sanctitatem. An non legisti quod utiliora sunt vulnera amici, quam volun-

τοῦ θύεσθαι.

(7) Quinque mss., quasi sapiens et justus cognosce.

taria oscula inimici (*Prov. xxvi, 6*)? Nec immerito graviore telo tantæ dignationis percussus est Judas, quam si eum fulmine perculisset. Denique patientiam Domini ferre non potuit, **§64** qui majestatem prodidit, adeo ut sibi ipsi tanti sceleris reatus (8) non posset ablui. Itaque abiit, pecuniam refudit, hoc est, condemnavit avaritiam suam tantæ impietatis auctorem, pretium perfidiæ synagogæ reddidit. Non excusatur proditor, qui pœnitentiæ locum invenire non potuit, sed acervatur sacrilegium Judæorum, qui etiam proditoris vocibus arguuntur. Ille suum crimen agnovit dicens, quod tradiderit sanguinem justum: isti et pretium sceleris receperunt, et arioribus studiis justitiæ principem persecuti sunt. Ideo ad istorum omnium perpetuam condemnationem latro crucifixus absolutitur: quia ille Christum in suppliciis agnovit suis, quem isti in beneficiis non agnoverunt: et peccatum suum confessus est Christo, qui sciret ignorare, quia in cruce sua regnum Domini mente conspexit, quod in convivio Christi Judas videre non potuit. Ideo precationem latronis vox secuta est cœlestis hujusmodi: « Amen, amen, dico tibi, hodie mecum eris in paradyso (*Luc. xxiii, 45*). » Tripudiabas, draco, quod apostolum subtraxeras Christo: plus amisisti quam sustulisti, qui latronem vides in paradysum esse translatum. Nemo est qui possit excludi, quando receptus est latro, minister tuus et eo pervenit, unde ipse dejectus es.

18. Subteximus ista propter illum versiculum, quia dixit: « Ut faciam voluntatem tuam: Deus meus. volui » hoc est, divinitatis mihi tecum, Pater, una voluntas est. Et quia una voluntas, una substantia est, quia et inseparabilis majestas, et potentia Trinitatis. Sed alia vox carnis, et tamen ad voluntatem Dei et ipsa consensit dicens: « Non quod ego volo, sed quod tu vis (*Marc. xiv, 36*). » Et alibi: « Si non potest hoc transire, nisi illud bibam, fiat voluntas tua (*Matth. xxvi, 42*). » Communis affectus est mortem timere, quam suscepit Christus; ut crucifigeret, sicut crucifixit, et carnem; mihi enim est luctatus, ut mihi vinceret. Etsi caro Christi fortis, nec peccato obnoxia tamen peccata suscepit: infirmitates suscepit, etsi nihil habuit quod doleret. Denique audi dicentem, « quia pro nobis dolet (*Isa. LIII, 4*)... » « donec ejiciat in veritate judicium (*Isa. XLII, 4*). » Non enim alteram carnem, sed hanc suscepit: ut Apostolus docet dicens: « Oportet enim corruptibile hoc induere incorruptionem, et mortale hoc immortalitatem (*I Cor. xv, 53*). » Etsi de Virgine natus est et Spiritu sancto, tamen hominis est filius; quia homo Virgo. Et ideo quod natum est ex carne, caro est; et qui natus est de homine,

(8) Sic edit. et mss. Vict. et Colb., nisi quod hi legunt..., tanti sceleris reus, etc. Rom. edit., cuius majestatem prodidit, ut sibi tanti sceleris reatus posset ablui: sed abiit, etc. Totum vero locum cod. quinque Gallic. ita exhibent: *Quo in maiorem reatum prodii: adeo ut sibi ipsi* (quatuor, ut

**A** homo dicitur, mediator Dei et hominum, homo Christus Jesus.

19. Propterea incorruptibilis suscepit hanc carnem, ut faceret incorruptibilem: et immortalis, ut faceret immortalalem. Si quis ergo eum sequitur, induet immortalitatem. Si quis voluntatem ejus facit, non morietur in æternum; sed dicit ei Christus: « Hodie mecum eris in paradyso (*Luc. xxiii, 43*). » Quid est, hodie? Hoc est, de nocte transisti, mecum eris in lumine. Noli tenebras formidare, quem æterna lux suscepit. Pulchre etiam subjunxit: « Mecum eris in paradyso; » hoc est, noli dubitare de carne, et me in carne vidisti: noli timere, ne et tu cadas de **§65** paradyso, sicut cecidit Adam; sed audi quia mecum eris, quo præsente, cadere non possis. Cecidit caro in paradyso, antequam susciperetur a Christo. Ibi eris susceptus, ubi et ille qui suscepit; qui non mentitus est dicens: « Volo ut ubi ego sum, et illi sint mecum (*Joan. xvii, 24*). » Non recedet pastor a gregibus suis, licet jam lupum in paradyso timere non possis, cui dictum est: « Videbam Satanam sicut fulgur de cœlo cadentem (*Luc. x, 18*). » Ideo ante consummationem adversarius dejicitur in incendium, catenis quoque perpetuis alligatur; ut tu jam nullas insidias pertimescas.

20. Et Adam ut caderet, a serpente deceptus est, et flexus est ab uxore. Ideo jam nullæ in paradyso nuptiæ, sed omnes erunt sine celebritatibus nuptiarum, sicut angeli in cœlo. Non dixerat Adæ: « Mecum eris; » quia sciebat illum esse casurum, ut redimeretur a Christo. Felix ruina, quæ reparatur in melius. Ideo jam pius pastor, bonus negotiator gregem suum, et mercem propriam non reliquit. Erit quidem et adhuc in paradyso cum angelis pugna serpenti, dones dejiciatur: sed qui cum Christo est, timere non poterit. Adam cum Christo non fuit, quando deceptus est. Nam si cum Christo fuisset, et in ejus præceptione permanisset, perire utique non potuisset (9). Non mansit in Christo, quia non in ejus sermone permanxit. Denique audi, qui maneat in Christo. « Si manseritis, inquit, in me et verba mea in vobis manserint; quodcumque volueritis, petetis; et fiet vobis (*Joan. xv, 7*). » Et infra: « Si præcepta mea servaveritis, manebitis in mea dilectione (*Ibid., 10*). » Vis scire, quia cum Christo Adam non erat? Dixit ei Dominus: « Adam, ubi es (*Gen. III, 9*)? » Qui utique quasi absentem requirit, non diceret: « Ubi es? » si eum in se manere cognosceret. Sed quis eum absentem fecerit, audiamus. « Absconderunt se, inquit, ambo a facie Domini (*Ibid. 8*). » Omnes videt Christus: sed qui se abscondit, absconditur; quoniam qui ignorat, ignoratur. Cognoscit enim eos

*sibi ipsi a Deo) tanti sceleris reatus non posset ablui. Itaque abiit, pecuniam refutavit, hoc est contemptus avaritiam suam tantæ impietatis auctori pretium, etc.*

(9) Edit. ant. cum mss. Vict. et Colb., *deceptus non esset.*

Dominus qui sunt ipsius. Ille omnes suos vult esse, quos condidit et creavit. Utinam, tu homo, non fugias, et te ipse a Christo non abscondas! Ille etiam fugientes requirit, et absconditos non vult perire, sed clamat dicens: « Adam, ubi es? » Hoc est, homo, ubi es? Ego te in lumine posui, tu tenebras requisisti.

21. Denique in paradiſo, ubi semper matutinus erat dies, vesper est factus; quoniam omnia peccata tenebrosa sunt. Ideoque habes, quia audierunt vocem Domini Dei deambulantis ad vesperam in paradiſo (*Ibid.*, 8). Simul cognosce mysterium. Mane errasti: ad vesperam liberaberis. Quomodo enim vespera, ubi Christus est? Nam licet sedes ejus supra cœlum cœlorum, tamen in sanctis suis Christus est. Quomodo ergo vespera ubi Deus est, cum Deus lux sit? Denique Saulo in itinere lux refulſit, quando ei Christus occurrit. Unde etiam lumine Dei refulgente, cæcatus persecutor. Cur ergo cæcatus; nisi quia non agnoverat Christum? Nam si cognovisset lucis arbitrum, non amisisset lumen oculorum. Denique et ubi **866** agnovit, recepit. Indicio est quod non agnoverit Christum, qui audita voce: « Saule, Saule, quid me persequeris (*Act. ix*, 4)? » respondit: « Quis es, Domine (*Ibid.* 5)? » Non quæsisset quis esset, si cognovisset. Unde et Dominus quasi ignorantis dicit: « Ego sum Jesus Nazarenus, quem tu persequeris. Durum tibi est adversus stimulum calcitrare (*Ibid.* 5.). » Et ille dixit: « Dominus, quid me oportet facere (*Ibid.* 6.)? » Vide congruentia utrimque magisteria. Medicus minatur, ut corrigat; terret, ut curet: æger primo medici personam requirit, si sit idoneus a quo sanari se posse præsumat; ubi medicinæ audiuit auctorem, remedium poposcit, salutem inventit. Denique ab accedente non solum expulit cæcitatem (10): sed etiam lucem quam non habuerat, accepit; ut Christum videret, quem antea non viderat.

22. (Vers. 10, 11.) Sed videamus sequentia repetito tamen versiculo, de quo videtur esse tractatus (11): « Ecce venio, ut faciam voluntatem tuam: Deus meus, volui, et legem tuam in medio cordis mei. Bene nuntiavi justitiam tuam in Ecclesia magna: ecce labia mea non prohibeo, Domine, tu cognovisti. Justitiam tuam non abscondi in corde meo. » De superiore itaque versiculo intelligimus: Ecce venio non solum ut voluntatem tuam faciam, sed etiam legem tuam in medio cordis mei. Alii habent: « In medio ventris mei. » Est enim venter et mentis, qui semina con-

(10) Nonnulli mss., *accidentem expulit cæcitatem.*

(11) MSS. aliquot, *de duo videtur esse tractatum;* id est, qui versus jam videtur esse expositus; et certe multa jam in eum dicta sunt in superioribus. Melius tamen alii, atque edit.,... *esse tractatus:* Hoc est, qui videtur esse hujus tractatus argumentum. Namque ab ipso expositionis istius exordio hunc psalmum versari in explicando Christi Domi-

A cipit sensuum (12); de quo Isaías dixit: « In utero accepimus, et parturivimus spiritum salutis (*Isa. xxvi*, 18). » Hoc utero parturivit et Paulus, qui ait: « Filioli mei, quos ego parturio donec formetur Christus in vobis (*Galat. iv*, 19). » Christus ergo non in ventre corporeo, sed in animæ quodam ventre formatur. Hoc ventre Apostolus genuit, sicut scriptum est: « Ego vos per Evangelium genui (*I Cor. iv*, 15). » Ideo alii bene habent: « In medio cordis; » alii: « In medio ventris; » ut interioris hominis ventrem intelligas, qui in medio esse cordis accipitur: in quo naturalis legis præscripta servamus; quæ non solum custoditur, sed etiam fit in cordibus nostris. Unde scriptum est, quia « non solum auditores legis justi sunt apud Deum; sed etiam factores legis (13) iustificabuntur (*Rom. ii*, 13). » Sunt enim qui naturaliter ea quæ legis sunt, faciunt; sicut gentes quæ legem non audiunt et sibi lex sunt, qui cognita sibi legis præcepta conservant (14). Ergo quasi gentilis populi congregator, personam nostram suscepit hoc loco Christus; ut diceret facere se legem in medio cordis sui. Siquidem populus nationum legem quam non audivit, implevit; ut agnosceret Christum quem populus Judæorum qui legem acceperat, non recepit, nec cognoscendum putavit; quia scriptum est: « Agnovit bos possessorem suum, et asinus præsepe domini sui: Israel autem me non cognovit (*Isa. i*, 3). » Hic ergo credentium venter est, in quo Spiritus sanctus operatus est, et eum semine spiritali implere consuevit; sicut testificatur in C Evangelio Dominus Jesus, qui ait: « Qui credit in me, sicut dicit Scriptura, flumina de ventre ejus fluent aquæ vivæ (*Joan. vii*, 38). » Ex illo flumine ista sunt flumina, de quo legimus: « Fluminis impetus lætificat civitatem Dei (*Psal. xlvi*, 5). » De quibus ergo fluunt hujusmodi flumina spiritalia, **867** de his bene dicitur (*Psal. xcii*, 2 et 4): « Elevaverunt flumina, Domine, elevaverunt flumina vocem suam. Elevabunt flumina fluctus suos a voce aquarum, » spiritalium, quæ supra cœlos Deum laudant.

23. Qui elevaverit vocem suam, hic potest dicere: « Bene nuntiavit justitiam tuam in Ecclesia magna. » Quid est quod addidit, *magna*; nisi quia fuit ante non magna? Quæ est magna, nisi de totius orbis terrarum partibus congregata; quando ab oriente et occidente, septentrione et meridie populi gentium sunt vocati? Alibi tamen legimus magnam Ecclesiam: « Confitebor tibi, Domine, in Ecclesia magna: in populo gravi laudabo te

ni adventu affirmaverat Ambrosius.

(12) Vat. cod., qui semine concipit spiritum. Rom. edit., qui semine verbi concipit spiritum. Cæteri mss. ac edit. ut in contextu.

(13) Rom., sed factores legis.

(14) Codex Reg., et sibi, quia ex uno sunt cognita sibi legis præcepta, conferunt. Cui concinunt alii quatuor, præterquam in voce cognita, pro qua habent incognita.

(*Psalm. xxxiv*, 18). « Ibi ergo Ecclesia magna, ubi populus gravis; hoc est, non inquietus et mobilis, qui sedit manducare et bibere, et surrexit ludere. Gravis populus est qui fidem Deo suo servat, et qui non aliqua levitate mutetur: neque nutet et fluctuet, sed charitate sit fundatus in Christo, ut possit dicere: Confido enim, quia neque mors, neque gladius, neque tribulatio separare me possit a charitate Dei, quae est in Christo Jesu (*Rom. viii*, 38, 39).

24. Qui autem prædicat in Ecclesia magna, non abscondit justitiam Dei in corde suo; sed exaltat viribus vocem suam, annuntians Christum. Non timet eum coram populo prædicare, non erubescit crucem ejus, sed gloriatur in illa Domini passione. Non sequitur litteram legis, sed eruit profunda mysteria, quibus revelet Domini Jesu gloriam: quem lex significavit esse venturum ad Ecclesiam, **868** quæ magna est congreganda. Justitia igitur fides est. Denique « credidit Abraham Deo, et reputatum est ei ad justitiam (*Gen. xv, 6*). » Ecce labia mea non prohibeo, Domine, tu cognovisti. » Sic et alibi: « Tu cognovisti sessionem meam et resurrectionem meam (*Psalm. cxxxviii*, 2). »

25. Ad Patrem dicit (*Vers. 11*): « Justitiam meam

(15) Rom. edit., *Ecce corpus..... perfecisti mihi.*

**A** non abscondi in corde meo: veritatem tuam, et salutare tuum dixi. » Totus ex persona Christi psalmus iste est; ideo justitiam meam dicit: licet non arroganter et homo possit dicere justitiam suam, qui Deo credit, et fidem suam sibi reputari ad justitiam confitetur. Veritatem et misericordiam diligit, qui finem prædicat veram, et peccata dimittit. Ideo enim Christus advenit, ut fidem statueret, remissionem tribueret peccatorum.

26. (Vers. 15.) Et quia ex persona Salvatoris totum hunc esse diximus psalmum; ne forte dicant apollinaristæ: « Ecce corpus, dixit, præparasti mihi (15) (*Hebr. x*, 5), non etiam animam; audiant in inferioribus psalmis hujus dicentem: « Confundantur et revereantur simul, qui querunt animam meam, ut auferant eam. »

27. Hæc sunt quæ in hoc psalmo difficiliora arbitrii sumus: reliqua plana et facilia, nec indigentia interpretationis (16) existimavimus; cum si in Tractatum incident in alio psalmo in quo videntur esse repetita, rectius prosequemur favente Domino Jesu: cui est laus, honor, gloria, perpetuitas a sæculis, et nunc et semper, et in omnia sæcula sæculorum. Amen.

(16) MSS. Vict. et Colb. atque edit. vet.. *nec digna interpretationis*

## IN PSALMUM XL ENARRATIO.

1. (Vers. 1.) Bono ordine, qui in superiore Psalmo dixit: « Ecce venio (*Psalm. xxxix*, 9); » in hoc jam venit, et patitur: et ideo quadragesimus psalmus inscribitur, quia quadraginta diebus jejunavit Dominus Jesus, ut eo numero consumaret hominis qui perierat, perfectionem. Sicut enim per appetitiam interdicti fructus amiserat gratiam, ita per jejunium reparari ejus virtutem oportuit; ut qui perierat in Adam, repararetur in Christo. Ideo ergo, « in finem; » quia ipse finis est spei nostræ, ad ipsum studia nostra dirigimus, ad ipsum vota nostra conferimus; quia ipse est plenitudo, ipse est consummatio universorum, ipse omnium summa virtutum. Ideo, *ipsi David*; quasi ei qui solus ex omnibus in sua carne nostra peccata suscepit, qui solus Dei Agnus peccatum totius mundi abstulit, qui solus chirographum decreti, sanguinis sui effusione delevit, et tulit de medio, atque suffixit cruci: quasi sapientia sciens quomodo vetus peccatum mundi solveret: quasi redemptio, quomodo hominem renovaret a culpa: quasi sanctificatio, quomodo eum sanctificaret ad gratiam. Hic ergo titulus, hoc principium.

2. (Vers. 2.). « Beatus qui intelligit super ege-

**C** num et pauperem. » Aperi aures tuas, qui incipis sacramenta Dominicæ cognoscere passionis. Ideo tibi dicitur: « Qui habet aures audiendi, audiat (*Luc. viii*, 8). » Ideo surdo illi et muto aures et labia tetigit Dominus in Evangelio (*Marc. vii*, 33); ut sciret quid audiret in mysterio, quid etiam loqueretur, et quando loqueretur. Neque enim otiose scriptum est: « Dominus mihi dedit linguam eruditionis, ut scirem quando oporteat sermonem dicere (*Isa. i*, 4). » Scire ergo debes quid audias, scire quid loqui debebas, scire etiam quando loqui debebas.

3. Audi ergo dicentem: « Beatus qui intelligit super egenum et pauperem. » Beatus quidem qui compatitur pauperi, qui haurit ejus necessitates, scit quid mali inopia afferat indigenti: sed quid sibi vult istud exordium in Domini passione? Verum est quidem quod propter pauperes passus est, sed tamen ipse corripuit Judam dicentem de illo unguento, quod effuderat Maria super pedes Christi: « Potuit hoc venumdari trecentis denariis, et dari pauperibus (*Marc. xiv*, 5). » Idem et ceteri apostoli senserant, sed alio affectu: ille per avaritiam, isti per misericordiam, Judas enim furto

prospiciebat, discipuli pauperum alimoniæ consu-lebant. Quibus in commune respondit : « Sinite illam, ut in die sepulturæ meæ servet illud. Pauperes enim semper habetis vobiscum, me autem non semper (*Joan. XII, 7, 8*). »

4. Ergo aliud intelligendus est hic beatus, qui intelligit super pauperem. Hic de fide dicit, alibi de misericordia. Prior ergo fides, secunda misericordia. Cum fide, pretiosa misericordia : sine fide, nuda, sine fide, instabilis. Fides enim virtutum omnium stabile fundamentum est. Beatus ergo qui intelligit super Christi inopiam et paupertatem, qui propter nos pauper factus est, cum dives esset : dives in regno, pauper in carne, quia suscepit hanc pauperum carnem. Pauperes enim facti sumus nimis, qui virtutum exuvias pretiosas fraude serpentis amisimus, exclusi de paradyso, ejecti de patria, in exsiliū relegati, ipso quoque nudati corporis integumento, quod antea virtutum **869** septa muniebant, postea delicta nudarunt. Si ergo egenus et pauper in carne, utique egenus et pauper in carnis istius passione. Non ergo in divitiis suis, sed in nostra passus est paupertate. Ideoque non plenitudo divinitatis, quæ in illo corporaliter habitat, ut Scriptura testatur (*Coloss. II, 9*), sed caro passa est. Hoc intellige, hoc perse-quere, id tene, ne dicatur tibi : Noluit intelligere super mendicum et pauperem. Nam si hic dubitas, certe in illo psalmo qui adversus proditionem Judæ ex persona dicitur Salvatoris, de illo versiculo du-bitare non poteris, in quo ait : « Et persecutus est hominem inopem et mendicum (*Psal. CVIII, 17*). » Intellige ergo in paupertatem Christi, ut dives sis, intellige ergo in infirmitatem ejus, ut accipias sanitatem ; intellige in crux ejus, ut non erubes-cas ; intellige in vulnus ejus, ut vulnera tua cures, intellige in mortem ejus, ut acquiras vitam æternam ; intellige in sepulturam ejus, ut invenias re-surrectionem.

5. Sed forte dicas : Quomodo dives in paupertate Christus ? Etsi mihi ingenium deficiat, tamen non deficiunt divinarum subsidia lectionum ; cum dixerit Apostolus : « Quoniam Dominus Jesus pauper factus est, cum dives esset ; ut vos ejus inopia ditaremini (*II Cor. VIII, 9*). » Quæ ergo ista pau-pertas, quæ divites facit ? Consideremus eam, intendamus in ipsum venerabile Sacramentum. Quid **D** purius potest eo esse atque simplicius ? Non tau-rino quisquam perfunditur sanguine (17), ut sacra

(17) Innuere videtur fœdum illud sacrificium, quo apud Romanos pontifex maximus, ut ex Prudentio *Perist. hymn. 10* discere est, consecrabatur. Ejus autem erant hujusmodi cæremoniæ : Cum terra in altam scrobem egesta esset, eo futurus pontifex demittebatur vittis atque infulis exornatus : mox tabulato innumeris foraminibus tere-brato scrobs tegebatur : deinde taurus ibi jugula-batur, cuius sanguis ubertim per tabularum mea-tus defluebat :

Defossus intus quem sacerdos excipit,  
Guttas ad omnes turpe subjectans caput,

**A** dicuntur habere gentilium : non hircorum atque arietum cruore peccator lavatur (neque enim quisquam ita purificatur ; caro enim lavatur, non culpa diluitur), sed exiet, inquit (*Isa. XII, 3*), aqua cum delectatione de fontibus Salvatoris : et paratur in conspectu tuo mensa cœlestis : et poculum ine-brians quam præclarum est (*Psal. XXII, 5*) ! Hæ sunt divitiæ simplicitatis, in quibus est Christi pretiosa paupertas. Est et in moribus paupertas bona ; unde et Dominus dixit : « Beati pauperes spiritu (*Matth. V, 3*). » Et in Psalmis invenimus quia Dominus humiles spiritu salvabit (*Psal. XXXIII, 19*). Est et in collatione (18) tenui paupertas abundans, si abundet fides. Unde Apostolus ait : « Et profunda paupertas eorum abundavit in divitiis simplicitatis eorum (*II Cor. VIII, 2*). »

**B** 6. Ut autem et ex aliis vocibus ejus intelligamus, quia ipse se pauperem dixit, habemus alibi scri-ptum : « Pauper et dolens ego sum (*Psal. LXVIII, 30*) », hoc est, quia pro nobis dolet, ut legimus (*Isa. LIII, 4*), neque enim in se habuit quod doleret. Sicut ergo pro nobis dolet, ut Isaias interpretatus est, qui eum vidit in spiritu : pro nobis utique tri-stis erat, juxta quod animam suam tristem appellavit usque ad mortem, tamen non propter mor-tem : et carnem dixit infirmam, quæ mortis subja-cuit infirmitati, ut aculeum mortis infringeret, quo nos in die judicii liberaret, quam non perfunctio-ne malam dixit.

7. (Vers. 2.) Sic enim subtexuit : « In die mala liberabit eum Dominus, » quoniam amara videtur, **C** quæ plures **870** adjudicat pœnæ. Via enim virtutis angusta est, lata delicti, ideo rariores in virtute ambulant, plures in flagitio versantur. Quo fit ut inferior eorum sit numerus, qui præmia remune-rationis accipient, quam qui ob pretium gravium peccatorum sortem adversam judicii reportabunt. Quasi dolens igitur dixit malam judicii diem. Nam si angeli in unius peccatoris absolutione lætantur, quanto magis homines in tantorum condemnatione hominum macerabuntur ! Et bene dolet pro ea ove, quam humeris suis ipse reportavit, et ad ovile suum revocavit errantem. Affectu nostro lo-quitur Dei Filius, quia nobis dies judicii acerba est, quam timemus. Omnibus mala videtur, quia plena terroris est : qua Deus non solum forensia hominis, sed etiam occulta dijudicat : qua cogitur unusquisque aperire quod fecit, aut quod sensit. Ideoque multi damnantur, pauci coronantur. Sed

Et veste et omne putrefactus corpore.  
Quin os supinat, obvias offert genas,  
Supponit aures ; labra, nares objicit ;  
Nec jam palato parcit, et linguam rigat,  
Donec cruorem totus atrum combibat.

Postremo eductus inde bellus pontifex eminus adorabatur a populo. Quæ omnia fuse ac eleganter describit loco citato Prudentius.

(18) *Collatio* : hic idem est, ac pecuniae collectio-  
e rogatio.

etiam ipsi qui coronantur, dolebunt, justi enim coronabuntur : justus autem quasi suam putat fratris ærumnam. Et quis ego sum qui de illa judicem, qua homo angelorum conciliis inseretur ? Ipsius Domini audiamus sententiam : « Veniet, inquit, hora, in qua omnes qui in monumentis sunt, audient vocem Filii hominis ; et procedent qui bona fecerunt, in resurrectionem vitæ : qui vero mala egerunt, in resurrectionem judicii (*Joan.* v, 28 et 29). » Judicabuntur ergo qui mala egerunt : et ideo mala dies et aspera ab ipso judice nuncupatur; ut scias quia ipse nobis compatitur in Evangelio, qui compassus est in prophetis.

8. Sed etiam sic possumus accipere : « In die mala, » hoc est, in tempore malo ; mundus enim in malo positus est. Et idem mali dies istius mundi, et abundat diei malitia sua. Non mediocre est, ut hic liberemur ab insidiis peccatoris. Qui fuerit hic liber a crimen, ibi erit liber a poena, et severitatem judicii subire non poterit.

9. (Vers. 3.) Et ideo votis opus est et precibus quotidianis, et advocatione Principis sacerdotum (19), de quo dicit Joannes Evangelista : « Advocatum habemus apud Patrem Dominum Jesum, et ipse est deprecatio pro peccatis nostris (*I Joan.* ii, 1, 2). » Hic ergo advocatus noster, et deprecatio pro peccatis totius saeculi orat pro eo qui intelligit et credit in Christum, et dicit : « Dominus conservet eum, et vivifiet eum, et beatum faciat eum. » Conseruet a periculis, vivifiet tanquam in mortis tenebris constitutum, beatum facere bonorum operum accessione dignetur.

10. « Et emundet, inquit, in terra vitam ejus (20). Bene addidit, in terra ; quia nisi hic mundatus fuerit, ibi mundus esse non poterit. Vel certe modo : « Emundet in terra. » Quomodo enim quis mundus in luto ; cum terra eum obliniat ? Ergo Domini manus est necessaria, quæ fecit de terra corpus ; ut ipsa mundare dignetur.

**871** 11. (Vers. 3.) « Et non tradat eum in manus inimici ejus (20). » Quis est inimicus ; nisi leo ille qui circuit rugiens, quærens quem devoret ? Alii habent Græci : « Et non tradat eum in animas inimicorum ejus. » Animas pro manibus posuit, eo quod inimicorum animæ bonis insidentur, et cogitationibus suis justum conentur evertere. Dicuntur et animæ pro hominibus. « Omnes animæ septuaginta, quæ descenderunt in Ægyptum (*Gen.* XLVI, 27), » Ideo et David maluit Dei se committere potestati, quam insidiis inimicorum, qui parcere sua voluntate nescirent.

12. (Vers. 4.) Sequitur : « Dominus ope in ferat illi supra lectum doloris ejus : universum stratum

(19) Rom. edit. sola, *Pontificis magni.... et ipse est propitiatio pro peccatis*. Haud dubie quia allusum putarunt ad illud Hebr. iv, 14 : « Εγοντες οὖν ἀρχιερέα μέγαν ; et ad istud *Joan.* ii, 2 : Καὶ αὐτος, θλασμὸς ἐστι περὶ τῶν ἀμαρτιῶν ἡμῶν. Verumtamen nihil est, cur propterea versionem Ambrosii existemus immutandam.

A ejus versasti in infirmitate ejus. » Quis est lectus doloris, nisi caro infirmitatis ? Et bene lectus doloris, quia corpus est mortis, de quo se liberari deprecatur Apostolus (*Rom.* VII, 24), ut tanquam de tumulo quodam possit adsurgere, in quo ægra jacet anima, et quasi quodam decumbit in lectulo. Symmachus, « lectum miseriæ » dixit : Aquila, « grabatum miseriæ : » expressius Septuaginta viri, « lectum doloris, » putaverunt esse dicendum. His ergo versiculis utendum est apud eos qui diutius infirmitate corporis detinentur, ut habeant medicinam Dei, qua sani esse mereantur. Lectus ergo animæ caro infirma est, cujus ægritudini anima nostra compatitur, quæ si habeat adjutorem Dominum, dicit ei : « Surge, tolle lectum tuum, et vade in domum tuam (*Luc.* v, 24). » Quo confortatus B Dei verbo qui æger erat, surgit et tollit lectum suum in quo jacebat, et reddit in statum pristinum sanitatis. Hoc est in domum suam regredi, ut habitet in domicilio robustissimæ valetudinis. Qui habitat, regit : qui regit, virtutis habet sibi gratiam suffragantem. Sed etiam stratum omnem versat Dominus in infirmitate languentis, cui adesse dignatur. Quod versatur, statum mutat, aut ex sanitatem in ægritudinem, aut ex ægritudine ad sanitatem. Hic ergo qui ægrotat, versat se ad remedium sanitatis.

13. Sic ergo Dominus Jesus, etsi vulneratus est propter peccata nostra, tamen non in illa infirmitate permansit, sed se ipse versavit in melius ad universorum salutem. Itaque passione infirmitas

C est soluta, mors resurrectione. Sicut ergo se ipse versavit ad populorum redemptionem, nec sensit aculeum mortis, aut vulneris infirmitatem : sic eum qui in se credit, etsi graviter ægrotantem, ut a morte liberet, versat ad vitam. Omnem ergo stratum, hoc est, universorum hominum infirmitatem in sua infirmitate versavit. Suscepit enim infirmitates omnium in sua carne, erexit se in cruce, et versavit omnium infirmitates in sui corporis infirmitate. Unde dicit Isaïas : « Livore ejus nos sanati sumus (*Isa.* LIII, 5). » Habent hoc luctatores, ut se subjiciant iis quibus congrediventur atque luctantur, ut opprimenti posse videantur, et subito cum superati æstimantur elidunt, et quadam arte (21) se versant, ut effundant superiorem. Cudit qui portabatur, et is qui portabat, superior inventur, ut sternat urgentem. Spiritali itaque palestra Dominus Jesus onera nostra suscipiens in illa se passionis suæ congreessione subjicit, et in infirmitatis specie, ut eum adversarius hominem parem cæteris judicaret, quem facile posset opprimere, divinitatis arma depositus, humanitatis **872**

(20) Habentur ea verba in Psalt. mss. Germ. et Carn. necnon Rom. edito an. 1583 ; in omnibus autem aliis desiderantur.

(21) Ita cod. Vat. et quatuor Gallic. Alii vero, edit., cum æstimatur elidi ; Rom., elisi, quadam arte, etc.

tegmen assumpsit. Securus victoriae propius tentator accessit: in costa eum telo militis voluit vulnerare, reputans et hunc sicut Adam per costam posse prosterni. Sed vulneratus latere Dominus Jesus vitam produxit e vulnera, evacuavit omne peccatum, dejeçit adversarium, cui mortem latronis eripuit, et in illa sui corporis sepultura cum aestimaretur oppressus, elius sua se virtute versavit, cecidit adversarius, Dominus resurrexit.

14. (Vers. 5.) Sequitur : « Ergo dixi : Domine, miserere mei : sana animam meam, quia peccavi tibi. » Potest et ex persona regis David hoc dici, qui videns in spiritu tantam victoriam et gratiam Christi, petit ut in illa remissione peccatorum omnium et sui misereatur; quoniam ipse, etsi legibus, quasi rex, non teneretur humanis, Deo tamen obnoxium se pro peccatis suis esse cognoscit. Confitetur ergo peccatum suum; ut accipiat remissionem, et generalis indulgentiae munus inveniat. Potest, et ex persona Salvatoris hoc exprimi, qui nobis misericordiam Dei postulat, et peccasse se dixit, quia pro nobis peccatum factus est. Simul nos docet cum in aliquo sumus adversus inimicos Dei certamine constituti, ut Dei imploremus auxilium: ipsi peccata nostra fateamur, et tunc maxime cum urgemur et terimur, cum dolore et amaritudine nos prosternamus, ne tacuisse videamur; quo medicina citius nostris vulneribus deferatur, ut sanati adversario resistamus. Quomodo enim potest congregari vulneratus? Unde discimus quia peccatorum nostrorum aculeis vulneramur? Vulnus medicum querit, medicus confessionem C exigit.

15. (Vers. 6.) Hinc quoque magis ac magis apprire Salvator sacramentum suæ incipit passionis, quod cum Evangelio concordare non dubium est. Nam maledicebant ei Judæi, mortem ejus expetebant, insidibantur, urgebant, crescentem quotidie gloriam ejus operis non ferentes. Hoc ergo prophetia annuntiat, quod in Evangelio completum est: « Inimici mei dixerunt mala mihi : Quando morietur, et peribit nomen ejus? » Amentes qui vitæ auctorem mori posse credebant: sed vota eorum Ecclesia destruebat, credens quod etiam mortuus secundum corporis conditionem suum nomen augeret; et ideo psallebat ei dicens: « Memor ero nominis tui in omni generatione et generationem (Psal. XLIV, 18). » Repetebat: « Unguentum exinanitum est nomen tuum (Cant. 1, 2). » Morientur illi, qui te mori posse presumunt: non

(22) Rom. edit. sola, *de novis paradisi sedibus reformavit*. Magis commode, *de nobis*; cum hic sensus elici ex istis verbis posse videatur: Christus in paradisi sedibus regnum suum de nobis reformavit, quod nimirum perduellum angelorum casu fuerat quodammodo deformatum.

(23) Eadem edit. Rom., *Et ingrediebatur ut vide-ret*: in quo non solum cum omnibus omnium idiomatum Psalteriis convenit, sed etiam cum ipsomet Ambrosio infra: *Ingediebatur ergo Judas, etc.*

A moriar ego, quæ te novi vitæ arbitrum, salutis auctorem. Novimus enim quod tempore passionis et resurrectionis orabant discipuli congregati: quando eis Maria Magdalena resurrexisse Dominum nuntiavit, et quando eis, clausa janua, Dominus se in corpore resurrectionis ostendit, quando Thomas vulnera ejus vidit, et credidit. Insultabant ergo Judæi quasi mortuo, sed Dominus viventem se apostolis revelabat. Cum ergo dicerent Judæi: « Ecce mundus totus post eum abiit (Joan. XII, 19); » cum dicerent quia mirabilibus operibus suis seducit populum; quid aliud dicebant, nisi: « Quando morietur, » et peribit nomen ejus? Et ideo in ejus passione clamabant: « Tolle, tolle a terra talem hunc: crucifigatur, crucifigatur (Joan. XIX, 15). » Factum est quod 873 petebant, sublatus a terra est, resurrexit, ad cœlum ascendit, et regnum suum de nobis paradisi sedibus reformavit (22).

B 16. (Vers. 7.) De Juda quoque proditore evidens prophetia subtextitur in his versiculis, qui sequuntur: « Et egrediebatur ut videret (23), vana locutus: cor ejus congregavit iniquitatem sibi. Egrediebatur foras, et loquebatur. » Sic distinctum Græcis in codicibus invenimus. Ingrediebatur ergo Judas quærens prodere Salvatorem, ut videret quid ageret, quidve loqueretur; ut eum caperet in sermone, et Judæis annuntiaret: sed nihil inveniebat, qui nihil intelligebat. Bene ait Scriptura (Joan. XIII) quia intus cum Jesu non erat (24), qui de doctrina ejus recesserat, et institutiones ejus reliquerat. Volebat intrare, sed penetrare non poterat; quia eum sua excludebat perfidia. Omnis enim impudicus, aut avarus, aut immundus (quod est idolorum servitus) non habet hereditatem in regno Christi et Dei. Non solum ergo ingredi molebatur, et non ingrediebatur; sed etiam volebat videre, et non videbat. Denique loquebatur Jesus in parabolis, sed non audiebat Judas. Denique divina non videbat mysteria; non enim omnes audiunt verbum Dei, qui sibi videntur audire. Nam si omnes audirent, non diceret Jesus: « Qui habet aures audiendi, audiat (Luc. VIII). » Et ideo quia non audiebat, neque videre poterat, loquebatur vana pro veris, et putabat quod Jesum falleret dicens: « Potuit hoc venundari, et dari pauperibus (Matth. XXVI, 9); » cum furtis suis, non pauperibus provideret, appellans rabbi. Nam quomodo doctorem appellabat a cuius (25) magisterio deviabat; cujusque cor (in quod se immerserat diabolus) congregabat sibi et augebat iniquitates?

C D sed ab omnibus ejusdem Patris mss. atque edit. recedit. Quod vero post, *et loquebatur*, addit, *in id ipsum*: in hoc neque cum mss. et aliis edit. neque cum ipsa orationis serie satis congruit.

E (24) MSS. Vict. et Colb., *quia intus eum Jesus novaverat*.

F (25) Edit. omnes ac mss. aliquot, *appellans rabbi atque doctorem, a cuius*, etc. Elegantius cod. Vat. cum plerisque Gallic. ut in textu.

Sibi enim erat iniquus, sibi injustus, sibi delinquebat, qui intra se dolum meditabatur, qui latere non poterat. Non enim circumveniebatur Jesus, qui prodebat volens, et testificabatur : « Unus ex vobis me tradet (*Joan. XIII, 21*). » Denique confessus est Judas, dicens : « Numquid ego sum, rabbi (*Matth. XXVI, 25*) ? » Et Dominus ait : « Tu dixisti (*Ibid.*) » Nec sic intellexit Judas quod cognosceretur. Nam si intellexisset, non prodidisset.

17. Sed nihilominus, « et egrediebatur foras, et loquebatur. » Aptus versiculus adversum eos qui secretum alicujus produnt. Pulchre ait : « Egrediebatur foras ; » foris enim lupi, foris prædones : intus Moyses in nube cum Jesu, foris Judæi : intus Zacharias sacerdos in templo, foris multitudo : intus spiritus sanctus in cordibus nostris clamat ad Patrem, foris adversarius noster sicut leo pevigilat ad rapinam : foris infideles, intus fideles. Et ideo eos qui foris sunt, judicabit Deus : eos autem qui intus sunt, Christus absolvit. Egrediebatur igitur Judas et loquebatur. Egrediebatur de fide; egrediebatur de concilio et numero apostolorum; egrediebatur de convivio Christi ad latrocinium diaboli; egrediebatur de gratia sanctificationis ad laqueum mortis, qui vana ad perfidos loquebatur; egrediebatur foras, qui vitæ æternæ mysteria relinquebat; egrediebatur, qui Scripturæ interiora non noverat. Si **874** enim scisset, intellexisset dicentem : « Numquid qui dormit, non adjicit ut resurgat ? » Intellexisset etiam illud : « Tu vero homo unanimis, dux meus et notus meus, qui semper mecum dulces capiebas cibos, in domo Domini ambulavimus cum consensu (*Psalm. LIV, 14, 15*). » Non intellexit ergo hunc Psalmum, non centesimum atque octavum, non alios, non alia testimonia Scripturarum. De quo bene evangelista dicit Joannes, et cæteris infidelibus : « Ex nobis exierunt, sed non erant ex nobis. Si enim ex nobis fuissent, nobiscum mansissent (*I Joan. II, 19*). »

48. (Vers. 8.) Non manebat ergo cum apostolis proditor, qui foras exibat, et cum perfidis susurrabat. Quo verbo usa est Scriptura divina, demonstrans sine auctoritate esse persidiam, quæ timet quod loquitur deprehendi. Fideli autem dicitur : « Exalta viribus vocem tuam (*Isa. LVIII, 4*). » En quo deciderat apostolus Judas, qui missus erat fidem gentibus pleno auctoritatis præconio prædicare; ut in aurem insurraret insidiatoribus magistri sui, quod timeret audiri. Nonne judicio suo se ipse damnavit ? Sed erubescet audiri, quod facere non timebat; erubescet; quia adversus vitæ suæ, sanctificationis, et honoris auctorem cogitabat mala : nec gratiam beneficiis rependebat, sed mala pro bonis bono referebat magistro; quod etiam sæculi homines damnare consueverunt: eru-

A bescebat ingratus deprehendi, erubescet avarus videri; cum pro pecunia auctoris sui salutem præderet : erubescet videri perfidus. Similiter et Judæi qui adversus fidei magistrum falsos testes perfidi subornabant, ut dicerent eo quod prædictasset templum Dei quod Salomon condidit, destruendum; cum ille de templo sui corporis significasset : « Solvite hoc templum, et in triduo suscitabo illud (*Joan. II, 19*) ; » vere foris erant, quia cognitione Verbi cœlestis erant exclusi.

19. (Vers. 9.) « Verbum, inquit, iniquum proposuerunt adversum me, » id est, illicitum, et contra jus et fas sermonem proposuerunt, mihi facientes de humano sanguine pactiones, quem sceleratissime vendidit Judas : Judæi quoque emendum non minore scelere crediderunt, vanissimi homines; quasi « qui dormit, inquit, non adjiciat ut resurgat (*Ibid.*). » Quid sit adjectio, consideramus.

20. Naturale est omnibus terrenis animantibus, et volatilibus cœli, et piscibus maris nasci et mori; homini vero quem pretiosiorem cæteris terræ animantibus Deus fecerat, hanc præcipue contulit gratiam, ut mortuus reviviscat. Hæc ergo adjectio dicitur, ad renovationem vitæ superioris. Denique et Ezechiae regi cum præscripsisset Dominus, quod vitæ suæ tempus implesset : et per Isaiam mandasset, ut ordinaret domum suam; quia moriturus esset atque ille orasset ad Dominum, et flevisset fletu magno; misertus Dominus mandavit ei : « Ecce adjicio ad tempus tuum annos quindecim (*Isa. XXXVIII, 5*). » Et alibi sanctus David ait : « Dies super dies regis adjicies annos ejus (*Psalm. LX, 7*). » Inventum ergo homini quod addatur : Deo autem addi nihil potest; quia scriptum est : « Non est adjicere, neque minuere, **875** in quo perfecta et plena sunt omnia (*Ecclesiastes XVIII, 5*). » Etsi Christus resurrexit, utique in eo quod assumperat, resurrexit, in quo plenitudini divinitatis ejus nihil vel decadere potuit, vel accedere. Deus enim incorporeus et immortalis est, cuius summa natura, et plenitudo virtutum sine ulla carnis accessione signatur. Caro autem dispensationis in Christo est, quam miserationis titulo, et pietatis jure suscepit; ut captivam redimeret, ablueret contaminatam, mortuam resuscitaret. Et pulchre ait : « Numquid qui dormit, non adjicit ut resurgat ? » Non dixit, non adjicitur; sed, « non adjicit ut resurgat ; » eo quod ipse se Dei Filius resuscitavit; sicut supra diximus dixisse eum Judæis : « Solvite hoc templum, et in triduo excitabo illud (*Joan. II, 19*). » Adjectionem accepit caro, quasi sumpta de homine, suscepta de Virgine; sed quasi Deus adjectionem ipsam operatus est, qui virtute propria resurrexit, ut esset sue resurrectionis operator. Ut autem intelligas quod (26) et Pater Fi-

(26) Sic mss. Vat. et quatuor Gall. Edit. autem, *Cum igitur legas quod*, etc., quibus suffragatur Reg. cod., nisi quod vocem *igitur* non agnoscit.

At Colb. et Vict. ita legunt, *in quo ipsum legas quod*, etc.

lium, et Filius ipse se resuscitaverit, agnosce operationem illam divinæ fuisse virtutis; quia Patri et Filio una virtus, communis operatio; quandoquidem una atque eadem substantia Trinitatis est

24. (Vers. 10.) Sed quid ego cæteros arguo (dicit Dominus Jesus)? quid mirum si populus me non cognovit, et cruci adjudicavit; cum apostolus meus mercedem prodictionis exegerit, cum conviva meus mortem meam vendiderit? « Etenim homo pacis mæ, in quem speravi, qui edebat panes meos, ampliavit super me supplantationem. » Aliqui Judam excusandum putant; quia refudit pecuniam quam pro mercede prodictionis acceperat (27); sed ecce quia ultra Judæorum condemnatur infidelitatem; cui enim plus datum est, plus exigitur ab eo. Quid, inquit, de aliis querar? « Homo pacis mæ, » cui pacem meam dederam, pacem meam relinquere volueram, persecutoribus deductis me tradidit, et fefellit me, « in quem speravi. » Numquid ignoravit proditorem sui futurum, de quo ante prædictum: « Unus ex vobis me tradet (Joan. XIII, 21)? » (Hoc autem dicebat de Juda, sicut scriptum est in Evangelio.) Non utique; sed quo amplius condemnaret eum, de fide ejus sperasse se dixit. Aquila, « confisus eram, » dixit: Symmachus posuit, « confidebam. » Plus enim gravamus eum in quo plurimum spei vel fiduciæ habuisse nos dicimus: si postea spem nostram opinionemque destituit.

22. Simul ostendit quanta vis divinæ sanctificationis sit, quæ excludat malitiam, et depravatum emendet ingenium; si forma propositi melioris accedat. Quantos scimus esse conversos? Mutatus est Zachæus ille publicanus, et ad quæstum avaro intentus affectu, qui postea quadrupla redhibitione solvit errorem, condemnavit in se avaritiam, temporis superioris abjuravit lucra, compensavit in pauperes, si deesset exactor. Latro ipse nequitiam suam proposito meliore mutavit, agnovit in cruce Christum, confessus est 876 Dei Filium, regem voce propria nuncupavit. Quo tempore justi plerique nutabant, ipsi certe latebant apostoli: carni-fex ipse centurio non negavit. Quid de tempore Evangelii loquor? Rahab meretrix erat, quæ perfidiæ atque intemperantiæ se alebat stipendiis: tamen ubi explorantes vident quos miserat Jesus Nave, fidem induit, et periculo imminentem, justitiam reservavit, nec susceptos prodidit, sed fidei humanitate protexit. Ideo ergo sperasse se dicit, quasi jure præsumpserit, ut apostolus superiora deponeret, meliora sequeretur (28), et qui sanctificandi alios munus acceperat, ipse in se sanctitatis

(27) Plures mss., *pro mercede emptionis acceperat.*

(28) Rom. edit., *anteriora sequeretur.*

(29) Manuscriptus aliquot, recordentur *contubernium habuisse*. Cæterum in confessu est olim non tantum apud Græcos ac Latinos, sed et apud Barbaros magna religione ac reverentia cultam esse mensæ atque conviviorum societatem. Etenim gentes fere omnes cum privata fœdera, tum publica

A gratiam custodiret, et sinceritatis inhæreret officiis. Bene, ait, « speravi, » quia homini dedit eligendi arbitrum, qui sequatur. « Posuit, inquit, ante te bonum et malum (Deut. xxx, 15). » Si malum elegeris, non natura delinquit, sed elegantis affectus. Si unusquisque hominum condemnatur qui malum elegerit: quid de Juda dicimus, qui prodiit eum cui copulabatur suavitate convivii?

23. « Qui edebat, inquit, panes meos, ampliavit super me supplantationem. » Quid est quod addidit. « panes meos? » Potuit dicere: Qui edebat panes mecum, nisi illam intelligas, quæ specialis est Christi, hoc est, verbi cœlestis alimoniam, « non enim in solo pane vivit homo, sed in omni verbo Dei (Matth. iv, 4). » Denique alibi dicit: « Qui semper mecum dulces capiebas cibos (Psal. LIV, 5). » Quibus versiculis bene utimur adversus eos qui necandos esse crediderint, cum quibus videntur epulati. Gentiles hoc custodire memorantur, hostes plerumque, latrones etiam; ut parcant iis cum quibus recordentur se iniisse convivium (29); fœtæ quoque ipse pabulorum societate mitescunt. Unde propter hujusmodi affectum gratiæ convivalis, si verba consideremus, non otiose dulces cibos dixit. Quomodo enim dulces, qui cito corrumpuntur? Sed vide ne dulces, cibos dixerit verba vitæ. Hos enim cibos nulla amaritudo corruptit, nulla mortis corruptela contaminat. Unde et semper dixit. Non enim semper edere quis poterat. Semper autem verbo Dei possumus inhærere, et noctibus et diebus, si in lege Dei die et nocte meditemur.

24. Quid est etiam *ampliavit*? Græcus ἀπεγάλυνε dixit, hoc est, magnificavit. Utrumque nobis exposuit Dominus quod movere nos posset, dicens in Evangelio: « Qui manducat mecum panem, levavit super me calcaneum (Joan. XIII, 18). » Unde assumptus hic sermo sit, consideremus. « Fui-mus, inquit, increduli errantes, servientes desi-deriis et voluptatibus (Tit. III, 3). » Fateamur errorem, ut diluamur. Et ego vidi aliquem puer athletam, cum elisisset adversarium, frontem ei percussisse calcaneo: quod signum fuit, eo quod insultaverit victo. Hoc est quod ait: « Magnifica-vit super me supplantationem; » quo verbo insul-tantis jactantiam declaravit. Levavit ergo et Judas D super Christum calcaneum suum, cum proderet eum; sed non levavit impune. Adhuc Adam calcaneum levat, quod a serpente est vulneratum. 877 Et utique ei pedes laverat Christus. Audierat dicen-tem: « Qui lotus est, non indiget, nisi ut pedes

per salis ac panis communionem jungebant: Jo-vem hospitalem mensæ præsidem et vindicem exi-stimabant: jurabant per mensam hospitalem; et si quis hospites atque οὐτραπέζους violasset, non modo ipse habebatur execrabilis, sed et ædes ubi hoc sceleris patratum esset, tanquam funesta, interdum habitatoribus desertæ remanebant. Vide Strukium, Ant. conviv. lib. I, cap. 3.

lavet; sed est mundus totus (*Joan. xiii, 10*). » Sed quod lavit gratia, inquinaverat perfidia. Judas ergo calcaneum levavit ad vulnus. Vere non tenuit caput, qui calcaneum super Christum levavit. Adam super se levavit, hic super Christum; et ideo eum serpens gravius quam cæteros vulneravit. Levavit calcaneum suum, qui fraudulentum osculum porrigebat, quo supplantaret auctorem; ideoque scriptum est in Propheta: « Ampliavit super me supplantationem. » Esau quoque ait de fratre suo: « Bis me jam supplantavit (*Gen. xxvii, 36*). » Qui supplantat, dolum facit, quo adversarium elidit, aut vulnerat. Ideo et Judas supplantasse dicitur; quia osculo suo vulnus infixit, quo invadendi Salvatoris signum persecutoribus demonstravit. Supplantavit ergo quasi serpens: quia serpens suo ore venenum infundit, et vulnerat dente calcaneum; et hic enim non divinitatem Christi, sed corporis extremum calcaneum vulneravit. Levavit etiam Judas calcaneum quasi luctator insolens et superbus in quo caput percuteret Salvatoris: sed caput Christi ferire non potuit: quia caput Christi Deus, Suum sane caput informis laquei nodo ligavit, ut remedium sibi salutis auferret.

25. Vide si pie potes illud aptare, quod in Genesi dixit sanctus patriarcha Jacob, cum de filiis prophetaret: « Dan judicabit populum suum tanquam unam tribum in Israel (*Gen. xlvi, 16*); » et: « Fiat Dan sicut serpens sedens in via, et in semita, mordens calcaneum equi: et cadet eques retrorsum, salutem exspectans a Domino (*Ibid. 17*). » Legimus quidem (*Judic. xiii, 25*) quod Samson de tribu Dan judex fuerit in Israel: sed alius hic significatur futurus, qui ex ea tribu progressus populum suppliciis sacrilegæ impietatis affliget. Antichristus ille, qui sedebit in templo tanquam sit Deus, vere judicium quod habet interpretatio; Dan enim judicium significatur. Et pulchre dixit, quia populum suum judicabit, qui perpetuæ pœnæ fiet obnoxius: qui enim non credit, jam judicatus est: qui autem credit, non judicabitur: quia credit in Dei Filium animæ suæ redemptorem. Et ideo tanquam judicii liber dicit: « Quid dijudicat me, Dominus est (*I Cor. iv, 4*). » Judicaturus est ergo populum impietatis, non plebem; illi enim judicantur qui cadunt ruina persidiæ, non qui resurgunt fidei libertate.

26. Sedebit igitur in via, et insidiabitur in semita, sicut serpens, ut vulneret transeuntes, et mordet equi nostri calcaneum; animam enim fideliū non poterit vulnerare. In qua autem via sedebit, et in qua semita, nisi ex quibus Christus Dominus, ut legimus, nationum populum vocavit ad cœnam suam dicens; « Exi in vias, et circa sepes, et compelle ut intrent: ut impleatur domus mea (*Luc. xiv, 23*). » Et quia similiter Judas amplificasse super Christum legitur supplantationem, videtur hoc loco ipse signari, quod mordere haberet calcaneum equi quo Christus Dominus vehebatur. Unde

**A** dictum est: « Equitatus tuus (*Habac. iii, 8*); » quod caro ejus mundi totius erat susceptura peccatum: ut salus pro exitio, et vita æterna pro morte succederet. Vulneratus est ergo equus non mendax solus ad salutem; vulneratus est equus, qui mundi totius peccata suscepit, et onera nostra portavit, et non **B** 878 fuit fatigatus: vulneratus est equus, qui ad furorem concubitus adhinnire nescivit. Et ideo fortassis Joanni evangelistæ cœlum apertum, et albus equus est demonstratus, super quem sedebat habens in capite diademata, et in femore suo nomen scriptum: « Rex regnum, et Dominus dominantium (*Apoc. xix, 16*). » Albus erat, quia erat immaculatus, qui nulla peccati inquinamenta cognoverat. Nam si libido tenebrosa est, recte sanctimonia relucet et splendet. Hic ergo equus est vulneratus, sed non retardatus. Denique cum ipso vulnere de tumulo resurrexit, cucurrit ad cœlum supra omnes angelos et archangelos, velocior omni equitatu militiæ cœlestis inventus, supra equos etiam illos igneos quibus Elias raptus est. Et merito velocior, qui super omnes cœlos, et supra cœlum cœlorum ad sedem Dei omnipotentis ascendit, et sedet: ut scriptura nos docuit dicens: « Videbitis abhinc Filium hominis sedentem ad dexteram virtutis (*Marc. xiv, 62*). »

27. Hic itaque equus in figura et ante est demonstratus tempore Machabæorum, quem sedebat dux ille militiæ cœlestis aureis armis refulgens, qui Heliodorum depeculatorum illum depositi vidualis, cæterorumque quæ sacræ fuerant commendata custodiæ, et stravit, et percult, et postea exoratus Oniæ precibus sacerdotis vitali usui reformavit. Unde vere in eo arma aurea resulserunt, quia solus equum hunc sedit, et vicit, in quo nullus culpæ immunis evasit. Non Enoch, qui raptus est, ne malitia mutaret cor ejus; non Abraham, non Isaac, non Jacob, non Moyses. Omnes enim sub peccato, omnes sub morte. Denique regnavit mors ab Adam usque ad Moysen. Solus iste est qui peccatum non fecit: solus est Christus qui peccatum abstulit mundi, qui dixit morti: « Ubis est, mors, victoria tua? ubi est, mors, aculeus tuus (*I Cor. xv, 55*)? »

28. Quomodo ergo amplificavit super hunc supplantationem suam Judas, et cecidit eques retrorsum? Quod in Juda est, dolum fecit: quod in **C** Christo, volens passus est. Sæpe videmus fortiori velle percuti, ut acrior lacessitus insurgat, vehementius excitetur. Momordit ergo serpens calcaneum equi, virus suæ fraudis evomuit: volens eques se ipse dejecit, volens cecidit, ut nos levaret. Quid est tamen, quod ait Scriptura: « Et cadet eques retrorsum (*Gen. xlvi, 17*)? » Cur retrorsum, nisi ut regeret retro se sequentes? Retrorsum erat Petrus cui dixit: « Vade retro post me (*Marc. viii, 33*). » Retro erant apostoli, et cæteri discipuli. Ideo retrorsum cecidit, quia super quos cadit, salvat. « Omnis enim qui super hunc lapidem, inquit, ceciderit, conquassabitur: supra quem autem ce-

ciderit, emundabit eum (*Luc. xx, 18*). » Alii habent, « ventilabit eum, » alii, « comminuet. » Qui enim ventilat frugem, mundat a paleis; qui comminuit aliquid, in pulverem redigit; ut mollitia pulveris, vel poculo salubri, vel reliquo medicinæ usui sine ulla perturbatione proficiat. Unde colligimus cendum, ne quis semel per baptismum susceptus a Christo, ex ejus decidat corpore, hoc est, excutatur ab Ecclesia; ipsa est enim mortis ruina perpetuæ. Illum autem qui venit crediturus in Christum, ut eum mors ejus inveniat, crux ejus assumat, clavus infigat, sanguis infundat, sepultura quoque ejus involvat, gratia resurrectionis attollat, **879** de somno suscitet, a morte vivificet; illum, inquam, a sæculo liberat, a peccato mundat, sanat a vulnere, a duritia impietatis inflectit, ad mansuetudinem pietatis emollit, ut circumciso corde, incircumspectum illum et incomprehensibilem hauriat spiritum, bibat poculum salutis æternæ. Cecidit ergo eques retrorsum.

29. Accipe et aliud, cur retrorsum et non ante ceciderit. Post ipsum omnes, nemo ante ipsum. Cecidit ergo non sibi, sed omnibus; ut duritiam cordis nostri super nos cadendo molliret. Cecidit super Adam, quem quærebat, ut inveniret. Retro eum quæsivit; ut supra humeros suos bonus pastor imponeret, secumque paradiſo in illius redemptione latronis inveheret.

30. Sed forte, dicas: Et persecutores ceciderunt retrorsum. Sic enim scriptum est (*Joan. xviii, 6*), quia principes sacerdotum (30), quos adduxerat proditor Judas, et cæteri qui ad comprehendendum advenerant Dominum Jesum, abierunt retrorsum, et ceciderunt in terram. Hoc est quod et ego dico, quia super peccatores voluit cadere, non super justos; justus enim medico non indiget, sed peccatores. Si apostolorum umbra sanabat; quanto magis caro Christi quos tangit, a morte defendit! Denique leprosum tetigit, et sine delatione mundavit. Ut scias autem qui legis, quia et persecutores suos voluit liberare, testem Christi interroga. Nam cum inveheretur Petrus in Iudeos, quod principem vitæ interfecissent, remedium demonstravit: ut agerent poenitentiam, remitti sibi peccatum quod admiserant, mererentur. Quid autem dubitas, quod ideo cedidit, ut resuscitaret, cum ipse dixerit: « Percutiam et sanabo (*Deut. xxxii, 39*)? » Verborum tamen videto distantiam. In Genesi habetur: « Cadet eques retrorsum, salutem exspectans a Domino (*Gen. xlvi, 17*); » hoc est, ut oculos non avertat, actio mentem propriam non reflectat, resurrectionis suæ prærogativam vindicit, et divina se resuscitet potestate. Hic autem

(30) Rom. edit., *quia principis sacerdotum ministri, quos, etc.*

(31) Cod. Viet. et Colb. cumque illis antiquæ edit., *non cadit, nec iis quæ sua sunt, sed operi intendit.* Quatuor alii mss., *non cadit, sed quæ sursum sunt semper intendit.* Reg. solus, *non vadit, sed quæ sua sunt semper intendit.* Quæ lectio nequaquam

**A** habetur: « Abierunt retrorsum, et ceciderunt in terram (*Joan. xviii, 6*). » Qui terrenus est, in terram cadit: qui cœlestis, cœlo inhæret. Et si corpore cadit, virtute non cadit: nec iis quæ sua sunt, sed quæ sursum semper intendit (31); semper enim ad Patrem respicit, ut ejus circa nos impletat voluntatem. Utinam et isti non abiissent retrorsum, sed Christum exceperint! sicut exceptit Joseph, et sepelivit eum in monumento novo. Qui fidelis est, in terram non cadit: qui infidelis, cadit et descendit in inferiora terrarum: sicut scriptum est: « Descendant in infernum viventes (*Psal. lvi, 16*). » Ergo persecutor super terram, et in infernum cadit: Christus super resurrecturos, Christus super petram, Christus super Ecclesiam. Audi quomodo super Ecclesiam cadat. Retro erat Petrus, et sequebatur eum cum a Iudeis ad Caiphæ domum Synagogæ principis duceretur. Ipse est Petrus cui dixit: « Tu es Petrus, et super hanc petram ædificabo Ecclesiam meam (*Matth. xvi, 18*). » Ubi ergo Petrus, ibi Ecclesia: ubi Ecclesia, ibi nulla mors, sed vita æterna. Et ideo addidit: « Et portæ inferi non prævalebunt ei: et tibi dabo claves **880** regni cœlorum (*Ibid. 18, 19*). » Beatus Petrus, cui non inferorum porta prævaluuit, non cœli porta se clausit; sed e contrario destruxit inferni vestibula, patescit cœlestia. In terris itaque positus cœlum aperuit, inferos clausit.

31. Potest et illud convenire huic loco, quod Samaritanus descendente de Jericho hominem vulneratum illum a latronibus non præterivit; sed suscepit eum, et vulnera ejus curavit, infundens oleum et vinum: et imposuit supra jumentum suum, et duxit ad stabulum. Quid dubitas de equo bono, cum bonum et jumentum legeris? Cum legeris in Jerusalem illam, et equites multos et plurimos cum quadrigis et curribus introire? Nec te moveat quod legisti: « Hi in curribus, et hi in equis: nos autem in nomine Domini Dei nostri magnificabimur. Ipsi obligati sunt, et ceciderunt (*Psal. xix, 8, 9*). » Sed Elias non cecidit, qui curru introivit; ubi enim Dei nomen est, ibi nullus obligatur, sed absolvuntur universi. In nomine autem Dei nostri et pauper est tutus (32) et dives; et nobilis, et ignobilis; et infirmus, et potens. Fidei non præjudicant opes; si tamen uti opibus novrimus.

32. (Vers. 11.) Et ideo nomen Dei in se habens dicit: « Tu autem, Domine, miserere mei, et resuscita me, et retribuam illis. » Quod utique non quasi de resurrectione dubitans dicit, qui in potestate habebat dicere: « Solvite templum hoc, et in triduo resuscitabo illud (*Joan. ii, 19*); » sed

videtur contemnenda. Etenim si homo cœlestis quæ sua sunt semper intendit, utique semper intendit cœlestia. Commode tamen edit. Rom. et cod. Vat. quos eo sequimur, quod melius sonent auribus christianis.

(32) Rom. edit., *In nomine Domini Dei nostri invocabimus.*

formam dat homini, ut misericordiam a Deo, et resurrectionem de Deo speret. Deinde non resuscitari se petit : sed resuscitari sibi postulat Matthiam in locum Judæ; ut apostolicus numerus impleatur. Etenim quia necesse habebat perire filius perditionis, ut Scriptura impleretur; oportebat in locum ipsius subrogari filium salutis. Tertium accipe. Resuscitari se, hoc est, corpus suum, poscit : corpus autem Christi, Ecclesia est. Et quia Judas figura erat infidelis populi Iudeorum, qui pecunia vel emit, vel vendidit Christum (quod faciunt qui pluris ducunt pecuniam, quam religionem) pro interitu plebis in fide (33) significat Ecclesiæ sibi gratiam resurrecturam. Unde et ipsa dicit in Canticis : « Si suscitaveritis et resuscitaveritis charitatem (Cant. II, 7); » cum quaereret de juvenculis Christum, quia Christus charitas est.

33. Quod autem ait : « Retribuam illis; » hoc intelligimus, quia florentis Ecclesiæ processibus cruciabuntur : et tunc cognoscent quæ pena perfidiæ sit; cum adverterint qui fidei sit splendor, et gratiæ. Vel quia bonus Dominus est, qui poterat dicere : « Retribuebant mihi mala pro bonis (Psalm. xxxiv, 12). » Et medium verbum est retributionis, vel in bono, vel in malo : retributurum in bono esse se dicit : quia etsi cæcitas in Israel ex parte continget, tamen cum plenitudo gentium intraverit, tunc omnis Israel Christi miseratione salvabitur.

34. (Vers. 12.) Et subjecit. « In hoc cognovi quoniam voluisti me; quoniam non gaudebit inimicus meus super me. » Superius de passione sua locutus est quasi homo : hinc jam aperit majestatem suam, quod solus **881** sine peccato, solus cui peccator inequitare non potuit (34), solus quem Pater ut unicum Filium dilexerit. Qua ratione ergo inimicus non est lætatus super eum? Quia etsi mortem suscepit pro nobis, resurrexit tamen; et ipse insultavit inimico, cuius victoriam destruxit, et aculeum mortis infregit. Et nos, licet in sæculo mœsti simus, atque in mœrore nostro et contritione cordis animique nostri lætetur inimicus : tamen resurgentes ejus gaudium destruimus. Unde et Michæas dixit : « Noli super me gaudere, inimica mea, quia cecidi; sed resurgam (Mich. VII, 8). » Resurrectio est ergo quia inimici omnia vincula solvuntur, triumphus omnis aboletur.

35. (Vers. 13, 14.) Sequitur : « Propter innocentiam autem meam suscepisti me : et confirmasti me in conspectu tuo in æternum. Benedictus

(33) Ita mss. quinque Gall., ubi forte, loco *plebis in fide*, legendum *plebis infidæ*; licet prior lectio sensum præbeat minime rejiciendum. Alii vero mss. et edit. vet. in marg., *pro interitu plebis infidelis significat Ecclesiam sibi gratiam* (eadem edit. ac Rom. in corpore, *Ecclesiæ sibi gratiam*) *resurrecturam*.

(34) MSS. Vict. et Colb. atque edit. vet. in margine, *solus qui peccato inquinari non potuit*. Eadem

**A** Dominus Deus Israel a sæculo et in sæculum : fiat, fiat. » Innocens nulli nocet, in neminem peccat. Ideo sine peccato, sine dolo Christus Scripturæ divinæ auctoritate signatur. Hoc igitur et hic declaratur, ubi dicit : « Propter innocentiam autem meam suscepisti me. » Quæ autem suscep-tio significatur? Nam et alibi legimus : « Suscepisti me ex utero matris meæ (Psalm. cxxxviii, 13.) » Ergo quia ab omni concretione generationis (35) humanæ mundus est natus, qui de Spiritu est natus et Virgine; ideo eum Pater suscepit, quia ortum illius nulla corporeæ generationis concretio usitata fuscavit. Suscepit eum resurgentem, quia nulla cum offendio prolapsionis aspersit. Immaculatus ad Patrem rediit, a quo immaculatus exivit, quando descendit in terras. Unde dicit ei Pater : « Filius meus es tu, ego hodie genui te (Psalm. II, 7); » hoc est, generationis meæ in te privilegium recognosco, quem nulla macula potuit inquinare peccati. Inter peccatores versatus es, peccata omnium suscepisti, peccatum pro omnibus factus es, maledictum pro omnibus factus es; sed nullus usus potuit ad te transire peccati. Ita inter peccatores versatus es, quasi inter angelos versaris. Fecisti terram esse quod cœlum est; ut et ibi peccatum tolleres. Hodie te genui, in quo complacui. Probasti te Filium, qui implesti in omnibus Patris voluntatem. Hodie te genui, in quo lucem immaculatæ prolis agnosco. Heri mihi et hodie ipse es, et in sæculum. Nox in te nulla est, quia totus es dies. Bene confirmatus in conspectu

**C** Patris dicitur in æternum; quia apud Patrem semper est : et vere in conspectu ejus, cuius splendor est gloriæ, et imago substantiæ. Sed quemadmodum complacet in Filio Pater, ita et Filius benedicit Patrem; Pater enim honorificat Filium, et Filius honorificat Patrem.

36. « Benedictus, inquit, Dominus Deus Israël; » hoc est, populi Deum videntis, qui et Dominum suum et Deum credit : « A sæculo et in sæculum : fiat, fiat. » **882** In Hebreo habetur : « Amen, amen : » ut asseruerunt, qui librum legerunt in Hebraicis litteris scriptum. Græcus hoc loco Γένοιτο, γένοιτο dixit; quod est : Fiat, fiat. Quod verbum diversas significationes habet, ut sit interdum imperantis, interdum precantis, interdum confirmantis aliquid. Imperantis est, cum superior inferiori statuit quid faciendum sit, vel sequendum : precantis est, sicut illud : « Fiat voluntas tua (Matthew. VI, 10); » non enim Deo quis imperat, sed precem fundit : confirmantis est,

edit. in corpore, ac etiam Rom., *solus cui peccator insultare*, etc. Sed aptius ad allegoriam supra institutam reliqui mss. . . . *inequitare non potuit*. Hic autem obiter observa, quod jam supra adnotavimus, diabolum ab Ambrosio passim peccatoris nuncupatione signari.

(35) MSS. aliquot, *ab omni corruptione generationis*, etc.

cum benedicit propheta, vel sacerdos, vel sanctus aliquis; et populus respondet: Fiat, fiat. « Hic ergo magis confirmatio mihi videtur benedictionis, quam oratio, vel deprecatione: maxime quia repetitio ipsius facta sermonis est. Et videtur Hebreus quidem sermo mutatus; sed idem sensus expressus. Sicut enim cum sacerdos benedicit, populus respondet, amen, confirmatus benedictionem sibi, quam plebi sacerdos a Domino deprecatur; ita in psalmo responsum est: « Fiat, fiat; » quasi: Amen, amen. Amen autem confirmationis verbum evidenter ostenditur in Evangelio, ubi Dominus confirmans sermonem suum dicit: « Amen dico vobis. » Major autem vis est, ubi repetitus est sermo; quod in libro Evangelii secundum Joannem frequentius invenimus, quia ipse maxime de cœlestibus et profundis mysteriis est locutus; sicut scriptum est: « Amen, amen dico tibi; nisi quis renatus fuerit ex aqua et spiritu sancto, non potest introire in regnum Dei (*Joan. III, 5*). » Et alibi: « Amen, amen dico vobis; si quid petieritis a Patre in nomine meo, dabit vobis (*Joan. XVI, 23*). » Abundant duo exempla; reliqua vero si quis quæsierit, inveniet.

37. Indicium quoque est libri finiti: « Fiat, fiat. » Nam in quinque libros divisum videtur esse Psalterium (36). Primus liber hoc psalmo finitur, hoc est, quadragesimo. Et pulchre usq; ad passionem Salvatoris quadragesimus psalmus est comprehensus, qui finem libro daret, quoniam passio Domini finis est quadragesimæ: ut secundus liber a mysteriis renovationis inciperet, qui liber, utpote quadragesimæ, perfectiora sacramenta complectitur. Nam et baptismatis prænuntiat sacramenta, cum dicit: « Sicut cervus desiderat ad fontes aquarum (*Psal. XLI, 2*): » et requiem sanctorum qui ad tabernaculum cœleste pervenerint: et Spiritus sancti descensionem, quando effusa est gratia spiritalis in quadam voce cœlestium cataractarum: quia virtute magna Spiritus ferebatur, ut legimus in Actibus apostolorum (*Act. II, 2*): et ingressum renovati hominis ad altare: et Salvato-

(36) Celebris est illa psalmorum in quinque partes divisio, cum ejus meminerint e Græcis Eusebius Cæsar, *Argum. in psalm. enumer.*; Gregorius Nyss., i *Tract. i in Psal. cap. 5 et seq.*; Hieronymus epist. 134; Hilarius Pictav.; *Prol. in psal.* Quibus polet addi Cassiodorus in *Prol. super psal. cap. 11*, atque alii. Quod autem eam rejicit Hieronymus et post eum nuperus commentator, vir aliquin eruditus, ducti Hebræorum, ac maxime apostolorum auctoritate semper Psalmorum librum, non autem libros nominantium: eam quidem rationem non male infra, num. 37, diluit noster Ambrosius. At vero quod laudatus auctor eamdem divisionem Christo negat esse antiquorem, præterquam quod Hieronymum atque Hilarium inter se committit, qui facile conciliari possunt, modo Hieronymianum testimonium non omnes omnino Hebræos includere consentiamus; certe manifestum est eum non vidisse Eusebii testimonium. Is enim memoratam divisionem Hæbræis diserte attribuit, atque in accuratissimis exemplaribus inveniri

A ris ascensum: et sanctificationem propositi virginalis. Qui liber finitur in psalmo septuagesimo primo, quo regnum Christi pacificum toto orbe diffusum propheticō sermone annuntiatur, remissioque peccatorum; 883 ubi cum benedictionem Domini præmissit, subtexuit: « Et replebitur majestate ejus omnis terra: Fiat, fiat (*Psal. LXXI, 19*). » Tertius quoque liber finitur octagesimo octavo psalmo; et ibi habet: benedictus Dominus in æternum: Fiat, fiat (*Psal. LXXXVIII, 53*). » Quartus liber finitur psalmo centesimo quinto, ubi habet: « Benedictus Dominus Deus Israel a sæculo et usque in sæculum; et dicet omnis populus: Fiat, fiat (*Psal. CV, 48*). » Quintus liber usque ad finem est: ubi pro hoc verbo Propheta dicit: « Omnis spiritus laudet Dominum (*Psal. CL, 6*). »

B 38. Sed iterum forsitan te moveat, quomodo quinque libros asseram, cum unum Psalterium sit. Sed etiam Evangelium unum est, et quatuor libros esse negare non possumus. Unum autem Evangelium esse, et alibi (lib. i in *Lucam*, in proœmio), ni fallor, intimavimus; et si iterum exigitur, facile possumus edocere, cum Salvator dixerit: « Amen dico vobis, ubicunque prædieatum fuerit hoc Evangelium (*Matth. XXVI, 23*). » Et Apostolus: « Miror quod sic tam cito transferimini in aliud Evangelium, quod non est aliud, nisi aliqui sunt qui vos pervertunt (*Galat. I, 6 et 7*). » Et alibi: « Notum enim facio vobis, fratres, Evangelium (*I Cor. XV, 1*). » Nec usquam habes aliter de corpore isto quatuor librorum, nisi Evangelium significatum. Denique quia unum corpus est etiam psalmarum, Scriptura dixit: « In decachordo psalterio (37) cum cantico in cithara (*Psal. XCII, 4*). » Sed iterum quia quinque libri sunt, dixit alibi: « In vasis psalmorum (*Psal. LXX, 22*). »

C 39. Pulchre autem quinque libri et unum Psalterium; quoniam quinque sensibus homo exterior viviscatur: et rursus quinque spiritalibus sensibus ille absconditus cordis homo noster consummatur interior, qui solus ante Deum locuples Petri apostoli testimonio reperitur (*I Petr. III, 4*). « Qui

D asserit his verbis: Τῆς βίβλου τῶν ψαλμῶν ἦδε ἀντί της διαιρεσίς ὡς τὰ δικριθῆ τῶν ἀντιγράφων, αὐτό τε τὸ Ἐβραϊκὸν παριέχει οἰς πέντε γὰρ μέρη τὴν πᾶσαν τῶν ψαλμῶν βίβλον παῖδες Ἐβραῖων διαιρουσι. Vide quæ sequuntur in *Expositione Græc. Patrum in psalmos*, jam ante a nobis citata. Quin etiam haud absurdum fuerit existimare peritos illos Hebraicæ linguæ, quos Ambrosius, ut ipse numero superiori significat, de clausula hujusce psalmi percunctatus est, ab eo quoque de psalmorum apud Hebræos divisione fuisse interrogatos.

E 37) Vet. edit. cum tribus mss., *Scriptura dixit*. Sed iterum quia quinque libri sunt, dixit alibi: in vasis psalmorum. Rom., *Scriptura dixit* *Scriptum est enim in libro psalmorum*. Et iterum, quia plures psalmi sunt, tanquam libri, dixit etiam alibi: *Necessæ est impleri omnia quæ scripta sunt in lege Moysi, et prophetis, et psalmis de me*. Nos locum auctoritate quinque mss. restituimus.

habet, inquit, aures audiendi, audiat (*Luc. VIII, 4.*) .» Habes unum sensum. Et sicut sunt qui oculos habent, et non vident; ita sunt qui oculis non videntibus, plus videre creduntur. Unde et prophetæ dicebantur videntes, etiam qui oculis non videbant. Bonus etiam ille odor, de quo Apostolus dicit; Bonus odor Christi sumus Deo (*II Cor. II, 15.*) .» Unde et Job dicit: « Et spiritus divinus, qui est in naribus meis (*Job. XXVI, 3.*) , » Idem ergo odor Christi, et Spiritus sancti est Deo; quia unus odor est Trinitatis. Est et interior cibus, de quo dixit Dominus: « Meus cibus est, ut faciam voluntatem Patris mei qui in cœlo est (*Joan. IV, 34.*) . » Est et interior tactus, quo Christum tetigit mulier illa in Evangelio, quæ per duodecim annos sanguinem profluebat, nec a medicis acceperat sanitatem; sed accepit a Christo. Fidei tactus est, quo tangitur Christus. Denique eam homines non videbant; **884** sed videbat Jesus, et se vidisse testatus est dicens: « Tetigit me aliquis; nam et ego cognovi virtutem de me exisse (*Luc. VIII, 46.*) . » Cognitio Christi, collatio sanitatis est. Ergo quoniam decem sensu homini inesse manifestum est, ideo David, qui et foris et intus canebat; foris corpore, intus corde, dicit in psalmo: « In decachordo psalterio psallam tibi (*Psal. CXLI, 9.*) . »

40. Psalterium ergo est homo consummatus in Christo: in quo sicut arte concinuentium fila chordarum; ita convenientium resonant opera canora viriutum, ut possit dicere: « Psallam tibi, Deus, in cithara, sanctus Israel: Gaudebunt labia mea, cum cantavero tibi; et anima mea, quam redimisti (*Psal. LXX, 22, 23.*) . » Paulus ait de se: « Foris pugnæ, intus timores (*II Cor. VII, 5.*) . » Hic et intus et foris gaudet; sed ille adhuc in certamine, iste in remissione; quia redemptionem animæ suæ

**A** se meruisse cognoverat. Qui psallit, in lætitia est; qui luctatur, in sollicitudine. Verum et Paulus sciebat psallere, sed adhuc se processibus reservabat, cum foret plenus comprobatus, ut psallaret; et ideo dixit: « Orabo spiritu, orabo et mente; psallam spiritu, psallam et mente (*I Cor. XIV, 15.*) . »

41. Et quia geminum psallendi officium demonstravit, geminam quoque vocem esse Scriptura edocuit, Propheta dicente: « Voce mea ad Dominum clamavi, et vox mea ad Deum, et intendit mihi (*Psal. LXXVI, 2.*) . » Quid est mea? Potuit enim dicere: clamavi ad Dominum. Sed quæ nostra est vox nisi ista quæ melior est, quæ nescit errare? Nam ex multiloquio peccatum incurrimus, et vitare non possumus. Illa vox Prophetæ est quæ ad Deum pervenit; quæ, tacente Moyse, clamavit ad Dominum: qua etiam in orationibus suis Anna clamabat, cum oris sui labia non moveret; et impetravit filium, quem ante diu non impetraverat, cum corporis voce clamasset. De hac voce dixit Dominus: « Tu autem cum oras, intra in cubiculum tuum, et clauso ostio, ora Patrem tuum qui est in abscondito; et Pater tuus qui videt in abscondito, reddet tibi (*Matt. VI, 6.*) . » Quid est reddit? Hoc est, quod deprecatus es, quod orasti. Sicut enim peccatores de manu Domini recipiunt peccata sua duplia, ita et contrario justi recipiunt cum affectu propria postulata (37\*). Audi quomodo recipient. Ascendit oratio tua ad Deum, et descendit ad te. Unde et in psalmo legimus: « Et oratio mea in sinum meum convertetur (*Psal. XXXIV, 13.*) , » ut fructum scilicet referat postulanti, « Benedictus Dominus Deus Israel, » qui tanta nobis aperuit mysteria « a sæculo, et in sæculum: » id est, ex infinito in infinitum: « Fiat, fiat. »

(37\*) Ita mss. omnes. edit. vero, recipiunt cum effectu propria (quædam Paris., proprio) postulata.

## IN PSALMUM XLIII ENARRATIO.

**885 1** (Vers. 1.) Psalmi titulus est: In finem filii Core intellectus. » Ubi passionis Dominicæ et baptismatis, et ingressio ad altare sacro sanctum decursa mysteria sunt, docet sanctus propheta David quemadmodum athletam suum cuius nomen teneatur in agone sanctorum, Christus exerceat. Sicut enim sine labore nostro, non

(38) Solebant veteres diebus lustricis, id est quibus urbs aliqua sacris piabatur, ludos ac certamina celebrare. Hoc intelligitur ex Seneca in *Troad.*, ubi sic habes: *nec statu lustri die... puer citatas nobilis turmas ages.* Quod autem de vivendi disciplina adjungitur, id eodem pertinet, quo illud Pauli *1 Cor. IX, 25:* *Omnis autem qui in agone contendit, ab omnibus se abstinet;* utrobique enim

**D** ex operibus, sed ex fide per gratiam suam nobis peccata donavit, et ad coronæ petitionem indulgentissimus nos et benignus admisit, nec superiora nobis fecit obesse flagitia, quibus tanto certamine judicaremur indigni (quæritur enim etiam in iis qui lustrale certamen hoc subeunt (38) etiam disciplina vivendi), ita rursus ne tanta peccatorum

significatur olim severam athletarum fuisse vivendi rationem. Ea de re exstat hæc præceptio Epicteti, *Euchir.* λε': Δεῖ ὑπακεῖν, ἀναγκοφείν, ἀπέγεσθαι περιμάτων, γυμνάζεσθαι ππός ἀνάγκην ἐν ὥρᾳ τεταγμένῃ, ἐν καύματι, ἐν ψύχει, μὴ ψυχρὸν πίνειν, μὴ οἶνον, etc. Non dissimilia reperies apud Arrianum lib. III, quibus addas licet quæ Horatius lib. *De arte poetica* in hanc rem scribit.

denatione resoluti, in superioria flagitia vel desideriam revertamur, psalmus iste nos admonet multa nobis et gravia certamina esse proposita, ut nemo nisi qui legitime certaverit, conoretur. Luctandum est igitur adversus carnis hujus illecebras, et fervorem sanguinis : luctandum est adversus nequitias spiritales. Nemo gravior doméstico adversario, nemo nocentior hoste eo, cui cœlestis substantiæ potentia suffragatur (39). Cum dico nemo, divini memento sermonis, quo dixit Dominus : « Quia major ex natis mulieris Joanne Baptista nemo (*Matth. xi, 11*). » Nam qui natus est ex Virgine, ipse super omnes est. Et ideo neminem vereamur, qui Christum habemus, quoniam si Christus pro nobis, quis contra nos? Certemus ergo usque ad finem, ut evacuatis omnibus, quæ adversus Jesum et Domini voluntatem in nostro ante corpore militabant, veræ exercitiis virtutis intenti, soli Deo nostro et Domino serviamus. Hic enim finis, ut scriptum est : « Primitiæ Christus. . . . deinde finis, cum tradiderit regnum Deo et Patri : cum evacuaverit omnem Principatum et Potestatem et Virtutem. . . . ut mors novissima destruatur (*I Cor. xv, 23, 26*), » incipiamus Deo esse subjecti, regnum in nobis cœleste servantes, ubi erat ante colluvio peccatorum.

2. Merito ergo : « In finem filii Core intellectus, » psalmus inscribitur, ut in eo cognoscendo non vulgaris auditus, sed intellectus spiritualis, operetur. Denique Aquila « psalmum disciplinæ posuit. Et ideo tibi dicit Scriptura : « Da in disciplinam cor tuum ; aures autem tuas præpara sermonibus intellectus (*Prov. xxiii, 12*). » Et alibi : « Dilige sapientiam et disciplinam (*Prov. i, 3*). » Sapientia est quæ sensus scaturit : disciplina in habitudinem quamdam naturæ coalita forma virtutum, et mentis confirmata sententia scientiæ disciplinis (40). Intelligere quoque obscurum sermonem atque dictionum prudentiam et ænigmata Proverbiorum Scriptura nos docuit, cuius auctoritate colligimus has prudentiæ principales **886** esse virtutes ; eo quod sapientia semper quasi mater fecunda parturiat, disciplina, quasi severior magistra distringat, intellectus quasi diligens quæsitor inveniat, et veram justitiam, judiciumque rimetur.

3. Doceamus hæc sacræ testimoniis lectionis. Sapientia dicit : « Ego quasi fons a paradiſo, dixi : Rigabo meum hortum. . . et adhuc doctrinam quasi prophetiam effundam (*Eccli. xxiv, 41-46*). » Nam generationes suas menti hominis (41), bonos videbet sensus, quasi pia mater infundit. Accipe

(39) Substantia spiritualium nequitarum cœlestis hic dicitur per oppositionem cum humana, quæ terrestris est ; ista siquidem fuerat in cœlo creata, unde cecidit.

(40) Quinque Gall. cod., *confirmata sententia*, *Scientia est disciplinis intelligere etiam obscurum sermonem*, etc. Reliqui mss. et cunctæ edit. ut in textu, nisi quod Rom. LXX Interp. reposuit, *dictio-*

**A** etiam testimonia disciplinæ : « Fili, ne neglexeris disciplinam Dei, nec defeceris ab eo correptus (*Prov. iii, 11, 12*) ; » quem enim diligit Deus, corripit. Severa quidem in corripiendo, sed dulcis in corrigendo est disciplina ; ne flitemus et vagemur errantes, sed recipiamur a Christo. Disciplina enim non examinata vagatur, ut scriptum est. Sed pro conservatione hic posuit disciplinam. Tamen sicut sapientia, ita et disciplina, et perfecta et imperfecta eodem nomine, nuncupatur : sed ubi sine adjectione, vel disciplina vel sapientia nuncupantur, definitionem perfectionis accipiunt. Inexaminata ergo fluitat disciplina, sed examinata non fluitat. De intellectu quoque eadem Scriptura definit, quia « intellectus bonus est omnibus qui eum faciunt (*Psal. cx, 10*) : » intellectus autem cum in se et sapientiæ gratiam habeat, et ordinem disciplinæ ; utique docemur quod et sapientia et disciplina bonæ sint eis qui earum instituta suis ministeriis exsequuntur. Diximus de titulo, psalmum adoriamur.

4. (Vers. 2.) « Deus, auribus nostris audivimus ; » sic Symmachus : Theodotion, « in auribus nostris » dixit ; sicut et Septuaginta viri. Quid est quod ait, « auribus nostris ? » Quod si non satis esset, « audivimus, » certe si hoc placuerat : « Auribus audivimus, » plenum erat. Cum ergo additum est, « nostris, » quid sibi hoc vult, nisi ut intelligas illa esse nostra, quæ mentis sunt ; et ea esse meliora quam quæ istius corporis : Et ideo quasi de alio dicit hic ipse Propheta : « Non timebo quid faciat mihi caro (*Psal. lv, 5*). » Et alibi : « Voce mea ad Dominum clamavi, et vox mea ad Deum, et respexit me (*Psal. lxxvi, 2*). » Illa vox mea, quæ auditur a Christo, non quæ resultat in publico. Non vult igitur suum esse, quod corruptibile atque terrenum est, qui ad imaginem Dei et similitudinem meminit se creatum. Denique Scriptura nos edocet, prius ad imaginem Dei hominem esse formatum (*Gen. i, 27*), postea de luto factum (*Gen. ii, 7*). Quasi superior ergo (superior enim qui antiquior) et gubernator et rector hujus corporis animæ vigor dicit : « Auribus nostris audivimus. » Quis iste est, nisi cui dicitur : « Qui habet aures audiendi, audiat (*Luc. viii, 8*) ? » Sunt enim **887** qui aures habent, et audire mysteria non possunt, de quibus dicit Jesus in revelatione Joannis : « Foras canes et veneficos et impudicos (*Apoc. xxii, 15*) ; » quibus flagitiorum cupiditas, et ærugo pecuniæ aurem obstruit audiendi. Consideremus igitur quæ audisse se dicant, vel a quibus audivisse commemorent.

*nes prudentiæ, ubi cæteræ atque mss., dictionum prudentiam.* Adverte autem *dictiones*, interdum (et forte hoc ipso loco) idem sonare ac *oracula*, ut docet illud e Pacuvii fragmentis :

Flexa, non falsa, autumare dictio Delphis solet.

(41) Rom. edit. sola, *Nam cogitationes suas menti hominis*, etc.

5. « Et patres, inquit, nostri annuntiaverunt nobis. » Qui sunt isti patres nostri? Titulus habet quia psalmus filiis Core scriptus sit; ut ab ipsis canatur qui psallendi munus receperant, et in hujusmodi officium fuerant deputati. Core autem et Dathan et Abiron cum aliis qui adversum Moysen et Aaron insurrexerant studio contumaci, terræ hiatu in deserto vorati sunt et necati. Quibus mortui, qui alii patres eorum filiis mirabilia opera Domini annuntiare potuerunt? In malevolam enim animam non ingreditur sapientia. Si sui ergo patres non annuntiaverunt filiis, alieni multo minus, qui declinarunt sobolem perfidorum. Qui sunt itaque isti patres? Vide ne illi, de quibus dictum est: « Interroga patrem tuum, ipse tibi dicet (*Deut.* xxxii, 7). » Interroga quando legis Paulum: vel si non legis, et movet te aliquid, in ipso require. Ipse est enim bonus pater, qui potest docere et formare in nobis Dominum Iesum; sicut ipse testatus est dicens: « Filioli mei, quos ego parturio donec formetur Christus in vobis (*Galat.* iv, 19). » Ostendit tibi hos patres Evangelista Joannes, qui ait: « Dico vobis, patres, qui cognovistis eum qui est ab initio (*I Joan.* ii, 15). » Isti sunt patres, quorum senectus vita immaculata est. Ideo in conventu seniorum appone digitum ori tuo, ut audias quod tibi propositum est, et vitæ æternæ sacramenta cognoscas: ne interstrepas insolens tiro doctoribus; et qui adhuc discere debas, dicere præsumas (42). Quid igitur isti patres annuntiaverint Core filiis audiamus.

6. « Opus, inquit, quod operatus es in diebus antiquis. » Qui sint isti dies in quibus Deus magna et mirabilia operatus sit, requiramus. Et docet nos Scriptura esse aliquos præclaros dies in quibus resulserint facta divina; cum lectum sit, quia « sol in tenebras convertetur, et luna in sanguinem, priusquam veniat dies Domini magnus et illustris. Et erit, quicunque invocaverit nomen Domini, salvus erit (*Joel.* ii, 31 et 32). » In ipso enim die Christus hominibus resurrexit, et ideo specialiter de ipso dictum est: Hic est dies quem fecit Dominus: exultemus et lætemur in eo (*Psalm.* cxii, 24). » Cum igitur omnes dies Deus fecerit, huic tamen diei præ cæteris divini operis prærogativa delata est, quo peccatum omne sublatum est. Dies autem alii peccatorum sunt. Hic ergo est dies quem illuminavit Sol ille justitiae. Nam et ipsa ortus suos et occasus habere consuevit. Unde et scriptum est: « Orietur in diebus ejus justitia (*Psalm.* lxxi, 7). » Sunt ergo dies Christi quibus orta justitia est: sunt dies Christi quibus orta est pacis abundantia: sunt dies Christi quibus orta sapientia. Audi quomodo exoriatur sapientia: « Si quis videtur sapiens esse inter vos in hoc sæculo, stultus fiat, ut sit sapiens (*I Cor.* iii, 18). » Et ideo dicit Sapientia, quæ stulta istius mundi elegit: « Dominus creavit me

A principium viarum suarum in opera sua (*Prov.* viii, 22). » Sicut enim in diebus Oziae regis, et in diebus Nabuchodonosor exorta perfidia est, dominata captivitas; sic in diebus Domini Jesu exorta est fides, quæ splendorem suæ claritatis et luminis toto orbe diffundit. Qui enim meliores 888 dies, quam quibus resulsa nobis visio Dei; sicut dixit Jacob? Sic enim scriptum est: « Vidi Deum facie ad faciem, et salva facta est anima mea. Et continuo exortus est sol (*Gen.* xxvii, 30 et 31). » Quis iste sol, nisi qui dies fecit fulgere justitiae, quibus in terra natus est Christus ex Virgine? In specie vidi Jacob, et Deum vidiisse se dixit: in veritate viderunt Judæi, et non crediderunt. Ideo illis breviati sunt dies, nobis illuminati; quoniam illis deficiebat dies, nobis appropinquabat. Unde Judaicam sanctus David refugiens cæcitatem ait: « Ne deducas me in dimidium dierum meorum (*Psal.* ci, 25). » Sic enim dies Domini magnus et illustris est, utique non prolixitate temporis, sed justitiae vel gratiae claritate. Ergo sunt dimidii dies, quibus breviantur dies impietatis caligine, et squalore perfidiae, quibus « occidit sol super prophetas (*Mich.* iii, 6), » sicut scriptum est. Namque ut justis oritur sol justitiae; sic occidit infidelibus.

B 7. Sed occurrit illud quia dicit Dominus: « Propter electos breviabuntur dies (*Matth.* xxix, 22). » Et videtur contrarium, nisi diligenter advertas, et superiora repetas; dicit enim Dominus: « Tunc si quis vobis dixerit: Ecce hic Christus, aut ecce illic, nolite credere. Surgent enim pseudochristi et pseudoprophetæ, et dabunt signa magna et prodigia; ita ut in errorem inducantur, si fieri potest, etiam electi (*Ibid.* 23 et 24). » Et ideo ne decipiatur electi, admonet Dominus quid sequendum sit; ut non falsorum prophetarum sermone capiamur, neque nos eorum aliqua prodigiosa facta decipient: sed tunc credamus Christum esse venturum, cum dies pleni justitiae cœperint resurgere. Christus enim pleno majestatis suæ lumine revelabitur; et sicut fulgor exit ab oriente, et toto lumen suum usque in occidentem orbe diffundit; sic et Filius hominis cum suis angelis veniens illuminabit hunc mundum; ut credat omnis homo, et salva fiat omnis caro. Non ergo credamus Antichristo, de quo dicent falsi prophetæ: Hic est Christus; dies enim perfidiae, erunt Antichristi dies. Non credamus iis qui dicent: Christus in deserto, Christus in penetralibus; jam enim omnia plena sunt Christi, ubi appropinquare cœperit Christus. Sed cum viderimus facta quæ Christus in Evangelio suo ante prædictis, tunc credamus ejus adventum; ne dum verum quærimus lumen, infidelitatis tenebras incidamus.

C 8. Cavenda ergo signa perfidiae, quibus breviantur dies atque minuantur. Sol enim obscurabitur,

(42) Rom. edit., docere præsumas.

stellæ cadent, hoc est, justi Dei; sunt enim qui fulgeant sicut stellæ in cœlo. Cum hæc videris, crede adhuc tardare Christum; ubi enim Christus, ibi fides clarius: ubi Antichristus, ibi dies dimidi; de quibus utique non quereretur David propheta, si ad temporis brevitatem videretur esse referendum; cum ipse alibi dixerit: « Heu me, quia incolatus meus prolongatus est (*Psal. xxix*, 5)! » Quomodo enim aut illum dilatum incolatum cœlestem, aut hunc terrenum comperendinatum doloret, qui ante poposcerat, ne in dimidium dierum suorum deduceretur; cum dierum brevitas celerandi cursus istius compendium videretur afferre? Unde colligitur et illud quod ait: « Honora patrem et matrem, ut longævus sis super terram (*Exod. xx*, 12); » quomodo intelligere debeamus. Multi enim qui honorant, cito sæpe rapiuntur, ut immatura ætate **889** moriantur; multi etiam qui minus deferunt parentibus suis, longævæ fruuntur stipendiis senectutis; et nisi longævitatem illam vitæ accipiamus æternæ, invenitur Scriptura destitui subsidio veritatis. Unde Græcus expressius dixit: « Ut sis multorum dierum; » hoc est, πολυτρεπός. Quincunque enim cultus pios sedulo servat officio, a tenebris noctis alienus, in dierum luce versatur. Et ideo qui legit Deuteronomium: « Leget, inquit, illud omnibus diebus vitæ suæ (*Deut. xvii*, 19); » non utique noctibus, sed diebus; quia dies fulget legenti mysteria veritatis, et divinæ pietatis oracula. Consideremus sequentia.

9. (Vers. 3.) « Manus tua gentes disperdidit, et plantasti eos: affixisti populos, et expulisti eos. » Scimus quidem quod multas gentes eradicaverit Dominus et everterit; ut possessionem sibi Judæorum populus inveniret, quarum gentium terras Abrahæ semini daturum se Dominus declaravit: sed cum psalmus iste Evangelium Domini, et tempora adventus ejus annuntiet, non mihi videtur quæ superius a Judæis gesta sunt, recensere, sed quæ futura signare: quemadmodum erediturus esset populus nationum. Confirmat igitur fidem Ecclesiæ, antequam nuntiet, et victorias pietatis ejus enumerat: quæ non in brachio, neque in gladio suo feras expulit gentes, et non certamine bellico turmas fugavit hostiles; sed mansuetudine ac fide terras inimicorum sine ullo cruento possedit; fides enim sola pugnavit. Et ideo D triumphos meruit, quos non revocaret perfidia, sed augeret, quia persecutionibus suis non vincitur Ecclesia Domini, sed probatur. Quæ sunt igitur istæ gentes quas vicerit Ecclesia, cogno-

(43) Rom. edit. ex Vat. cod., et ceteris. Aliæ cum omnibus mss., et Cerethæi. Eorum crebra fit mentio in lib. Reg., quos eosdem esse ac Philistæos tradit Lyran. lib. *Differentiarum*.

(44) Omnes edit. ac nonnulli mss., Chettææ (vel Ethææ infirmitatis indicio. Reg. cum aliquot aliis, ... in ditione. Quod videtur ad institutam allegoriam accommodatius.

(45) *Vel separatur, aberat* ex omnibus edit. ac

**A**scamus. Vetera dico vocabula, sed mysteria nova. Chananaei sunt, Chettæi, et Amorrhæi, Pherezæi, vel Cerethæi (43), quorum infra vocabula digeremus. Hæc autem popolorum sunt nomina; sed et passionum infirmitates, et humanorum incentiva et opprobria peccatorum. Quod primum est igitur, homo in Christo ipse se domuit, et ipse se vicit, ut sibi viveret. Sibi enim vivit, qui Deo vivit; ut vitam Christi vivat æternam. Non ergo pugnavit militaribus armis, et ferreis telis populus Ecclesiæ, sicut pugnavit populus Judæorum. Ille in figura pugnavit, nos pugnamus in spiritu: ille adversum alienigenas pugnavit, nos ipsi bellum habemus in nobis; et ideo prius nobis vincendæ sunt proprii corporis passiones.

**B** 40. Audi pugnantem apostolum Paulum adversus gentem Chananaeorum: « Video, inquit, legem carnis meæ repugnantem legi mentis meæ, et captivantem me in lege peccati (*Rom. vii*, 23). » Nunc se erigit caro nostra, nunc dejicit. Eredit menti, dejicit potestati: et ubi se urgeri viderit, constantiam deserit, et ad subjectionem parata ducitur in legem peccati; ut fidem deserat, perfidiae succumbat; et Chettææ infirmitatis in ditione (44) destituta **890** vero cedat mendacio, serviat criminis, acquiescat errori; et tanquam Amorrhæus loquatur amara pro dulcibus. Fides enim dulcis, amara perfidia est. Unde præclare Petrus quid fides esset, expressit dicens: « Domine, ad quem ibimus? verba vitæ æternæ habes, et nos credimus (*Joan. vi*, 60 et 70); » Quomodo igitur jubes ut discedamus a te? Captus enim cœlestium suavitate verborum, discedere nolebat a Christo, Qui autem negat Christum, ipse se separat vel separatur (45) a Christo. Sed neque versuta Amorrhæorum disputatio, quæ per philosophiam nonnullos a veritate transducit: neque Jebusæorum turpis abjectio, quæ se subjicit atque substernit cursum currentibus sæcularem, qui non potest esse perpetuus; sed in portis deficit mortis, de quibus exaltatum David propheta se gaudet (*Psal. ix*, 15): neque Cinæus, qui per suam pecuniam possidetur: sicut insatiabili avarus affectu; neque Genezeus, qui putat in divitiis possessionem esse perpetuam, et vanam spem constituit in caducis, atque inani opinione se jactat: neque Raphaim, qui profiteatur aliis se ferre medicinam, cum vulnera sua curare non possit, et ideo si quis ad hujusmodi medicum confugerit, necesse est prius patrimonium suum omne consumat, quam profectum

duobus mss. Sed in aliis quinque reperitur. Quod autem post vocem *disputatio*, in cunct. edit. additur, *ejusmodi*; cum hæc nullis in mss. legatur, verisimile est adjectam fuisse, ut sensus utcunque completeretur. Verumtamen, etsi eam retinendam putes. nec sic locus videbatur adhuc sanatus. Arbitramur itaque illinc excidisse verba ista, *apostolos*, aut *fideles separat a Christo*, vel his affinias quæ deinceps in membris singulis subintelligenda,

sanitatis accipiat: sicut illa mulier in Evangelio quam per duodecim annos fluentem sanguinem corporalium voluptatum statuere non potuit, nisi posteaquam confugit ad Christum (*Luc.* viii, 43 et 44). Intellexit enim quod nemo perfectus medicus, nisi qui descendisset e cœlo, de quo cognoverat dictum: « Misit Verbum suum, et sanavit eos (*Psal.* cvi, 28); » et advertit de ipso dictum: « Ecce dederi verba mea in ostium, et constitui te hodie super gentes et regna, eradicare, et destruere, et perdere, et ædificare, et plantare (*Jerem.* i, 9 et 10). » Nam licet frequenter Deus locutus sit in prophetis, in quo tamen expressius, quam in suo locutus est Filio, qui virtutem omnem exprimens Patris ait: « Mea doctrina non est mea, sed ejus qui me misit (*Joan.* vii, 16)? » Non ergo Jeremias, qui tempore captivitatis suscepit exsilium, sed Dominus Jesus suis verbis eradicavit ex intimis pectoribus vitia gentilium, perfidiam nationum, et versatarum cogitationum prava commenta destruxit, atque omnia vestigia iniquitatis abolevit. Deinde infudit postea fidem, et continentiae disciplinam, ne tanquam in vase corrupto confusione vitiorum coacescerent sacramenta virtutum.

14. Unde pulchre tibi Apostolus dicit: « Sed regnavit mors ab Adam usque ad Moysen (*Rom.* v, 4). » Quid est Moyses, nisi lex; quoniam ipse interpres est legis: finis autem legis Christus Jesus? Regnavit ergo peccatum in hoc mundo, et in peccato mors sæva, atque intollerabilis quedam pœna peccati. Docuit quidem nos Moyses levare ad Dominum manus, pii cultus instituens disciplinam. Docuit quemadmodum Amalech versutiloquus vinceretur (46); ut mores nostros et opera **891** levaremus ad Christum, sic destrui posse perfidiam: sin vero dejiceremus animam, inclinaremus affectum, et a continentiae studio averteremus ingenium, ut persuasio nos vana superaret; nullum remedium futurum, nisi Jesus depressa jam brachia Moysi, tanquam infirmitatem legis attolleret, et sua misericordia sustineret. Sed infirmum adhuc fuissest legis auxilium; nisi ipse Jesus venisset in terras, qui in se nostras suscipieret infirmitates, quem solum nostra peccata gravare non possent, nec inclinare manus ejus: qui se inclinavit usque ad mortem, mortem autem crucis in qua expandens manus suas, totum orbem qui erat periturus, erexit: levavit jacentes, atque ad se omnium gentium fidem traxit, dicens homini: « Hodie tecum eris in paradyso (*Luc.* xxiii, 44). » Hoc est ergo disperdere atque plantare, ut vitiosa eradicentur, meliora plantentur in pectoribus singulorum. De quo præclare Moyses in Exodi cantico ait: « Inducens plantabo eos in montem hæreditatis tuæ, in præparatum habita-

(46) Omnes edit. in corpore, *Amalech versutio vinceretur*. MSS. aliquot, ac vet. edit. in marg., *Amalech versuti locus vinceretur*, lege *versutiloquus*, etc. Nam quod Vict. et Colb. habent, *versu-*

**A** colum tuum (*Exod.* xv, 17); » petens ut induceret Dominus populum suum in illa præcelsa virtutis sapientiaeque plantaria, ibique plantaretur in opera sua, et institueretur præceptorum cœlestium disciplinis, atque in eo præpararet sibi suæ sanctificationis habitaculum: quod utique non hæreditario jure, nec nostrorum contemplatione meritorum, sed pro sua gratia Dominus conferre dignatur. Quomodo enim, ubi remanere non potuimus eo redire possemus, nisi privilegio fulti redemptionis æternæ?

12. (Vers. 4.) Et ideo pulchre dixit Propheta: « Quoniam non in gladio suo possederunt terram, et brachium suum non liberavit eos: sed dextera tua, et brachium tuum, et illuminatio vultus tui, quoniam complacuit tibi in illis. » Quæ igitur terra est, quæ non brachio capiatur, non gladio possideatur; nisi terra promissionis, de qua hic ipse dixit Propheta: « Credo videre bona Domini in terra viventium (*Psal.* xxxi, 13)? » Non immerito igitur ejus tam præclara possessio est, in qua non sæculi adversa dominantur, sed Domini bona æterna fructificant. Ideoque non gladio acquiritur, sed mansuetudine possidetur, sicut Dominus Jesus testificatus est dicens: « Beati mites; ipsi enim possidebunt terram (*Matth.* v, 4). » Nemo ergo impacificus, nemo arrogans aut superbus; sed mansuetus et humilis corde: qui nihil sibi arroget, sed totum ad gratiam referat: non in sua fortitudine glorietur, sed dextera Dei credat se esse protectum dicens: « Dextera Domini fecit virtutem, dextera Domini exaltavit me (*Psal.* cxvii, 16). » Gladio quoque Dei memoret se esse servatum, illuminatum quoque Dei vultu omnipotentis in quibus omnibus Christus est protector, dextera, defensor et gladius (47). Unde et Simeon dixit ad Mariam: « Et tuam ipsius animam pertransibit gladius (*Luc.* ii, 35). » Gladius enim Dei verbum est, quod acutius omni gladio usque ad divisiones animæ cogitationesque pertransit, ut nulla cognitionem ejus occulta prætereant. Vultus quoque paterni splendor est Christus, et ideo dicit: « Qui me videt videt et Patrem (*Joan.* xiv, 9); » quasi splendor gloriæ ejus, et imago substantiæ. Ad ipsum ergo omnia jure referenda sunt. Ipsi Moyses, ipsi Aaron, ipsi **892** etiam Patres sacrabant universa quæ gesserant, ut de hostibus triumpharent. Neque enim in sua confidentia dixit Jesus Nave: Stet sol contra Gabaon (*Josue* x, 12); » sed quia præsumebat in Christo, quem ducem militiæ cœlestis agnovit, et suppliciter adoravit: et ideo gentes feras eradicare promeruit, et populum Patrum in terram reprobationis inducere; quia nihil suis operibus deputabat, credens indigna esse opera hominum tanta gloriæ remuneratione cœlestis: quam Dominus ex sua magis miseri-

*tiloquiis*, mendum est scribarum ignorantiae imputandum.

(47) Vict. Colb. ac vet. edit. in marg., *protector*, *ut dextera: defensor, ut gladius*.

cordia, quam pro nostrorum contemplatione factorum statuit in se creditibus conferendam. Unde et Abraham impigre Deo credidit, ut apud eum justificationis gratiam reperiret, quam mercedem sui operis collocaret; uberiora enim dona sunt largientis, quam merces operantis. Propterea et illi qui aequalitatem mercedis inviderat, respondit Dominus: « Si ego bonus, oculus tuus quare nequam (*Math. xx, 15*)? » Patres ergo nostri ut pote proximi et heredes patriarcharum, plantati in terra reprobationis, non suis hoc meritis vindicabant. Ideo nec Moyses eos induxit, ne legis hoc existimetur esse, sed gratiae; lex enim merita examinat, gratia fidem spectat. Unde præclare Apostolus fidem patrum secutus ait: « Sed neque qui plantat, est quidquam, neque qui rigat; sed qui incrementum dat Deus (*I Cor. iii, 7*). » Non enim Jesus Nave qui induxit, neque qui plantavit eos; sed Deus qui incrementum populo dedit, habet gloriae principatum.

13. Nec te moveat quia superius dixit: « Manus tua gentes disperdidit, et plantasti eos (*Psal. XLII, 3*). » Hinc enim colligis quia non omnis qui plantat, aut qui rigat, incrementum dat: sed qui incrementum potest dare, potest ipse plantare, sicut gentes plantasse dicitur Dominus. Ipse enim plantavit, qui plantationi donavit affectum; in iis tamen qui per fidem Christi Domino placere meruerunt, cui soli a Patre dicitur Deo: « Filius meus tu es: in te complacui (*Marc. i, 41*). » Qui ergo participes Christi sunt, ab eo placendi gratiam consequuntur. Et pulchre ait: « Complacuit tibi in illis, » ut distantia videatur jure servata. Recte enim Deus in Filio complacet quia aequalis est Patri, nec in ullo decolor invenitur, quia complacet divinae jure naturae, et unitate substantiae. Et recte complacet in Filio Pater; quia Pater honorificatur in Filio, sicut in Patre Filius. In nobis autem Deo complacuit, quia nobis ipse donavit, ut ei placere possimus. Pie autem et hoc homini specialiter donatum, non arroganti usurpatum Scriptura nos docuit. Decet enim ut in iis complaceat Deo, quos ad similitudinem suam fecit, et quos per imaginem suam voluit prærogativam gratiae habere cœlestis. In imagine ergo sua Deus complacet: in iis autem qui secundum imaginem ipsius sunt, complacet Deo. In his autem suum munus, et suum donum, quod tunc revelabitur, cum perfectum illud advenerit; quia « cum apparuerit quid simus, similes ei erimus. » ut scriptum est (*I Joan. iii, 2*).

14. (Vers. 5.) Ergo qui non in brachio suo, hoc est, in sua operatione præsumit, sed in Dei gratia; credens quod non facta sua unumquemque justificant, sed fides prompta, dicit Domino: « Tu es ipse Rex meus, et Deus meus, qui mandas salutes Jacob. » **893** Non perfectorius sermo est

(48) Edit. Rom., *non consumere*. Sed in aliarum ac mss. lectione nihil mutandum. Est enim hic el-

**A**ut dicas: « Tu es ipse Rex meus. » Non quicunque hoc dicit, sed in quo Dei regnum est: in quo autem regnat Deus, utique in eo peccata non regnant: non enim Deo regnum est commune cum crimen. Quis autem dicit Deum suum, nisi qui ipsi exhibit plenum reverentiae et pietatis affectum? Justo enim dicitur: « Ego sum Deus tuus (*Osee XII, 9*). » Denique et Thomas ubi tetigit manu propria latus Christi, et evidenter indicia indubitate resurrectionis invenit, respondit: Dominus meus, et Deus meus (*Ioan. XX, 28*). » Dominus, quia redemit servulos suos: Deus, quia non solum resurrexit, sed etiam ipse se suscitavit. Mandavit autem salutes Jacob; quia in singulis oraculis salus est: in singulis quoque salus est mansionibus: salus in ministeriis angelorum, qui ad protectionem hominum deputantur. Ex mandato ergo Dei salus homini, non ex sua operatione confertur. Dens enim maluit ut salus homini fide potius, quam operibus quereretur, ne quis gloriaretur in suis factis, et peccatum incurreret. Qui autem gloriatur in Domino, fructum pietatis acquirit, et jactantiae crimen evadit.

**B** 15. (Vers. 6.) Hic igitur est qui potest dicere « In te inimicos nostros ventilabimus cornu. » Quid est ventilare cornu? Dedit Dominus cornua pluribus animalibus, ut possint se a ferarum incursione defendere. Ideoque et bos leoni frequenter resistit ursum proterit; cervus quoque quamvis sit pavidus, tamen et ipse cornibus se tuetur: aries quoque arietat lupum. Ergo ea quæ cornua C habent animalia, ventilare dicuntur. Sed homo cornua non habet. Quomodo ergo ventilat? Unde? Vide Scriptura quid dicat: « In te, inquit, inimicos nostros ventilabimus cornu. » Cornu nostrum es tu, Domine Iesu, et ideo sicut non in brachio nostro præsumimus, ita nec in cornibus nostris ventilandi habemus præsidium, sed in Christo. Habet enim fides cornua sua, quæ mutuantur a Christo. Si quidem non otiose in benedictionibus Moysi legimus: « Quis visus est in rubo, veniat super caput Joseph et super verticem ejus, glorificatus inter fratres suos primogenitus: tauri decus species ipsius, cornua unicorni cornua ipsius: in ipsis gentes ventilabit simul usque ad extremum terræ. Hæc decem millia Ephræm, et hæc millia Mannasse (*Deut. XXXIII, 10, 17*). » Quis est in rubo visus Moysi, nisi primogenitus Dei Filius, qui ait: « Ego sum Deus patrum tuorum, Deus Abraham, Deus Isaac, Deus Jacob (*Exod. III, 6*)? » Ideo se demonstravit humanis aspectibus, qui venturus erat ut ab omnibus videretur. Ideo rubus urebatur, et non exurebatur; qui terram istam quæ nobis spinas germinabat et sentes, disponebat urere per continentiae disciplinam, quam consumere (48) per mortis ærumnam. Unde dicit Propheta: « Ure renes meos, et cor meum (*Psal. XXV, 2*). » Revelavit ergo futurum

lipsis adverbii *magis*, vel *potius*: quæ figura minime insolens apud Ambrosium

quoddam corporei splendoris indicium, quo per resurrectionem caro ista fulgeret. Quid enim significabat ignis innoxius, nisi lumina resurgentium? Unde præsumpsit Apostolus dicere, quia « sicut stella a stella differt in claritate, ita et resurrectio mortuorum (*I Cor.* xv. 41, 42). » Hic ergo, inquit veniat super caput **894** tribus Joseph, ut exaltet caput populi sui: veniat etiam super verticem, ut verticem capilli perambulet, amputatus superflua delictorum, sanctificatus ornamenta virtutum.

46. Hic est glorificatus inter fratres suos, sicut ipse dicit: « Narrabo nomen tuum fratribus meis (*Psalm.* xxi, 23). Quæ major est gloria, quam peccatoribus nationum (49) cognitionem divinitatis infundere? quem in visione vidit Joseph, quod manipulum ejus adorarent fratrum manipuli, adoraret eum sol et luna cum stellis. Manipulus ille in figura carnis accipitur; omnis enim caro fenum. Fenum hoc nostrum suscepit, ut suum triticum germinaret, et fructum resurrectionis offerret. Quæris testimonium? Audi de se dicentem: « Nisi granum tritici cadens in terram moriatur, ipsum solum manet: si autem mortuum fuerit, multum fructum afferet (*Joan.* xii, 24). Denique ut scias quia de Dei Filio dicit Moyses, ait: « Glorificatus inter fratres suos primogenitus (*Deut.* xxxiii, 17). » Utique non Joseph erat primogenitus inter filios Jacob, sed Ruben; nam Joseph post plurimos erat. Sed primogenitus dicitur, qui venturus erat, ut nationum populos congregaret.

47. Unde pulchre ait Scriptura: « Tauri decus ejus (*Ibid.*). » Sicut enim taurus dicit armentum, ita Christus plebem gentium duxit ad Ecclesiam, induxit ad pascua; ut posset dicere: « In loco pascuae ibi me collocavit: super aquam refectionis constituit me (*Psalm.* xxii, 2, 3). » Hujus tauri decorum pro captu nostræ fragilitatis armenta (50) secuta sunt præcedentem, ut vitam adipiscerentur æternam. Mugivit hic taurus, et mors refugit. Leo rugit, et quis non timet? Vere maxima taurus victima, ut ab adversariis assumanus testimonia (*Virg. lib. II Georg.*). Quæ major enim victima, quam quæ mundi totius peccatum suo cruento mundavit? Audi quia ipsum taurum dicit etiam sanctus propheta Jacob; cum revelaret Domini passionem, quem Judæi postea persecuti sunt. « In furore, inquit, suo subnervaverunt taurum (*Gen.* xlix, 6). » Et ut aperiret quia de Judæis dicebat, addidit: « Dividam eos in Jacob, et dipergam illos in Israel (*Ibid.* 7). » Hic est homo qui luctatus est cum Jacob, et femur ejus tetigit, quo tactu Patriarchæ nervus obstupuit: significans ex ejus successione secundum carnem se esse venturum, qui subnervandus esset a populo Judæorum in sui corporis passione. Quod non intelligentes myste-

(49) Cod. Vict. et Colb. ac edit omnes, *quam peccatoribus nationum*. Alii mss. ut in textu.

(50) Edit. vet. ac Rom. cum mss. Vict. et Colb.. *hujus tauri decore perpetuo capta nostræ fragilita-*

**A** rum statuerunt ne nervum manducarent filii Israël. Et ideo sacri sanguinis se redemptione fraudarunt, salutiferæ quoque passionis se beneficiis abdicarunt, ne vitam mereantur æternam; quia scriptum est: « Nisi manducaveritis carnem Filii hominis, et biberitis ejus sanguinem, non habebitis in vobis ipsis vitam. Qui autem manducat meam carnem, et bibit meum sanguinem, habebit vitam æternam (*Joan.* vi, 54, 55). » Accipe aliud. Quid est nervus, nisi quo corpus omne constringitur? Corpus Christi Ecclesia est, quæ vinculo stringitur charitatis. Quid aliud in Christo Judæi, nisi charitatis vinculum omne solverunt? Merito Petrus sacerdos eligitur, qui spiritu charitatis divinæ tripli- ci se ligavit.

**B** 47\*. Accipe adhuc quia ipsum significavit Moyses. **895** Adjecit: « Cornua unicorni, cornua ipsius: in ipsis gentes ventilabit (*Deut.* xxxiii, 17). » Sed noli timere quia ventilat; dixit enim: « Percutiam et sanabo (*Deut.* xxvii, 39). » Bona cornua, quibus inclusit orbem terrarum: bona cornua, quibus leonem illum nostrum adversarium ventilavit: bona cornua, quibus ferit ut cornua adversarii timere nequeamus, quia et Satanás habet cornua sua, sicut testificatus est Daniel dicens: « Videbam et cornu illud, quod faciebat pugnam cum sanctis: et invalescebat eis, donec venit Antiquus dierum (*Dan.* vii, 21, 22). » Hic est antiquus dierum. Quis autem unicornius, nisi unigenitus Dei Filius, et unicum Dei Verbum, quod erat in principio apud Patrem? Quod Verbum suis cornibus gentium populos mortificavit, et vivificavit, ut fierent in decem millia Ephræm usque ad terminos terræ, et usque in millia Manassen: eo quod crediturus esset in eum populus nationum qui totum repleret orbem terrarum; crediturus esset postea etiam populus Judæorum, ex obliuione conversus ad gratiam. Oblitus est enim salutem suam, qui tam sero converteretur ad Christum. Ideo Saul in millibus, David in decem milibus; quia durus in paucis, mansuetus in pluribus.

**C** 48. Neque tamen abnuo, si quis quasi ad Joseph dictum putat: « Primogenitus tauri decus ejus (*Deut.* xxxiii 17); » et sic distinguendum putat, quia dedit et sanctis suis cornua: « Exaltavit enim cornu populi sui (*Psalm.* cxlviii, 14). » Et Anna mater prophetæ Samuel dicit: « Exultavit cor meum in Domino: et exaltatum est cornu neum in Deo meo (*I Reg.* ii, 1). » Habuit utique et Joseph in Domino cornua spiritualia. Accipiatur itaque Joseph, dummodo in ipso figura sit Christi, cui dicitur: « Joseph filius meus amplificatus filius meus junior ad me revertere (*Gen.* xlix, 22). » Neque enim Joseph ad Jacob revertitur; sed Christus a mortuis resuscitatus ad Patrem Deum re-

*tis armenta, etc. Paris. quædam, hujus tauri decore pro captu. etc. His cod. Reg. et alii quator proxime accedentes nobiscum faciunt.*

vertitur, ut scriptum est: « A summo cælo egredio ejus, et occursus ejus usque ad summum ejus *Psat. xviii, 7.* » Esto tamen, ut de Joseph accipiatur « Reverte ad me; » quia populus revertitur in terram Chananæorum, in quibus ante habitaverant patriarchæ. Unde dicit Isaac ad Jacob: « Non accipies uxorem a filiabus Chananæorum *(51)* *(Gen. xxvii, 1)*; et mittit eum in Mesopotamiam, ut ibi sibi conjugem reperiret. Nunquid ei insidiati sunt domini sagittarum *(52)*? Numquid ipse propter benedictionem uteri materni in toto orbe benedictus est, et non Dominus Jesus, quem Virgo generavit? Et ideo non solum supra homines, sed etiam supra angelos et archangelos, et supra omnem sublimitatem cœlestium benedictus est potestatum, sicut Scriptura testatur dicens: « Benedictus qui venit in nomine Domini: Deus Dominus, et illuxit nobis *(Psal. cxvii, 26, 27)*. » Dominus enim Deus ipse est Rex regum, et Dominus dominantium in his quæ habentur in cœlis. Propter hæc cornua Domini Jesu, et David in voce tubæ corneæ canens *(Psal. cxvii, 6)*, auditus a Christo est; et Moyses docuit *(Num. x, 10)* sacrificiorum ritus tubæ sonitu esse celebrandos, sicut et scriptum est: « Canite in initio mensis tuba *(Psal. lxxx, 4)*, » Cui hoc, nisi nobis scriptum est? Mensens enim ab initio lunæ veteres observare consueverant. Luna autem Ecclesia est, quæ spiritualibus et evangelicis prædicationibus **896** in abundantia pacis, ut Propheta dixit *(Psal. lxxi, 7)*, extollitur. In Christo ergo cornu ventilabimus inimicos nostros.

19. « Et in nomine ejus spernemus insurgentes in nos. » Quid est nomen nisi quo proprie unusquisque significatur, quod ei non sit commune cum cæteris? Homo enim commune vocabulum est; nisi addas qui vocetur, non potest declarari. Nomen ergo proprietas uniuscujusque est, quo possit intelligi. Unde arbitror quod et Moyses volens proprium Dei, et aliquid de eo speciale cognoscere, quod non esset commune cum cœlestibus potestatibus, interrogavit: « Quod est nomen tuum *(Exod. iii, 13)*? » Denique cognoscens mentem ejus Deus, non respondit nomen, sed negotium, hoc est, rem expressit, non appellationem, dicens: « Ego sum qui sum *(Ibid. 14)*, quia nihil tam proprium Dei, quam semper esse. Quia ergo negant Christum coæternum Patri, videant quia Deum negant, cuius est semper esse, nec aliquando non fuisse. Hac ergo cognitione proprietatis divinæ Moyses insurgentes in se volebat spernere: vel, ut Aquila, aut Symmachus dixerunt, calcare resistentes sibi tanquam serpentes et scorpiones, quos etiam Dominus dicit in Evangelio *(Luc. x, 9)* esse spiritualibus vestigiis proterendos, ut viam nostram

*(51) Quidam mss., a finibus Chananæorum.*

*(52) Ut ostendatur benedictio tribui Joseph a Moyse impertita, de Christo potissimum intelligi debere, hic afferuntur quædam ex verbis iis quibus Jacob moriens Joseph filio bene pecatus est: quæ tamen constat proprie Christo convenire. Fit igit-*

A impedire non possint, quæ ducit ad secreta paradisi. Habemus ergo in nobis studium divinæ cognitionis; habemus Dei verbum, quod est nomen Patris. Hæc vere proprietas Dei, quia Pater Christi est: et ideo in nomine Patris venit, qui venit ut Patris facheret voluntatem. Et ideo ait: « In nomine Patris veni, et non me suscipietis: si alias venerit in nomine suo, illum suscipietis *(Joan. v, 43)*; » significans Judæos in Antichristum credituros, qui in Christum credere noluerunt. Ergo qui in Christum credit, non in arcu suo, nec in gladio suo sperat, sed in nomine ejus spem victoriae locat.

20. (Vers. 7.) Et ideo ait: « Non enim in arcu meo sperabo: et gladius meus non salvabit me. » Sed si in arcu sperandum est, in Dei certe arcu sperandum est, quem posuit in nube, ut a diluvio genus humanum timere desineret. Isto arcu nos protegit, quo arcu et jaculatur sagittas, quibus percutiat inimicos et adversarios nostros.

21. (Vers. 8, 9.) Unde et ait: « Liberasti enim nos ex afflagentibus nos: et eos qui oderunt nos, confudisti. In Deo laudabimur tota die: et in nomine tuo confitebimur in sæcula. » Audi quomodo nos liberet; quia sagittis quas jaculatur e cœlo, terræ nostræ interiora penetrantur; ut motus omnis terrenus intereat et quiescat, sicut in posterioribus ait: « De cœlo jaculatus es judicium: terra tremuit, et quievit *(Psal. lxxv, 9)*. » Sic igitur liberamur, dum confunduntur inimicæ et adversariæ potestates; vel sapientia carnis istius retusa cœlestibus imperatis, in suis criminibus erubescit, et flagitorum suorum pudore confunditur: adulter in libidinis suæ flammis, et vesani amoris incendio: avarus in immodicæ cupiditatis ardore, qui aliena rapiendo, quo plura invaserit, eo majora desiderat: ebriosus in temulentia, facinorosus in scelere, qui et hic confunduntur **897** gravissime: sed multo amplius confundentur; cum viderint sanctos Domini resurgentes et evangelicum illud impleri, quod ait Dominus: « Multi dormientium in terræ monumentis resurgent: isti in vitam æternam, et hi in opprobrium et perpetuam confusionem *(Joan. v, 28 et 29)*. »

22. Cum cœperint ergo illi resuscitari in confusione perpetuam, sanctus Dominus dicit: « In Deo laudabimur tota die: et in nomine tuo confitebimur in sæcula. » Opulentus in divitiis laudatur, luxuriosus in conviviis, scortator in nocte, potens in hac vita quæ habet noctes: sanctus autem non in hac vita, sed in Deo laudabitur; qui Domino per omnia placere gestivit, qui potest dicere: « Fortitudo et laudatio mea Dominus *(Psal. cxvii, 14)*. » Laudabitur tota die; quia honeste egit, et

tur allusio ad illud Gen. xliv, 23: Εἰς δὲ διαβούλευσμαντούς ἐλοιδόρουν, καὶ ἐνεῖχον αὐτῷ κύριον τοξευμάτων. Et infra quoque 25: Εἶνεκεν εὐλογίας μαστῶν καὶ μῆτρας, etc. Vide cap. 11 lib. De benedict. Patriarcharum.

opera sua non abscondit et crimina, sed regi patet. Ecce aeterno, in die ambulans, non in tenebris et occultis. Unde et Apostolus : « Sicut in die honeste ambulemus (*Rom. XIII, 13*) ; » hoc est, non in ganeis atque gurgustiis, non in cubilibus et impudiciis, in quibus flagitosus se putat parietibus esse tectum, ut possit Dei scientiam praeterire; cum invicta apud Deum universorum flagitia sint, et occulta divinæ cognitioni peccata hominum esse non possint. Ergo sanctus laudabitur in futurum ; quia non quæsivit præsentium laudem, sed gratiam futurorum.

23. Vide tamen distantiam. Hic dum est, in Domino gloriatur ; illic in Domino laudabitur, et pro breve tempore mercedem aeternitatis accipiet. Aquila tamen posuit : « In Domino gloriabimur tota die. » Symmachus ait : « Deo hymnum dicemus per omnem diem. » Concordat omnium sensus, ut non desinamus circa Dei laudes, sive hymnum dicendo (*53*), sive divinam per omnia momenta gloriam concinendo. Qui enim hymnum dicit, puro corde et spiritualiter dicit, et omne genus passioni excludit humanæ ; ut nullo mero, nullius doloris acerbitate impediatur ejus officium, exasperetur ejus affectus : sed hymnum Deo dicendo, immobilis atque irrevocabilis perseveret ; sicut ipse David qui ait : « Benedicam Dominum in omni tempore, semper laus ejus in ore meo (*Psalm. XXXIII, 2*) ; » sicut Job, qui amissis filiis, interemptis omnibus suis, direptis facultatibus ait : « Dominus dedit, Dominus abstulit... sit nomen Domini benedictum (*Job 1, 21*). »

24. (Vers. 10.) « Nunc autem repulisti et confundisti nos. Et non progredieris Deus in virtutibus nostris. » Cum ipse sanctus David alio loco dixerit : « Quia non repellit Dominus plebem suam (*Psalm. XCIII, 14*) ; » quomodo hoc loco ait : « Repulisti nos, » præsertim cum haec de plebe dicat, cui non mediocria insignia propriæ virtutis enumeret ? Neque enim mediocre est dicere quod tempestates et variæ tentationes super se venerint, et oblitio non sint Dominum Deum suum, et inique non egerrint in Testamentum ejus (*Infra*, vers. 18), et cætera quæ sequuntur. Unde etiam, Apostolus sanctus interpretatur, et dicit quod eo usque non repulerit plebem suam Dominus, ut posuerit loquenter eum : « Tota die expandi manus meas ad plebem non credentem, et contradicentem (*Isa. LXV, 2, Rom. X, 21*). » Cujus sermonis auctoritate subnixus ait : « Dico igitur : 898 Numquid repulit Deus hereditatem suam ? Absit. Nam et ego Israëlite sum, ex semine Abraham, de tribu Benjamin (*xii, 1, 2*). » Non repulit Deus plebem suam, quam præscivit. Sed potest hoc loco dici quoniam ideo

(53) Hymnus ex Greg. Nyss. tract. 5 in *Psalm.*, cap. 3 est, ἦ ἐπὶ τοῖς ὑπάρχουσιν ἡμῖν ἀγαθοῖς ἀνατίθεμέν τῷ Θεῷ εὐφημίᾳ. Sed nos de hoc alibi plura.

(54) MSS. quinque Gall., quod non solum in paucis servaverit, qui non curvaverunt genua ante Baal :

A non repulit plebem, quia reliquiae secundum electionem gratiæ salvæ factæ sunt. Et videtur in paucis non repulisse quidem populum, tametsi non totum populum. Sed ex eo plurimos repulisse. Unde addidit ponendo responsum Dei, quod non solum in paucis servaverit plebem, sed etiam septem millia virorum sibi reliquerit, qui non curvaverunt genua ante Baal (*Ibid. 4*). Verum fuerit hoc (*54*) dictum ab Apostolo secundum Evangelium quoniam Dominus transierat ad gentes : responsus autem divini tempus referatur ad zelum adhuc fidei ferventem, quando etiam prophetarum gratia redundabat populo Iudeorum. Unde si Eliæ tempore negavit Dominus a se plebem repulsam, multo magis tempore David, vel filiorum Core, quo adhuc fides electi populi prænitezbat.

B 25. Tamen ut et ipsum sanctum David interrogemus, quomodo Dominus plebem suam non repulerit, colligamus. Nam cum sit Deus appropinquans, non elonginquans, sicut habet scriptura Veteris Testamenti (*Jeremiah. XXIII, 23*), utique qui appropiat, non repellit. Est enim misericordia divinæ, ut nulli causa sit mortis (*55*), et omnes putet esse redimendos. Sed vide ne ille repellatur, qui se elongat a Domino, sicut dicit David : « Quoniam ecce qui se elongat a te peribunt : perdidisti omnes qui fornicantur abs te (*Psalm. LXXII, 27*). » Quid est, abs te fornicantur ? Quia turpitudinis suæ ludibriis te relinquunt, et a te recedunt, et a præceptis tuis devii sunt. Denique alibi habes scriptum : « Adulteros autem judicat Deus, disperdere eos a se

C (*Hebreus. XIII, 4*). » Repulisti ergo, hoc est, alienando abs te perdidisti eos. Ergo qui se a Domino separat, ipse a Domino separatur : is qui non cognoscit Dominum, a Domino non cognoscitur : et qui ignorat, ignoratur ; sicut ipse Dominus dixit : « Discedite a me, omnes operarii iniquitatis, nescio vos (*Matthew. VII, 23*). » Non enim scire dignatur iniquitatem ministros et iniquitatis auctores. Peccator ergo non repellitur ; quia ipse se repellit. Hoc igitur genere dicit : « Nunc autem repulisti et confundisti nos. »

D 26. Quomodo tamen repellat Deus, qui sequitur versiculos exponit. Quia « non progredieris, inquit, Deus, in virtutibus nostris. » Deus quando non adjuvat, repellere videtur. Unusquisque enim qui adiumenta non sentit divinitatis sibi opitulatione conferri, repulsum se putat atque desertum. Quid est autem quod ait : « Non progredieris, Deus ? » Et quid sibi vult quod Deus interdum aut progredi dicitur, aut egredi, aut exsurgere, aut descendere ? Non enim corporaliter Deus movetur aut de aliquo loco exit, aut ad alterum transit, qui supra omnia est : aut vere exsurgit, quasi in aliquo jaceat cu-

verum fuerit hoc, etc. Statuat prudens lector, num forte haec lectio alii præferenda sit.

E (55) Codex Reg., uteque qui appropiat, ut nulli causa sit mortis, etc., Alii autem quatuor, utique qui appropiat, ut nulli, etc.

bili, vel in aliqua sede corporaliter sedeat; sed hæc dicuntur, ut tu intelligas quando et ad quem egredi dicatur, et ad quem exsurgere. Legimus enim in hoc ipso psalmo: « Exsurgere, quare obdormis, Domine (*Infra*, vers. 23)? » Et considerandum ne quando **899** nostris improbabilibus actibus obdormire videatur; ut in Evangelio legimus, cum adhuc imperfecti essent apostoli quod his Jesus Christus dormiebat (*Math. viii*, 24.) Verum ubi metu naufragii et timore perculti sunt, Christum excitaverunt dormientem (*Ibid.* 25). Perfidis ergo dormit Dominus Jesus, fidelibus vigilat.

27. Denique et qui fidelis est, intrat ad Deum: et a negligente Deus videtur exire atque discedere. Certe imperfectos et adhuc infirmos attrahit ad se Dominus; sicut legisti dicentes juvenculas: « Attrahe nos, post odorem unguentorum tuorum curremus (*Cant. i*, 3). » At vero Moses qui jam fortior erat, et electus a Domino, et ascendere legitur, et intrare ad Dominum Deum suum, sicut scriptum est: « Quia ascendit Moyses in montem, et circumdedit lux montem (36), et descendit majestas Domini in montem Sino, et cooperuit eum nubes sex diebus: et vocavit Dominus Moysen die septimo, de media nube. Aspectus autem majestatis Domini tanquam ignis ardens super verticem montis coram filiis Israel. Et intravit Moyses in medium nubem (*Exod. xxiv*, 15 18). » Sicut ergo hic Moyses intrabat in nubem, ubi primum ad montem vocatus a Domino est: ita in posterioribus perfectior, cum ipse intraret in tabernaculum suum, descendebat ad eum columna nubis, et stabat in ostio tabernaculi, et stans totus populus adoraverunt unusquisque ad ostium tabernaculi sui (*Exod. xxxiii*, 9 et 10): in nube autem Dominus; posuit enim (*Psal. xvii*, 12) tenebras latibulum suum. Ut scias autem quia de Domino dicit: « Et locutus est, inquit, Dominus ad Moysen (*Exod. xxxiii*, 1). » Quod autem extra castra tabernaculum Moysi possum esse commemoratur, ut occurreret Deo, non videtur esse contrarium; qui enim Deum querit, quasi ad Deum intrat, et tota mente ad cognitionem ejus ingreditur.

28. Justus ergo intrat ad Dominum, sicut Moyses intrabat in nubem: in nube autem Deus. Denique: « Ecce Dominus venit in nube levi (*Isa. xix*, 1). » Et in Evangelio habes scriptum: « Cum autem oras, intra in cubiculum tuum, et clauso ostio, ora Patrem tuum in abscondito: et Pater tuus qui videt in abscondito, reddet tibi (*Matth. vi*, 6). » Ergo intus quasi in cubiculo tuo Deus est. Audi etiam alibi, quia intus est Deus. « Ecce, inquit, Dominus procedet de loco suo, et descendet et ascendet super excelsa terræ, et movebuntur montes sub eo, et valles liquecent (*Mich. i*, 3 et 4). »

(56) Edit. Rom., et eccundedit nubes montem.

(57) Hoc loco id significat Ambrosius Christum gradus omnes ac notas humanorum affectuum,

**A** Scriptura hoc dicit: et jam tunc significabit quod desereret populum Judæorum, et transiret ad gentes. Denique et in psalmo hoc invenimus expressum, cum dicit David: « Et ipse tanquam sponsus procedens de thalamo suo. Exsultavit tanquam gigas ad currendam viam (*Psal. xviii*, 6). »

29. His igitur generibus reperimus egressum Dei, aut ejus ingressum, sicut et Dominus dicit Jesus quia ad virum timentem veniat. « Ecce, inquit, sto ad januam, et pulso: et si quis audierit vocem meam, et aperuerit januam, intrabo ad eum, et coenabo cum illo, et ipse tecum (*Apoc. iii*, 20). » Hæc igitur diximus propterea quod ait Propheta: « Repulisti nos, et non progredieris, Deus, in virtutibus nostris. »

**B** 30. Simpliciter autem et illud accipiamus, quia Deus progressus est in virtutibus Judæorum **900** quando Iesu Nave ducem militiæ cœlestis adoravit: et ideo sine ferro vicit, et sine ulla obsidione destruxit urbem Jericho, quæ habebat validissimos muros. Quando enim progressus est in virtutibus servorum suorum Deus, victoria consecuta est. Nam progressus est angelus ad Ezechiae preces, et stravit innumeratas copias Assyriorum. Sed interdum et quos vult in certamine coronari Dominus, veluti derelinquit ad tempus, ut fide vincant, nec rebus secundis et prosperis devotio remittatur. Denique saepe qui prosperorum cursu, et secundorum usurpatione ceciderunt, corriguntur adversis. Ideo frequenter invenimus Judæos post victoriam lapsos, post servitium corretores, quia precibus et deplorationibus Deum ad se redire fecerunt.

31. Unde et illud quod secundum hominem dictum est, et hominis affectum, huic sententiæ non repugnat, quia dixit Dominus: « Deus, Deus meus, respice in me, quare me dereliquisti (*Psal. xxi*, 2)? » Non quod derelictus sit Dominus, qui ait alibi: « Quoniam solus non sum, quia Pater tecum est (*Joan. xvi*, 31), » sed quia secundum carnem hominis et affectum, qui in certamine gravi est constitutus, derelictus videtur a Domino. Denique non otiose, ait scriptura, quia post temptationem primam discessit ab eo diabolus usque ad tempus (*Luc. iv*, 13), hoc est, usque ad certamen; ubi enim magnum certamen sacræ passionis advenit, iterum adversarius ad testamenta successit: **D** homo autem quando velut in ambiguo constitutus est, putat se a Deo suo esse desertum. Sed quemadmodum hoc secundum carnis affectum accipimus; quia sibi homo visus est derelictus, cuius processum operatus est Christus in corpore suo (57): ita etiam divinitate sciebat se nunquam derlinqui a Patre, quia ipse dixit: « Ego in Patre, et Pater in me (*Joan. xiv*, 10) » et solum se non esse signavit.

32. (Vers.) Substituit etiam versiculum innoxiorum videlicet, in humanitate sua suscepisse, et præ se tulisse.

istum: « Avertisti nos retrorsum præ inimicis nostris. » Non est bene, qui retrorsum avertitur, quia « nemo mittens manum in aratum, respi- ciens retro, habilis est regno Dei (*Luc. ix, 62*). » Denique uxor Lot, quia retro respexit, ad verticem montis, hoc est, ad superiora pervenire non potuit, sed in salem conserva est, quæ species cita solvi- tur, nec potest usum habere diuturnum. Sic sunt qui temporalia sequuntur, et non sequuntur æter- na: et hic infatuantur a stultitia sua, et futuro- rum gratiam habere non possunt. Sunt tamen qui retro positi obliviscuntur superiorum, et ad priora se extendunt, ut ad bravium valeant pervenire. Et Petro dicitur: « Vade retro me, Satana (*Marc. viii, 33*), » ut in melius provocetur. Et in numeris (58) prior est, qui post Christum est. Ideo ergo *præ inimicis*, quia illi nos affigunt, et illi insectantur. Retrorsum nos esse voluisti, ut extendamus nos ad superiora, ut semper ante nos attendamus, perse- quentes inimicos nostros, et eorum locum transire cupientes.

33. Denique sic Theodotion habet, quomodo Septuaginta viri, hoc est, quomodo iste versus expositus est. Aquila habet: Avertisti nos retro ab afflidente. » Symmachus: « Ordinasti nos novissimos ab omni adversario. » Contraria nobis quæ sunt, nisi **901** voluptuaria istius sæculi, et plena deliciarum atque lasciviæ, et quæ sunt incentiva luxuriæ? Uxor Lot decepta est, quia post se habebat luxuriam Sodominatorum, et regionis ejus illecebras. Unde decepta est? Quia post se re- spexit. Et tu ergo ne ad inimicos tuos respicias, C posuit te Deus novissimum in sæculo. Vel: Qui humilitate se ultimam facit, non convertitur retro; sed semper ante respicit. Ut scias autem qui sint inimici tui, audi dicentem: « Audi, Israel... Quid est quod in terra es inimicorum... pollutus es cum mortuis (*Baruch iii, 9-11*)? » Quis tamen tam inimicus et hostis tuus, quam princeps istius mundi, et ejus socii, qui persecuti sunt usque ad crucem Dominum Jesum, ejus potentiam nescientes? Si enim cognovissent, nunquam Dominum majestatis crucifixissent. Ergo tu etsi novissimus es, noli inimicos tuos sequi; sed sequere Dominum Jesum, et crucem ejus cum lætitia, et insiste vestigiis ejus. Qui enim Christum sequitur, post se non respicit, id est, ad luxurias atque illecebras peccatorum, et D ideo potest dicere cum sanctis: « Non recessit retro cor nostrum (*Infra, vers. 19*). » Unde intelli- gitur quod et is qui ante inimicos suos est, corde fit novissimus atque postremus, si ad illos respiciat, et carnalibus potius quam spiritualibus affectu men- tis intendat. Potest etiam qui novissimus est, corde prior esse, si ea quæ in cœlo sunt, consideret, et non quæ in terris. Audi quia novissimus in sæcu- lo, inter primos sit apud Christum. « Puto quia

(58) Edit. Rom., *Et in numero prior est*. Aliæ, atque mss., *Et in numeris, etc.* Quod si conju- ctum legretur *innumeris*?

A Deus nos apostolos novissimos ostendit, sicut morti destinatos, ut spectaculum simus huic mundo, et angelis et hominibus (*I Cor. iv, 9*). » Novissimum se dixit, et idem tamen quod primus esset osten- dit, cum dicit: « Nostra autem conversatio in cœlis est *Philipp. ii, 20*. »

34. (Vers. 42.) Sequitur: « Et qui oderant nos, diripiebant sibi. Dedisti nos tanquam oves escarum, et in nationes dispersisti nos. » Miraris forsitan quod cum in posterioribus, ut diximus, summam habeant fidei constantiam qui loquuntur, hic dicant quod ab iis qui oderant eos, diripiebantur: sed non te ista perterreant. Multi enim hic diripiuntur, et tamen merita eorum a Christo non queunt se- parari. Rapiebantur apostoli, cædebantur virgis, in carcerem trudebantur, separabantur a se, et tamen cum Christo manebant: imo hoc ipso quod rapie- bantur a perfidis, eorum merita crescebant, et grata in cœlestibus augebatur. Non enim statim qui ab hominibus diripitur, etiam vincitur. Vide apostolum Paulum gratulatum in periculis suis: vide gloriantem, quod per fenestram in sporta de- missus sit. Vide quemadmodum sanctus Jeremias, sanctus Ezechiel, sanctus Daniel in captivitatem deducti, et ab Assyriis direpti, nullam tamen cap- tivitatem propriæ fidei pertulerunt, nec in Testa- mentum Domini deliquerunt, qui servaverunt in ca- ptivitate etiam legis præcepta divinæ, nec de inter- dictis cibis putaverunt contra institutionem majo- rem aliquid usurpandum.

35. Unde bene Theodotion dixit: « Et qui ode- rant nos, exultabant super nos; » insultatio enim inimicorum non affert præjudicium bonis mentibus, sed nec direptio inimicorum. Ideoque sanctus di- cit, qui certus est quod direptio sibi obesse **902** non possit: « Quis nos separabit a charitate Chri- sti? Tribulatio, an angustia? » Et cætera: « Sed in his omnibus superamus et supervincimus per eum qui dilexit nos; scientes quod neque mors, neque vita, neque angelus, neque Potestates, ne- que præsentia, neque futura... separare nos pos- sent a charitate Dei, quæ est in Christo Jesu Do- mino nostro (*Rom. viii, 35-39*). » Ergo qui talis est, non separatur a Christo. Unde etiamsi corpo- raliter diripiatur, spiritualiter tamen liber est: et non solum direptioni obnoxius non est, sed etiam rapinam sibi laudabilem quærerit; sicut illi de qui- bus scriptum est: « A diebus Joannis Baptiste regnum cœlorum cogitur, et cogentes diripiunt illud (*Matth. xi, 12*). » Victor est itaque qui in ter- renis positus captivus perfidiæ esse non novit (59); nec solum ei non diripitur quod præclarum est, sed magis ipse diripit quod æternum est.

36. Sunt etiam qui fiant oves escarum. Bonus Dominus noster Jesus Christus quia factus est ovis epulationis nostræ. Quæris quomodo factus sit?

(59) MSS. aliquot, *captivus per fidem esse non no- vit*. Haud male, si modo *per fidem*, sumatur pro- fidei ope ac præsidio.

Audi dicentem : « Pascha nostrum immolatus est Christus (*I Cor. v, 7*). » Et considera quemadmodum parentes nostri in figura diripientes agnum manducabant, significantes Domini Jesu passionem, cuius quotidie vescimur sacramento. Per ipsam igitur ovem facti sunt *greges escarum*, sicut Aquila dixit : vel, *greges in escas*. sicut Theodotion locutus est : vel *pascua edentium*, sicut Symmachus dixit. Sed bona epulatio non solum non est metuenda sanctis, sed etiam concupiscenda. Alter enim ad regnum cœlorum non potest perveniri, cum ipse Dominus dixerit : « Nisi manducaveritis meam carnem, et biberitis meum sanguinem. non habebitis vitam æternam (*Joan. vi, 54*). » Probatum est igitur quod Dominus noster sit cibus, sit epulatio, vel alimentum edentium ; sicut ipse ait : « Ego sum panis vivus, qui de cœlo descendit (*Ibid. 51*). »

38. Et ut scias quia hæc omnia propter nos facta sunt, ex quo ille descendit, ex illo sanctus ait : « Nos omnes unus panis sumus (*I Cor. x, 17*). » Non ergo timeamus, quia facti sumus oves escarum. Sicut enim Domini caro, et sanguis ipsius nos redemit ; ita etiam Petrus pro Ecclesia multa toleravit. Multa etiam sanctus apostolus Paulus, et cæteri apostoli pertulerunt, cum cæderentur virgis, cum lapidarentur, cum in carceres truderentur. Illa enim tolerantia injuriarum et usupericulorum Domini fundatus est populus, et Ecclesia incrementum est consecuta, cum cæteri ad martyrium festinarent, videntes per illas passiones nihil apostolorum decessisse virtutibus, sed etiam propter hanc brevem vitam immortalitatem illis esse quæsitam.

38. Quod ostendit etiam qui sequitur versiculus, quia dixerunt : « Et inter gentes dispersisti nos. » Similiter Theodotion dixit ; Aquila autem et Symmachus : « In gentibus, aut inter gentes ventilasti nos. » Missi sunt enim sancti apostoli ad gentes, et dispersi sunt inter gentes, sicut et prophetæ sancti, de quibus supra diximus, ut illa dispersione fructus plurimi nascerentur. Ut enim Dominus noster Jesus Christus sicut granum cecidit in terram, et mortuus est, ut multum fructum afferret : ita etiam dispersi sunt apostoli sancti, ut bonum inter gentes semen afferrent, quo ad eorum similitudinem **903** fructus gentium pullularet. Denique Scriptura hoc dicit dixisse Dominum : « Quia propterea vos misi, ut vos eatis, et fructum plurimum afferatis, et fructus vester maneat (*Joan. xv, 16*). » Factus est ergo Dominus Jesus Christus sicut semen, secundum quod dictum est ad Abraham : « Et semini tuo (60) (*Gen. xvii, 8*), » quod est Christus. Semen ergo omnium Christus. Et ideo se cadere passus est et spargi, ut conforme corpori

(60) Huc edit. Rom. inseruerat : *Multiplicabo semen tuum* ; *quod interpretatus* Apostolus dixit ; quæ nusquam alibi reperiuntur.

(61) Ita edit. ac duo mss. At vero in quinque aliis legas : *ut in agrum Ecclesiæ ex gentibus congregatæ diversis... Isti esgo dispersiones*: etc. Bene

**A**suo transfiguraret corpus humilitatis nostræ. Hoc ergo semen salutare omnibus hominibus pullulavit, et ex illo ad ejus imaginem figurati, quasi semina apstoli sancti missi sunt per diversa atque dispersi, ut in agrum Ecclesiæ gentes congregatæ diversis fructibus resulgerent toto orbe terrarum. Istæ ergo dispersiones (61) dicuntur, sicut etiam in posterioribus idem David dicit : « Edificans Jerusalém Dominus, et dispersiones Israel congregans (*Psal. cxlvii, 2*). » Dispersi sunt enim ut novos fructus facerent, et postea veluti triticum novum Ecclesiæ horreis inveharentur.

39. Hæc autem dispersio non in inferioribus fit, hoc est, non in terra, sed in cœlo. Denique legis hoc præcepta confirmant, per quam dicit Dominus : « Si fuerit dispersio tua a summo cœlo usque ad summum cœli, inde congregabo te, dicit Dominus (*Deut. xxx, 4*). » Quæ est dispersio a summo cœlo usque ad summum cœlum ? Quis iste tantus, qui sic potuerit disseminari ? Si homo, in terra natus est : ab imo, non a summo cœpit. Si iste movent atque perturbant, redi ad superiora istius sancti prophetæ, et audi quis ille sit tantus qui hujusmodi in terris fecundavit, ut fructus earum ad cœlestia receptacula perveniret. Est autem ille sponsus qui quasi gigas percurrit hanc viam totam, inviam aliis, sibi perviam : et ex illo cœpit pervia jam esse mortalibus ; ita tamen, ut isti ascenderent : solus tamen ille ipse ante descendere, ut postea sancti ejus mererentur ascendere. Audi ergo quomodo disseminatio fuerit de cœli summo ad cœli summum. « A summo, inquit, cœlo egressio ejus, et occursus ejus usque ad summum ejus (*Psal. xviii, 7*). » Cui homini hoc possit attribui ? Moyses vix in verticem Sinæ montis ascendit, et hoc quia vocatus a Domino est, et horatus est voce cœlesti. A summo cœlo quis descendet nisi Christus, qui et cum descendit in terras, manebat in cœlo ? « Nemo enim ascendit in cœlum, nisi qui descendit de cœlo, Filius hominis qui est in cœlis (*Joan. iii, 13*). » Vides ergo quia et cum descenderet, et ascenderet ipse erat et manebat in cœlo. Ipse enim dixit : « Cœlum et terram ego compleo, dicit Dominus (*Jerem. xxiii, 24*). » Ipse est qui est in cœlo. Hæc de dispersione satis dicta sint.

40. Caeterum quod ait : « ventilasti nos ; » etsi verbo distat, sensu congruit. Sicut enim illi qui dispersi sunt, probati sunt : ita etiam qui ventilati sunt, ad probationem pervenire meruerunt. Sicut enim triticum si ventilatur, et a paleis separatur, mundum esse non poterit, sed exstat paleis concretum atque permistum : ita etiam homo, nisi tentationibus fuerit ventilatus, fragilia quæque veluti paleas

si ad apostolos referas ; sicut et quod sexdecim post lineas, ubi edit. et aliqui mss. habent : *segetes secundavit*, *ut fructus earum* ; iidem quinque præferunt... *ut fructus eorum*. Haud male, potest enim et hic syllepsis esse in voce, *segetes*, qua vel apostoli, vel populi ab ipsis conversi designentur.

a se non potest separare. Unde **904** etiam ad Pe-trum dictum est : « Simon, ecce Satanus expo-stulavit, ut ventilet vos sicut triticum : ego autem rogavi Patrem meum, ut non deficiat fides tua (*Luc. xxii, 31, 32*). » Vide quid dicit, et intellige. Ventilatur Petrus, ut Christum negare cogatur. Incidit tentationes, quædam locutus est quasi plena palearum : sed locutus est verbo, ut fundatior es-set affectu. Denique flevit, et paleas suat lavit, et illis temptationibus meruit ut pro se Christus in-terveniret. Quanto majus est patrocinium, quam perturbationis illius testamentum ? Et ideo plus quam passus est, acquisivit ; acquisivit enim Chris-tum sibi patrocinantem. Cogitur autem adversarius sanctos Domini ad sua damna tentare. Dum enim tentat, meliores reddit, ut qui tentatur, possit et alios instituere, qui sibi invalidus videbatur. Deni-que Petrus Ecclesiæ præponitur, postquam tentatus a diabolo est. Ideoquæ ante significat Dominus quid sit illud, quod postea eum pastorem elegit Dominici gregis. Nam huic dixit : « Tu autem con-versus confirma fratres tuos (*Ibid. 32*), » Conver-sus est ergo sanctus apostolus Petrus ad bonam frugem, et ventilatus est sicut triticum, ut esset ipse cum sanctis Domini unus panis, qui nobis esset alimentum. Dum enim Petri actus legimus, Petri præcepta cognoscimus, fit nobis vitæ æternæ et salutis alimentum.

**41.** (Vers. 13.). « Vendidisti, inquit, populum tuum sine pretio. » Emendi et vendendi videtur æqualis quidam esse contractus : sed tamen si ementis et vendentis affectum consideres, unusquisque sibi viliorem vendit, et complacitum emit. Ut enim præter id genus hominum loquamur, qui negotiationem vendendis mancipiis exercent, non facile quisquam vendit nisi cum, qui sibi disipli-neat, et quem usui suo inhabilem putet : et ite-  
rum, unusquisque emere desiderat eum ; quem utilitati vel ministerio accommodum judicaverit. Sed et ipsi qui in vendendis mancipiis sumptum exercent suum, et sectantur luera, utique ita viles habent eos quos vendunt, ut eis viliores sint quam pecunia ; et sæpe etiam ipsi quos negotiationi suæ magis habiles æstimaverint, malunt tenere quam vendere.

**42.** Ita ergo et Deus viliorem vendidit, potiorem emit. Vendidit populum Judæorum, non inclem-en-tia Dei, sed sua culpa, quibus recte dicitur : « Ec-ce peccatis vestris venditi estis, et propter iniqui-tates vestras dimisi matrem vestram (*Isa. L, 4*). » Hoc itaque genere venditus populus Judæorum, emptus est populus Christianus : ille peccato ven-ditus, hic emptus sanguine. Unde Petrus ait : « Pre-tio emptis estis, non corruptilibus argento vel auro empti estis... sed pretioso sanguine (*I Petr. I, 18, 19*). » Quis est sanguis pretiosus, nisi Agni illius immaculati, hoc est, Domini nostri Jesu Chri-sti ? Ergo sine pretio populus Judæorum, pretiosus autem populus Christianus. Ille pretium non habet,

A quia peccatum habet : iste in pretio est, cui pec-catum remissum est. Unde recte Ecclesiæ filiis dicitur : « Pretio empti estis, nolite fieri servi ho-minum (*I Cor. vii, 23*). » Si tibi dicitur, ne servus fias hominum, et perdas propriam libertatem, **905** multo magis dicitur tibi, ne servus fias peccati. Et iterum, ne servus fias serpentis inimici et ad-versarii : sed servias soli Domino, qui propria te redemit charitate ; quia ipse est suorum redem-p-tio servorum.

**43.** Non vendit ergo Dominus nisi servum ma-lum : non vendit utique bonum. Nam etsi Joseph venditus est, non dixit tamen Propheta : A Domino venditus est Joseph ; sed : « In servum venditus est Joseph (*Psal. civ, 17*) », quem fratres proprii B vendiderunt : quem Dominus tamen in figura pro-priæ passionis redemit a servitute, renovavit ad gratiam. Vendiderunt itaque eum fratres, et ac-cepérunt pecuniam : sed Dominus eum non solum libertati reddidit, sed etiam dignitate cumulavit. Figuram autem in eo fuisse Domini Jesu ostendit Scriptura, quæ dicit : « Filius meus zelo appeti-tus... ad me revertere (*Gen. XLIX, 22*). » Et alibi : « Primogenitus tauri decus ejus (*Deut. XXXIII, 17*) ; » eo quod exaltaverit Deus Pater cornu Christi sui.

**44.** Qui ergo venditur, vilis et sine pretio est, quasi qui magis non sit, quam qui sit. Unde et Aquila dixit : « Tradidisti populum tuum, ut non esset » Et Symmachus : « Tradidisti populum tuum sine substantia. » Non sunt enim, qui repudiантur a Christo : sunt autem qui eliguntura Domi-no, quoniam Dominus vocavit quæ non sunt tan-quam quæ sunt : et electæ sunt gentium nationes ut destructur perfidia Judæorum. In nihilum ergo traditus est ille populus, quia peccato suo vendi-tus est, nullam enim habet culpa substantiam.

**45.** Unde dictum puto : « Et non fuit multitudo in commutationibus eorum, » hoc est, Gratis nos dispersisti per nationes ; neque enim tu quidquam per commutationem accipis, ut animam tradas hominis ; nihil enim tibi gratius est animæ con-versatione : sed si converti detrectat, ipsa se tradit in nihilum ; ut peccato et flagitio mancipetur. Ideo tu sine pretio et sine commutatione degenerem po-D pulum vendidisti. Unde in posterioribus ait : « Non enim est illis commutatio (*Psal. LIV, 20*). » Quare non est illis commutatio ? « Quia non timuerunt, inquit, Deum (*Ibid.*) »

**46.** Duplex autem intellectus quare commutatio-nem non habuerit populus erroris, quia non potest homo argento vel auro, vel possessionibus redime-re animam suam. Quam enim dabit commutatio-nem animæ suæ, cum illa temporalia vel caduca sint, anima autem permaneat vel ad præmium, vel ad pœnam ? Non fuit autem illa commutatio etiam in impiis, quæ est in resurrectione, de qua dicit Apo-stolus : « Omnes resurgemus, non omnes immu-tabimur (*I Cor. xv, 51*). » Potest quoque et sic in-

telligi, quia, et si pauci redempti immutari meruerunt, ut Abraham, Isaac, Jacob, Moyses: non tam ad omnes commutatio ipsa pervenit. Est citam illud, ut non sit multitudo in commutationibus gravium peccatorum, secundum quod scriptum est, quia « quorumdam hominum peccata manifesta sunt præcedentia in judicium: quosdam autem et subsequuntur (*I Tim. v. 24.*) » Quæ gravia sunt **906** atque manifesta præcedunt, et sine ulla dubitatione merguntur: quæ autem leviora sunt, bonis operibus sæpe relevantur. Beati enim quorum remissæ sunt iniquitates, et quorum tecta sunt peccata. Ubi autem iniquitas propendet, nulla bonorum operum commutatione revocatur.

47. Ergo et si quis redemptus est de populo Judæorum, non ideo redemptus quia multam habuit estimationem sui, nec quia multitudinem habuit in commutatione sua: sed redemptus est gratis, quod te docet Apostolus dicens: « Reliquæ secundum electionem gratiæ salvæ factæ sunt (*Rom. xi, 5.*) ». Ubi autem gratia, non utique merito operum, nec justificatione virtutum: sed liberalitate donantis, electione redimentis, quod aequæ Scriptura te docuit, dicente apostolo Paulo: « Si autem gratia, jam non ex operibus: alioquin gratia jam non est (*Ibid. 6.*) ». « Quid ergo quod quærebat Israel, hoc non est consecutus? Quare non sit consecutus, agnosce, quia se justificare cupiebat, quia operum suorum jactantiam requirebat quia fidem non detulit, nec gratiam recognovit. Et ideo electio consecuta est, quæ vocantem audivit, advenientem suscepit (62).

48. (Vers. 14.) Merito ergo in persona populi illius dicitur: « Posuisti nos in opprobrium vicinis nostris: illusionem et derisum iis, qui sunt in circuitu nostro. » Qui sunt isti finitimi, et quemadmodum ad viciniam Israelitæ populi pertinuisse videantur, non est facile discernere, si spiritualis vicinia requiratur, habens quoddam lumen cognitionis ad investigandum mysterium Christi: præsertim cum in ipso libro Salomonis qui scribitur Ecclesiastes, didicerimus quia quo magis quæritur sapientia, eo profundior judicetur. Sic enim scriptum est: « Dixi, Sapientiam requiram, et ipsa longe facta est a me, longe magis quam erat: et in profundo altitudinem quis inveniet ejus (*Eccle. vii, 24 et 25.*)? » Unde dissidentia oboritur mihi scrutari divinitus spirantis Scripturæ mysteria, et ejus examinare sermones: quod ille digne potuit, qui inter perfectos sapientiam loquebatur. Ego

(62) Rom. edit. sola, *audientem suscepit*. Huic quidem loco non nihil offusum est obscuritatis, sed quam nulla ex parte mulatio illa discutiat. Putamus autem servata mss. et ant. edit. lectione eam facilius posse depelli. Quippe ex orationis serie id intelligere haud ægre licet eos ex Israelitis qui justificati sunt, atque eos qui non pervererint ad justificationem inter se opponi, docerique alios, quod eam operum suorum fiducia pleni quærerent, repudiatos: auditos vero et susceptos alios, quod electionem gratiamque divinam invo-

**A** perfectos video, nec immerito perfectos dixerim, cum videam vos sensus exercitatos habere, ad discretionem boni et mali: sed et ipse tamen qui sciebat solidiores capere cibos, adjumenta quærebant, ut in eo verbum Domini curreret (*II Thess. iii, 1.*). Nec iste quoque sine precatione hoc potuit usurpare, ut laudatio ejus jucunda fieret Deo (*Psal. CXLVI, 1.*), non enim usurpantis, sed precantis assertio est.

49. Tamen ne penitus refugisse videamur, consideremus qui vicini tribulus fuerint Judæorum. Nam ut vetera recenseamus, Philisthiim tribui Judæ finitimi habebantur: et alio latere iidem tribui Ruben appropinquabant. Ammonitæ quoque in deserto erant: et qui erant in sinibus Tyri et Sidonis, Galilææ copulabantur hoc est, tribui Zabulon, et tribui Nephthalim, quæ erant in Galilæa, sicut Isaias dixit: « Terra Zabulon, et terra Nephthalim, via maris trans Jordanem (*Isa. ix 1.*) ». Unde potest quis colligere, quæ proprietas **907** uniuscujusque singularum fuerit tribuum, ut certis quibusque finitimi jungerentur, quo paulatim etiam gentibus insunderetur cognitio cœlestium sacramentorum. Quod utique potest intelligi de illa muliere Chananaea, quæ exivit de finibus suis, ut Domino Iesu occurreret transeungi, et posthabitis simulacris suis, adoraret verum salutis auctorem: cui testimonium dedit Dominus noster Jesus Christus, quod magna esset fides ejus. Resplendebat quidem jam gratia Evangelii, et præsentiae lumen augustæ (63): sed tamen quia sponte

**C** exivit, et misericordiam postulavit, et Dominum pia voce confessa est, et quasi fastidio habita, in clamore petitionis propriæ perseveravit, non mediocrem prærogativam accepit istiusmodi mulier, quæ prima exivit de gentium nationibus, et perseveranti obsecratione tantum Domini testimonium meruit reportare.

50. In quo quidem loco velut dubitasse quosdam cognovi, quid sit quod ait: « Non sum missus nisi ad oves quæ perierunt domus Israel (*Matth. xv, 24.*) », quasi nobilitatem generis electi ad salvandas animas Dominus quæsisse videatur, qui venit ut omnes redimerentur. Sed ostendere dignatus est propositum, quod eos primo elegerat, nequaquam refutare cupiebat, et sæpe devios et errantes tamen paterno quodam revocare quærebat affectu. Sed ubi ipsi auctorem proprium reliquerunt, sciens se Deum montium esse, non vallium, et regnum cœlorum (64) non a fastidientibus, sed

carent, atque ad eas accederent, humilitatis scilicet, grati animi, fideique ministerio.

(63) Reg. cod. cum quibusdam edit. Paris., *lumen auctoris*.

(64) Expunxerat edit. Rom., *non vallium*, quod in aliis atque omnibus mss. habetur. Alludit autem ad locum III Reg. xxii, 28, unde tamen verba illa sustulit lib. *De Nabuthe*. cap ultimo, num. 72. quem consule. Quod vero pro *coletibus*, ut legitur in cunctis mss. ac vet. edit. in textu, restituit *cogentibus*, id cum eadem edit. in margine exhibet.

a cogentibus diripi (65), paulatim conversus ad affectus, et illorum merito perlinacia condemnaretur.

51. Quid deinde sibi vult quod ait : « Non licet accipere panem filiorum, et mittere catulis (*Matth. xv, 26*) ? » Utique filios dixit Israelitas, hoc est populum Judæorum : catulos autem populum nationum. Quid ergo ? Divitum aut nobilium est accipere sacramenta cœlestia, et non eorum qui magis ad cognitionem mysterii cœlestis pio mentis fervore contendant ? Et si Israelita fuerit aliquis remissus et negligens, vel contumax, qui rejiciat post sermones Dei : Chananæus autem qui impigre velit acquirendis mentem intendere sacramentis, ille potius qui dissimulat, quam iste qui desert studium, præferendus est ? Non ulique. Et ideo diligenter oportet intendi quid expresserit, qui cum dixisset : Non licet accipere panem filiorum, et mittere catulis, » respondente Chananæa : » Quia et catuli canum edunt de micis quæ cadunt de mensa dominorum suorum (*Ibid. 27*) ; » studium ejus humilitatemque laudavit, quæ non sibi profundum sapientæ a primordio vindicavit, quamvis de finibus Tyri et Sidonis jam esset egressa : sed micas quasdam verbi salutaris quæ de mensa dominorum suorum caderent, crederet colligendas. Qui enim diligenter et subtiliter Scripturæ verba rimatur, is ad altitudinem mysteriorum pervenire consuevit. Unde et huic dicitur : » Magna est fides tua : fiat tibi sicut vis (*Ibid. 28*), » hoc est, ut aperiatur tibi ostium verbi, et resulgeat vita æternæ salubre mysterium.

**¶ 52.** Ergo qui vicinus est, exeat, et Christum videre desideret, et in oratione clamet, sicut ista Chananæa exivit de finibus suis, et Christum vidi, et jugi voce clamavit, ut ejus misericordiam reportaret. Credentibus itaque Chananæis Judæus in opprobrio sit, quia ipse non credidit : et illudi sibi doleat, et derideri se ab iis qui in circuitu sunt, ingemiscat.

53. Et videtur prophetia hæc esse de nationibus credituris, maxime cum sequentia istud ostendant, quia ait : Posuisti nos in similitudinem gentibus, commotionem capitum in populis ; » quia Judæorum delicto salus gentibus : et quæ illi in figura gesta sunt, ad cognitionem nostram profecisse, Apostolo auctore (*I Cor. x, 11*) cognovimus. Et vere in opprobrium, positi sunt gentibus, quia gentes opprobrium, crucis Dominicæ omnibus divitiis sæcularibus prætulerunt. Qui autem crucem illam putavit opprobrium, et quasi opprobrium refugit, is vere in diuturno mansit opprobrio, Tamen quia non secundum carnem Israelitæ videntur, qui potuerunt dicere : Quia iniquum non egimus in Testamento Domini (*Infra*, vers. 19), nec recessit retro cor eorum a Domino, vide ne iis se in-

bent, tum S. Dætoris astruit consuetudo. Is enim manifeste hic alludit ad illud *Matth. xi, 42*, et violenti rapiunt illud, ubi, nunquam non legit, cogentes,

**A** circuitu positis illusioni et derisui fuisse commorent, de quibus dicit Dominus : « Circumdederunt me vituli multi (*Psal. xxii, 13*). » Circumdederunt enim eum persecutores, quando secundum consilium voluntatis suæ subiit passionem. Unde et alibi ait : « Circundantes circumdederunt me et in nomine Domini ultus sum in eos (*Psal. cxvii, 11*). » Ideo melius est viam rectam tenere, in qua facinorosi ambulare non possunt. Circundant, quia non in directione ambulant. Unde et illiquando voluerent Jesum Dominum comprehendere, ubi respexit eos, ceciderunt. Propter hos igitur qui in circuitu ambulare consueverunt angelum Dominus apposuit, qui a tergo insidiantes repellat inimicos. Prætentit igitur angelus Domini in circuitu timentium eum, et eos tuetur atque custodit. « In circuitu enim impii ambulant, » sicut scriptum est (*Psal. xi, 9*). Vide itaque distantiam. Impii in circuitu ambulant : angelus autem prætendit in circuitu eorum, qui non ambulant in circuitu ; et ideo prætendit, ut eruat justos ab insidiis persequantium. Justi ergo spiritales Israelitæ videntur esse qui hæc loquuntur, eo quod temptationibus sæculi subjacerint, et opprobrium fuerint vicinorum, hoc est, eorum qui Jerusalem patriam non incolebant. Illusioni etiam fuerunt spiritalibus nequitiis et potestibus, contra quas justis lucta esse consuevit. Denique historia te doceat quod abducti Judæi in Babyloniam, etsi propter peccata sua videbantur esse subjecti, tam multo meliores gentibus habebantur. Pejores enim erant in circuitu eorum,

**C** qui insultabant eis, cum ipsi peccatorum gravium essent mole curvati.

54. Primus ergo intellectus de captiis patribus usurpandus est, quibus insultaverunt Assyrii insultantes eis in Babylonia : quibus etiam rex ille nequissimus dominabatur Nabuchodonosor. Secundus intellectus ad altiora referendus est, quod saevissimus rex diabolus est : ipse est Assyrius **¶ 55** Nabuchodonosor, qui bonis insidiari solet, uteos in peccatum trahat per carnis illecebram. Attende igitur hunc regem o loco, ubi dicit Apostolus : « Video legem carnis meæ repugnantem legi mentis meæ, et captivum me ducentem in lege peccati (*Rom. vii. 23*) ; » hoc est, in illa lege carnis illecebriæ. Adversarius leo est, qui urget obnoxios, justos fatigat. Unde pulchre posuit Aquila : » Spretionem et pompam posuisti nos iis, qui in circuitu nostro sunt. » Ita enim despicabiles aestimabantur, qui theatrum facti sunt huic mundo, et angelis et hominibus ; quia etsi in testamento non peccent Dei nec carnis illecebriæ reflectantur a Domino ; tamen quasi in pompa quadam circumferri videntur et despici : quandoquidem peccatores humiliati iustorum insultare consueverint ; ut opprobrium ducent crucem Domini Salvatoris, humiliatemque

pro violenti.

(65) MSS. aliquot, sed a colentibus diripi.

justorum. Denique quasi in quadam pompa theatri constitutus Apostolus dicit: « Placeo mihi in injuriis, in necessitatibus, in persecutionibus, in angustiis (*II Cor. XII, 10*). » In istis placet sibi, qui omnia quæ mundi sunt detrimentum putat, ut Christum lucrifaciatur, solum per vitam et mortem requirens: cui vivere Christus, est, et mori lucrum, ut inveniatur in Christo.

55. (Vers. 16.) Adjiciunt adhuc isti Israelitæ dicentes: « Posuisti nos in parabolam gentibus, commotionem capitis in populis. » Quibus gentibus posuisti, nisi credituris (66)? Ea enim quæ acciderunt Judæis, in similitudinem figuræ facta sunt, ut fieret nobis typus et figura excidium Judæorum, atque ex illa similitudine per parabolam, solutionem præsentibus requiramus, quo exempla eorum cavere possimus. Deinde quia Judaicæ res omnes quasi parabolæ sunt, hoc est, quasi figuræ egentes solutione. Denique Dominus Judæis in parabola loquebatur, ut imperiti non intelligerent, intelligerent sapientes, ut intelligebant Apostoli, et in quo movebantur (67), interrogabant Dominum: Judæi autem nec intelligebant, nec iterum discere non intellecta cupiebant.

56. Quid sit parabola, accipe. « Abraham igitur duos filios habuit: unum de ancilla, et unum de libera (*Galat. IV, 22*). » Non intelligebat hoc Judæus nisi secundum litteram. Nesciebat quis de filiis duobus acceperit hæreditatem patris, quia, ad carnalia propendebat. Egebat parabola solutione. Venit gentium Doctor, et fides nationum, et intellexit quod duæ illæ mulieres duo sint Testamenta: unum a monte Sina, quod in servitutem generavit populum Judæorum, quod est Agar (*Ibid. 24*). Et ideo Sina, quod per interpretationem mensuram ejus significat: mensura autem legis est, superabundans autem gratia est. Sina quoque merces dicitur, et convenit populo Judæorum, qui justificari se mercede operum, quam fidei gratia maluerunt. Ergo quæ sub lege erat Jerusalem, cum filiis suis serviebat: quæ autem sursum est Jerusalem, libera est. Et ideo Sara, quæ principalis dicitur, libertatem habet, quod princeps sui sit qui justus atque integer est. Ex duobus igitur **¶** Testamentis duo populi, unus Judæorum, aliis nationum, qui in Christo credidit. Ille Judæorum, qui non credidit, servit: ipse est secundum carnem natus, quia secundum carnem interpretatus est Scripturam divinam, et secundum litteram, non secundum spiritum. Qui autem de libera, natus est per reprobationem, hoc est, cui reprobatio ex fide; ipse est Ecclesiæ filius, tenens gratiæ libertatem propter quem Ecclesia dicit: « Expelle ancillam,

(66) *Mss. aliquot. et vet. edit. Quibus gentibus positi, nisi credituris? Rom. Quibus gentibus positi sunt in parabolam, etc. Plures mss. nobiscum faciunt.*

(67) *Hoc est, anxiæ atque dubii erant.*

(68) *Inarata id est, arata, Nam alioqui sæpe-*

**A** et filium ejus; non enim hæres erit filius ancillæ cum filio meo Isaac (*Ibid. 30; Gen. XXI, 10*). » Et Apostolus ait: « Itaque, fratres, non sumus ancillæ filii, sed liberæ (*Galat. IV, 31*). » Hæc est ergo solutio, quia quod ignorabat Judæus, fides gentium solvit, infusa a Paulo doctore mentibus nationum. Ideo ergo illorum gesta nobis in parabola sunt.

57. Sed et Dominus dixit: « Factus sum illis in parabolam: adversum me exercebantur qui sedebant in porta (*Psal. LXVIII, 12*). » In parabolam autem factus, quia dicitis, inquit: « Medice curate ipsum (*Luc. IV, 22*). » In parabolam factus est, quia sedentes in porta increpabat; in exitu enim non otiosi, sed exerciti esse debemus. Ideoque scriptum est: « Videte, ne fiat fuga vestra hieme, vel Sabbato (*Matth. XXIV, 20*), » hoc est, non in otio sed in negotio. Ergo pigri sedebant Judæi, quia stare non poterant, qui veræ Jerusalem atria nesciebant; si enim scivissent illam Jerusalem, requisivissent. Isti ergo fatigati in porta sedebant. Nec solum dixit, *sedebant*, sed etiam oderant Dominum in portis redarguentem. In porta enim erat, qui subiturus erat sui corporis passionem, per quam migraret e terris, rediret ad cœlum. In porta erat cum diceret: « Ambulate dum lucem habetis (*Joan. XII, 35*). » Quid est ergo; « Factus sum illis in parabolam (*Psal. LXVIII, 12*), » nisi quia finis legis est Christus, et mors ejus solvit ænigmata prophetarum: eaque ante Judæis erant incognita, cum prophetarentur, postea manifestata sunt Dominicæ passionis effectu? Factus est illis in parabolam, **C** quia quasi vilem se præbuit, ingerens se illis, nec refugiens eorum seditiones et perducens eos ad tempus beneplaciti sibi, ut moreretur pro omnibus hominibus, quo illius sanguine genus hominum mundaretur.

58. Similiter in parabola scriptum est: « Non alligabis os bovi tritauranti (*Deut. XXV, 4*). » Solvit hanc parabolam Apostolus dicens: « Numquid de bobus cura est Deo? An propter nos utique dicit? Nam propter nos scripta sunt. Quis est qui arat, nisi qui in spe arat (*I Cor. IX, 9, 10*), ut in judicio Domini metat? Et ideo quasi boni agricolæ, ubi propter spem inarata (68) fuerit terra nostra continentia corporali, non carnalia, sed spiritualia, seminemus: quoniam de carnalibus corruptela colligitur, de spiritualibus vita æterna acquiritur. Typus itaque et figura nobis sint gesta majorum. Typus lex scripta in cordibus nostris, ut nobis in ea quædam futurorum figura, non veritas sit. Lex ergo quasi figura sit nobis: Evangelium quasi lumen et signaculum veritatis.

59. In parabola ergo Dominus ostendit se Judæis:

sumitur pro *non arata*. Horat. Epop. 16:

Reddit ubi Cererem tellus inarata quot annis,  
Et imputata floret usque vinea.

*Terra vero nostra*, idem est atque nos ipsi. Sed plana est illa metaphora.

sed non intellexerunt parabolam, quia medicum non A receperunt, qui curaret animas (69) 911 laborantium, et omni ægritudine et inæqualitate incommoditatis absolveret. Factus est etiam in parabolam, quia carnem suscepit, quam crucifixerunt. Judæi, non intelligentes parabolam spiritalem. Eousque enim non intellexerunt, ut cum auctorem vitæ crucifigerent, et suspensam in cruce cernerent carnem Domini salutarem, moverent caput. Nam si intellexissent, utique non insultassent, sed ingemuisserent. Et tamen ipsa commotio capitum illis in similitudinem cessit, ut non hoc significaret quod illi sentiebant, sed quod mysteria declarabant. Illi enim secundum vulgi usum insultantes Domino movebant caput suum, sicut qui justis insultare desiderant, si forte eos viderint in hoc sæculo fatigari, movent caput.

60. Quæ commotio capitum geminum intellectum habet. Reprehensibles enim videntur secundum Scripturæ auctoritatem, qui movent caput, cum dicat et Matthæus: « Qui transibant blasphemabant Dominum Jesum moveentes capita sua (Matth. xxvii, 39). » Et Marcus: « Qui præteribant (Marc. xv, 29). » Transeuntes autem quod reprehensibles æstimentur, docet hic ipse Propheta, qui dicit de vinea Sabaoth: « Et vindemiant eam omnes transeuntes viam (Psal. LXXIX, 12). » Denique et qui sequitur versus, hoc signat: « Devastavit eam aper de silva, et singularis ferus depastus est eam (Ibid. 14). » Et in posterioribus ait: « Et non dixerunt transeuntes viam: Benedictio Domini super vos (Psal. cxxvii, 8); eo quod qui transit, et non stat in atriis Domini, non dat benedictionem. Ita ergo Judæi movebant caput super Dominum Jesum, ut præterirent, qui firmum solidumque fidei vestigium habere non poterant. Movebant autem caput suum, quorum caput Christus esse debuerat, quem non debuit dimovere et deturbare perfidia Judæorum. Sed quia non passi sunt membra se esse Christi, ideo caput eorum non fuit Christus. Non erat etiam lex caput eorum, quia exspoliabantur et lege a populo nationum. Non fuit his caput Verbum Dei, quia amiserant prophetas, et apostolos non habebant. Hoc de reprehensibili commotione capitum dictum sit. Est tamen et laudabilis capitum commotio: reprehensibilis Judæis, laudabilis populo nationum. Quid est enim caput, nisi in quo sensus sunt? Oculi enim sapientis in capite ejus; quos moveri oportet oculos, id est, mentis tuae sensus, ne aliquo torpore pigrescant. Move ergo prudentiam tuam, move sapientiam, move cogitationes tuas cœlestium collatione sermonum, et prophetorum disputatione verborum, ita ut non pecces in Testamento Dei, sed fides firma sit. Sunt enim hæretici qui movent sensus suos, ut perfidiam tamen, non fidem excitent.

(69) Ita edit. omnes, ac mss. Vict. et Colb. Alii vero quinque, sed non intellexerunt quia curaret animas, etc.

A 61. Sed jam expressius de ipsa capitum commotione quæ in similitudinem populi est posita, dicendum est. Quis est caput populorum, nisi Christus? Caput enim mulieris vir, caput viri Christus. Sed et lex caput intelligibilis mulieris. Denique sub lege tanquam sub viro est populus Judæorum, quia lex νόμος dicitur Græce; et ideo Synagoga νόμῳ quasi masculo copulata est, sed legi corporali, non spiritali; hoc est, ritui legis Judaico, cuius vinculis illigata est, legitimi nesciens sacramenta conjugii. Si autem 912 mortua fuerit lex, hoc est, legis interpretationis corporalis; tunc plebs, quasi mortuo coniuge priore, legitime nubet secundo viro, qui ex mortuis resurrexit. Est etiam caput mulieris hujus (70) Evangelium. Unde quidam mystice interpretati, mortificato ritu Judaico, tanquam fratri defuncti Evangelio mulierem eam nubere ex lege voluerunt, quia lex annuntiaverit Evangelium. Ideo prior lex vir, postea secundi viri nuptiæ, hoc est, Evangelii sacramenta sunt. Duo enim quasi conjugia duo sunt Testamenta. Unum conjugium vetus est Testamentum, quod morte viri prioris solutum est. Et ideo mulier illa cui lex mortua est, recte in secundum conjugium convenit, hoc est, Testamentum novum. Sic duobus fratribus una conjungitur, cui superiora peccata moriuntur, meliora postea sacramenta renovantur. Hoc nobis Apostolus evidenter exposuit dicens: « Quoniam quæ sub viro est mulier, vivente viro, ligata est legi (Rom. vii, 2), » hoc est, sui legi, ut ei debeat castitatem: « Si autem mortuus fuerit vir, soluta est alege viri (Ibid.) ; » id est, ut cui velit, nubat, dummodo mortuo viro, nubat; quia « vivo viro, » inquit, « adultera vocabitur, si juncta fuerit alteri viro: si autem mortuus fuerit vir ebus, liberata est a lege viri, ita ut non sit adultera, si fuerit cum alio viro (Ibid., 3) » Hoc sacramentum etiam ad Christum et Ecclesiam pertinere, etiam alibi demonstravit, » quia magnum est sacramentum (Ephes. v, 32). » Hic quoque non prætermisit dicens: « Itaque, fratres mei, et vos mortificati estis legi per corpus Christi; ut sitis alterius, qui ex mortuis resurrexit (Rom. vii, 4). » Quomodo mortificatus es legi, nisi ut tibi legis umbra moriatur, cum accedis ad sacramenta cœlestia? Nec enim aliter debes accedere ad Evangelium, nisi solitus interpretationis corporalis impedimentis. Alioquin adulterium est, veris falsa miscere; pudicitia autem spiritualis, si anima tua exuta omnibus impedimentis deviæ cognitionis, sine ruga accedit ad Dei verbum. Ergo sicut Ecclesiæ caput Christus, ita et Synagogæ caput lex; hoc est, iis qui sub lege sunt, propter quos apostolus fecit se esse sub lege, cum sub lege non esset, ut ea qui sub lege sunt, lucrifaceret. Et iterum doctor gentium factus est, quasi esset sine lege; ut eos qui erant sine lege, acquireret Christo. Pul-

(70) *Mulieris hujus, nimirum intelligibilis;* hoc est plebis Judaicæ, ut supra exponitur.

chre autem ait quod sine lege Dei non esset, et in A raretur in posteris, ut semen quod lex non reliquera, Evangelii tenor resuscitaret.

62. Lex autem Synagogæ caput non a principio; quia Christus erat caput veteris Synagogæ, quam Moyses fundavit et condidit. Denique audi dicentem quia verbo Domini fundata est. « Fide, » inquit. « Moyses grandis factus negavit se esse Pharaonis regis nepotem: maluit enim afflictis compati, quam temporalibus delectari: majoresque divitias aestimavit, et prætulit thesauris Ægypti, impropterum Christi. Aspiciebat enim mercedem recompensationum Dei (*Hebr. xi, 24 et 26*), » quæ est resurrectionis gratia. Sed ubi propter perfidiam Judæorum mortuum est infidelibus Dei Verbum, et excidit pectoribus Judæorum; legis spiritualis intellectus occubuit, et nupsit Synagoga ritui corporali, observationique perfidiæ. Sed non fuit illa sobrietas spiritualium nuptiarum, sed adulterium castitatis. Ideo Synagoga libera esse non potuit, quæ male 913 nupserat, et non crediderat resurrectionem Christi futuram. Unde bene ei nupsit Ecclesia, cui secundum sacram dispensationem secundum carnem mortuus est Christus; ut illa Judæa arima quæ ante fuerat ligata peccato, per mortem Christi absolveretur vinculo delictorum. Non ubi ergo mulier alteri viro, nisi mortuus fuerit vir suus, hoc est, nisi a vinculo legitimi amoris fuerit absoluta. Si autem mortuus vir ejus fuerit, liberata est.

62. Sane tenebatur ex lege, ut fratri proprii conjugis copularetur; si semen nullum maritus ei reliquisset (*Deut. xxv, 5*). Quod vinculum magis nec tebat interpretatione litteræ, quam gratia spiritualis. Denique habebat in voluntate frater defuncti, ut si nollet, non acciperet fratris uxorem ad semen defuncti resuscitandum. Unde calceamentum suum solvere jubebatur, ut esset a nexu copulae ejus exutus, quam a sui gratia ostendisset alienam. Sic enim scriptum est, quia « solvebat vir calceamentum suum, et dabat proximo suo dicens: Hoc erit in testimonium in Israel. Et dicebat propinquus: Accipe, et acquire tibi tu. Et solvebat (71) calceamentum suum. Dicebant etiam astantes: « Dettihi Dominus uxorem, quæ intrat domum tuam, sicut Rachel et sicut Lia, quæ ædificaverunt utræque domum Israel, et fecerunt virtutem in Ephrata (*Ruth. iv, 11*). » Sed hoc ex litteræ interpretatione Judæum ligabat. Cæterum figura erat, quod Christus venturus esset in terras, qui semen defunctorum populi resuscitaret. Merito fratris: quia dictum est: « Narrabo nomen tuum fratribus meis (*Psalm. xxii, 23*); et; « Quorum patres, et ex quibus Christus secundum carnem (*Rom. ix, 5*). » Vé quia Evangelium defunctæ legis reparationem ope-

(71) Rom. edit. sola, et dicebat: Accipe, et acquire tu tibi propinquitatem meam; et hoc erit in testimonium in Israel. Et solvebat, etc.

(22) Vix adducimus ut credamus ἀλλαγμα genuinum esse; tum quod legatur in LXX, κίνησιν κεφαλῆς ἐν τοῖς λαοῖς; tum quod ea vox ab alesa enikin, et alesannitem, ut corrupte habent mss.

B rarer in posteris, ut semen quod lex non reliquerat, Evangelii tenor resuscitaret.

64. Non mirum ergo si caput suum prava interpretatione moverunt, ut ipsi a se deturbarent sapientiam, suæ salutis auctorem: aut certe movendo caput suum, causa fieret commotionis capitum non paucis, sed populis. Commotio hæc capitum facta est: quandoquidem in omnem terram exivit sonus eorum, ut fieret omnis terra Domini, et regnum Domini esset in nationibus. Unde et in posterioribus dicit: « Dominus regnavit, irascantur populi: qui sedes super Cherubim, moveatur terra (*Psalm. xcvi, 1*). » Quod pulchre Aquila interpretatus est ut ἀλλαγμα (72) diceret, hoc est, transmutationem, quæ est de loco ad locum, de Judæa ad populos nationum. Quod ex ea lectione quæ in Evangelio est, liquido poterit manifestari, quemadmodum lex mota sit, dicente Scriptura: « Super cathedram Moysis sederunt Scribæ et Pharisæi. Omnia ergo quæ dicunt vobis, servate et facite: secundum opera eorum nolite facere; quæ enim dicunt, non faciunt. Alligant autem onera gravia, et imponunt super humeros hominum: ipsi autem digito suo nolunt ea movere. Omnia autem faciunt, ut videantur ab hominibus (*Matthew. xxiii, 2-5*). »

C 65. Quid est, « sederunt Scribæ, » nisi quia littera scribitur? unde et γραμματεῖς Græce dicuntur Scribæ, litteræ 914 sequentes interpretationem, non spiritus intellectum; littera autem occidit. Literam ergo occidentem sequentes, et ipsa aperiacione resonantes Scribæ: Pharisæi autem sunt, hoc est, qui a veritatis unitate divisi sunt; phares enim interpretatur divisio. Dividunt autem Pharisæi hoc genere verba legis, ut resonent, et in ipsa meditentur, spiritualis autem mysteria legis et sacramenta non videant. Nam si lex spiritualis est, utique præcepta legis sunt spiritualia: et opera ejus spiritualia sunt. Docentes ergo quæ Moyses scripsit, onera gravia ligant corporalibus legis (gravia sunt enim quæ contraria jugo Christi sunt) et per doctrinam suam deviam gravia onera imponunt auribus audentium, quæ ipsi ne tantum quidem volunt movere, et corporalibus legis ad spiritualia Scripturæ verba commoveant. Sic enim intelligendum est, quia digito suo nolunt movere illa, hoc est, nec exiguo puncto atque momento transferunt se ad intelligentiam spiritalem. Hinc est et illud, quo scriptum est: « Quod si in digito Dei ego ejicio dæmonia (*Luc. ix, 20*), » Quid sit digitus, interpretatur ipsa Scriptura, quæ dicit in alio libro Evangelii; « Quod si in Spiritu Dei ego ejicio dæmonia (*Matthew. xii, 28*). » Digitus ergo Dei, Spiritus Dei, est; Deus enim Spiritus est, et nihil habet in sua substantia

D longissime abhorreat. Conjeceremus libentius scriptum fuisse, κεφαλῆς κίνησιν, vel potius, ἀλλοίωσιν: præcipue cum Aquila verbo eidem voci cognato in ipso hujus psalmi titulo usus fuerit, ubi Nobilio teste, ita legebatur, οὐτε ἡλλοίωσε τὸ γεῦμα αὐτοῦ εἰς πρόσωπον' Αβιμέλεχ, etc.

corporale, sed totus est Spiritus. In Spiritu ergo Dei ejicit dæmonium, qui in digito Dei ejicit. Unde et sanctus David ait: « Quoniam videbo cœlos tuos, opera digitorum tuorum (*Psalm. viii*, 5), hoc est, Spiritus tui opera sunt cœli, sicut et scriptum est: « Verbo Domini cœli firmati sunt, et spiritu oris ejus omnis virtus eorum (*Psalm. xxxii*, 6). »

66. Ut ergo concludamus, disputationem, Scribæ et Pharisæi nihil ad interiorem hominem referunt, qui ut ipse ad imaginem Dei et similitudinem factus est; ita in iis quæ cogitat et quæ meditatur, debet magis quæ spiritualia sunt, quam quæ carnalia cogitare. Totum ergo ad illum exteriorem, ad illum terrenum hominem referre contendunt; et ideo omnia eorum opera talia sunt, ut videantur ab hominibus, non ut placeant Patri, qui in abscondito videt. Timent enim sua opera revelare.

67. Hæc est ergo commotio capitis quæ facta est in populis; vel, sicut Aquila et Symmachus dixerunt « in gentibus; » omnes enim gentes moverunt caput suum, ut legem spiritualiter interpretarentur. Nemo secundum litteram legis se putet esse salvandum, quia littera legis maledictum habet: spiritus benedictionem affert. Nemo ex operibus legis justificari potest, quia sub maledicto sunt omnes qui sub littera sunt. Fugiant ergo omnes maledictum legis, et confugiant ad benedictionis gratiam ut benedictionem habeant in cœlestibus in Christo Jesu, qui mortuus est pro nobis, ut fides transiret ad gentes: qui et si vir fuit ante Synagogæ, nec ipsam deseruit, et nos redemit; illam enim non deseruit, ut reliquæ salvæ fierent: nos redemit eligendo populos nationum. Hæc ergo electio gentium salus Judæis; reliquæ enim non per opera sua, **915** sed per electionem gratiæ salvæ factæ sunt: gratia est ergo Christi quæ et nos redemit, et reliquias vivificavit. Commotio autem capitis facta est in gentibus; sed ex hac commotione non mediocris mutationis gratiam Judæi prætulerunt, quorum reliquæ salvæ factæ sunt.

68. (Vers. 16). Sequitur: « Tota die verecundia mea contra me est: et confusio vultus mei operuit me. » Quid est quod interdum ex persona unius, interdum ex persona plurimorum psalmus hic dicitur? Namque a principio a pluribus cœpit, ut est; « Deus, auribus audiuimus, et cetera quæ sequuntur (*supra* vers. 2 et seq.). Deinde ait: « Tu es ipse rex meus, et Deus meus (*Supra* vers. 5). » Iterum: « In te inimicos nostros ventilabimus (*Ibid. 6*). » Et postea: « Non enim in arcu meo sperabo (*Ibid. 7*), » et « In Deo laudabimus

(73) Hic sequitur B. Ambrosius eorum opinionem qui mortis Christi Domini triduum ita explicabant ut dicerent ejus primam noctem suis tenebras illas quæ Domino exspirante totum orbem operuerunt primum vero diem, spatium illud lucis, quod inter easdem tenebras ac noctem sequentem intercessit. Verumtamen jure merito hanc opinionem repudiat Augustinus, *de Cœnsu Evang.* lib. iii, cap. 24 num 66, ubi sicut et *Quæst. Evang.* l. i, q. 6, do-

A tota die (*Ibid. 9*), , et: « Tota die verecundia mea contra me est (*Ibid. 16*). » Quid sibi vult ista mutatio, quæ frequenter in Psalmis repetitur, sicut et in centesimo octavo psalmo ait: « Deus, laudem meam ne tacueris: quia os peccatoris et os dolosi super me apertum est (*Psalm. cviii*, 2). » Hoc de uno sequitur de pluribus: « Locuti sunt adversum me lingua dolosa... et posuerunt odium pro dilectione mea (*Ibid. 3, 5*). Deinde de uno: « Constitue super eum peccatorem (*Ibid. 6*), quod videtur in centesimo octavo psalmo aliud ad populum Judæorum referri, aliud ad Judam proditorem: quando pluraliter dicta, ad populum: quando singulariter, ad Judam. Hic quoque possumus dicere, quando pluraliter dicta ad sanctos: quando singulariter, ad Dominum nostrum Jesum Christum referri; quia aestimari potest et pro pluribus in propheta locutus, et ipse pro se. Et ideo dixerit: « Verecundia mea contra me est: » quæ dicitur ἐντροπή; ἐντροπή autem est, quando verecundiam vult quis incutere alicui, ut inflectat propositum suum, sicut est: « Descendat nunc de cruce, et credimus ei: confidit in Deo, liberet nunc cum (*Matthew. xxvii*, 42-43.) » Pulchre ait: « Tota die: » quia incarnatio Domini nostri Jesu Christi lucem attulit mundo. Dies itaque incarnationis est, de quo idem dicit Dominus: Ambulate dum lucem habefis (*John. xii*, 35), » et, « Abraham diem meum vidit (*John. viii*, 56). » Ergo hæc verecundia habet in se confusione. Unde et Symmachus: « Tota die, inquit, C confusio mea contra me est. » Quæ autem confusio Christi, nisi crux, quod nudus pependit in ea? Et bene, tota die, quia ex quo affixus est cruci, usque in horam nonam tenebræ factæ sunt: et post horam nonam lux resulxit usque in vesperum. Hic dies ex tribus primus (73). Potest tamen et chorus sanctorum pluraliter de se et singulariter loqui: chorus enim quasi singularem personam habet, sed numerus plurimorum est, sicut illud est: « Populus hic labiis me honorat; cor autem eorum longe est a me (*Isa. xxix*, 13). »

68. Quæ autem est confusio, quæ operuit Dominum Jesum, cum confusionem peccata faciant; ipsa sunt enim quæ operiunt peccatorem: hic autem peccatum non fecerit? Sed quemadmodum est confusio adducens peccatum, ita est **916** confusio quæ peccatum abolet, ut confusio crucis Domini nostri Jesu Christi, per quam peccata mundantur. Est etiam omnis confusio bona quæam pro Christi nomine subeas, et admodum gloria,

cet in memoratis tribus diebus partem pro toto sumendam esse; in quo eum interpretes vulgo sequi sunt. Vide etiam D. Thomam part. iii, quæst. 51, art. 4, et alios scholasticos quorum hac in re summus est consensus. Quinimo eamdem sententiam ipsem Ambrosius docere videtur epist. ad episc. Amiliæ scribens, *intra quod triduum*, inquit, *et passus est, et quievit, et resurrexit.*

**s**i verbi gratia in persecutione lex sit, ut verbere-  
tur Christianus, ut dignitatem amittat, ut careat  
privilegio (74), ut in vincula ducatur. Hæc utique  
confusio, et si privilegium non habet, habet gloriam  
piæ confessionis. Est autem et Christi confusio,  
sicut ipse ait: « Qui me confusus fuerit coram  
hominibus, confundam et ego eum coram Patre  
meo, qui in cœlis est (*Matth. x, 33*). » Bona ergo confu-  
sio, plerisque tamen hujusmodi confusio Christiana  
ama-  
ra est, hoc est, non credentibus, jucunda credentibus.

69. (Vers. 17.) Sive ergo velis confusionem  
Christi intellige in crucem ejus, quæ Judæis vide-  
batur esse confusio, qui insultabant ei, quasi  
erubesceret Christus in eo opere, in quo publicam  
operabatur salutem: sive etiam hanc confusionem  
quæ ingeri videbatur, « a voce exprobrantis et  
obloquentis, a facie inimici et consequentis. » Eru-  
bescebat enim sic lapsum esse electum populum  
suum et confundebatur in eos apud Patrem, quorum  
finis advenerat; præsens enim erat Filio Pater, a  
quo nunquam potest Filius separari. Et ideo Pater  
audiebat dicentem Judæis: « Ecce relinquetur vobis  
domus vestra deserta (*Matth. xx, 38*). »

70. Sunt autem qui etiam in confusione sua  
gloriantur, sicut illi de quibus dicit Apostolus:  
« Quia gloria eorum in confusione ipsorum (*Philip.,*  
*iii, 19*), » quibus contraria est gloria Christi, qui  
crucem suscepit, nec confusionem refugit, quam  
nos quoque minime timere debemus, nec formi-  
dine aut fastidio declinare, ne peccatum supra  
nos adducat, quæ potest adducere gratiam vitæ.  
Est enim et confusio gloria, ut si in multos gen-  
tiles incidas vel philosophos, et illi tibi objiciant  
crucem Christi, et verbo repondere non possis,  
nec salutaria quisquam audiat verba referentem,  
est confusio: « sed a voce exprobrantis et oblo-  
quentis: a facie inimici et consequentis. » Et ideo  
noli respondere insipienti ad insipientiam ejus:  
esto sicut homo mutus et tacens, et quasi non au-  
diens verba insultantium et obloquentium, non quo  
respondere nequeas, sed quo respondere non de-  
beas. Omni enim rei tempus, tempus tacendi, et  
tempus loquendi. Tacendum est, quando paratum  
non invenis auditorem: loquendum est, quando  
Dominus linguam eruditioñ indulget, ut sermo  
tuus operetur in affectibus audientium. Quomodo  
autem te audiat, qui ideo tibi obloquitur, eo quod  
salubrem tuum nolit audire sermonem? aut quo-  
modo tibi acquiescat, qui persecutor est, et velit te  
sibi vindicare? Aut ut Aquila dixit, vel Symma-  
chus, ut ulciscatur et puniat in te quod Christi  
hæreditas ad gentes videantur esse transfusa?  
Loge itaque ista confusio **917** a confusione et  
opprobrio peccatoris. Istius enim conscientia illu-

**A**minatur, qui oblitus non est Dei sui: illorum con-  
funditur, quorum ingenium caligat atque perturbat  
recordatio delictorum.

71. (Vers. 18, 19, 20.) Et ideo bene sibi concii  
dicunt: « Hæc omnia venerunt super nos, et obli-  
tus non sumus te, et inique non egimus in testamento  
tuo. Et non recessit retro cor nostrum: et declinasti  
semitas nostras de via tua. » Videtur versiculus  
ultimus non concordare superioribus. Nam quo-  
modo declinariunt ii, quibus divinitatis nulla obre-  
psit oblivio, nec alicujus iniquitatis conscientia, nec  
ulla desidia? Sed si consideres quia justus vix  
salvus fit, intelligis profecto et ipsius nonnunquam  
titubare vestigia, et auctorem declinationis eorum  
Deum videri; quia ipse quoque patitur justos saepe  
tentari, quo magis probentur temptationibus eruditii.  
B Quis est autem tam fortis, ut nequaquam in tem-  
ptatione moveatur, nisi Dominus adjutor ei assistat?  
Denique conturbatus est et ipse David, quia dixit  
in sua abundantia: « Non movebor in æternum  
(*Ps. xxix, 7*). » Aut quis est ille quem locus affli-  
ctionis, et terræ corruptela non moveat, cum  
divina sententia neminem exceperit, qui sit ab  
exercitio et a fatigatione terræ hujus immunis, cui  
dictum est: « Maledicta terra in omnibus operi-  
bus tuis... spinas, inquit, et tribulos germinabit  
(*Gen. iii, 18*). » Denique ipse Paulus Dominicæ vas  
electionis, a maledictione veteris sententiae abso-  
lutos Domini Jesu passione, tamen captivum se  
duci in legem peccati vehementissime deploravit,  
nec quemquam nisi Christum a quo liberaretur  
C invenit: cum eum lex sui corporis et umbra mortis  
urget.

72. Diximus sensum: sed expressius qui locus  
sit afflictionis, considerare nos convenit, utrum  
hic mundus, qui in maligno positus est, an vero  
caro nostra, in qua anima nostra humiliatur, dum  
in istius carnis descendit societatem: an adver-  
sa quibus exercemur in hoc corpore constituit, in quo  
ingemiscimus gravati; quod nolumus spoliari,  
sed supervestiri? gravis enim labor est dum  
exspectamus, ut absorbeatur mortale hoc a vita,  
quo nos exspoliare debemus; minore enim labore  
exspoliatur, quam absorbetur. Et vide ne a ad-  
versitas sit exspoliantis se, et exspectantis ut ab-  
sorbeatur a vita. Exspoliat gratia, absorbet pœ-  
nitentia; exspoliat sublimitas mentis, absorbet  
diligentia. Quomodo autem dubites quod afflictio-  
nis hic locus sit, quando corpus est mortis, in  
quo operit nos etiam umbra mortis? Et ideo ad  
lucernam illam semper debemus intendere quæ  
verbum Dei est; ut sciamus quemadmodum nostri  
animi semitas dirigamus et vestigia mentis interna,  
ut lux animorum solvat tenebras corporales.

(74) *Privilegium* (ut tradit Briss. *de Verb. signif.*  
lib. *xiv*) *jus singulare est, et in certæ personæ, vel*  
*causæ gratiam et favore concessum*. Christiani autem  
usque adeo quondam imperatorum edictis privile-

giis suis spoliati sunt, ut infames declarati, roip.  
fori ac militandi jure privati, atque adeo ad necem  
cujuslibet gladio nefaria proscriptio addicti fue-  
rint. Adi Baronum: ad an. Christi 303, 304 et 362.

73. Pulchre autem et Aquilæ interpretatio quem-admodum intelligere debeamus locum afflictionis, expressit dicendo : « Quoniam humiliasti nos in loco sirenarum ? Ut non caro in vitio sit, sive natura ; sed ea quæ carnem corruptibilem **918** esse fecerunt. Denique sirenas quarum secundo (*Isa. xiii, 21*) et tertio (*Mich., 1, 9*) mentionem fecit Scriptura divina, quasdam fuisse puellas gentilis tradidit historia, quæ vocis propriæ suavitate canendi illecebris, adiendique studio illectos navigantes ad littus admovere navigia provocabant (75) : eosque, cum gratiam vocis sequerentur scopuloso in loco naufragium facere solitos vetustas posteris tradidit (*Hom. Od. B.*). Earum autem interpretatio hæc est, voluptas vocis, et quædam adulatio. Ita ergo sæculi voluptas nos quadam carnali adulazione delectat ut decipiat. Ut ergo illuc non littus in vitio erat, sed canora dulcedo, quæ faciebat asperitatem littoris non caveri : ita non caro in vitio ; sed ea quibus caro ista sollicitatur et fluctuat. Denique mare, si tempestas desit quietum est : si procella sœviat, periculosum.

74. Et septuaginta virorum videtur cum his sententia convenire, cum dicunt quia scriptum est : Quoniam humiliasti nos. » Cujus interpretationis testimonia de Scriptura sunt nobis arcessenda divinis. Ait enim in Deuteronomio : « Si exieris, *inquit*, in pugnam adversus inimicos tuos, et tradiderit tibi eos Dominus Deus tuus in manus tuas, et deprædatus fueris spolia eorum, et videris in ea deprædatione mulierem bonam specie, et cohabitaveris cum ea (*Deut. xxi, 19 et 11*). » Et infra : « Si nolueris eam postea, dimittes eam liberam. . . . quia humiliasti eam (*Ibid. 14*). » Vides ergo quoniam non natura sui eam, sed is qui ei integritatem pudoris eripuit, humiliasse perhibetur. Humilitas ergo operis est, per quod caro ista peccati corpus effecta est, et locus afflictionis. Iterum alibi : « Si virgo desponsata fuerit viro, et inveniens eam homo in civitate dormierit cum ea, edacentur ambo ad portam civitatis suæ, et lapidabuntur : et morietur juvencula, quia non exclamavit in civitate, nec invocavit hominem, qui subveniret : et vir, inquit, quia humiliavit mulierem proximi sui (*Deut. xxii, 23-24*). » Et hic eadem et hujus causa sermonis, ut a corruptore humiliata dicatur. Tertium quoque habes de hac re testimonium, et plura, si quæras. Tamen de eodem libro audi : « Si quis invenerit virginem, quæ non sit desponsata, et vim faciens ei dormierit eum ea, patri juvenculæ quinquaginta denarios, et erit uxor ejus, quia humiliavit eam : nec poterit dimittere eam per omne tempus, propter quod humiliavit (*Ibid. 28, 29*). » Ipse sermo

(75) Sic edit. a quibus parum abeunt mss. si sensum spectes : in verbis autem hæc reperitur præcipua versitas : *C. l. aliquot, suavitate, camendo, quæ illecebras provocabant.* Omnes simul, audiendi studio navigantes ad littus admovere naufragium, eosque (cum gratiam, aut ut aliqui gratia vocis

**A** repetitus est, ut intelligas quia non conditio carnis videatur nos humiliare, sed culpa.

75. Nec tamen negare possumus quod multis humilietur et caro, loco ipso, illecebris ipsis, fragilitate quoque qua patuit errori. Quæ licet non a medocri adversario serpente decepta sit (76) ; habebat tamen sui non mediocrem gratiam, antequam peccatum irreperet : in conspectu erat Dei Adam, in paradyso vigebat, cœlesti gratia refulgebat, loquebatur cum Deo. Numquid eum humiliatum ante legisti, nisi posteaquam prævaricatio eum humiliavit sua ? Cujus vitii hæreditatem ad nos usque transmisit, ut in hoc corpore constituti nolimus peregrinari de corpore, **919** et adesse Deo. Et ideo humiliamus animam nostram quæ se ad Deum gestit attollere : sed corruptibile hoc corpus gravat animam, terrenaque habitacula præponderant, ut mens devota Deo frequenter inclinetur ad sæculum, nec se subjicere Deo possit, quoniam subjectionem sui sapientia carnis ignorat, quæ nostrum involvit affectum.

76. Dicentes hæc de nobis, quid de carne Domini nostri Jesu Christi dicemus ? Qui utique suscepit carnis istius veritatem, et ideo « semetipsum humiliavit usque ad mortem, mortem autem crucis (*Philipp. ii, 8*). » Diligenter attende, et considera singula. Vide quia volens suscepit hanc formam corporis nostri, et tuæ obsequia servitutis, in similitudinem hominum factus ; non in similitudinem carnis sed in similitudinem hominum peccatorum ; omnis enim homo sub peccato. Ideo specie inventus ut homo ; ut scriptum est de eo : « Et homo est, et quis cognoscet eum (*Jerem. xvii, 9*) ? » Homo secundum carnem sed ultra hominem secundum operationem. » Ut homo, inquit, humiliavit samet ipsum (*Philipp. ii, 8*) : quia ad eos Deus venit qui humiliati fuerant, liberandos. Ipse se ergo humiliavit propter nos. Non ergo corpus illius corpus mortis ; siquidem corpus est vitæ : nec caro illius, umbra mortis ; siquidem fulgor est gloriæ : nec in eo locus afflictionis ; siquidem in illo corpore omnibus gratia consolationis. Humiliavit se, ut disceres quid sit humilitas. Denique audi dicentem : « Discite a me quia mitis sum, et humiliis corde (*Matt. xi. 29*). » Ille se humiliavit, ut tu exaltareris ; qui enim se humiliat exaltabitur. Sed non omnes qui humiliantur, exaltabuntur ; multos enim crimen humiliat ad ruinam. Humiliatus est autem Dominus usque ad mortem, ut de portis mortis exaltaretur.

77. Ecce vide gratiam Christi, vide beneficia ejus. Posteaquam Christus advenit, hæc caro quæ erat umbra mortis, cœpit per gratiam Domini refulgere et habere lumen proprium ; unde et dictum est :

*sequuntur) scopuloso in loco indicisse naufragium*

(76) Rom. edit. sola, *decepta sit Eva*. Minus bene, subintelligenda enim vox caro, quæ superiore versu expressa est. Nam præterquam relativum, quæ, ex quinque mss. restitutum id evincit, sensus Rom. lectioni minus concinit.

« Lucerna corporis tui est oculus tuus (*Matth. vi, 22*) ; sed vide de quo oculo dicat ; non de exteriore, sed de interiore, « Si oculus, inquit, tuus simplex fuerit, totum corpus tuum lucidum erit (*Ibid.*). » Interior utique est oculus, qui totum hominis corpus illuminat. Interior est etiam oculus, qui auferit toti corporicæcitatem ; quia scriptum est : « Si autem nequam fuerit oculus tuus, totum corpus tuum tenebrosum erit (*Ibid. 23*) » Vides in uno homine unde tenebræ nascantur, unde lumen oriatur. Ipse ergo tibi es caligo, vel lumen. Caligo iniquitatis est, tenebræ peccatorum : lumen innocentiae. Ipse tibi ergo es, vel injuriæ auctor, vel gratiæ : operatio divina nihil errat. Lumen in te ipso est ; quia innocens infantia tua est. Pura mens hominis ante adolescentiæ lubricum, et juventutis errorem. Tu tibi ergo tenebras fecisti esse quod lumen est. Denique idem oculus, hoc est, sensus hominis, tenebrosus est in peccatore, splendidus in innocentia.

78. Nec illud prætereamus quod Symmachus ait : « Afflixisti nos in loco deserto. » Ideo affigimur **920** quia interdum destituimur protectione cœlesti, et regio ista sub maledicto est, vel in lubrico sacerulari. Necdum quoque benedixerat terram suam Dominus noster Jesus Christus, et ideo laborabant, nec ad lumen pietatis ejus oculorum spirituum intendebatur obtutus. Deinde quia voluptas et delectatio mundi frequenter irrepit (*Hom., Odys. M.*). Unde non vinculis hominis illius ligare nos atque vincire debemus, nec cera aures claudere : Sed avertere aurem quotiescumque aliena a fide, et contraria vel adversa utilitati nostræ aliquis existimat obloquenda, ne in eo sermone operiat nos umbra mortis : et si quid tale profertur, nos tamen Dei verbum debemus inserere, quod mentis nostræ oculos fulgore disputationis illuminet.

79. (Vers. 21, 22.) Sequitur : « Si oblii sumus nomen Deinostri, et si expandimus manus nostra ad deos alienos. Nonne Deus requiret ista ? Aquila (77), « investigabit ista, » dixit, Symmachus, « inveniet ista ? Ipse enim novit occulta cordis. Quia propter morte afficimur tota die : astimati sumus ut oves occasionis. » Quid est quod ait : Requireret Deus ? Quasi si non requirat, ignoret : et sic requireret Deus oblivionem tuam quæ irrepsit, ut auferat ejus omne vestigium. Unde et Aquila dixit : « Investigabit ista. » Nam utique qui novit cordis occulta, quomodo querit, cui etiam ea quæ sunt interiora, manifesta sunt ? Siquidem apud Deum conscientia uniuscujusque se prodit, et cogitatio hominis apud eum se aut condemnat, aut purgat. Denique Aquila « visionis cordis » dixit, eo quod videat cor nostrum, et omnis nostri cogitatio cordis in promptu sit apud Deum, atque ei cogitationum

77. Edit. Rom. sex illis verbis, *Aquila* etc., rejectis in inferiora, et tribus versibus, *Si oblii sumus*, etc., continua serie dispositis, subjungit : *Quid est, quod ait: nonne Deus requiret ista ? Quasi ?, etc.* nobis ab edit. ant. et mss. recedere religioni fuit. In his tamen ab edit. et cod. *Vict.* et *Colb.* non nihil

**A** nostrarum imago resplendeat. Bene illud ait Aquila : « in te morte afficimur, quoniam in Christo mori, arduum et gloriosum : et in ipso moritur, qui pro ejus nomine sacra passione est coronatus. Sed quid miraris quod requirentem Deum occulta cordis versiculos iste declareret, cum alibi Deum scrutatorem legeris cordis (*Jerem. xviii, 10*) ? » Quid etiam miraris si verbis nostris majestas divinæ substantiæ explicari non possit, cum ait Apostolus (78) : « Nolite ante tempus quid judicare, donec veniat Dominus qui illuminabit occulta tenebrarum, et manifestabit consilia cordium : et tunc laus erit unicuique a Deo (*I Cor. iv, 5*) ? » Tenebras cordis saepe loco criminis legimus, imo prope ubique. Vide ergo ne ista sint occulta tenebrarum, quæ sunt cordis occulta, ideoque tenebrarum nomen accepterint, quod ea ab aliis non deprehendantur, sed lateant. Et ideo Dominus in die judicii illuminaturus asseritur occulta tenebrarum, quia cor unius cujusque manifestabitur, quod ante occultum erat : soli quidem Christo cognitum, qui sciens judicii sui gratiam ait : « Nihil est occultum, quod non manifestabitur (*Matth. x, 26*). »

80. Sunt autem multæ quæ propter verecundiam preimus, et ut impleamus cœleste mandatum, tacito apud nos tenemus affectu, ne videamur in iis quæ nostra sunt, gloriari, et eorum fructum vulgando incipiamus amittere. Sunt autem **921** occulta sapientiæ, quæ raptus in paradiiso apostolus Paulus audivit : et quia non licebat homini ea loqui, apud se tegebat : non quia usum eorum aut gratiam C aliis invidereret, sed quod non licebat homini loqui, forte etiam homini audire non proderat : quæ tunc illuminabit Dominus, cum illuminandorum secretorum tempus advenerit. Vide ne etiam in Evangelio distantiam aliquam reperias, ubi dixit : « Nihil occultum quod non manifestabitur, neque opertum quod non revelabitur (*Ibid.*) . » Illud tamen adstipulatur ad superiorem interpretationem, ut utrumque de bonis esse credamus, quia scriptum est : « Cognoscit Dominus qui sunt ipsius (*II Tim. ii, 19*). » Suos ergo cognoscit, et eos cognoscit qui cognoscunt Deum : ignorat autem eos qui ignorant Deum ; qui enim ignorat, ignorabitur. Dominus ergo quæ bona sunt, recognoscit : ea quæ sunt plena cognitionis divinæ, ea quæ sunt occulta sapientiæ, novit Dominus, aversatur autem ea quæ sunt plena iniqutatis atque peccati.

81. Denique si istorum personam consideres, quos nulla divini cultus oblivio separavit, ut alieno deo expanderent suas manus, atque aperire suas animas noluerint, intelliges quod in occultis suis non flagitia aliqua erant, sed ea quæ essent innocentiae continebant, quandoquidem morte afficiebantur pro dissentientibus ; quinque alii ita partem ultimam præferentes : *Quid et quod ait : requiret Deus ? Oblivionem tuam quæ irrepsit ut auferat ejus omne vestigium.*

(78) *Vict.* et *Colb.*, cum illud quoque turbare nos non possit quod ait Apostolus, etc.

Dei cultu, totaque die versabantur in morte : sicut et versabatur Paulus, qui ait : « Quotidie morior per vestram gloriam (*I Cor. xv, 34*). » Et vere quotidie Paulus moriebatur secundum carnem, in jejuniis, in naufragiis, in diversis periculis, in miseriis constitutus ; sed non totus moriebatur. Moriebatur homo ejus exterior, sed renovabatur interior : et ideo non deficiebat, cum tot periculis urgeretur, quia etsi exterior homo ejus corrumpebatur, interior renovabatur de die in diem, quia diem sibi uniuscujusque fides et gratia operationis illuminat. Unde nec Paulus apostolus noctem sciebat, quia qui renovatur, semper in luce est. An tibi non videtur in luce, qui Christi in se continet charitatem ? Et ideo immolationis securus (79) dura non refugit : nec eum persecutio ulla, aut fames, aut gladius potest a Christo Domino separare, quem vincula divinæ charitatis astringunt.

82. (Vers. 23.) Interim tamen in bonis etiam operibus mens humana turbatur, et temptationibus quatitur. Tamen et hoc justorum est, ut cum se tentari viderint, adjumentum depositant, sicut apostoli in Evangelio (*Math. viii, 25*) cum Christus dormiret in navi, tempestatem fluctuum formidantes excitaverunt Dominum Jesum, ut ab his formidinem propulsaret. Nonne tibi videntur sancti apostoli istos dixisse versiculos : « Exsurge, quare obdormis, Domine ? Exsurge, et ne repellas usque in finem. » Certe etsi littera distare videatur, concordat sententia. Neque vero vel in corpore constitutus ita dormiebat Dominus noster Jesus Christus, ut ignoraret tempestatem maris, et exorta procella ventorum cognitionem ejus per altitudinem soporis excederet. Dormiebat corpore, sed virtute vigilabat. Et dispositio illa fuit, ut ascenderet in navem Dei filius Dei Verbum : ascenderent etiam simul discipuli sui : quos remissos (922) et negligentes esse non passus, quasi de Domini præsentia et favore securos, somno corporis sese composuit. Ergo illa specie somni, dormire esse mundo huic, apostolis Verbum Dei demonstrabat. Vigilabat tamen ejus potestas et providentia, quæ excitavit tempestatem in mari, ut navis propemodum insurgentibus fluctibus operiretur : qua discipuli tempestate turbati, utrum salubris consilii se provisione fulcirent, an vero remedium excederent (80), cognosceretur. Sed illis quibus Jesus non dormiebat, vigilabat fides : et ideo surgentes excitaverunt Dominum Jesum, dicentes : « Domine, salva nos, perimus (*Matth. viii, 36*). »

83. Vide si etiam illuc discrepat ab Evangelio, quod de Jona legimus (*Jonæ ii, 1*), qui dormiebat in ventre navis, et stertebat : in quo sacræ passionis figura præcessit. Sicut enim Jonas dormiebat in navi, et stertebat securus, quia non metuens deprehendi, ita Dominus noster Jesus Christus, qui figuram illam sacramento suæ mor-

**A**tis implevit, tempore Evangelii in navi dormivit : et sicut ille tribus diebus et tribus noctibus fuit in ventre ceti, ita Filius hominis tribus diebus et tribus noctibus fuit in corde terræ, in sui corporis passione. Qui ubi se excitavit a morte, et sumnum sui corporis relaxavit, ut pro salute resurgeret universorum, discipulos visitavit. Hic est ergo verus Jonas, qui obtulit animam suam redemptionem pro nobis. Propterea ergo sublatus et missus est in mare, ut exciperetur et devoraretur a ceto, quo intra alvum ceti positus ejus interiora vacuaret. De quo ceto hoc dictum sit, audi Job dicentem, « Qui habet, inquit, magnum cetum captivum reddere (*Job iii, 8*). » Quis iste est ? Utique cognoscis, cum legeris quod Dominus noster Jesus Christus captivam duxerit captivitatem (*Ephes. iv, 8*) ; devicto enim adversario et inimico, nos qui captivi eramus, cœpimus libertatem possidere per Christum.

84. Denique ipsa oratio sancti Jonæ docet Dominicæ passionis esse mysteria, cum dixit : « Clamavi, inquit, ad Dominum meum in tribulatione mea, et audivit me de ventre inferni (*Jonæ ii, 3*). » Vides quia inferni ventrem dixit, non ceti ? Dominus autem non in cetum, sed in infernum descendit, ut et illi qui in infernis erant, a perpetuis vinculis solverentur. Denique plerique etiam resurrexerunt. Quæ autem flumina circumdederunt Jonam, aut de qua abyso dixit Jonas : « Abyssus circumdedit me novissima, mersit caput meum in fissuras montium ; descendit in terram, cujus seræ sunt continuæ aënales (*Ibid. 6, 7*) ? » Utique hoc ad personam Jonæ non quadrat, et convenit. Filius autem Dei descendit in fissuras montium, quando descendit in tumulum : ipsum enim Joseph, sicut Evangelium docet, posuit in monumento suo novo, quod excidit in petra, et advolvit saxum magnum ad ostium monumenti (*Matth. xxvii, 60*). Denique et in alio libro : « Posuit, inquit, eum in monumento exciso, in quo nondum quisquam positus erat (*Joan. xix, 41*). »

85. Quis autem est qui cum voce laudis et confessionis Domini sacrificavit, nisi princeps omnium sacerdotum, qui et vota pro omnibus vovit et reddit ? Solus enim effectus sui habuit potestatem. Sicut enim Jonas missus est in mare, et quievit mare a commotione sua, ita Dominus (923) noster Jesus Christus venit in hunc mundum, ut mundum lucifaceret, et sanguine suo omnia pacificaret, sive terrena, sive cœlestia. Adventu igitur suo redemit universos homines, et provocavit ad Dei cultum operibus suis, cum mortuos resuscitaret, sanaret infirmos, timorem Dei humanis infundens affectibus. Ipse est qui sacrificavit Domino sacrificium salutare pro nobis, et dignas conversionis nostræ hostias Deo obtulit ; ipse est qui dormivit, et evigilavit.

86. Cavendum est ergo ne obdormiat peccatori-

(79) Rom, edit., *Et ideo renovationis securus.*

(80) *Remedium excederent*, hoc est, præterirent omittentque. Rom. edit., *remedium exciperent.*

bus; obdormire enim videtur iis, quibus non resurrexit, et quos in finem repellit. Quis autem est qui repellitur, nisi qui peregrinatur a Domino, quia non peregrinatur a corpore? Quomodo enim possunt Deo placere qui in carne sunt? Et ideo non in carne simus, sed spiritu: adhæreamus Dominum Jesu, qui se in octagesimo et octavo psalmo repulsum dicit pro nobis. « Tu vero repulisti pro nihilo, Domine, distulisti Christum tuum, evertisti testamentum servi tui (*Psalm. LXXXVIII*, 38, 40). Itaque repulsus in nobis factus est in opprobrium vicinissuis; ille enim suscepit opprobrium crucis, ut nos gloriam suam resurrectionis indueret. Repulsus videtur, quasi mortuus: et perfusus confusione, quasi crucifixus: sed benedictus est in æternum, qui maledictionem sustulit, benedictionis gratiam comparavit.

**87.** (Vers. 24.) Sequitur: « Quare faciem tuam avertis? » Avertere a nobis Deum faciem suam putamus, quando sumus in aliquibus afflictionibus constituti; ut tenebrae nostro offendantur affectui, quibus impediti fulgorem veritatis oculis nostris haurire nequeamus. Etenim si in nostrum Deus attendat ingenium, et nostram mentem visitare dignetur, certi simus quod nulla res nobis caliginem possit obducere. Etenim si vultus hominis ceteris membrorum partibus plus refulget, et quemcunque intuemur, vel incognitum agnoscimus, vel cognitum recognoscimus, quem aspectus noster latere non patitur; quanto magis Dei vultus quem spectat, illuminat! De quo ut cetera ejus sunt, ita et hoc præclarum sancti Apostoli, qui vere interpres est Christi, ut aptiore eum sensu et sermone nostris infunderet mentibus: unde ait: « Quoniam Deus quidixit de tenebris lumen splendescere, illuxit in cordibus nostris, ad illuminationem scientiae claritatis Domini in facie Christi Jesu (*II Cor. IV*, 6). » Ubi igitur in nobis reluceat Christus, audivimus. Est enim fulgor æternus animorum, quem ideo Pater misit in terras, ut ejus illuminati vultu, æterna et cœlestia spectare possimus, qui ante terrena caligine tenebamus. Quid de Christo loquar, cum etiam Petrus apostolus dixerit ad illum claudum ex utero matris sue: « Respice in nos (*Act. III*, 4), » qui respexit in Petrum, et fidei illuminatus est gratia? Neque enim accepisset remedium sanitatis, nisi fideliter credidisset. Unde cum tanta gloria esset in apostolis, audiens transire Dominum Jesum Zacchæus ascendit in arborem, quia exiguis et pusillus in turba eum videre non poterat. Vedit Christum, et lumen invenit. Vedit eum, et qui ante aliena rapiebat, sua contulit. Merito ergo dicunt isti: « Quare faciem tuam avertis? »

**924 88.** Aut fortasse propterea dicitur, quia desiderantibus Christi moram faciebat adventus. Ipse enim est vultus Patris, qui est imago et gloria Dei. Certe si non ad Incarnationis ejus hoc acci-

A piamus sacramentum, recte etiam illud usurpant sancti dicentes: « Quare faciem tuam avertis? » hoc est: etsi avertis, Domine, faciem tuam a nobis, tamen signatum est in nobis lumen vultus tui, Domine. Tenemus illud in cordibus nostris, et in intimo splendet affectu: neque enim quisquam potest subsistere, si tu avertas faciem tuam. « Omnia enim a te expectant, ut tu des illis cibum in tempore. Dante te his, colligent: aperiente te manum tuam, universa implebuntur bonitate: avertente autem te faciem, turbabuntur. Auferes spiritum eorum, et deficiunt, et in pulverem suum convertentur. Emittes spiritum tuum, et creabuntur: et renovabis faciem terræ (*Psalm. CIII*, 27-30). » Agnosca quæ sit esca quam Deus hominibus subministrat? Ipse est cibus quem secundum voluntatem Patris unigenitus Filius ejus Dominus noster epulatur, sicut ipse ait: « Meus cibus est, ut faciam voluntatem Patris mei, qui in cœlis est (*Joan. IV*, 34). » Hic cibus nobis est salutaris, et omnia Dei sunt salutaria.

**B** 89. Audis quædam Dei membra, cognosce virtutes. Marus quippe ejus, plenitudo bonitatis est: facies ejus, illuminatio mentis est. Et ideo semper ab eo speremus, in ipsum vota nostra et omnia studia dirigamus; nec desperemus, etsi corporaliter eum videre non possumus; neque enim desperavit Moyses, cui dictum est: « Non potes videre faciem meam; non enim videbit faciem meam homo, et vivet (*Exod. XXXIII*, 20). » Et addidit: « Ecce locus apud me, stabis in petra; et cum transierit gloria mea, ponam te in cavernam petræ, et operiam te manu mea, donec transeam, et tollam manum meam, et videbis posteriora mea, faciem autem meam videre non poteris (*Ibid. 21-23*). » Non ergo videtur ab homine facies Dei. Est tamen locus in quo fide se monstrat homini Deus. Est hic locus apud Deum, et ideo si steterimus in petra, id est, in carnis istius conscientia (31), et fidei firmitate, etsi plenitudinem ejus videre non possumus, tamen quantum possumus, quasi reliquias ejus luminis hauriemus. Neque enim Moyses totam divinitatis ejus plenitudinem vedit, quæ habitat in Christo corporaliter; sed vedit posteriora Christi, vedit splendorem ejus ut homo, vedit ejus gloriam passionis, per quam regnum nobis cœlestis reseravit.

**C** 90. Aquila autem, « Quare faciem tuam abscondis, » posuit; sed etiam ceteri, quod videtur convenire cum Moysi dictis, qui ait: « Demonstrate mihi (*Exod. XXXIII*, 13) » quasi diceret: Noli vultum tuum mihi abscondere, sed magis demonstra videre cupienti.

**D** 91. Et addidit: « Oblivisceris, inquit, inopiam nostram, et tribulationem nostram. » De qua inopia dicit sanctus Propheta quod in oblivionem venerit Dei? aut quæ est ista inopia, quam excidisse Deo nostro et Domino conqueratur? Non otiosa

(31) Id est, cognitione ac fide carnis Christi, quam petra illa præfigurabat.

est inopia, nisi forte ea quæ protectorem Deum et remuneratorem habere consueverit. Si enim est inopia cui patet regnum cœlorum, recte isti inopiam suam divinis excidisse sensibus arbitrantur, qui animam suam humiliatam in pulvere deplorabant, et ventrem suum in terra **925** hærere dicebant. Qui autem in terra harent, videntur divina protectione privari. Quæ sit ergo ista inopia, audi: « Beati enim pauperes spiritu, ipsorum enim est regnum cœlorum (*Matth.* v, 3). » Si ergo beata paupertas est, cui patet cœlum, terrenas istas divitias negligamus, corporalem redundantiam declinemus. Sequamur vestigia apostolorum (82), ante quorum pedes unusquisque quod habebat pecuniæ ex suorum agrorum pretio conferebat, ut pauperibus dispensaretur. Istam igitur inopiam evangelicam hic sancti viri multo ante exercere cœperant; et ideo dicebant: « Oblivisceris inopiam nostram. » Tale est hoc, quale illud apostolicum: « Ecce nos reliquimus omnia, et secuti sumus te (*Matth.* xix, 27). » Bona ergo paupertas, quæ a pietate procedit, et virtutum exercitatione suscipitur.

92. Nec solum inopiam, sed etiam tribulationem suam in oblivionem Deo venisse deplorant. Bonæ sunt et tribulationes quæ sunt propriæ justorum, qui non pro meritis suis, sed pro pietate eas sustinent: in quibus justus non atteritur, sed dilatatur, sicut sanctus Propheta declarat dicens: « In tribulatione dilatasti mihi (*Psal.* iv, 2). » Et ipse Dominus Jesus ait: « In tribulatione invocavi Dominum, et exaudivit me in latitudinem (*Psal.* cxvii, 5). » Dilatavit sancto apostolo Paulo, quando ei oculorum lumen eripuit; ita enim confessus est Christum, quem negabat antea. Ideo vas electionis

(82) *Mss. nonnulli, sequamur gesta apostolorum.*

(83) *Edit. Rom. sola, Deus alicui in tribulatione dilatat.*

(85) *Hic Scripturæ locus quem exhibent omnes*

**A** esse promeruit. Denique ut scias quia dilatavit Paulo Dominus Jesus, audi ipsum Apostolum dicentem: « Os nostrum **926** patet ad vos, o Corinthii, cor nostrum dilatum est (*II Cor.* vi, 11). » Aperi ergo os, confitete Christum, quia plenitudo est: ubi plenitudo, ibi etiam latitudo. Et quasi bonus magister qui discipulos habere optaret æquales, nos quoque hortatus est ut dilataremur, dicens: « Dilatamini et vos (*Ibid.* 13). »

93. Cum autem Deus alicubi in tribulatione dilatat (83), tunc fit latitudo cordis, sicut arena maris innumerabilis. Quæ sit ista latitudo, audi dicentem sanctum Salomonem (83): « Optavi, et datus est mihi sensus: et invocavi, et venit in me spiritus sapientiæ (*Sap.* vii, 7). Ut enim acciperet sapientiam a Deo, non divitias, non nobilitatem, non potestatem, sed sapientiam postulavit, et in illa omnia quæ etiam non postulavit invenit. Unde Scriptura dicit quia talis erat latitudo cordis ejus, sicut arena maris innumerabilis (*III Reg.* iv, 29). Unde hanc percipias latitudinem, ait de seipso cognoscens: « In latitudine cordis tui describe eam (*Prov.* vii, 3). » Et ideo qui habet sapientiam, non in occulto teneat eam, non ad momentum; sed canat eam in exitu: ubique quod sentit, cum auctoritate prædicet.

94. Symmachus autem pro tribulatione afflictionem posuit. Sive tamen afflictatio sit, sive tribulatio, opus est ut nos maneamus in Domino, nec ab eodem recedamus, quoniam præsule Domino et assistente nobis, omne certamen fortiter possumus sustinere. Si autem Dominum negligamus, et longe nos faciamus a Domino facimus nobis adversarium fortiorum.

edit. nusquam in nostris mss. invenitur, sed post vocem *Salomonem*, continuo subnectitur, *ut acciperet sapientiam*, etc.

## IN PSALMUM XLV ENARRATIO.

### PRÆFATIO.

4. (Vers. 1.) Titulus psalmi hujus ita inscribitur: « In finem, pro filiis Core pro occultis, psalmus ipsi David. » Quid est, « pro occultis? » Occultorum habuisse se cognitionem per revelationem Domini Jesu, in quinquagesimo quoque psalmo sanctus Propheta commemorat dicens: « Incerta et occulta sapientiæ tuæ manifestasti mihi (*Psal.* l, 8). » Quæ autem illa sint occulta, in Evangelio sancto docemur, dicente Dei Filio, quod mysteria sapientiæ abscondita sint sapientibus, et parvulis reveleta (*Matth.* xi, 25). Hæc sunt illa, ni fallor, quæ oculus non vidit, nec auris audivit, nec in cor hominis ascenderunt:

D quæ preparavit Dominibus diligentibus eum. Ergo in occulto cordis nostri occulta sapientiæ recondamus, non temere aliquibus divulgemus, nisi sacramentorum consortibus, quos Dominus vocavit ad gratiam suam, qui se in abscondito vult rogari, quoniam solus est, qui abscondita et occulta cognoscat.

2. Denique ipse Dominus Jesus ad percipiendam Legem solum Moysen, non absque Jesu tamen, in montem voluit ascendere (*Exod.* xix, 24). In Evangelio quoque Petro, Joanni, et Jacobo solis ex omni numero discipulorum resurrectionis suæ gloriam revelavit (*Matth.* xvii, 1). Ita occultum suum voluit esse mysterium, et admonebat frequenter,

ne cui facile quæ viderant, annnntiarent ne offendiculum quisquam subiret infirmior, qui vim sacramentorum fluctuanti ingenio haurire non posset. Denique ipse Petrus nesciebat quid dicere, quia tria tabernacula Domino, et servulis crederet esse facienda. Deinde fulgorem gloriæ Domini transfigurantis se sustinere non potuit: sed in terram cecidit, ceciderunt et filii tonitru Jacobus et Joannes, et nubes operuit eos, nec potuerunt surgere nisi postea quam Jesus venit, et tetigit eos, et jussit ut surgerent, et formidinem sequestrarent. Introierunt ergo in nubem, ut abdita et occulta cognoscerent, atque ibi audierunt vocem Dei dicentis: « Hic est Filius meus dilectus, in quo mihi complacui: ipsum audite (*Ibid.* 5). » Quid est. « Hic est Filius meus dilectus? Hoc est, noli errare, Simon, ut servulis Filium Dei conferendum putas. » Hic est Filium meus, » non Moyses Filius, non Elias Filius, quamvis alter aperuerit mare, alter cluserit cœlum. In verbo enim Domini uterque naturam vicit elementi, sed illi ministerium præbuerunt, hic est qui solidavit aquas, cœlum siccitate clausit, et quando voluit, in imbræ resolvit. Ubi testimonium resurrectionis asciscitur, astipulantur ministeria servulorum, ubi gloria Domini resurgentis ostenditur, servulis splendor absconditur. Namque ipsos stellarum globos sol exortus obducit, et omnia earum lumina mundano sub sole vanescunt. Quomodo ergo sub æterno sole justitiae, atque illo fulgore divino videri poterant stellæ carnales? Ubi ergo sunt illa lumina, quæ vestris ante oculis quodam miraculo resulgebant? Tenebræ sunt universa, comparatione lucis æternæ. Alii ministeriis suis Deo placere **927** festinent, hic solus est verum lumen et æternum, in quo Pater complacet, vel in quo beneplacitum est mihi, ut meum sit, quidquid hic fecit, et quidquid ego feci, Filii opus esse jure credatur. Ipsum audite dicentem, « Ego et Pater unum sumus (*Joan.* x, 30). » Non dixit, Ego et Moyses unum sumus. Non dixit sibi et Eliæ ullum divinæ gloriæ esse consortium. Quid tria tabernacula præparatis? Non in terris habet iste tabernaculum, sed in cœlo. Audierunt apostoli, et ceciderunt pavore turbati. Venit Dominus, et levavit eos, et jussit ne cui dicerent quod vidissent.

3. *Huic ergo tua occulta servato, cui David sua* **D** *occulta mandabat* (84) *dicens, « Ab occultis meis munda me, Domine* (*Psalm.* xviii, 13). Munda enim debent esse receptacula, in quibus sunt pietatis occulta mysteria. Et ideo tibi dicitur, « Bibe aquam de vasis tuis et de puteorum tuorum fontibus... et in plateis superfluant aquæ tuæ, ut irriguo fonte munderis (*Prov.* v, 12, 16). » Ideo tibi dicitur, » Vino torcularia tua redundant (*Prov.* iii, 10). » Ideo dicitur, « In tribulatione invocasti me,

(84) *Mss. aliquot, sua occulta mundabat.* Melius alii, ac edit... *mandabat*, id est oratione commen-dabat.

**A** et liberavi te, exaudiui te in abscondito tempestatis, probavi te in aqua contradictionis (*Psalm.* lxxx, 8) » *Est enim quædam in tribulationibus interna pectorum sævæ tempestas, quando sunt foris pugnæ, intus timores. Est aqua contradictionis, quando velut quodam amarissimi salis æstu fluctuant* (84) *nostræ cogitationes, nec ulla in profundo mentium definitionis stabilitate placitantur. Tunc tempestas in abscondito, tunc aqua contradictionis, quæ solo potest Christi sermone sedari, quo peccata nobis nostra dimittit, secundum quod ipse dignatus est dicere, « Jam vos mundi estis propter sermonem, quem locutus sum vobis (*Joan.* xv. 3). » Loquere, Domine Jesu, verbum tuum medicina est, verbum tuum lumen est, verbum tuum nostræ colluvionis ablutio est, verbum tuum fons est. Tuloqueris, et culpa lavatur.*

4. *Et quia de abscondito tempestatis, et de aqua contradictionis ductus est sermo, omnia nobis factum est Dei Verbum. Caro factum est, ut carnem servaret; aqua factum est, ut aquam contradictionis sua gratia temperaret, et amaritudinem impietatis auferret. Ideoque scriptum est, « Aqua alta verbum in corde viri* (*Prov.* xx, 5). » *Alibi verbum, alibi iterum consilium; ibi enim bonum consilium, ubi bonum est Dei verbum. Et ideo tibi lex dicit: « Attende tibi, ne fiat tibi verbum malum in corde tuo (*Deut.* xv. 9), » et dicit Jesus, « Quid cogitatis mala in cordibus vestris (*Matth.* ix, 4)? » Misit enim Deus Verbum suum, utsanaret hominem, non ut perderet. Hoc verbum medicina est, non pœna. Hoc verbum in corde tuo, et in ore sit tuo, hoc Verbum sit in occulis, ubi diabolus insidiatur; intret Verbum, exeat diabolus. Nam si irrepserit diabolus, Christus recedit, quomodo recessit a Juda postquam se diabolus in cor ejus immersit. Et tu ergo dic, « Ab occultis meis munda me, Domine* (*Psalm.* xviii, 13), » ne diabolus insidietur in occultis, sicut leo in cubili suo. Quod si Christi occulta pie fideliterque servaveris, insidiandi diabolo locus esse non poterit. Ideoque in psalmo nono David de occultis scribens Domini sacramentis, quod est conversio peccatorum, vocatio gentium, Dei regnum, præparatio cordis, **928** judicium pauperum, refectione inopum, ante de occultis pectoris tui atque secretis exterminandum adversarium dicit, ne sedeat in occultis ut interscere cupiens innocentem. Ideoque tibi dicitur: « Intra in cubiculum tuum, et clauso ostio, ora Patrem tuum in abscondito (*Matth.* vi, 6). » Ilo tua descendat oratio, ubi cam audiat qui scrutatur abscondita, ibi tuam patientiam deprehendat, vel, tegendæ injuriæ, vel jactantiæ declinandæ; occultat enim sapiens injuriam suam. Ibi est latibulum sapientiæ; « posuit enim tenebras latibu-

(84) Ita quinque mss. Alii vero et omnes edit., *peccatorum sævæ tempestas... quodum maritimæ salis æstu fluctuant*, etc.

lum suum (*Psalm. xvii, 12*). Quærerent me mali, et non invenient (*Prov. i, 28*).

5. Ideo Abraham puteum fudit ut aquam qui quæreret, inveniret; ideo puteum fudit Isaac: ideo Dominus Jesus sedebat ad puteum, erat autem ibi fons Jacob. Sedebat ad puteum, ut quæreres. Fons ibi est, ubi Christus est. Fons est, ut aquæ (85) supereffluant requirentibus, quo et universa carnis vel flagitia diluantur, vel rsetinguantur incendia. Hæc ergo est altitudo sapientiæ et scientiæ Dei, ut mali eam non inveniant, boni quærant, atque in ejus acquirendæ studio et meditatione versentur. Vis scire quam verum sit? Audi Sapientiæ ipsius verba: « Petite, et dabitur vobis; quærite, et invenietis, pulsate, et aperietur vobis (*Luc. xi, 9*). » Pulsa ergo januam; quia Christus est janua; pulsa ostium Verbi; ut aperiatur tibi ad eloquendum mysterium Christi, et absconditos in Christi sapientiæ possis invenire thesauros. In ipso nobis sapientia, in ipso vita nostra abscondita est, sicut Paulus asseruit (*Coloss. iii, 3*), qui usque ad tertium raptus est cœlum, ut audiret ea quæ homini non licet loqui. Quanta occultorum est disciplina! Licet scire homini, et non licet loqui. Scire vita est, loqui mors est.

6. Cognoscentes ergo quia finis occultorum qui Græce σωπός dicitur, hic est, atque ea summa, ut et indigni non apprehendant sapientiæ disciplinam, et qui desiderium habent, vitæ tamen et fidei meritis suffragantibus, cognitionem divinorum capere sacramentorum laborant, et quotidianis exercitationibus desudant ut intentionis suæ fructum mereantur adipisci; nonum psalmum et quadragesimum quintum diligentius legamus, ut absconditam in mysterio sapientiam fideli possimus mente comprehendere. Soli enim isti de occultis titulum prætulerunt. Sed jam psalmum adoriamur.

#### ENARRATIO.

7. (Vers. 2). « Deus noster, refugium et virtus. » Quid est, *noster*? Hoc est; eorum qui in te credimus. Sic et alibi: « Domine, refugium factus es nobis (*Psalm. lxxxix, 1*). » Nobis, inquit, ereditibus, non incredulis; nobis quærentibus, non retugientibus veritatem. Ille enim hoc potest dicere, qui in solius Dei præsidio suæ constituit spem salutis. Nobis ergo refugium factus es, et nostrum refugium et virtus, qui sumus ex populis nationum. Judæi te negaverunt, Judæi non te receperunt, et ideo es conversus ad gentes, vocasti nos, et refugium factus es nostrum, et virtus es nobis. Vis scire quid de nobis 929 qui sumus

(85) Quinque mss., *fons ibi erat. Tibi Christus fons est, ut aquæ*, etc. Edit. autem cum aliis mss. ut in textu.

(86) Per montem in hoc Evangelii loco perduellum angelum significari jam in *psal. xxxvi, col. 812, num. 77*, Vir sanctus docuerat his verbis: *Dicetis huic monti: Tollere, et jactare in mare, Huic, Cui? Dæmonio, inquit, etc.* In qua quidem expositione gravitatem Ambrosii ac modestiam

A ex gentibus, dictum sit? « Crux Domini Judæis offendiculum, Græcis stultitia, nobis autem virtus Dei atque sapientia est (*I Cor. i, 1*). » Et infra: « Ex ipso autem vos estis in Christo Jesu, qui factus est sapientia nobis a Deo (*Ibid. 30*), » Utique Paulus non de Judæis, nec de gentibus dixit, sed de iis qui conservi ad Dominum Jesum prædicarent suæ salutis auctorem. Confugisti ergo ad Christum? Non deseras laudamentum, confirmatorem tuum non derelinquas, ut te qui suscepit, ipse tucatur, et mercedem suam pius animarum nostrarum negotiator agnoscat.

B 8. « Adjutor in tribulationibus qui invenerunt nos nimis. » Bene « nimis » ad utrumque respondit, et ut in tribulationibus quæ nos nimis invenerunt, et adjutor nimis possit intelligi. Quanto enim majores tribulationes fuerint, tanto majora nobis et vehementiora adjumenta sunt necessaria. Et ideo plerumque fit ut in gravioribus et asperioribus certaminibus coronemur: quia lacrymis et gemitibus et orationibus frequentioribus æternæ opem nobis divinitatis adsciscimus.

C 9. (Vers. 3.) Quo fit ut non timeamus, cum terra nostra turbatur, et transferuntur montes; quia si tu pro nobis, quis contra nos? Timere non possumus fragilitates istius carnis, quæ timore ac metu frangitur, imflammatur cupiditatibus, luxuria molitur, deliciis enervatur, vaporatur febris, dolore vexatur, exanimatur angustiis. Vel cum transferuntur illi montes in cor maris, de quibus dixit Salvator: « Si habueritis fidem sicut granum simapis, » non solum de sicolnea facietis; sed etiam « si monti huic dixeritis: Tollere, et jactare in mare, nihil impossibile erit vobis (*Matth. xvii, 10*). Misit se hic mons (86) in cor Judæ, et mentem ejus gravi tempestate turbavit, diversarum exigitans fluctibus passionum. Sicut enim terrarum fertilitati secunda bonis operibus et devotionis ac fidei fructibus anima comparatur, ut odor Jacob, sicut odor agri pleni; ita etiam procellosi maris inquietudine figuratur anima ejus, qui quietus esse non novit, et amaris cogitationibus excitat graves fluctus. Denique nec osculo suo Dominus Jesus Judæ proditoris amaritudinem temperavit. Suscepit osculum proditor, infudit venenum, mortem interrogavit: cuius aculeum quidem Christus obtudit, sed solus proditor non evasit. Et ut evidenter montem hujusmodi nobis manifestaret, alibi quoque cum dæmonium ab homine jussisset exire, apostolis interrogantibus qua causa illud ipsi ejicere nequivissent, ait: « Non ejicitur hoc genus,

D nonnulli desiderant. Verum isti, ne quid gravius dicamus, æquo morosiores sunt. Ecquis enim eat inficias, per montis altitudinem superbum illum spiritum haudquaquam insulte adumbrari? Nam quod ad litteralem sensum attinet, nunquam animi fuit sancto præsuli negare fidei vim inesse θαυματουργικὴν sed mysticum prosequi maluit. quod eum duceret auditoribus suis utiliorem.

nisi in oratione et jejunio (*Ibid.* 20). Et addididit: « Si habueritis fidem sicut granum sinapis, dicetis huic monti: Transi hinc illo (*Ibid.* 19), « manu significans quis ille mons esset, quem posset perfecta transference fides. Perfecta enim fides grano sinapis comparata est, dicente Apostolo: « Si habeam omnem fidem, ita ut montes transferam: charitatem autem non habeam, nihil mihi profest (*I Cor.* XIII, 2). »

10. (Vers. 4.) Sunt etiam qui ita distinguunt: « Et transferuntur montes; » ut sequatur: « In cordibus maris sonuerunt, **930** et turbatæ sunt aquæ ejus: conturbati sunt montes in fortitudine ejus. » Non bonæ aquæ quæ sonant, atque turbantur, et potum præbere non possunt. Meliores sunt quæ pertranseunt, sicut scriptum est: « Inter medios montes pertransibunt aquæ, et potabunt omnes bestiæ agri: suscipient onagri in sitim suam *Psalm. ciii, 40, 41*. » Denique ubi legio dæmoniorum petiit et accepit potestatem ut introiret in porcos, magno inpetu se præcipitavit in mare (*Luc. viii, 32*) et aquæ illæ gregis sui præcipitatione turbatæ sunt. Alibi quoque idem David propheta sic posuit: « Viderunt te aquæ, Deus, viderunt te aquæ, et timuerunt (*Psalm. lxxvi, 17*), » hoc est, bonæ virtutes, quæ Verbi coelestis cognitione sunt placidæ non sonitu et fragore terribiles. De malis autem virtutibus quid dicit? « Et conturbatæ sunt abyssi, multitudo sonitus aquarum (*Ibid. 17 et 18*). » Abyssi Deum non vident, et ideo turbationibus semper obnoxiae sunt. Et exposuit quid essent abyssi. « Multitudo, » inquit, « sonitus aquarum. » Nam et bestia illa Antichristus ex abyso ascendit, ut adversus Eliam atque Enoch, atque Joannem (87) qui propter testimonium Domini Jesu terris sunt redditi, præliaretur; ut legimus in Joannis Apocalypsi: cui datum est os loquendi magna (*Apoc. xiii, 5*), ut adversus Deum plena furoris convicia et sacrilegii personaret.

11. (Vers. 4.) Sonuerunt ergo aquæ, id est, immundi spiritus, cum turbarentur videntes opera Dei, in Domini salutaris adventu appropinquare sibi judicium pertimescentes. Sonuerunt et turbatæ sunt aquæ in Domini passione. Unde et dictum est: « Quare fremuerunt gentes, et populi meditati sunt inania (*Psalm. ii, 1*)? Et alibi Scriptura dicit: « Periit memoria eorum cum strepitu (*Psalm. ix, 7*). » Diabolus sonum querit, Christus silentium. Denique « sicut agnus coram tondente se, sic non aperuit os suum (*Isa. lxxi, 7*). » Et alibi: « Non clamabit, neque contendet, nec quisquam audiet in platea vocem ejus... donec ejiciat in victoria judicium (*Maloth. xii, 19, 20*; *Isa. lxxi, 7*). » Quæ est ista nisi de serpente victoria? In hac fortitudine Filii Dei conturbati sunt montes: cum diabolus et ministri ejus viderent mortuos resurgententes. Isti sunt montes qui turbantur: illi mon-

**A**tes qui transferuntur in paradisum, quibus dicitur: « Hodie tecum eris in paradiſo (*Luc. xxiii, 43*). » Et aliis qui dicitur: « Sic eum volo manere donec veniam, quid ad te? Tu me sequere (*Joan. xxi, 23*). » Et Enoch qui raptus est, ne malitia sæculi mutaretur.

12. (Vers. 5.) Post Domini passiunem quid aliud sequi debuit, nisi quia de corpore Domini flumen exivit: quando de latere ejus aqua fluxit et sanguis, quo lætificavit animas universorum, quia illo flumine lavit peccatum totius mundi? Est et fluvius qui de Eden exiit, et circumiit universam terram, Verbum Dei quo paradisus intelligibilis irrigatur, et omnis anima vocatur ad gratiam Christi, dicente ipso Dei Verbo: « Si quis sitit, veniat ad me, et bibat. Cui ego dedero aquam, flumina de ventre ejus fluent aquæ vivæ (*Joan. vii, 37, 38*). » Ex illo enim unico Dei Verbo quatuor fluviorum prudentiae et fortitudinis, temperantiae quoque et justitiae fluenta manarunt. « Alii enim per Spiritum datur **931** sermo sapientiae, alii fides in eodem Spiritu, alii gratia curationum in uno Spiritu, alii operatio virtutum... Hæc enim operatur omnia unus atque idem Spiritus, dividens singulis prout vult (*I Cor. xii, 8, 11*). » Hi sunt impetus fluminis, cum se in gratiam ministeriorum operationis atque virtutis spontanea divisione tranfundit.

13. His igitur fluminis superni meatibus civitas illa in qua Deus inhabitat, irrigatur: et sanctificatur Altissimi tabernaculum, omnis anima quæ inhabitatur a Christo: vel corpus illud quod Virgo generavit, de quo Gabriel angelus dixit: « Et quod nasceretur ex te sanctum vocabitur Filius Dei vivi (*Luc. i, 35*). » Bonum tabernaculum, quod nulla potuerunt obumbrare peccata. Admirabile templum Dei, et aula coelestis, quod solutum corrumpi non potuit, sed intra triduum resurrexit, resuscitatum ab ipso qui mortuus videbatur. Nec mirum, quando Deus in medio civitatis ejus erat, nec commotus est, sive quia nullius peccati prolatione commotus est Dei Filius, nec alicujus erroris offensione titubavit, aut corporalis illecebrae mutantur impulsu; sive quia non reliquit animam ejus Dei gratia, sed inseparabilis in ea mansit, quod ab omni colluvione delicti immaculata duraverit. Unde et ad Patrem Dei Filius dixit: « Nec derelinques animam meam in inferno (*Psalm. xv, 10*). » Ergo quia suberat ei nec in carne peccare, divine ait: « Ego in Patre et Pater in me est (*Joan. xiv, 10*). » Et alibi: « Traditus sum, et non egrediebar (*Psalm. lxxxvii, 9*). » Ab eo utique non egrediebatur, cui dixit postea: « Exsurrexi, et adhuc tecum sum (*Psalm. cxxxviii, 48*). » Ubi autem aliquis gravius peccat, commovetur in eo Deus, ut ab eo transeat. Unde et Adæ peccanti deambulare visus est, et Stephano stare; quia ille prævaricatione omnibus et mss. et edit. soli Elias et Enoch memorantur.

(87) Quædam edit. Paris., atque Joanni: emendamus e cod. Reg., atque Joannem. Sed in aliis

lapsus est, hic in martyrio coronatus. Et in Zachariae libro ita scriptum est: « Ambulavit (88) in commotione indignationis irae suae Dominus (Zach. ix, 14). » Simile et in Evangelio dictum est Judaeis: « Ecce derelinquetur vobis domus vestra deserta (Math. xxiii, 30). » Dereliquit enim Dominus Iudeos, et statim secuta est ruina Synagogam. Quod si eam Christus non deseruisset, nunquam eam supremum secutum esset excidium. Aperuimus ergo quod dictum est (Vers. 6): « Deus in medio ejus non commovebitur. »

14. Sequitur: Adjuvabit eam Deus diluculo. » Quo significatur quia resurrectio matutina aduentorum nobis cœlestium subsidia confert, quæ noctem repulit, diem refudit, dicente Scriptura: « Surge, qui dormis, et exsurge a mortuis, et illucescat tibi Christus (Ephes. v, 14). » Vide autem mysterium. Vespere passus est Christus: ideo et secundum legem ad vesperam agnus occiditur (Exod. xii, 6). Mane surrexit; sic enim scriptum est: « Una autem sabbati venit Maria Magdalene priua luce ad monumentum, cum adhuc 932 esset obscurum, et vidit lapidem amotum ab ostio (Joan. xx, 1). » Ad vesperam mundi occiditur, deficiente jam luce; quia in tenebris erat hic totus mundus, et majoribus fuisse tenebrarum squaloribus involutus, nisi Christus nobis e cœlo lux æterna venisset, innocentiae tempora generis refusurus humano. Passus est ergo Dominus Jesus, et sanguine suo nostra peccata donavit, lux refusit conscientiae purioris, et dies resplenduit gratiae spiritualis; unde et Apostolus ait: « Nox præcessit, dies appropinquavit (Rom. viii, 12). » Evigilavimus igitur, jam non dormiamus. Vestem lucis induimus, non in amictus tenebrosæ conversationis atque exuvias revertamur. Comessationibus atque deliciis, quæ nocturni sunt temporis, vale diximus: sobrietatem elegimus, cuius gratia Jacob primatus quos non habebat, invenit.

15. In aliis quoque codicibus invenitur: « Adjuvabit eam Deus vultu suo. Quid hoc quoque significet, ipse Propheta nos doceat. Namque ipse in posterioribus dixit: « Ostende faciem tuam, et salvi erimus (Psal. lxxix, 4). » Aspectus ergo Dei,

(88) Ita plerique mss. atque omnes edit., excepto quod Rom. habet, *ambulavit*. Mss. autem Remig., *Ambulavit in minitatione irritationis suæ*. Long. et Valc., *Ambulavit in commotione minitationis suæ*. In quo non multum discrepant a LXX, apud quos legas: Καὶ πορεύεται ἐν σάλῳ ἐπειλῆς αὐτοῦ: ubi Vulg., *Et vadet in turbine austri*.

(89) *Responsoria* proprie dicuntur, cantus qui singulis lectionibus subjicitur; vocanturque eo nomine, vel quia auditorum assensum significant, vel quia lectionibus respondent, tristia tristibus, læta lætis; vel demum quia choro respondente cantatur, quemadmodum ex Stephano Æduensi episc. nec non ex Ruperto docet eruditionis eminentissimæ cardinalis Bona lib, *de div. Psal. cap 16, § 15, num. 2*. Verum hic non sumi eo sensu *responsoria* manifestum est, cum dicatur non lectionis sed *psal. responsorium*. Itaque haud illibenter existimaremus post psalmos singulos decantari olim

**A** salus nostra est, atque in ejus vultu nostrum est adjumentum. In quo quanta vis sit, divina Scriptura declarat, quæ non otiose attexuit, quod « respexit Deus super munera Abel, super munera autem Cain non respexit (Gen. iv, 4, 5), » et ideo contristatus est Cain, quod sacrificium suum Deo displicuisse cognovit, placuisse germani. Unde et illud quod hodie in psalmi responsorio (89) decantatum est, plurimum nostræ conductit assertioni: « Exspectans exspectavi Dominum, et respexit me (Psal. xxxix, 2). » Quem Dominus respicit salvat. Denique in Domini passione cum titubaret Petrus sermone, non mente (licet ipse Petri sermo titubantis fidelior sit quam doctrina multorum), respexit eum Christus, et Petrus flevit; quo proprium lavit errorem. Ita quem visus est voce denegare, lacrymis fatebatur.

16. (Vers. 7.) « Conturbatæ sunt gentes, inclinata sunt regna: dedit vocem suam Altissimus, et mota est terra. » Adventu Domini Salvatoris adversariæ potestates cum sua legione turbatæ sunt, jussæ ab humanis exire corporibus, et precatæ ut mitterentur in porcos. Turbatis nequissimis potestatibus, necesse fuit turbari cultores simulacrorum, inclinari quoque regna peccati. Erat enim grave regnum, quod sibi in grave servitum subjugaverat omnium animos peccatorum; qui enim facit peccatum, servus est peccati Regnum autem peccati, mortis est regnum, quod diu toto orbe prævaluit. Unde et Apostolus ait: « Sed regnavit mors ab Adam usque ad Moysen, etiam in eos qui non peccaverunt, in similitudinem prævaricationis Adæ, qui est forma futuri (Rom. v, 14). » Venit veritas, figura eessavit: venit vita, regnum mortis evanuit: venit remissio 933 peccatorum, et peccati vincula resoluta sunt. Ante etiam leviora delicta morti, nexibus stringebatur; post adventum autem Domini salutaris etiam graviora flagitia sunt remissa. Inclinata sunt ergo regna spiritalium nequitarum quæ sunt in cœstibus: quia cultus simulacrorum, et illecebra peccati cœpit imminui Evangelicæ prædicatione doctrinæ. Inclinata est perfidia posteaquam cœpit fides in nationum regnare pectoribus. Inclinantur consueisse singula responsoria; præsertim cum Gennadius, *de Script. Eccles.*, tradat Musæum epis. Massil. scripsisse responsoria psalmorum; et Rabanus, lib. i *de Instit. Cleric.* cap. 51, auctor sit responsoria in usu longe ante antiphonas in Italia fuisse. At vero eadem posse etiam pro ipsis psalmi versiculis usurpari Ambrosius ostendit in Psal. xxxvii, col. 841, num. 58: *Nam ante responsorium proximum inquit, versiculus est: Et projecerunt me etc.*, ubi clarum est per vocem responsorium intelligendum versiculum illum: *Sed tu ne derelinquas me etc.*, ut patebit consideranti. Neque vero mirum videri debet, si psalmorum versiculi alternis choris persoluti responsoria vocitentur, cum jam laudatus cardinalis psalmos quod ob eamdem rationem antiphonas posse nominari autem. Ipsum adisis lib. citato, cap. 16, § 10, num. 4; non secus ac doctissimum Cangium in voce *responsorium*.

regna peccati, cum legitur: *Non regnet peccatum in vestro mortali corpore* (*Rom. vi. 12*). Inclinavit omnia regna perfidiæ voce sua Dominus, dicens: *Venite ad me, omnes qui laboratis et onerati estis, et ego reficiam vos* (*Matth. xi, 28*).

17. Hanc vocem dedit Altissimus, et omnes eum secuti sunt populi nationum, dura peccati regna fugientes, et perpetuae mortis atrocitatem, atque intolerabilem flagitorum omnium servitutem; cum polliceretur fessis requiem, captivis remissionem, servientibus libertatem; et decusso jugo ferreo Babylonii regis, jugum suum suave cervicibus fideliū subrogaret; ne vacua colla gentilium rursus inimicus catenis suæ iniquitalis astringeret. Christus enim quos alligat, liberat: et quos astringit, absolvit. Denique qui servus vocatus a Domino est, libertus est Domini; et qui liber vocatus est, servus Christi est. Ideoque in suis vinculis Paulus gloriatur, dicens: « *Paulus vincitus Jesu* (*Ephes. iii, 1*). » Quod sub aliis contumelia, sub Christo gloria est. Dedit vocem suam in passione Dominus, et universa elementa tremuerunt, omnis terra commota est (*Matth. xxvii, 51*), ut ritus gentilium solveretur, fieretque terra Domini, et plenitudo ejus, ut scriptum est (*Psal. xxiii, 4*.); cessarent auguria perfidorum, et sacrificium impietatis cognitio fidei et studium devotionis abolerent. Dat vocem suam Dominus quotidie, et resultat in cordibus singulorum; ut terrenum omne decedat ejus qui benefredit affectu, atque omnes interiorum sensus animorum ab errore, corruptione luxuriæ et dissoluzione, ad cognitionem cœlestium sacramentorum, et studium castitatis; a nequitia ad virtutem pia confessione moveatur.

18. (Vers. 8) Motos ergo eos dicit qui in terra sunt, vel quia terra erant omnes homines, in quibus erat terrena corruptio; quia oculus mentium ad sublime gratiae cœlestis elevare atque attollere nesciebant; nec poterant dicere: » Deus virtutum nobiscum; » cum quibus non erat nisi prolapsionis inceptor, et auctor erroris. Sed posteaquam vox Domini in Evangelio resultavit, audet Propheta dicere: » Deus virtutum nobiscum. » Bene dicit: Deus virtutum nobiscum; » qui credidit quod Virgo in utero accepit et peperit. Audemus et nos dicere, » Deus virtutum nobiscum: » posteaquam Emmanuel, hoc est, Deus cœpit esse nobiscum. Ubi ergo Emmanuel, ibi » Deus virtutum nobiscum. »

19. » Suceptor noster Deus Jacob. » Imitemur ergo patriarcham Jacob, odorem ejus, virtutem ejus,

(90) MSS. nonnulli, » Denique prodigia Græce, admiranda dicuntur Latine. » Alii et edit. ut in textu excepto quod Rom. habet: » prodigia dicuntur Latine. »

(91) Fuit is M. Aem. Lepidus Marianarum partium assertor, qui adversus Catulum Syllanæ factionis ducem quicum prius consulatum gesserat, bellum gessit. De eodem autem Lepido mox iterum dicemus.

(62) Antonius, Lepidus, atque Augustus prius discordes, ut Julii Cœsaris a Bruto alisque coniuratis imperfecti necem persequerentur, assumpta

A laborem 934 ejus. Sicut enim Abrahæ opera facere debemus, ut filii ejus appellari jure mereamur; ita etiam exercitia atque certamina sancti Jacob subire debemus, ut Deus Jacob Deus noster esse credatur. Nam si opera Jacob, vel quia illum æquare non possumus, studia operis ejus ac fidei non agnoscat in nobis: quomodo quasi Deus Jacob nos juvare dignabitur?

20. (Vers. 9.) Dum hæc diceret ecce per Spiritum sanctum præsens imago ei infusa est futurorum; et videns ex gravi perturbatione bellorum pacem toto orbe diffusam in adventu Domini salutaris, clamat ad universos dicens: « Venite et videte opera Domini, quæ posuit prodigia super terram. » Venite. » ad congregationem spectat: « Videte, » ad intentionem et cognoscendæ studium veritatis. B Videte, inquit opera Domini plena miraculis, in quibus magnarum sunt signa virtutum. Denique τέρατα Græce, admiranda dicuntur Latine (90). Non ergo quasi prodigialis horroris accipias opera Domini, sed quasi plena admirationis. Præclare posuit super terram; id est in terram. »

21. (Vers. 10.) « Auferens bella usque ad fines terræ, arcum conteret et confringet arma: et scuta comburet igni. » Et vere antequam Romanum diffunderetur imperium, non solum singularum urbium reges adversum se præliabantur; sed etiam ipsi Romani bellis frequenter civilibus attrebantur. Pugnavit Marius adversus Cinnam. In utraque parte Romanus fusus est sanguis. Sylla insurrexit, et Mario victori rursus civilia bella commovit. Lepidus (91) Sertoriusque rebelles se Romano imperio præbuerunt. Cœsar Pompeium est persecutus, et Galliarum furorem excitavit adversus arma Romana. Devicto seniore Pompeio, juniores in Hispaniarum partibus debellavit. Quid Triumviro loquarex hostibus amicos (92), ex amicis rursus in hostiles tumultus esse progressos: maria quoque Actiaco bello infecta sanguine Romanorum? Unde factum est, ut tædio bellorum civilium, Julio Augusto Romanum deferretur imperium: et ita prælia intestina sedata sunt. Hoc autem eo profecit, ut recte per totum orbem apostoli mitterentur dicente Domino Jesu: Euntes docete omnes gentes (*Matth. xxviii, 19*). Illis quidem etiam interclusa barbaricis montibus regna patuerunt, ut Thomæ India, Matthæo Persia. Sed tamen quo plura obirent spatia terrarum, in exortu Ecclesiæ potestatem Romani imperii toto orbe diffudit, et dissidentium mentes, terrarumque divortia donata pace composuit. Didicerunt

triunvirali potestate armas sua primo conjunxerunt: sed brevi soluta est illa societas. Namque haud multo post Lepido in ordinem redacto, Antonius denique apud Actium maritimam Epiri urbem navalium pugna profligatus ab Augusto violentas manus in suam ipsius vitam convertit. Has Octavianii Cœsaris victorias, et pacem inde secutam Tacitus compendio exprimit iliis verbis: *Lepidi atque Antonii arma in Augustum cessere, qui cuncta discordiis civilibus fessa, nomine principis, sub imperium accepit.*

omnes homines sub uno terrarum imperio viventes, unius Dei omnipotentis imperium fideli eloquio confiteri.

22. Abstulit ergo bella usque ad fines terrae : quod factum esse non dubium est. Sed vide ne bella infirmitatis abstulerit, quæ sunt in corde titubantum. Qui enim terrena transierit, jam non dicit: « Foris pugnæ, intus timores (*I Cor. viii*, 5), sed dicit: « Nostra autem conversatio in cœlis est (*Philipp. iii*, 20). » Transi ergo mundum, **935** ut incipias esse supra mundum : περάσαι enim transire est, vel, ut dicam expressius, transfretare. Abstulit ergo Dominus bella quæ movebat nobis nequitia spiritualis : et devicto diabolo, pacem suam nobis reliquit. Arcum confregit, de quo ignita adversarii jacula spargebantur : et scuta perfidiae combussit igni ; ut scutum fidei inviolabile permaneret.

23. (Vers. 11.) « Vacate, inquit et videte, quia ego sum Dominus. » Vox Domini post bella sedata : « Vacate, » ut nulla animarum sit occupatio, ne offusio sacerdotalium perturbationum internæ oculum mentis obducatur. Vacate, inquit, ab erroribus. Vacate a perturbationibus, vacate a peccatis ; quia « omnis qui peccat, non vidit Deum, nec cognovit eum, » sicut in Epistola sua dixit Joannes Evangelista (*I Joan. iii*, 6). Vacate ergo studio cognoscendæ divinitatis : nolite terrenis operibus occupari. Ideo rex Ægyptiorum augeri jubebat numerum laterum, et cætera onera Judæorum : ne cognoscerent Deum, et cultui sacro vacarent, offensus Moysi et Aaron voce sanctorum, qui dicebant : « Dimitte populum Dei, ut eamus et serviamus Domino Deo nostro (*Exod. v*. 1) »

24. « Exaltabor inter gentes, et exaltabor in terra. » Erat sublimis Dominus in excelsis, id est, in angelis et archangelis, in patriarchis et prophetis,

(93) Sic mss. aliquot, atque edit. omnes. Verumtamen quorsum hoc loci vox περάσαι : nisi velis eam respicere ad περάτων. Nam versiculus, qui hic exponitur, ita habetur apud LXX, Ἀνταντιπόν πολέμους μέχρι τῶν περάτων τῆς γῆς. Nihilominus videtur Doctor noster potius scripturus fuisse περᾶν aut περάσθαι quam περάσαι. Quocirca non magno momento infleteremur in lectionem aliorum mss. ubi legimus, phase enim transire est, Etenim hoc sancto viro satis usitatum, ut tectis quodammodo verbis Scripturæ locos ad eruenda ex eisdem morum præcepta subinnuat. Posset igitur inde duci hic sensus : transcundo a terrenis ad

**A** qui de illo sublimia sentiebant, nec eum terrenis imaginibus et simulacris scrupulis (94) conferebant : sed non erat sublimis in populis nationum, qui

**936** Deum suum in antris et spelæorum habitaculis requirere videbantur. Denique reprehenditur Magdalena, quæ Christum quasi mortuum flebat, et quasi sepultum quærebatur in tumulo. Unde dicit ad eam Christus : *Maria, quid ploras ? quem quæreris (Joan. xx, 15)* ? numquid eum qui posset auferri ? Audivit vocem, et recognovit cum, et volebat contingere ; et ait Dominus : « Noli me trangere (*Ibid. 17*), » quem putas mortuum. « Ad Patrem vado (*Ibid.*) » Miraris quod in tumulo non invenisti quem cœlestia præstolantur ? Aut forte reprehenditur, quia Christum nisi fides perfecta non tangit, sicut hæmorrhissa plena eum tetigit fide. Unde Dominus ait : « Tetigit me aliquis, sentio de me virtutem exisse (*Luc. viii*, 4). » Que dicto, agnovit in se illa quod exeunte fuerat virtute curata ; et statim confessus est sui conscientia quod Dominum ipsa tetigisset. Unde Dominus ait : Fides tua te salvam fecit : vade in pace (*Ibid. 48*). » Exaltatus autem in terra Dominus est, secundum quod ipse ait : « Cum exaltatus fuero, omnia traham ad me ipsum (*Joan. xii*, 32). » Vel quod facta est voluntas ejus sicut in cœlo et in terra.

25. (Vers. 12.) Et repetit dicens : « Deus virtutum nobiscum, susceptor noster Deus Jacob (94). » Repetitio confirmatio est. Vel quia non solum quando natus ex Virgine est, factus est nobiscum Deus, sed etiam post resurrectionem ipse dixit : « Ecce ego vobiscum sum... usque ad consummationem mundi (*Matth. xxviii*, 20). » Cui est honor et gloria, perpetuitas a sæculis, et nunc, et semper, et in omnia sæcula sæculorum. Amen.

cœlestia imitare Israelitarum phase, etc. Sed interim lectioni receptæ non præjudicamus.

(94) Mss. nonnulli, et simulacris sculptis. Melius alii ac edit...., *scrupulis*, id est, saxeis, scrupus enim saxum est, unde scrupulus. Quod autem adjungitur de antris ac spelæis, tangitur ethnico-rum superstitione, qua deorum oracula potissimum in subterraneis locis interrogabant ; ut puta in antro Delphici Apollinis, Sibyllæ, Trophonii et similibus.

(94). Rom. edit. post voces, *Deus Jacob*, sub-jungit. *Deus virtutum nobiscum*. Repetit quod supra dixerat. *Repetitio autem confirmatio est*.

## IN PSALMUM XLVII ENARRATIO.

1. (Vers. 1) Hujus titulus hic est : *Psalmus cantici* (95) *filiis Core, secunda Sabbati* (*Psal.*

(95) *Psalmus et Canticum* in Dei laudibus versabantur, ille quidem voce, hoc autem organo musico, celebrandis. Verum si quando vox organo præcineret, *Psalmus cantici* : sin autem organum voci, *Canticum psalmi* dicebatur. Vide super hoc

**D** xli et seq.). Boni filii Core, et psalmis jam superioribus approbati, eo quod congruissensibus (96)

*Cassiod. Prol. in Psal. cap. 5 et seq. Item Flam. Nobil. in hunc locum ; nec non Card. Bona De Divina Psal. cap. 16, § 12, n. 4, atque alios.*

(96) Idem mss., quod et in gravibus sentibus.

et cogitationibus ad virtutum studia convenientibus in semetipsis pangerent spiritale psalterium, et cognitioni divinitatis, per vigiles specula mentis (97) intenti, cœlestium mysteriorum digni forent haurire secreta. Et ideo cum psalmorum ante arcam Domini quotidie canendorum munus et officium recepissent, videntur electi, ut psalmum cantici in secunda Sabbati specialiter reciperent concinendum. Etenim quibus recte videbatur esse commissum, ut ascensionem Domini ab inferis resurgentis voce sua psallerent, his utique deferendum fuit, in ipsum resurrectionis diem munere suo ministerioque celebraent. Quid est enim secunda Sabbati, nisi Dominica dies quæ sabbatum sequebatur? Dies autem Sabbati erat dierum ordine posterior, sanctificatione legis anterior. Sed ubi finis legis advenit, qui est Christus Jesus « finis enim (Rom. x, 4) legis Christus ad justitiam omni credenti, » et resurrectione sua octavam sanctificavit: cœpit eadem prima esse, quæ octava est, et octava quæ prima: habens ex numeri ordine prærogativam, et ex resurrectione Domini sanctitatem. Unde et in Evangelio legimus δευτερόπωτον Sabbatum (Luc. vi, 1), quod Latine dicitur secundo primum. Ubi enim Dominica dies cœpit præcellere, qua Dominus resurrexit; Sabbatum quod primum erat, secundum haberi cœpit a primo. Prima enim requies cessavit, secunda sucessit. Unde et ad Hebræos scribens Apostolus ait: « Postera ergo die restat requies populo Dei. Festinemus igitur intrare in illam requiem (Hebr. iv, 9-11). »

2. Requies ergo vera jam non in operis cessatione, sed in resurrectionis est tempore. Ideoque qui Sabbati secundum legem solemnitatem custodiebant, unam Sabatti nuncupabant, quasi unum esset Sabbatum et non aliud. Nos qui observantiam 937 induimus spiritalem, et ad similitudinem et requiem Dei cupimus nostram formare militiam, atque in illa civitate cœlesti nostrum exhibere ministerium: ubi non est exemplar, non umbra, sed veritas, primam dicimus Sabatti, si-  
cūt scriptum est: « Vespere autem Sabbati, quæ lucessit in prima Sabbati (Matth. xxviii, 1). » Nihil autem pulchrius, nihil expressius. Ante resurrectionem Sabbatum dixit, post resurrectionem primam Sabatti nuncupavit. Joannes quoque Evangelista dicit: « Prima Sabbati venit mane Maria Magdalena, cum adhuc tenebræ essent (Joan. xx, 1). » Tenebræ pro tempore, mane pro gratia. Sed isti expressius secundum Evangelium, quasi re-

(97) Ita plerique mss. quorum tamen aliqui conjunctim legunt, *speculamentis*. His accedunt Colb. et Vict., nisi quod hic habet, *pervigilis*, ille, *pervigilibus*. Reg. et cum eo quædam Paris. edit., *pervigiles speculo mentis*. Vet. edit. ac Rom., *pervigili specula*, etc. Specula autem locus editus est atque ad speculanda longinqua idoneus. Unde præf. in psal. i, num. 2, habes: *Aliorum (scopulorum) specula aliorum usus*, etc. Per metaphoram vero pro

A cuso velamine (98). David autem sub lege positus, et moderationem tenuit (99) debitæ cantionis, et mysterium non repressit, ut secunda Sabbati diem Dominicam declararet; quo apud Judæos ordinem numeri putaret esse servatum, et spiritale sacramentum agnosceret revelatum. Audiamus igitur qui dicat, qui in secunda Sabbati Deo psallit.

3. (Vers. 2) « Magnus, » inquit, « Dominus et laudabilis nimis, in civitate Dei nostri, in loco sancto ejus. » Non ergo ubique Deus magnus et laudabilis est? Ille quidem ubique magnus et potens est; sed augusta mens non capit magnitudinem divinæ ejus potestatis et gratiæ. Quanto autem magis appropinquat Deo nostra cognitio, tanto præcellentior ejus nobis videtur esse majestas. B Denique Thomas qui ante dicebat: « Nisi video in manibus ejus fixuras clavorum, et mittam manum meam in latus ejus, non credam (Joan. xx, 25); » ubi misit digitum suum, et evidenter resurrectionis cognovit indicia, admirans intra se Dei gratiam: « Dominus, » inquit, « meus et Deus meus (Ibid. 28). » Tunc ergo plenissime divitatem ejus dominationemque confessus est, ubi eum resurrexisse nod dubitavit ab inferis. Denique in Sion hymnus Deum decet, et votum ei solvit in Jesusalem. Quid igitur mirum si in civitate cœlesti, et in illo superno et æthereo loco potentia ejus vehementius prædicatur?

4. Vers. 3.) Addidit: « Dilatans exultationem universæ terræ. » Et vere (1) magnus dicitur, qui C istius terræ in qua ante intolerabilem peccatorum germina pullulabant, ubi erat mœror tristitiae et gemitus, exultationem toto orbe diffudit, itaque hominum conscientia quæ ante flagitorum suorum gurgitibus demersa lugebat, nunc per indulgentiam Christi, et remissionem omnium peccatorum metu absoluta lætatur. Convenit igitur etsi ita intelligamus, ut diximus; sed quia in vetustis exemplaribus aliquibus reperimus: εὐρίζω ἀγαλλιάματι πάσης τῆς γῆς; quod Latine significat bona radice exultatione universæ terræ: sensum quidem eumdem advertimus: quia divina in nobis Dei Patris dona laudantur, qui debit nobis exultationem bona radice fundat, Deum videlicet Jesum, veram et secundissimam 938 vitam, de qua sacramenta fluxere cœlestia: in quibus est perpetua et diurna lætitia, quod his abluatur omne peccatum, et conscientia interna mundetur: clo-  
culionemque convenire cognoscimus; quia bene radicata exultatione lætamur, qui exultamus

D sublimi vel intenta mentis contemplatione accipitur.

(98) Rom. edit., *quasi reciso velamine*.

(99) Rom. edit., *et modulationem tenuit*. Aliæ ac mss., *et moderationem*, etc. Sed quidam pro *cantionis*, antiquariorum lapsu præferunt, *cautionis*.

(1) Rom. edit. sola præmissis duobus integris psalmi versibus, hoc hemistichion adnectit, ac tum subjicit: *Recte supra dixit: Magnus Dominus. Nam vere*, etc.

in Christo. Sæculi enim lætitia temporalis est, perpetua autem lætitia ejus qui gaudet in Domino.

5. (Vers. 4) « Mons Sion, latera aquilonis, civitas regis magni. Deus in gradibus ejus dignoscetur, cum suscipiet eam. » Cur sit exultatio universæ terræ, evidenter expressit; quoniam Dominus Jesus Ecclesiam sibi ex peccatoribus congregavit. Itaque qui erant ante latera aquilonis, id est, socii et inhærentes diabolo, cui dicitur: « Exsurge, aquilo, ut veniat auster (*Cant.* iv, 16), » facti sunt Christo fideles. Ipsi sunt enim de quibus dicitur: « Qui confidunt in Domino, sicut mons Sion (*Psal.* cxxiv, 1). » Facti sunt itaque mons Sion per gratiam Christi, et baptismatis sacramentum. Aquilonis intelligibilis gravis est flatus, qui prius tempestates asperimas et procellas humanis movebat affectibus: cœpit suos amittere, qui vexabant alienos. Gentem omnem everterat Judæorum, nationes omnes suo revictas tenebat imperio, ipsius erant latera, hoc est, aspirabant cum eo. Sicut enim principis latera dicimus stipatores ejus et comites, et sicut mulier latus est viri, eo quod morigera ei societate jungatur; ita latera erant diaboli, qui faciebant ipsius voluntatem. Ii ergo nunc sunt mons Sion, qui Deum speculantur æternum, et ipsi noctibus et diebus intendunt. Vide mihi Paulum cum persequeretur Ecclesiam Domini, latus aquilonis fuisse: vide nunc cum legitur in Ecclesia, montem esse speculatorum, per quem Christi gloriam cognoscimus, et videmus. Et quia Græcus montes dixit, hoc est, ὅπη: vide quomodo servuli Christi montes sint. *Montes in circuitu ejus* (*Ibid.* 2): in quibus est Ecclesia Domini, quæ est civitas Regis magni. Simul quia Dominus secundum cœli tractum in Venerario passus est (2), qui erat locus in latere aquilonis. Ibi autem et mons Sion, ibi Jerusalem quæ in terris.

6. Vide ne id quoque videatur expressum, quia congregatio plebis Dei, quæ erat aquiloni conjuncta per culpam, Ecclesia Christi est facta per gratiam; ut jam non Synagoga, sed Christi Ecclesia nuncupetur. Et quia reliquæ Judæorum per electionem gratiæ salvæ factæ sunt, in ipsis Deus cognoscitur, in Petro, Paulo, Joanne, Jacobo, qui graves et excelsi viri velut fundamenta et culmina sunt Ecclesiæ. Quasi fundamenta gravia, quos nulla gravis aquilonis flabra concusserint; sed immobiles fidei servaverunt fundationem, ne Ecclesia

(2) MSS. Vict. et Colb., *Exerario passus est*. Mendose. Alii omnes saltem Gallic., *venerat, passus est ubi erat*, etc., non multo sanius, Itaque ab edit. non discedimus. Notant autem ad marg. vet. edit. ex Hieronymo, per annos ferme ducentos in loco resurrectionis. Jovis simulacrum; in rupe sanctæ crucis, statum Veneris marmoream stetisse: sperantibus persecutionis auctoribus fore ut hac arte Christianis sanctissimorum mysteriorum fidem eximerent. Unde ibidem concluditur Venerarium ab Ambrosio dici locum, qui fuisset Veneris sacrilegis religionibus pollitus spurcatusque. Verum cum ne-

A tota nutaret: præceps quasi culmina, qui verticem ejus turribus suæ virtutis exerint. Etenim sicut in operibus suis conditor, et in ædificationibus suis ædificator agnoscitur; ut etiamsi nomen non audias, tamen ex operum **939** qualitate artificem deprehendas (et quid mirum de humanis, cum ipsius Creatoris æterni, qui non videtur a nobis, invisibilia tamen ejus per ea quæ facta sunt, intelligamus), ita in excelsis et magnis domibus (quæ domus nos sumus, si libertatis et gloriæ fundatum usque ad finem firmum tenuerimus) Deus habitator agnoscitur, ut Deus Abraham, Deus Isaac, Deus Jacob? Ipse enim verus Deus, qui tales viros præceptorum suorum institutione fundavit. Ergo sicut in illis se Deum demonstravit æternum; ita, inquit, cum Regis magni suscipiet civitatem, gradibus ejus receptionem suæ cognitionis infundet: ut fiant dociles Dei, qui mandatum ejus et audierint, et putaverint exsequendum; ne ab illius domus ædificatæ in petra firmitate degenerent.

B 7. (Vers. 5, 6.) Hoc, inquit, videntes « reges terræ congregati sunt, et transierunt in unum. Ipsi videntes tunc admirati sunt. » Boni reges (3) qui sui corporis possunt se præbere rectores, ab ipsa patriarchæ Abrahæ origine et institutione manantes, qui docuit peccatum posse superari. Ideo verus rex, qui flagitiis esse nescivit obnoxius, in quo culpæ et erroris illecebra regnare non potuit. Uude et dictum est ad hujusmodi virum a filiis Chet: « Rex a Deo tu es nobis (*Gen.* xxiii, 6). » Tales ergo reges terræ, qui carni imperitarent, congregati sunt; ut in uno essent corde, et in uno spiritu, sicut legimus: Quia multitudo credentium habebat unam animam, et cor unum, et non erat in his aliqua separatio (*Act.* iv, 32). Ii sunt qui transierunt in unum non tam locum, quam in eumdem affectum atque propositum. Probato enim dicitur: Transi, recumbe (*Luc.* xxii, 7). » Neque enim mediocris virtutis est, ab improbis ad honesta, a terrenis ad æterna transire, et carnalis vitæ consuetudinem commutare, omnemque ejus abolere usum, novos mores assumere, totumque statum conversationis veteris detorquere. Meritoque dicitur ei: « Si transeas per aquam, tecum sum (*Isa.* XLIII, 2). » Cum transeunte est Deus, non cum desistente.

C 8. Ii ergo qui intra semetipsos erant ante discordes, ubi in unum, mente et studio convenerunt,

D farius ille cultus non nisi multis annis post Domini resurrectionem adhibitus fuerit, veremur ut satis commode dicere potuerit sanctus Doctor. Christum in Venerario passum esse: maxime ob antecedentia illa, secundum cœli tractum; sed ea de re eruditiores pronuntient.

E (2) Edit. Rom., *Quoniam ecce reges terræ congregati sunt, transierunt in unum. Ipsi videntes sic admirati sunt, conturbati sunt, commoti sunt, tremor apprehendit eos. Reges terræ congregati sunt. Boni reges, etc.*

Recepta pace quæ fecit utraque unum, et inimicitias in carne sua medii parietis destructione dissolvit: admirati sunt, vel eum qui in gradibus suis dignoscitur, vel homines ita esse conversos; ut qui ante diabolo serviebant, nunc Domino Jesu justi pietate servitii mancipati sint. Et quia reges sui corporis in semetipsis vim non mediocris laboris experti (neque enim facile atque mediocre est animum vincere, resecare cupiditates, edomare carnis lasciviam, aerruncare luxuriam (4), quæ repugnabat et Paulo, ut captivum sub peccati lege constringeret), sicut gratiam in iis qui virtute processerant, mirabantur: ita etiam ne quis relaberetur in vitia, de superiore virtutum dejectus fastigio, commovebantur. Proclivis enim et mutabilis in utrumque est humana conditio: ut quocunque intenderit, eo 940 propendeat et vergat vel ad studia virtutum, vel ad illecebram delictorum.

9. Et ideo non mediocri quatibantur affectu; ita ut ex formidine tremor apprehenderet eos, considerantes illud quod scriptum est: Quia « in locis impiorum ingemiscent justi (Prov. xxviii, 28). » Denique vide mihi Petrum amarissime flentem, quod ei error obrepserit; et virtutem suæ mentis prolapsione corporeæ fragilitatis inflexerit: meritoque a Christo supra esse reprehensum (5), quod ausus sit usurpare constantiam, nec obnoxiam considerare naturam. Et hic quidem per gratiam emendavit errorem; sed Judas mansit in crimen, perseveravit in gemitu. Justus erat cum apostolorum numero necteretur: sed quia supplantatus adiabolo est, in locis nunc deplorat et ingemit impiorum; quod de gratia sit relapsus ad pœnam. Ergo cunctibus hujusmodi viris, qualis fuit proditor Judas, vel Saul a Domino Deo suo accitus ad regnum, etiam fortes viri trepidabant.

10. (Vers. 7.) Conferentes denique quanto certamine perveniretur ad finem, quantæ contritiones justorum, quantæ sollicitudines, qualis adversarius, quanta diuturno labore contentio, quantæ amaritudines præpositi terroris (6), quæ vincula continentiae, quæ conscientiae verbera, non mediocriter conturbabantur; ne quis tantis vel labbris vitae austerioris cederet, vel doloribus. Sunt enim ibi dolores acerbi et graves; id est, in Ecclesia, in illa civitate Regis magni sunt dolores, *sicut parturientis*, donec formetur Christus in nobis. Neque enim sine dolore Paulus erat, cum videret in Galatis insipientibus doctrinæ suæ tardiorem profectum. Ideoque dicebat: « Filioli mei, quos iterum

(4) Omnes edit. in contextu, *evacuare luxuriam*. Omnes mss. ac vet. edit. in margine, *aerruncare*; hoc est, runca seu sarculo excindere: impropri vero, avertere ac depellere, ut aerrunci apud antiquas dicebantur malorum depulsores.

(5) Cunctæ edit. ac duos mss., *suppresse reprehensum*. Ubi potest allusio fieri ad illud Luc. xxii, 61: *Et conversus Dominus respexit Petrum*; hoc enim quoddam tacitæ reprehensionis genus est. Attamen

A partuio, donec formetur Christus in vobis (*Galat. iv, 19*). » Testificatur et Dominus in Evangelio graves esse parturientis dolores, cum dicit: « Mulier cum parturit, tristitiam habet; quia venit dies ejus: cum autem pepererit puerum, jam non meminit tristitiae propter gaudium, quia natus est homo in hoc mundo (*Joan. xvi, 24*). » Magnus ergo labor, ut aliquis sibi Christum acquirat; ne sine gubernatore quasi navis in sæculi istius salo fluctuet. Denique apostoli tristes erant, cum se Christus ad Patrem redditum esse memoraret, quod absente rectore destitui se putarent. Gaudium Christus est. Ipse est et puer quem parturit, qui in utero suæ mentis accepit spiritum salutis. Qui pepererit, et enutrierit, exultat: qui patitur, quatitur atque compungitur.

B 11. Bonum est ut et parias, et enutrias eum. « Ne coquas agnum in lacte matris suæ (*Exod. xxiii, 19*), » ne dicatur tibi: « Væ in utero habentibus et nutrientibus (*Matth. xxiv, 19*). » Sic enim Christus natus est ex Maria, ut agnoscas eum, sicut bos agnovit possessorem suum: et scias quia ipse te creavit, et maiores tuos ipse possedit. Non eum quasi parvulum nutrias, sed quasi verum atque perfectum Deum ex vero et perfecto Deo noveris adorandum. Sic cum Magus adoravit, ut non in lacte matris agnum coqueret, sed quasi Deum veneraretur æternum. Denique ut eum inveniret, 941 cœlum aspiciebat. Non ergo quærebatur in terris, quem de cœlo fulgens stella monstrabat. Ideo eum Maria non parturivit, sed peperit, quia et Dominum et salutare sciebat ex se esse generandum, sicut ipsa testatur dicens: « Magnificat anima mea Dominum: et lætatus est spiritus meus in Deo salutari meo (*Luc. i, 46, 47*). » Ibi ergo dolores sicut parturientis. Dolor est ut parturias, dolor est ut enutrias, quem in principio debes habere perfectum.

C 12. (Vers. 8.) Ideoque plerique graviter conturuntur, sicut versiculus significat, qui secutus est: « In spiritu vehementi conteres naves Tharsis. » Nam dum ad fiduciæ perfectionem Dei famuli pervenire desiderant, commacerant corpus suum, castigando severius, et redigendo in ministerium servitutis; ne reprobentur qui fuerant jam probati. Hoc autem faciunt in Spiritu sancto valido atque vehementi. D Est enim spiritus consilii atque virtutis, ut nimia abstinentia dissolvant corpus suum, quo omnes ejus evacuent voluptates; ut dicatur illis: « Convalescite, manus remissæ, et genua dissoluta (*Isa. xxxv, 3*). » Cum enim solutus quis fuerit ab ista

verba proxime sequentia videntur ostendere aper tam illam reprehensionem quæ Petri lapsum antecesserat, significari. Quapropter aliorum mss. lectionem antetulimus.

(6) Edit., *propositi terroris*. MSS. vero alii, *præpositi terroris*; alii, *præpositi erroris*. Non male; si referas ad errorem Judæ, vel similium. Sed prior vox preferenda, ob ea quæ de doloribus subjiciuntur.

compage terrena, tunc fortior ad vitam resurgit æternam. Mentior, nisi astipulatur Scriptura, quæ dicit: « Dissolvi et cum Christo esse, multo melius (Philipp. i, 23). » Qui dissolvitur, incipit esse cum Christo. Et alibi: « Tempus meæ resolutionis instat (II Tim. iv, 6). Qui ergo meditatus fuerit se ipsum dissolvere per abstinentiam, diem passionis suæ timere non poterit.

13. Et bene ait spiritum vehementem, naves dicturus. Naves autem de corporibus dixit, quæ vago diversarum passionum fluctu moventur: et cito merguntur, nisi habeant gubernatorem. Unde et alibi ait: « Qui descendunt in mare in navibus (Psal. cvi, 23). » Bene autem navigant, qui in navibus Christi crucem sicut arborem præserunt, atque inde explorant flabra ventorum; ut corpora sua dirigant ad sancti Spiritus gratiam, in ligno Domini tuti atque securi: nec permittunt naves suas vago fluctu errare per maria, sed ad portum salutis, et ad consummationem gratiæ cursus sui directione contendunt; ut sida statione potiantur, quo dissolutæ cursus suos possint in resurrectione reparare, ubi naufragium timere non possint.

14. Et nos igitur circumspectemus hanc gratiam, speculatores ejus simus, exploremus eam; ut siant corpora nostra naves Tharsis. Tunc enim caro ad servitutem redigitur, cum ad Dei intendimus gratiam; ut id quod amarum ad tempus sit, sicut est jejunium, non quod dulce et voluntarium sequamur. Tharsis ergo est speculatorium gratiæ, intelligibilis civitas, ut Sion superior. Ad eam festinabat Jonas. De ea dixit Scriptura, quia sociatus est Josaphat Oziæ regi (7), et sic placuit ut facerent, et irent ad eum naves in Tharsis. Sed quia impio se conjunxit, ideo missus est ad eum propheta, qui diceret ei: « Destruxit Dominus opus tuum, et contritæ sunt naves tuæ, et non potuerunt ire in Tharsis (II Paral. xx, 37). » Quo significatur quod prævaricantium mandatum Dei corpora ad consummationem 942 gratiæ pervenire non possint. Ad Salomonem autem, utpote sapientem et pacificum virum, naves de Tharsis cum auro et argento, et dentibus eburneis sine ulla offensione veniebant, et eo ipse mittebat. Habebat enim cum rege Hiram sacræ negotiationis spiritale commercium, et mutuæ gratiæ concertantis affectum. Has ergo, naves ii qui regali in se auctoritate potiuntur ad coercendam ferociam corporalem, viidentes ex corruptilibus in corruptas, ex maculosis summa gratiæ luce fulgentes, ex dissolutis atque

(7) Rom. edit. sola. *Ochosix regi et sic placuit at facerent naves et irent in Tharsis.*

(8) Cum docetur hoc loco peccatum mundi nullo alio modo, quam Christi sanguine potuisse aboleri, illud intelligendum est ex patre ipsius mundi; quod scilicet nulla existeret pura creatura, quæ vel pro communi peccato vel pro suo satisfacere saltem plene perfecteque posset, ut communiter affirmant Theologi. Verum ex parte Dei S. Thomas part. III quæst. 46, art. 2, Augustini auctoritate ostendit,

A detritis esse renovatas, vivere ex mortuis, 'ex sepultis resurgere, celebri sermone commemo- rant.

15. (Vers. 9.) « Sicut audivimus, ita et vidimus in civitate Domini virtutum, in civitate Dei nostri; Deus fundavit eam in æternum. » Audivimus extra civitatem, vidimus in civitate, cui Deus est lumen æternum, fulget dies sine sole mundano, luna non quæritur: fundamentum ejus non temporale, sed æternum est.

16. (Vers. 10.) « Suscepimus, » inquit, « Deus. misericordiam tuam in medio templi tui. » Si ad Filium Dei dicitur, templum ita intelligimus, secundum quod ipse de corpore suo dixit: « Solvite templum hoc, et in triduo resuscitabo illud (Joan. ii, 19). » Vere templum Dei corpus est Christi, in quo est nostrorum purificatio peccatorum. Vere templum Dei caro illa in qua nullum peccati potuit esse contagium; sed pro delicto mundi totius fuit ipsa sacrificium. Vere templum Dei caro illa, in qua Dei imago fulgebat, et corporaliter plenitudo divinitatis habitabat: quoniam ipse Christus est plenitudo. Ergo ad ipsum dicitur: « Suscepimus, Deus, misericordiam tuam in medio templi tui. » Quod quid est, nisi quod ait: « Medius vestrum stat, quem vos nescitis (Joan. i, 26), hoc est, in medio vestri est, et non videtur? Si autem ad Patrem refertur, quid est: « In medio templi tui, » nisi quia Deus erat in Christo mundum reconcilians sibi?

17. In illo ergo templo *suscepimus*, inquit, *misericordiam tuam*; hoc est. Verbum quod caro factum est, et habitavit in nobis. Sicut enim redemptio Christus, ita et misericordia. Quæ autem major misericordia, quam quod pro nostris flagitiis se præbuit immolandum; ut sanguine suo mundum lavaret, cujus peccatum nullo alio modo potuisset aboleri (8)? Etenim si de sanctis viris Apostolus dixit: « Templum Dei vos estis, et Spiritus sanctus inhabitat in vobis (I Cor. III, 16); » quanto magis carnem Domini Jesu templum Dei dixerim, qui semper plenus Spiritu sancto legitur, et ipse testificatur dicens: « Sentio de me virtutem exiisse (Luc. VIII, 46); » quæ virtus omnium vulnera acerba sanabat. Potest et illud intelligi quod dixit suscepisse se cum populo misericordiam Dei in medio templi ejus; quoniam ipse Ecclesiam suam fundavit, et propagavit in æternum; quoniam ipse vere cum Filio suo unigenito hanc gratiam plebi suæ contulit, quem ædificatorem etiam demonstravit dicens: « Hic ædificabit mihi civitatem (Isa. XLV, tametsi modus liberationis humanæ fuerit convenientissimus, absolute tamen alium Deo non defuisse, quo mundum redimeret. Quod sane Ambrosium negaturum fuisse non putamus. Neque enim tam angusti limites potentiae ac sapientiae divinæ statuendi sunt, quam hac nostra aestate quidam etiam e catholicis audacius quam consultius faciunt. Et certe Psal. seq., vers. 8, sanctus Doctor soli simplici homini peccatorum redimendorum abjudicat facultatem.

13) ; quæ diffusa toto orbe terrarum, 9. 13 fecit ut tota terra plena laudis ejus esset et nominis. Sicut enim scriptum est: « Laudis ejus plena est terra (*Habac.* III, 3), ita scriptum est: « Datum est ei nomen super omne nomen; ut in nomine Jesu omne genu curvet cœlestium, et terrestrium, et inferorum; et omnis lingua confiteatur quod Dominus Jesus in gloria est Dei Patris *Philipp.* II, 9. 11). »

8. (Vers. 11.) Unde proprie dixit Propheta: « Secundum nomen tuum, Deus, ita et laus tua in fines terræ: justitia plena est dextera tua. » Non mirum est si plenus est justitiae Dei, qui est dextera Dei. Idem autem est virtus Dei, et justitia Dei ut et secundum id quod justitiae Dei plenus est, eam justitiae plenitudinem in eo esse quam Pater habet, noveris. Et secundum id quod virtus et justitia Dei Patris et sapientia legitur, nihil in eo divinæ majestatis intelligas esse diversum, sed omnia accepisse a Patre Filium, et omnis gloriæ paternæ Filium splendorem esse cognoscas, et ejus characterem s'antiæ: qui ita expressit Patrem, ut in eo totus sit Pater, sicut in Patre totus est Filius.

10. (Vers. 12.) Et quia vidit in spiritu Propheta laudes Christi terris in omnibus prædicandas, velut epilogo quodam faciens suscepti sermonis excessum, ad lætitiam nos et cultum nominis ejus hortatur dicens: « Lætetur mons Sion; » id est, qui confidunt in Domino, sicut ipse postea interpretatus est dicens: « Qui confidunt in Domino sicut mons Sion. etc. (*Psal.* cxxiv, 1). » Ipse Dominus Jesus, qui est mons et altitudo Ecclesiæ suæ, quæ Christum suum toto speculatur affectu, lætitur fidei ejus et devotione quæ complacuit Deo: quoniam repudiata est infidelis. Potest igitur et hoc pie intelligi, quoniam etiam superior omnibus ipse est mons (9), in quem is ascendere jubetur qui fidem prædicat, dicente Scriptura: « In montem excelsum ascende qui evangelizas Sion (*Isa.* XL, 9). »

20. Exsultent, inquit, animæ confitentes tibi (10). Ipsæ sunt filiæ Judææ illius in qua notus est Deus. Nam ista Judæa quæ in carne est vel littera, non agnovit Dominum. Nam si agnovisset, etiam receperisset. Sed non agnovit, quem non recepit, et iudicia ejus refutit: quibus eos non ex patre Abraham, sed ex diaboli semine manare memorabat; quoniam omne peccatum semen inimici est. Confessioñis autem filiæ peccatum non faciunt, sed obumbrant. Et ideo beati quorum tecta sunt peccata. Meritoque exultabunt filiæ confessionis propter iudicia Domini, cum cognoverint iudicia ejus et vias ejus, quæ in hoc sæculo inscrutabilia et investigabilia sunt hominibus; et cum facie ad fa-

(9) *Mss. aliquot. superioris illius Sion ipse est mons.*

(10) Hic ut alibi non uno loco pro textu Scripturæ ponitur ejus interpretatio; cum enim Judæ

A ciem spectare cœperint veritatem, tunc illa quæ nunc videntur inscrutabilia, comprehendent, et eorum cognitione gaudebunt.

21. (Vers. 13.) « Circumdate, inquit, Sion, et complectimini eam: narrate in turribus ejus. » Qui intelligunt Sion, circumdant eam, et complectuntur suis sensibus, ut teneant et non dimittant eam, ne sibi speculatoria disciplina virtutis possit auferri. Ideoque illa in Canticis dicit: « Tenui eum, et non dimittam eum (*Cant.* III, 4), » quæ Dei sapientiam requirebat, et complectebatur justitiam Dei brachiis charitatis, et quibusdam fidei et devotionis lacertis; ipse est enim piæ 9. 14 mentis amplexus. Comprehendamus ergo et nos quantum possumus interna mysteria veritatis, et scribamus ea atque affigamus ea sensibus nostris, virtutemque cœlestis oraculi: quam ut assequetur Moyses ille peritus in omni sapientia Ægyptiorum, in montem ascendit, atque in nubem intravit, ut opera et occulta cognosceret, adhærente sibi socio Jesu, quia nemo sine vero Jesu potest incerta sapientiae et occulta comprehendere. Et ideo in specie Jesu Nave, veri Salvatoris significabatur ei aspiratura præsentia, per quem fierent omnes docibiles Dei, qui legem aperiret, Evangelium revelaret.

22. Ergo qui Sion circumdederint prudentia sua, et complexi fuerint intellectu ascendentis super turres ejus, narrant desuper ei qui non potuerit ascendere in turres ejus, quid agendum, vel quid cavendum sit. Murata est enim civitas Dei, ideoque alibi dicit Dominus: « Ecce ego, Jerusalem, pinxi muros tuos (*Isa.* XLIX, 46). » Distincta est turribus, de quibus insidiator possit, si appropinquare cœperit, deprehendi. Habet ille exercitus suos, quibus animas Dei obsidere consuevit, admoveare machinas ut possit turres expugnare munitas. Sed vos, inquit, prædicate de turribus; est enim in turribus Hierusalem abundantia. Prædicate justitiam, monete custodiam; sapientia enim in exitu canitur, et in murorum altissimis prædictatur. Et alibi iterum dicit: « In muris tuis constitui custodes, diebus ac noctibus in finem non tacebunt (*Isa.* LXII, 6). » Narrate ergo sine intermissione, sine fine. Adversarius vigilat, circuit, et rabie ferina quærerit, quos invenerit, devorare. Ideo semper canendus est Dominus, qui dentes leonum conterat, et ora confringat, ut nobis nocere non possint.

23. (Vers. 14, 15.) « Ponite, inquit, corda vestra in virtute ejus; » id est, ut virtutem ejus intelligatis: « et distribuite gradus ejus, ut enarratis in progenie altera. Quoniam hic est Deus, Deus noster in æternum, et in sæculum sæculi: ipse reget nos in sæcula. » Bāpet̄ dixit Græcus, hoc es

ac Judæa confessionem, ut jam observatum est, significant; idcirco quas Scriptura filia Judææ, seu Judææ, has vir sanctus animas confitentes et filias confessionis vocat.

excelsas et turritas domos ; unde Propheta cum de civitate Dei et inhabitantibus eam loqueretur : « Distribuite, inquit, gradus ejus, hoc est, mansiones ejus altas atque sublimes in cœlestibus. Quod docet ordinem servandum esse meritorum. « Unusquisque enim in suo ordine (*Joan. xiv, 2.*) ». Unde et Dominus ire et præparare se dicit discipulis mansiones (*Ibid.*) ; ut pro suorum ratione meritorum digna unusquisque habitacula consequatur, in quibus requiem illam carpat æternam.

24. Sunt etiam sublimia et alta præcepta, in quibus sunt occulta pietatis mysteria, et theorematum sermonum cœlestium. Hæc, inquit, distribuite, et pro captu uniuscujusque dividite, quantum possit unusquisque ingenio proprio comprehendere. Neque enim omnibus Paulus eadem disputabat. Aliis nihil prædicabat nisi Christum Jesum, et hunc crucifixum, non in persuasione sapientiæ verbi, sed in ostensione spiritus atque virtutis; inter perfectos autem sapientiam loquebatur, quia non

(11) Rom. edit., *Nam quibat*, Aliæ autem et mss. omnes, *non capiebat*, id est, capax non erat Itaque hic et in multis aliis locis Ambrosii sensum

A capiebat (11) universus populus percipere sapientiam in mysterio quæ abscondita est.

**945** 25. Ideo eam Christus abscondit, ut eam stulti non intelligent, prudentes studiosius quaerant : et enarrent in progenie altera, quæ spiritus foret virtute perfectior, quoniam generatio superior per infirmitatem fidei, perfectæ sapientiæ cognoscere sacramenta non potuit. Et ideo signum quærebat; veritatem repudiabat; cum utique non veritas signi, sed signum veritatis sit. Unde respondit ei Dominus ; « Generatio nequam et adultera signum quærit, et signum non dabitur ei, nisi Jonæ prophetæ (*Matth. xii, 39.*) ». Ad arguendam itaque perfidiam Judæorum, Jonæ exemplum accersitur; eo quod Ninivitæ signo crediderunt, et prædicationem Jonæ qui fuerat in utero B ceti, sequendam putarunt: Judæi autem nec post resurrectionem Domini Jesu crediderunt, qui de corde terræ post triduum resurrexit, et vivit ac regnat per omnia sæcula. Amen.

in Rom. edit. agnoscimus, nihilo secius tamen verbum antiquum retinemus.

## IN PSALMUM XLVIII ENARRATIO.

Hujus titulus est (*Vers. 1*) : *In finem filii Core, Psalmus David.*

1. (Vers. 2.) « Audite hæc, omnes gentes ; C auribus percipite, omnes qui habitatis orbem terræ. » In principio ipso vocem Domini salutaris agnoscimus gentes vocantis ad Ecclesiam, ut errori renuntient, veritatem sequantur, et pii cultus munus agnoscant. Sed quia serpentis vnenis infecta erant corda successionis humanæ, et peccatis obnoxia conscientia dum desperat veniam, se revocare non poterat: remedium pollicetur, indulgentiam sponte pietatis suæ largitate promittit ; ut reus non timeat, bene conscius gratuletur, quod bono domino exhibeat ministerium servitutis, qui noverit peccata donare, honorare virtutes. Denique eadem serie vocationis etiam in Evangelio nos Dominus adhortatur dicens : « Venite ad me, omnes qui laboratis et onerati estis, et ergo vos reficiam. Tollite jugum meum super vos, et discite a me, quia mitis sum, et humilis corde (*Matth. xi, 28, 29.*) ». Deinde jugum suum suave, et onus leve esse commemorat, quoniam qui desperaverit medicinam, sanus esse non poterit. Et ideo omnibus grata est mansuetudo, quæ vulnera interiorum curat animorum.

2. Venturus igitur ad ægrotos, venturus ut medicus, qui gravis ulcera nostra curaret, medica-

menta proponit (12), ut videant homines, et ad remedium salutis fida sedulitate concurrant. Sic illa in Evangelio meruit sanitatem, quæ profluvio sanguinis per duodecim annos laborabat. Audivit medicum venisse, festinavit contingere dicens: « Si tetigero fimbriam ejus, salva ero (*Matth. ix, 21.*) ». Intra se hoc dixit, et Christus audivit : et tetigit fimbriam, et virtus de Salvatore processit, quæ curavit ægrram, firmavit invalidam, profluvium statuit, pietatem probavit. Similiter ergo et hic omnes gentes vocat ad sapientiæ fontem atque prudentiæ: redemptionem omnibus pollicetur, ut nemo trepidet, nemo desperet, ubi nullus excipitur ; sed omnis anima invitatur ad gratiam, ut sine pretio redimatur a criminis, et fructum vitæ adipiscatur æternæ.

**D** **946** 3. Hic sensus est psalmi, quem suo ordine digeremus, cum explicuerimus superiorum vim qualitatemque verborum. Præcipiuntur enim audire gentes, et auribus percipere qui inhabitant orbem terræ. Illum utique orbem terrarum, de quo supra dixit: « Domini est terra et plenitudo ejus : orbis terrarum, et qui habitant in eo. Ipse super maria fundavit eum : et super flumina præparavit **946** eum (*Psal. xxiii, 1 et 2.*) . Quam Græci οἰκουμένην

(12) MSS. aliquot, proponit, ut audiant homines

dicunt, eo quod inhabitetur a Christo, sicut ipse dixit: « Quoniam inhabitabo in illis (*I Cor. vi, 16*); inhabitat enim, ut implete quæ vacua videbantur. Quæ est ergo ὁ κομένης, nisi sancta Ecclesia, templum Dei, et habitaculum Christi? nec incongrue Latini dissono quidem sermone, sed pari sensu, orbem terræ uuncupaverunt, eo quod vita sanctorum qui inhabitantur ab Spiritu, sicut rotæ in orbem sine ulla cursus sui offensione volvatur.

4. In tribulationibus igitur fundatur Ecclesia, in tempestatibus et procellis, in sollicitudinibus et mærore, in rebus adversis et in fluminibus præparatur. In quibus fluminibus? Audi dicentem: « Elevaverunt flumina vocem suam (*Psal. xcii, 3*). » Audi et in Evangelio: « Qui credit in me, sicut dicit Scriptura, flumina de ventre ejus fluent aquæ vivæ. Hoc autem dicebat de Spiritu quem accipiebant credentes in eum (*Joan. vii, 38, 39*). » In his ergo fluminibus præparatur Ecclesia, in quibus profluit Dei gratia. Hi sunt fluvii qui aure percipiunt verbum Dei, et loquuntur: ut verbum infundant pectoribus singulorum. Ideoque Scriptura discretionem fecit dicendo: « Audite hæc, omnes gentes: auribus percipite, omnes qui habatis orbem terræ. » Possunt omnes audire, non omnes tamen auribus percipere, nisi Electi Dei. Ideoque Salvator dicit: « Qui habet aures audiendi, audiat (*Luc. viii, 8*). » Illas aures dicit interioris hominis spirituales, cujus et nares legimus, dicente Job: « Spiritus divinus qui est in naribus meis (*Job. xxvii, 3*). » Non omnes homines has aures et has nares habent. Alia est enim forma corporis alia gratiæ spiritualis. Qui spiritualis est, audit omnia, dijudicat omnia: animalis autem homo non percipit quæ sunt Spiritus Dei. Hic enim terrigena est, ille cœlestis.

5. (Vers. 3.) Ideoque addidit: Quique terrigenæ, et filii hominum: simul in unum dives et pauper, ut universos vocaret (13). Quis est terrigena, nisi filius hominis? Quis est spiritualis, nisi Dei Filius? Ille ex sanguine concretus, et ex carnis (14), et viri voluptate generatus: iste ex Deo natus. Alius dives in omni verbo, et scientia: aliis pauper, gratia tamen dives: quia (5) et pauper clamavit, et Dominus exaudivit eum. E contrario est et dives in superbia, et pauper in humilitate. Omnes vocantur ad Ecclesiam, ut omnes redimantur a Christo. Qui æger est, medicum invenit: qui sanus, sapientiam acquirit: captivus redemptorem, liber remuneratorem. Omnes ædificat Scriptura divina. In ea invenit 947 unusquisque, quo aut vulnera sua curet, aut merita confirmet. Simul autem in unum divitis et pauperis facta vo-

(13) Rom. edit., et pauper. *Hoc dicit, ut ostendat quod universos vocat.*

(14) Rom. edit. cum vet. in marg. ac mss., duo. *Ille ex sanguine concretus et ex carne.*

(15) Sic. edit. ac mss. Vict. et Colb.; Reg. autem, *Alius pauper gratia. Tamen quia, etc.* Quatuor

**A**catio. in quamdam humilitatem æqualitatemque nos provocat: ut neque dives fastidiat inopem, neque diviti pauper invideat: sed utrumque sibi gratia una connectat: quia et Dominus pauper factus est, cum dives esset: ut idem et pauperum salvatore esset et divitum.

6. (Vers. 4.) Et subtexuit: Os meum loquetur sapientiam, et meditatio cordis mei prudentiam. Merito omnes vocantur, quia omnibus sapientiæ fons abundat, nec thesauro pecuniario comparatur, quæ pretiosior thesauris omnibus declaratur. Ideoque nec dives avertitur, nec pauper excluditur: quia sapientia non facultates discriminat, sed voluntates. Ille aptior, qui prior affectu, et proximus disciplina. Quod si meditatio cordis prudentiam loquitur, quanto magis perfecta doctrina! Deinde admonemur non tumultuarium proferre sermonem: sed exercitio quodam meditationis, et statera mentis internæ examinare dicenda: quia scriptum est alibi: Statera fallax non bonum (16) (*Prov. xx, 23*). »

7. (Vers. 5.) Inclinabo ad parabolam aurem meam: aperiam in psalterio propositionem meam. Sapiens auditor intendit, atque inclinat aurem suam, ut intelligat parabolarum figuræ. Ipsum aurem suam dicit Salvator, qui aurem habet audiendi. Aperit etiam Dominus clausam propositionem suam; cum aptum organum sibi, et vas electionis invenerit, quod psalterium vocat: cuius similis Paulus dulcis gratiæ cantilenam nervis omnibus sibi concinentibus resultavit, sancti Spiritus plectro interiore chordam, exterioremque pulsando, ut et lingua oraret et mente. Ideoque ait: Orabo spiritu, orabo et mente: psallam spiritu, psallam et mente (*I Cor. xiv, 15*). Hujusmodi ergo virum Christus multo ante promittit, per quem manifestaret abscondita, et involuta prophetici obscuritate sermonis aperiret. Bonum psalterium, cum fidei vita consentit, et caro animæ, virtuti aspirat voluntas. Hoc est dulce psalterium, ubi canora est disciplina vivendi: ut impleatur illud quod scriptum est: « Clara erit lingua mutorum (*Isa. xxxv, 6*). »

8. (Vers. 6.) Sequitur: « Ut quid timebo in die mala? Iniquitas calcanei mei circumdabit me. » Hoc est, cum os meum loquatur sapientiam, et meditatio cordis mei prudentiam, in die judicii timere quid possum; nisi forte calcanei mei iniquitas mihi sit abluenda (Cf. August. l. i *contr. Jul. Pet.* cap. 3)? Alia est iniquitas nostra, alia calnanei nostri, in quo Adam dente serpentis est vulneratus, et obnoxiam hæreditatem successionis humanae suo vulnere dereliquit, ut omnes illo vulnere

alii, *Alius pauper gratia. Habet tamen quia et pauper clamavit, etc.*

(16) Edit. Rom. sola, *Abominatio Domino duplex statera, et jugum dolosum non bonum coram me.* Sed locum integrum reddere voluit, cuius ultimam tantum partem proposuerat Ambrosius.

claudicemus. Unde Dominus discipulis pedes lavit ut lavaret venena serpentis: et Petrus reprehenditur quod excusabat, ne sibi Dominus pedes lavaret. Ideo dictum est ei: « Nisi lavero tibi pedes, non habebis mecum partem (*Joan.* XIII, 8). » Quo auditio, non solum pedes, sed etiam manus obtulit ablendas. **948** Cui Dominus respondit: « Qui lotus est, non habet necesse ut iterum lavet, nisi ut pedes lavet: sed est mundus totus (*Ibid.* 40). »

9. Ergo David dicit: « Iniquitates meæ superponuerunt caput meum (*Psal.* XXXVII, 5); » qui se noverat in iniquitate esse conceptum, et in delictis a matre esse generatum. Dominus autem qui sua peccata non habuit, nec cognovit proprias iniquitates, ait: « Iniquitas calcanei mei circumdabit me; » hoc est, iniquitas Adæ, non mea. Sed ea non potest mihi esse terrori; in die enim judicii nostra in nobis, non alienæ iniquitatis flagitia puniuntur. Unde reor iniquitatem calcanei magis lubricum delinquendi, quam reatum aliquem nostri esse delicti (17). Meritoque Dominus qui pro nobis universa suscepit: Lavemus, inquit, et pedes, ut calcanei lubricum possimus auferre; quo fida statio possit esse virtutum, et ne paterno quis errore labatur, qui suo paratus est stare proposito: et non metuat lubricum hereditatis, qui cupit vestigium tenere virtutis. Iniquitas ergo calcanei nostri prævaricatio est Adæ, per quam prolapsus est in contemptum et dissimulationem cœlestium mandatorum.

10. Est etiam iniquitas calcanei, Judæ hæsitanda (18) proditio. Calcanei ideo, quia scriptum est: « Qui manducat meum panem. levabit super me calcaneum suum (*Psal.* XL, 10). » Bene et ibi suum, et hic meum dixit: suum, quia Christus, sine iniquitate, hæc autem solius iniquitas proditoris: meum autem calcaneum, quasi ultimum sui corporis Judam Christus appellat, eujus nos sumus corpus et membra. Apostoli præstantiora et actuosa membra sunt Christi: Judas calcaneum, quasi extrema pars corporis serpenti obnoxia, et patens vulneri. Primum ergo calcaneum Adam, secundum calcaneum Judas. Ille lapsus totius hereditatis, hic solius proditoris, qui hereditatem implicare non potuit; quia jam non carnales sumus, sed Redemptoris hereditas, Scriptura dicente: « Est hereditas (19) credentibus in Domino (*Isa.* LIV, 17). »

11. Est et illa iniquitas calcanei sui, quæ circumdedit Christum: « Circumdantes, inquit, circumdederunt me, et in nomine Domini ultus sum in eos (*Psal.* CXVII, 41). » Calcaneum ejus Synagoga est decor et gloria vultus ejus Ecclesia; sicut scriptum

(17) Agitur hic de fidelibus adultis, qui judicium non de originali peccato, sed de actualibus subiuri sunt. Quod vero subditur *iniquitatem calcanei magis lubricum delinquendi, quam reatum aliquem nostri esse delicti*, hoc nimis significatur, quod postea in Trident. synodo sess. 5, can. ult., sancitum est, concupiscentiam ab Apostolo peccatum appellari, non, *quod vere et proprie in renatis peccatum sit; sed quia ex peccato est, et ad peccatum inclinat.*

**A** est: « Dominus regnavit, decorem induit (*Psal.* XCII, 1). »

12. (Vers. 7). Illi ergo sunt calnaneum, de quibus dicit: « Qui confidunt in virtute sua, quique in abundantia divitiarum suarum gloriantur. — Dives eguerunt et esurierunt (*Psal.* XXXIII, 11). » Quod de Judæis dictum est. Sed et omnes qui luxuriose vivunt, et non tenent caput, calcaneum Christi sunt. Sed hæc generalia, quæ late patent. Cæterum specialiter de Juda locutus est proditore, qui sibi validus et dives apostolatus gloria videbatur.

13. (Vers. 8, 9.) Denique de passione Domini sermo contexitur « Frater non redimit, redimet homo; nec dabit Deo propitiationem suam, et pretium redemptionis animæ suæ; » hoc est, ut quid timebo in die mala? Quid enim potest mihi nocere, qui non solum non indigo **949** redemptore, sed ipse omnium sum redemptor? Alios liberos faciam, et pro me ipso ipse trepidabo? Ecce faciam nova omnia, quæ supra ipsum germanitatis affectum sint atque pietatem. Quem fratre eodem matris utero effusus in lucem redimere non potest, quia parilis naturæ infirmitate retinetur, redimet homo: sed ille homo de quo scriptum est; quia mittet illis Dominus hominem, qui salvabit eos (*Isa.* XIX, 20); qui de se ipso dixit: « Quæritis me occidere, hominem qui veritatem locutus sum vobis (*Joan.* VIII, 40). » Sed quamvis homo sit, quis cognoscet eum? Quare nemo cognoscet? Quia sicut unus Deus, ita et unus mediator Dei et hominum homo Christus Jesus. Ipse est solus qui redimet hominem, vincens pietate germanos quia pro alienis sanguinem suum fudit, quem nemo potest offerre pro fratre. Itaque corpori proprio non pepercit, ut nos redimeret a peccato: et dedit semetipsum redemptionem pro omnibus, sicut verus ejus testis asseruit apostolus Paulus, qui ait: « Veritatem dico, non mentior (*Rom.* IX, 1). » Sed quare solus hic redimet? Quia nemo potest eum aequaliter pietate; ut pro servulis suis animam suam ponat: nemo integritate; omnes enim sub peccato, omnes Adæ illius subjacent prolapsioni. Solus Redemptor eligitur, qui peccato veteri obnoxius esse non possit. Ergo per hominem, Dominum Jesum intelligamus, qui suscepit hominis conditionem ut in carne sua peccatum omnium crucifigeret, et chirographum universorum suo cruce deleret.

14. Sed forte dicas: Quomodo redempturus frater negatur, cum ipse dixerit: « Narrabo nomen tuum fratribus meis (*Psal.* XVI, 23)? » Sed non quasi frater nobis, sed quasi homo Jesus Christus, in quo Deus erat, nobis peccata dimisit. Sic enim scriptum est: « Deus erat in Christo mundum re-

Conferre podes hunc nostri locum cum iis quæ lib. II, cap. 40, *de Gratia et Peccato originali* tradit Augustinus. Verum loquendi hac de re alibi adhuc sedabit occasio.

(18) *Hæsitanda*, quæ proferenda non est, nisi reluctante ac prope invita lingua, ut evenit iis qui hæsitantia laborant.

(19) *Rom.* edit. sola, *Est hereditas servientibus Domino,*

concilians sibi (*II Cor. v, 19*). » In illo Christo Iesu, de quo solo dictum est : « Quia Verbum caro factum est, et habitavit in nobis (*Joan. i, 14*). » Non ergo quasi frater, sed quasi Dominus habitavit in nobis, cum habitaret in carne. Cum igitur reconciliaverit Deo mundum, utique ipse reconciliatione non eguit. Pro quo enim peccato suo propitiaret Deum, qui nulla peccata cognovit ? Denique didrachma poscentibus Judaeis, quod pro peccato dabatur ex Lege, dixit ad Petrum : « Simon, reges terrae a quibus accipiunt tributum vel censem, a filiis suis, aut ab alienis ? Respondit Petrus : ab alienis. Cui dixit Dominus : Ergo liberi sunt filii. Ut autem non faciamus illis offendiculum... mitte hamum, et eum pisces qui primus ascenderit, tolle et aperio ore eius invenies staterem : illum tollens dabis pro me et pro te (*Matth. xviii, 24, 26*). » Ostendit quod non pro se propitiationem debeat peccatorum ; quia servus peccati non erat, sed ab omni erat liber errore Filius Dei. Filius enim liber, servus est in reatu. Ergo liber iste ab omnibus, nec pretium redemptionis animae suae dat, cuius sanguinis pretium poterat abundare ad universa mundi totius redimenda peccata. Recte ergo alios liberat, qui pro se nihil debeat.

15. (Vers. 10) Plus adjicio. Non solum pro se Christus pretium non debet suae redemptionis aut propitiationem pro peccato, sed etiam si de fidei quocunque homine accipias, possit intelligi quia non debeant singuli propitiationem suam ; quia propitiationem omnium Christus est, et ipse est universorum **950** redemptio. Cujus enim hominis sanguis jam idoneus est ad redemptionem sui, cum pro redemptione omnium suum sanguinem Christus effuderit ? Est ergo cuiusquam sanguis qui Christi possit sanguini comparari ? Aut quis tam potens homo, qui pro se propitiationem suam dare possit supra eam propitiationem, quam in se obtulit Christus, qui solus Deo mundum reconciliavit per suum sanguinem ? Quae major hostia ; quod praestantius sacrificium ; qui melior advocatus, quam qui pro peccatis omnium factus est deprecationis, et animam suam dedit pro nobis redumptionem ? Non queritur ergo propitiationis, aut redemptio singulorum ; quia omnium pretium sanguis est Christi, quo nos redemit Dominus Jesus, qui solus Patrem reconciliavit, et laboravit usque in finem ; quia nostrum laborem ipse suscepit, dicens : « Venite ad me, omnes qui laboratis... et ego reficiam vos (*Matth. xi, 28*). » Vide laborantem : « Laboravi clamans, raucae factae sunt fauces mae (*Psal. LXVIII, 4*). » Et alibi : « Issachar quod bonum est, concupivit requiescens inter tortes (*Gen. XLIX, 14*). » Et infra : « Supposuit bumerum suum ad laborandum, et factus est vir agricola (*Ibid. 15*). » Ergo homo non dabit jam propitiationem suam, nec redumptionem, quia zemel ablutus est a peccato per sanguinem Christi.

(20) *Mss. duo, non habent divitias in fide, non in possessione.*

**A** Laborabit tamen, ut servet precepta vivendi, et a mandatis celestibus non recedat. Dum vivit, in labore sit, et perseveret in eo ; ut vivat in finem, ne et ipse morte moriatur, cum sit jam redemptus a morte.

16. (Vers. 11.) Qui autem servaverit mandata vitae, non vides interitum, cum viderit mori eos, qui sibi sapientissimi et prudentissimi in hoc saeculo videbantur. Quod specialiter ad Sribas et Phariseos spectat, qui sibi cathedras in synagogis vindicant, quasi sapientiae principatum. Qui vere frustra laborant, cum putant quia per didrachmum liberantur, eum spiritale pretium animae suae, atque illud singulare Dominici corporis sacrificium, inani quadam Legis interpretatione contempserint, refugientes baptismatis sacramentum. Neminem enim sanguis redemit hircorum atque taurorum : sed omnes unus sanguis liberat Christi, cuius in Levitico figura, non veritas est. Non enim per didrachma, sed illius solius sanguinis pretio liberamur.

17. Simus ergo dociles Dei ; ut nemo nostrum videat interitum in illo die, quando damnabuntur morte perpetua sapientes istius mundi, vel principes Judaeorum, quando « simul insipiens et stultus peribunt. » Non idem est utrumque. Stultus est qui nihil sapit, et stulta intelligit ; insipiens, qui male sapit. Dixit insipiens, quia non est Deus. Quomodo iniquus, non quia aequitatem nesciat, sed quia improbitate cordis sui iniqua committat : improbus quoque dicitur ; eo quod probitatem malitia sua destruere velit, non quia probitatem ignoret. Ipse ergo insipiens et stultus quando pereunt, alienis relinquunt divitias suas ; suum enim et legitimum stultitiae et improbitatis haeredem reperire non possunt. Legitimi enim dicunt : « Quia filii Dei sumus. Si autem filii, et haereses : haereses quidem Dei, cohaereses autem Christi : si tamen compatimur, ut et simul glorificemur (*Rom. VIII, 16 et 17*). » Insipientes ergo divitias non habent, quia nec haereditatem habent. Non habent divitias infidi, non **951** possessionem (20) ; fideli enim totus mundus possessio est. Non habent haereditatem, quia sola est haereditas (21) credentibus in Domino. Suas autem divitias habent. Ideoque avarus dicit : « Non habeo quo congregem fructus meos (*Luc. XII, 17*) ; » non enim verus fructus, sed avari fructus, pecunia est. Et Dominus avaro dicit : « Vade, vende bona tua... et veni, sequere me (*Matth. XIX, 21*). » Non enim perfectum bonum est patrimonium, sed haec, sunt avari bona, quae in emolumento aliquo constituta sunt. Vende, inquit, quae putas tua esse, cum tua non sint, quia id alios fluminis modo transeunt : et sequere me, ut bonum immortale cognoscas. Sapientes ergo in interitum deducuntur, quibus Deus abscondit quae parvulis revelavit. Peribunt simul, et in uno

(21) *Rom. edit., haereditas servientibus Domino,*

eodemque loco erunt insipiens et stultus, « et alie-  
nis relinquunt divitias suas ; » quia non invenit  
nequitia legitimum sucessorem.

18. (Vers. 12.) « Et sepulcra eorum domus illo-  
rum in sacerdotium, tabernacula eorum in progenie  
et generatione : invocaverunt nomina eorum in  
terris ipsorum. » Ubique Scriptura sepulcra pro-  
vilibus dicit, quibus degeneres, et vilæ hujus cu-  
pidi comparantur. « Sepulcrum patens est guttus  
eorum (*Psal. v, 41*). » His ergo qui ad diem et de  
die vivunt, sepulcra pro domibus sunt. Domus  
enim justorum non in terra est, sed in cœlo : sicut  
Apostolus docuit dicens : « Nostra autem conver-  
satio in cœlis est (*Philipp. iii, 20*). » Ipsa est domus  
nostra, quæ domus est Christi. Unde ait Scriptura :  
« Et Moyses quidem fidelis in tota domo ejus, tan-  
quam famulus in testimonium eorum quæ dicenda  
essent : Christus vero tanquam filius in domo sua  
(*Hebr. iii, 5 et 6*). » Piis ergo domus et Ecclesia,  
piis patria cœlum est. Ideoque justus ait : « Advena  
ego sum apud te in terra et peregrinus, sicut omnes  
patres mei (*Psal. xxxviii, 13*). » Luxuriosis domus  
sepulcrum est. Denique tanquam in sepulcro vi-  
vunt, qui possunt dicere : « Manducemus et biba-  
mus, cras enim moriemur (*Isa. xvii, 13*). »  
resurrectionem ante oculos non habentes. Ideoque  
tumulus suis affixi atque attumulati adhærent, quia  
resuscitari se posse non crediderunt. Habitaculum  
ergo illis in suo busto est, et tabernaculum eorum  
in progenie et generatione terrena est, qui vermes  
sui corporis (22) hæredes relinquunt, ui hic tan-  
tum sit memoria eorum, et in æternum transire  
non possit.

19. Denique « nomina eorum in terris ipsorum ; »  
quia opera eorum corruptibilia atque terrena. Et  
ideo ibi scribuntur eorum nomina, ubi vivere ma-  
luerunt. Qui autem elevaverunt opera sua, iis dici-  
tur : « Nolite gaudere, quia dæmonia vobis subje-  
cta sunt : sed gaudete, quia nomina vestra scripta  
sunt in cœlo (*Luc. x, 20*). » Hinc ergo intelligamus  
quia non otiose Dominus eos arguit, qui ædificabant  
sibi sepulcra, vel tumulos prophetarum, et exor-  
nabant ea (*Matth. xxiii, 29*). Condemnantur enim  
Iudei, qui prophetis quos occiderant, terrena  
solatia, non æterna præmia deferebant. Ideoque  
prohibet, ut discipulus suus sepeliat patrem (*Matth.*  
*viii, 22*) ; quia æterno Patri sine cessatione esse  
debet intentus. Et in Isaiæ libro scriptum est :  
« Quid, inquit, qui ædificasti et excidisti tibi sepul-  
crum (*Isa. xxii, 16*) ? » Et reprehenditur Maria, quæ  
Christum in tumulo requirebat. Relinque sepulcra,  
quæ reliquerunt, qui audita voce Domini in ipsius  
passione surrexere de tumulis. Noli inter 952  
mortuos habitare, qui vivis. Audi vocem resusci-  
tantis Jesu : « Surge qui dormis, et exsurge a  
mortuis, ut lumen tibi Christi infundatur (*Ephes.*  
*v, 14*). » Alterum lumen ejus Spiritus sanctus est,

(22) MSS. aliquot, *terreni sunt qui vermes. sui corporis, etc.*

A qui apostolis sanctis in dispersione linguarum  
tanquam ignis illuxit.

20. (Vers. 13, 14.) Sequitur : « Homo cum in  
honore esset, non intellexit : comparatus est ju-  
mentis quæ sine sensu sunt, et similis factus est  
illis. Hæc via eorum in offendiculum ipsis : et postea  
in ore suo complacebunt. » Quia non intellexit homo,  
cum in honore esset (est autem honor, quia ad imagi-  
nem Dei factus est, factus est rationis capax), compa-  
ratus est jumentis, quæ sensum non habent ; qui  
autem intellexit, angelis comparatur. Et ideo hic  
bonorum operum claritate magnificatus est : ille  
sicut equus adhinniens æstimatur colluvione viven-  
di, quæ viæ offendiculum affert in turpitudine et  
obscenitate viventibus. Insipientia enim viri conta-  
minat vias ejus. Hujusmodi autem viri vivunt  
secundum appetitiam suam, quæ offendiculum  
creat, et post offendiculum complacebunt in ore  
suo, sed non in corde. Non enim boni, de quibus  
dicitur : « Ore suo benedicebant, et corde suo ma-  
ledicebant (*Psal. lxi, 5*). » Quo responsum est etiam  
iis qui habent in codicibus suis ita scriptum : « Et  
postea in ore suo benedicent. » Verbum enim tuum  
prope, et in ore tuo sit, et in corde.

21. « Vers. 15.) Sicut oves in infernum dedu-  
centur, mors depascet eos. Et dominabuntur eorum  
justi in matutinum ; et auxilium eorum veterascet  
in inferno, a gloria eorum. » Qui noluerunt ut  
pasceret eos Christus, depascet eos mors. Quis ergo  
dimitiat bonum pastorem, qui pro ovibus suis ani-  
mam suam ponit, quia pertinet ad eum gregis sui  
cura ? Aut quis eligat mercenariam mortem, quæ  
operum pessimorum digna mercede referatur ?  
Simul cognosce, o homo, quia Christus verus est  
pastor, qui suos pascit ad vitam. Mors subintravit  
quæ ad interitum adducit alienos, et devorat eos,  
quibus potest propter eorum flagitia prævalere :  
Quibus licet in hæ vita studium potentiae fuerit et  
divitiarum, ut aliis dominarentur : sed in resurre-  
ctione erit servitus, cum justis matutinus splendor  
illuxerit : quorum figura est, quod Jacob dominus  
præponitur fratri. Misérabilis itaque servitus (23),  
ut eo tempore quo alii vocantur in gloriam splen-  
doris et luminis, horum gloria veterascat et con-  
sumatur in tenebris inferorum. Meritoque de his di-  
citur : De honore suo et gloria sua expulsi sunt ;  
D quia temporalis hæc gloria.

22. (Vers. 16.) « Verumtamen Deus liberabit, in-  
quit, animam meam de manu inferni, cum acceperit  
eam. » Bene hoc dicit, qui sciebat animam suam in  
inferno non derelinquendam. Descendit enim, ut  
captivos absolveret de fauibus inferorum, non ut  
in his captiva remaneret.

23. (Vers. 17.) Ergo quoniam hæc, quæ in isto  
sacerdotio sunt, nobiscum transire non possunt ; ideo  
tibi dicitur : « Ne timueris cum dives factus fuerit  
homo : et cum multiplicata fuerit gloria domus ejus.

(23) MSS. Vat. et quatuor Gallic., *proponitur fra-  
tri miserabili. Itaque mala servitus, etc.*

Quoniam non cum morietur, accipiet omnia: neque simul descendet cum eo gloria domus ejus. » Noli, inquit, expavescere divitias, et potentiam divitis, et gloriam sacerdalem; quoniam caduca illa sunt, et citius 953 abeunt quam venerunt. Somnium est iste thesaurus; evigilas, et recessit; quoniam qui potuerit crapulam mundi istius edormire, et sobrietatem virtutis assumere, ista contemnit, et pro nihilo pecuniam dicit. Neque timueris cum multiplicatam gloriam domus alicujus potentis audieris. Inspice diligenter, et vacua est, quae nihil habeat in se de fidei plenitudine. Et quid de domo dicam? Vacuuus erat totus hic mundus antequam numero credentium eum Christus impleret. Ideoque scriptum est: « Judicabit inter gentes, replebit ruinas (*Psalm. cix, 6*). » Quid enim aliud erat ante in hoc mundo, nisi ruina perfidiæ? Quid est ruina? Audi dicendum: « Ubi ruina, ibi et aquilæ (*Matthew. xxiv, 28*) f» id est, ubi ruina, ibi et resurrectio. Ruina, vacua firmitatis est; resurrectio, plenitudo vivendi est. Ideoque nos Adæ illius ruina vacuavit, sed Christi replevit gratia. Ideo se ille exinanivit ut nos replete, atque in carne hominis plenitudo virtutis habitaret. Quid sit ruina, cognosce. Dum vivit homo, infusus est spiritu; ubi mortuus fuerit, vacuuus utique hujus vitalis est spiritus. Multo magis vacuum facit amissio gratiæ spiritualis, quem gratia replere consuevit ut possimus dicere; « Quoniam nos omnes de plenitudine ejus accepimus, et gratiam pro gratia (*John. i, 16*). » De alio dicitur: « In vacuum laboravi (*Isa. xlix, 4*); » justus autem sicut odor agri pleni.

24. (Vers. 18). Quid autem non vacuum, quod sacerdalem atque mundanum; cum recte dixerit, qui mundum istum sobria virtute contempsit: « Nudus sum natus, nudus et moriar (*Job i, 21*)? » Numquid secum quis potest auferre quæ possidet? Hic omnia derelinquit, solus intrat in tumulum, et vacuum illius divitis est sepulcrum, quem nec ipsa terra capiebat (24). Unde dictum est: « Numquid soli habitabis super terram? Numquid descendit in illud sepulcrum gloria domus ejus aut copiæ (*Isa. v, 8*)? » Vide vim Scripturæ. Gloria sacerdali non descendit cum peccatore, sed gloria virtutis ascendit cum innocentia. Et ut compendiosius dicamus, gloria hominis cum ascidente ascendit: cum descendente non descendit. Quod gratiæ est ac virtutis, ascendit. In paradisum ascenditur, in infernum descenditur. « Descendant, inquit, in infernum viventes (*Psalm. liv, 16*). » Ideoque Lazarus pauper per angelos in Abrahæ sinum est elevatus. Dives luxuriosus elevans in inferno oculos suos rogat Abraham ut mittat pauperem,

A et digito suo contingat linguam ejus, quo requiem aliquam in ardore maximo constitutus possit adipisci (*Luc. xvi, 23-24*). Vide illum pauperem bonis omnibus abundantein, quem sancti patriarchæ requies beata circumdabat. Vide hunc vacuum, qui sibi in hoc sæculo abundare omnibus videbatur, cuius anima in vita ipsius benedicebatur: sed 954 nunc iners morte cruciatur.

25. (Vers. 19.) Unde pulchre sequitur: « Quoniam anima ejus in vita ipsius benedicetur: confitebitur tibi, cum beneficeris ipsi. » Benedicent, inquit, eum benedictione terrena. Stulti homines qui præsentia, non futura considerant. Benedicent eum assecclæ ejus atque parasiti (25). Ipse quoque beatum se putat, si agrum aliquem quem desiderabat, invaserit. Confitetur tunc Deo, cum ei in hoc sæculo secunda succedunt: quando autem adversa contingunt, impio ore maledicit. Hoc ergo dicit, quia sacerdalis non agit gratias in paupertate positus et adversis; justus autem in angustiis magis Dominum grato benedicit affectu. Denique diabolus ad Deum dicit: Quid mirum; si te benedicit Job? Abundant ei omnia. « Sed mitte, inquit, manum tuam, et tange ea quæ possidet' videamus si in faciem te benedicet (*Job i, 11*). » Et dedit ipsi Dominus potestatem, ut quæ sæculi essent hujus, auferret, carnem ipsius ulceris atrocitate perfunderet. Job tamen benedicebat dicens: « Dominus dedit, Dominus abstulit... Sit nomen Domini benedictum (*Ibid. 24*). »

26. (Vers 20, 21.) « Introibit usque in progeniem patrum ejus: usque in sæculum non videbit lumen. Homo cum in honore esset, non intellexit; comparatus est jumentis, quæ sensum non habent, et similis factus est illis. » Ideo, inquit, iste in progeniem patrum suorum introibit. Qui est pater impiorum, Dominus declaravit dicens: « Vos ex patre diabolo estis (*John. viii, 44*). » Sunt et illi patres de quibus dicitur: « Relinque mortuos sepelire mortuos suos (*Matthew. viii, 22*). » Ideo et Moabitæ usque in tertiam et quartam generationem prohibiti sunt introire in Ecclesiam Domini (*Deuter. xxiii, 2*): ut filii eorum propter peccata patrum suorum introirent in eorum generationem, quorum facta imitabantur et mores. Unde et scriptum est: « Filii adulterorum in consummatione erunt (26) (*Sapientia iii, 16*). » Ergo qui non illum patrem qui in celo est, sequitur; sed illum terrena colluvione viventem, in progenie terreni patris intrat. Qualis enim terrenus, tales et terreni, ut sit ejus vita terrena, requies nulla post mortem. In æternum non videbit lumen, quoniam temporale quæsivit. Ille autem qui Christi secutus est gloriam, qui de-

(24) Videntur hæc proprie cadere in Alexandrum Macedonem, quem Plutarchus et Val. Maximus narrant cum de infinitate mundorum philosophum quemdam disputantem audivisset, flevisse, quod vix unum possideret. Hinc de illo Juven. Sat. 10:

Unus Pellæo juveni non sufficit orbis.

Æstuat infelix angusto limite mundi, etc.

(25) Parasiti. Sunt, qui ciborum gratia magnatis atque divitibus adulantur, ἀπὸ τοῦ παρὸν, τοῦ στρου.

(26) MSS. duo. inconsuermati erunt.

sideravit illud lumen, quod illuminat omnem hominem venientem in hunc mundum, inveniet et videbit lumen aeternum, quia eum Christus redemit a morte.

27. Tunc ergo cogitabit cum, quia cum in

A honore esset, non intellexit, » et ideo erit similis jumentorum, qui similis debuit esse angelorum, per Domini nostri Jesu Christi gratiam: cui est honor, gloria, perpetuas a saeculis, et nunc, et semper, et in omnia saecula saeculorum. Amen.

## IN PSALMUM LXI ENARRATIO.

*Titulus: (Vers. 1) : In finem, pro Idithum, Psalmus ipsi David.*

**955** *In hujus psalmi tractatu B. Ambrosius infidelitatem et impietatem Maximi tyranni graviter redargnit, qui ausus est dominum suum Gratianum imperatorem fraude et dolo perimere: quem imperatorem in Dominu tabernaculo habitare, et in monte ejus requiescere dicit.*

1. (Vers. 1.) Omnium nostrum indubia consuetudo est, ut festinemus ad finem, et corum quae legimus vel vidimus et audivimus, velimus summam cognoscere. Unde titulus ipse otiosos nos esse non patitur, nec feriatis praeterire auribus desiderii communis indicium. Prae ceteris enim, licet etiam in ceteris clareat, divinum tamen in hujusmodi psalmo resulget oraculum. Unde diligentius quid sit finis consideremus, finis enim dicitur τέλος, et summa rei ejus quam volumus explicare. Finis dicitur Christus, quia ipse est finis Legis, sicut scriptum est: « Finis enim Legis Christus ad justitiam omni credenti (*Rom. x, 4*). » Finis etiam dicitur, quia ipse est principium et finis. Ergo isti psalmi qui titulantur: « In finem, » aut de Christo sunt, aut ipsius Christi: de Christo, cum ipse annuntiatur: ipsius Christi, cum ipse se nuntiat, venturumque promittit in terras, et futuram nobis revelare dignatur proprii corporis passionem.

2. Ideoque *ipsi David* inscribuntur in titulo, quasi vero David, ipsi Domino (27) prophetici oris ministeria deputentur, per quem humanae vocis officio vis coelestis increpuit, et divina sententia resultavit.

3. Meritoque *pro Idithum*, qui fuit propheta, et psalmos cum sex filiis canebat suis (28,) velut quae-dam præfatio est, eo quod esset his venia prophetae, qui in psallendi ministerio constituti, divina oracula humana voce loquerentur. Et quia pro totius mundi abolendo erroris suscipienda Dominici corporis passio foret, hujus licet nomine cuius sedulitas probaretur, commendatiorem eruditio-nem plebis expressit. Itaque ipsum audiamus loquentem.

(27) Rom. edit. sola. quasi vero David ipsi a Domino: cum ant. edit. ac mss, aliquot. prophetici oris ministerio deputentur. Plures codices, et quae-dam edit. Paris... ministeria deputentur. Melius; totus enim hic locus explicari debet eo sensu: Quasi ipsi Domino qui verus est David, propheti-

B 4. (Vers. 2.) « Nonne Deo subdita erit anima mea? » Suscepturnus carnem hominis Dominus noster Jesus, ut in se eam ipse mundaret, quid prius quam peccati veteris primum debuit abolere contagium? Nam quia per inobedientiam culpa irre-pserat, dum mandata divina temerantur, obedientiam utique præ ceteris debuit reformare, ut seminarium erroris excluderet. Fibra enim peccati (29) inde manaverat: et ideo sicut bonus medicus ra-dices prius ulceris debuit amputare, ut medicamentum salubre remedium vulneris ora senti-rent. Frustra enim cicatricem curaveris, si serpent interiora contagia: imo acerbatur vulnus, si foris clauditur, cum interius virus exæstuat. Nam quid proderat donasse peccatum, si peccandi maneret affectus? Hoc erat non sanare cicatricem, sed **856** claudere. Voluit itaque mundare vulnus, ut affec-tum sanaret, ne inobedientiæ sors ulla remaneret. Suscepit ipse obedientiam, ut nobis eam transfun-deret. Sic enim oportebat, ut quoniam per inobe-dientiam unius hominis peccatores constituti erant plurimi, per unius rursus obedientiam justi con-stituerentur multi.

C 5. Unde valde errare eos res indicat, qui carnem hominis a Christo aiunt esse susceptam, affectum negant: et contra ipsius Domini Jesu venire consilium, qui hominem ex homine tollunt, cum homo sine affectu hominis esse non possit. Nam caro sine affectu et præmii immunis et culpæ est. Illud ergo suscipere debuit et sanare, unde culpa manaverat, ut originem erroris et quasdam prorum-pentis delicti fores clauderet. Unde ego hodie hominem agnoscerem Dominum Jesum, cujus car-nem non video, affectum lego: unde, inquam, hominem eum agnoscerem, nisi esurisset, nisi sitisset: nisi flevisset, nisi dixisset: « Tristis est anima mea usque ad mortem (*Matth. xxvi, 38*)? » Denique scriptum est: « Et homo est, et quis co-gnoscat eum (*Hier. xvii, 9*)? Sed homo per ista cognoscitur, qui per opera divina supra homines

D corum psalmorum cantus attribuatur. Quanquam nec sensu careat, si vocem ministerio retineas.

(28) Horum nomina reperias licebit lib. I. Paral. c. xxv, vers 3.

(29) *Fibra peccati*, dicitur per metaphoram ra-dicum fibris.

æstimatur. Itaque ipse eo usque se hominem credi volebat, cum Deus esset, ut se appellaret hominem dicens : « Quid me quæritis occidere, hominem qui veritatem locutus sum vobis (*Joan. viii, 40*) ? Nec solum hominem, sed etiam filium hominis diceret, sicut ait : « Quid me dicunt esse homines filium hominis (*Matth. xvi, 13*) ? » Unde ille summam tenere fidei pronuntiatus est, qui et Dei filium cognovit, et hominem non negavit. Ipse igitur utrumque unus, inseparabilis numero et agnoscendus operis distinctione, non varietate personæ. Non enim alter ex Patre, et alter ex Maria : sed qui erat ex Patre, carnem sumpsit ex Virgine : affectum assumpsit ex matre, ut infirmitates nostras ipse susciperet. Unde ait propheta : « Et pro nobis dolet (*Isa. lxxiii, 4*). » Quomodo dolebat meo dolore, si meum non gerebat affectum ? « Homo, inquit, in plaga, et sciens ferre infirmitatem (*Ibid. 3*), »

6. Itaque quasi homo infirmatus est, quasi homo doluit ; et nos quasi hominem æstimavimus eum esse in doloribus ; sed quasi victor infirmatum, non infirmitatibus victus, pro nobis non pro se dolebat ; et infirmatus est non propter sua, sed propter nostra peccata, ut nos suo livore sanaret. Quid utique est « homo in plaga, et sciens ferre infirmitatem, » nisi quia plagæ habebat compassionem ? Aut quomodo sciebat ferre infirmitatem, si sensum infirmitatis excluserat ? Quod enim portamus, hoc pro onere sustinemus. Suscepit ergo peccata nostra, ut portaret : suscepit etiam, ut purgaret. Denique scriptum est : « Et peccata eorum ipse purgavit (*30*). Ideo ipse hæreditate possidebit multos, et fortium partetur spolia (*Ibid. 11. 12*). » Ibi enim major triumphus, ubi mens interna mundatur. Quod portat igitur, ad remissionem pertinet ; **957** quod purgat, ad correctionem. Suscepit itaque compassionem nostram, suscepit et subjectionem. Quod enim subjecit sibi omnia suum est : quod subjectus est, nostrum est, Ideo ait : « Nonne Deo subdita erit anima mea ? » Anima, inquit, subdita, non divinitas : anima subiecta, non Dei virtus. Virtus enim Dei non potestati subdita est ; sed unitate (*31*), et consortio ejus utitur potestatis. Illa subiecta est, quæ humanæ conditionis fragilitate plerumque mutatur, non quæ mutari non potest. Anima carni complicitur, et animæ caro, quæ sibi quodam contubernio copulantur. Illa subjicitur, quæ tristis est, quia scriptum est : « Tristis est anima mea usque ad mortem (*Matth. xxvi. 38*). » Illa subjicitur quæ

(30) Rom. edit., *Et peccata multorum ipse purgavit.*

(31) Cunctæ edit. ac plerique mss. *non potestati subdita est, sed unitati, etc...* Melius cod. Reg. alter, ... sed unitate, etc.

(32) *Arbitra*, id est, testis ; per hanc enim animæ Christi subjectionem dispensatio humanæ redemptionis manifestata est ; cum inde consilium divinum inobedientiæ primi Adæ per secundi obedientiam reperandæ intellexerimus. Aut forte *arbitra*

**A** suscepta, non ex Deo Patre nata : quanquam ipsa subjectio non in specie quidem infirmitatis sit, sed in operatione virtutis, dispensationis magis temporariæ arbitra (*32*), quam perpetuo servitio mancipata. Unde et ait : « Nonne Deo subdita erit anima mea ? »

7. Cur dixit, erit, si sempiterna subjectio est ? Sed quia Filius Dei qui loquebatur æternus est animam autem suscepit ex tempore, ideo futuram subjectionem animæ suæ dicit. Fer ipsam ergo obedientia, per ipsam humilitas ; quæ tamen non ad infirmitatem potentiae suscepta sunt, sed ad magisterium disciplinæ. Ipse enim Dominus Jesus, « cum esset in Dei forma, non rapinam arbitratus est esse se æqualem Deo ; sed semetipsum exinanivit, formam servi accipiens, in similitudinem hominum factus, in specie inventus ut homo : humiliavit semetipsum, factus obediens usque ad mortem (*Philipp. ii, 6-8*). » Sicut Apostolus dicit, non jugem et perpetuam, sed temporalem subjectionem cupiens declarare : qualis sit suscepta cum carne, et deposita cum ipsius corporis servitute (*33*). Sic etiam ad Hebræos scriptum est. Nam cum proposuisset exemplum, dicens : « Tu es sacerdos in æternum, secundum ordinem Melchisedech (*Psalm. cix, 4 ; Hebr. v, 6*), » subjecit idem Paulus : « Qui in diebus earnis preces et supplicationes adhibuit ei qui posset liberare eum de morte, cum magna voce et lacrymis : et exauditus ab illo metu. Quanquam esset Filius, didicit ex his quæ passus est obedientiam : et consummatus obtemperantibus sibi causa factus est salutis æternæ : vocatus a Deo sacerdos secundum ordinem Melchisedech (*Hebr. v, 6-10*). » Nonne igitur evidenter clamavit Apostolus, dicens obedientiam illam et humilitatem non divinitatis fuisse, sed carnis ? Quod enim dicitur, temporale est. Quasi homo ergo ex his quæ passus est, didicit obedientiam ; ut consummaretur in carne, et per obedientiæ transfusam in nos successiōnem causa fieret nobis salutis æternæ, quibus ante per inobedientiæ hæreditatem primus ille Adam causa factus est mortis.

8. Subjectio ergo magisterium virtutis humanæ, non divinæ imminutio potestatis est. Nam si illum minorem Filium et inæqualem Patri dicunt, quia erat subditus Patri Deo ; numquid et matre ideo minor, quia subditus erat matri ? Lectum est enim de Joseph et Maria : « Et erat subditus illis (*Luc. ii, 51*). » **958** Sed pietas omnibus nobis non dispendio, sed incremento est ; per quam omnibus nobis Dominus Jesus idem infudit et gratiam ; ut idem quodammodo est ac moderatrix ; quia dispensationem illam anima Christi Domini suscepit non coacta, sed volens. Quippe oblatus est, quia ipse voluit, ut *Isaias lxxiii, 7*, vaticinatur.

(33) Dei Filius subjectionem quidem cum corpore suscepit, sed non depositum cum corpore ; quia illud quod semet assumpsit, numquam dimisit. Deposuit vero cum corporis servitute ; quando scilicet corpus excusso mortalitatis jugo, immortalitatis dotibus prædictum resurrexit.

nos spiritu fideli subditos Patri faciat Deo. Et ideo novo et profundo consilio Apostolus ait quod ipse Patri erit subjectus in nobis, cum fuerit in omnibus plenitudo fidei, et quædam devotionis unitas. Nunc enim quandiu sententiis discrepamus, quodammodo regnum Christi minoramus : quia nondum ei subjecta sunt omnia, cuius regnum unitas est : « Cum autem subjecta illi fuerint omnia, tunc et ipse subjectus erit illi qui sibi subjecit omnia, ut sit Deus omnia in omnibus (*I Cor. xv, 28*) ; » sicut scriptum est. Nunc enim potestate supra omnes est, sed opus est ut sit in omnibus voluntate : volet autem, eum omnia in nobis cognoverit sui plena, et vacua delictorum. Nondum igitur subjectus est Patri quia nondum omnia et in omnibus Christus : cum autem fuerit omnia et in omnibus Christus, erit omnia et in omnibus Deus. Unde colligitur unum esse regnum Patris et Filii, et etiam Spiritus sancti ; quia qui Filium receperit, et Patrem, recipit et Spiritum sanctum ; quia una gratia, una operatio Trinitatis est.

9. Meritoque addidit Dominus : « Ab ipso enim salutare meum. » Quasi diceret : Nolite turbari quia dixi animam meam fore Deo subditam. Anima erit subdita, quæ vestri est portio ; salutare autem meum ab ipso ; hoc est, quia a Patre et in Patre semper sum. A Patre enim veni in hunc mundum ; et si videtis hominem, Dei Filium credite. « Cum venerit autem Paracletus quem ego mittam vobis a Patre meo, Spiritus veritatis, qui a Patre meo procedit, ille testimonium perhibebit de me (*Joan. xv, 26*). » Et Filius a Patre procedit, et Spiritus ab ipso procedit. De unitate ergo divinitatis ambiguum nihil. Ideoque concipiuit David hoc salutare Dei nobis dari quia ipse est vita æterna, si et Patrem verum Deum cognoscamus et Filium, quem pro nostra certum est salute venisse sed non rapinam arbitratus est esse se æqualem Deo. Assertionem suæ divinitatis sequestrat, et dispensationis humanæ repræsentat officium.

10. (Vers. 3.) Ideoque adjunxit statim : « Etenim ipse est Deus meus, defensor meus (34) ; non movebor amplius. » Hæc utique quasi homo loquitur, quia in Deo spem nostram debemus reponere, ne facile labamur ; quanquam in eo quod locutus est : « Non movebor amplius, » ostendat habere se divinæ insignia potestatis. Habes enim alibi dicendum. « Adhuc ego semel terram movebo (*Agg. ii, 7*). » Movit diluvio, quando præter arcum Noe caro omnis interiit : movit, cum Sodoma et Gomorrha sacro igne consumptæ sunt. Hæc supernæ indignationis indicia sunt. Sed quia elegit genus hominum Dominus magis servare quam perdere, non movebitur amplius ad indignationem, qui venit ad misericordiam ; venit ut redimeret nos suo sanguine, non ut nostrum effunderet ; venit ut se offerret pro

A nobis, et quasi bonus negotiator **959** mercem suam proprii corporis passione servaret.

11. (Vers. 5.) Et cum hoc diceret, levavit oculos suos, et vidit hinc persecutores, inde nequias spiritales in unum convenire, et ait : « Quousque irruitis in hominem, interficientes universos, » hoc est : Quid delere genus festinatis humanum ? Hominem nescitis me pro omnium redemptione venisse ? Obtuli me pro eunctis, ut omnes mea oblatione protegerem. Hominum ergo, aut pro humana omni accipimus multitudine ; aut si de uno accipimus, de ipso dictum intelligimus : Irruitis, sed in hominem ; quia supra Deum irruere non potestis ; sicut habes alibi : « Quid me quæritis occidere hominem (*Joan. viii, 40*) ? Neque enim divinitas morti poterat esse subjecta, sed humana susceptio. Si ergo in me irruitis, et me vultis occidere ? Satis est vobis habere quem quæritis. Neque quærere consortem passionis, qui ad salutem omnium adjutore non egeo. Non requiro legatum, nuntium non præmitto ; sed ipse me nuntius obtuli non quærentibus : me tradidi non comprehendentibus : ut liberarem eos qui mortis laqueis fuerant comprehensi. Irruitis igitur tanquam parieti inclinato et maceriaræ impulsæ, ignari quia veni non ut inclinarem parietem, et maceriam impellerem ; sed ut solverem. Veni enim pax, ut faciam utraque unum ; et medium parietem maceriaræ solvens, qui carnem et animam dividebat, ut unum sentire non possent : et ideo caro animaræ repugnabat, et subdita imperio ejus esse non poterat, quia objecti parietis obstaculo gubernaculis ejus parere non poterat.

12. Lex igitur carnis legi mentis adversabatur. Hunc parietem veterum inimicitarum velut murum sustulit Dominus Jesus, et pervios fecit esse conventus mentis et carnis ; ut in unum coeuntes id quod erat utrique salutare, sequentur. Paries ergo quædam eminentia delictorum est, Unde ad pontificem Judeorum dicit Paulus : « Perculere te incipiet Deus, paries dealbate (*Act. xxiii, 3*) ; » paries enim luto cæmentisque construitur. Hinc ædificabant Ægyptii civitates, quando Judæi lateres facere cogebantur. In Ægypto lutum conficiebatur, et populus Dei peccatum illic operabatur. Ideo gemebat, ideo exauditus et liberatus est a peccato. D Ideo lex data, promissa gratia : ut lex peccatum ex parte resecaret, gratia omne donaret.

13. (Vers. 5.) Et cum hæc nobis conferret, hæc pro nobis subiret, nos pretium ejus repellebamus. Unde ait : « verumtamen pretium meum cogitaverunt repellere : » quando pretium referente Juda proditore, Judæi in loculum mittere noluerunt, dicentes : « Non licet nobis mittere in loculum, quia pretium sanguinis est (*Matth. xxvii, 6*). » Damnatur hic judicio suo proditor, qui refudit pretium quod

(34) Rom. edit., *Deus meus, et salutaris meus*. Sic et infra num. 48. Nimicum ex LXX, apud quod legas, Θεός μου καὶ σωτῆρός μου, etc.

accepit, infirmus ad sacri munera testimonium, sed validus sceleris sui testis. Unusquisque enim gravior accusator est sui, et inexcusabilem in se fert ipse sententiam. Principes Synagogæ suo condemnant scilicet iudicio. Profitentur enim prelum esse sanguinis quod dederunt, dum arguunt refunden-  
tem. Nam si recipiendum non fuit, nec solvendum fuit. Atque utinam aut non dedissent, aut quia dederant, nec receperissent. Repudiarunt enim quod **960** in loculum mittere noluerunt, et emerunt inde agrum in sepulturam peregrinorum. Merito ergo gentiles, quibus agri ejus qui morte emptus est Christi, sepultura profecit, jam non sunt et advenæ, atque peregrini: sed cives sanctorum facti sunt, et domestici Dei; quia consepiuntur Dei Filio: Judæi autem, qui passionis ejus prelum repudiarunt, peregrinantur a Christo. Tolerabilius illis vel in hoc proditor, quod confiteatur errorem: illi autem crimen sum excludendo acerbant. Verecundior est enim confessio post delictum. Impudenter igitur refellebant commune sacrilegium confidentem dicentes: « Quid ad nos? Tu videris (*Ibid.* 4). » Quid enim dicebat proditor, nisi hoc: « Peccavi quod tradiderim sanguinem justum (*Ibid.*). ? Quod erat crimen tradentis, quomodo suscipiens non poterat esse peccatum: cum scelus sceleri sit adjunctum, ut quem scelerate emerunt sceleratus trucidarent?

14. « Cucurri, inquit, in siti. » Verum est quidem quod Dominus noster Jesus sitivit. Beata Domini sitis; quia sitivit pro nobis, et maxime in passione. Denique dixit: « Sitio (*Joan.* xix, 28). » Tunc itaque sitiebat, quando de latere suo restinctura sitim omnium vivæ aquæ fluente fundebat. Denique scriptum est: « Flumina de ventre ejus fluent aquæ vivæ (*Joan.* vii, 33). » Sed in Graeco medie positum est; quia ἔρημον et pluralem numerum significat. Ergo etiam « cucurri: » et « cūcurrerunt, » juxta Græcum possumus intelligere. Diximus autem quid exprimat, « cucurri, » hoc est, festinavi sitim omnium suscipere, ut universos perpetui fontis ubertate satiarem (cui enim dedero aquam, non sitiet, neque hic, neque in futurum (*Joan.* iv, 13), sicut dictum est ad Samaritanam); nunc dicamus quid significet: « Cucurrerunt in siti. » Hoc est, festinaverunt ut persidiæ suæ aestu fontem vivum negantes, æterna fauces suas ariditate siccarent: sicut ipse Dominus ait: « Me dereliquerunt fontem aquæ vivæ, et fecerunt sibi contritos lacus (*Jerem.* ii, 13). » Nec mirum si sitierunt, qui aquam fontis æterni tenere non poterant lubrici perfidiæ suæ rimis. Sitierunt ergo, quia se potu privaverunt spirituali, quem hauserant de consequenti petra. Unde et Symmachus ait: τῷ δόλῳ αὐτῶν εὐλόγουν, hoc est, placuit illis in mendacio, cum objicerent falsa pro veris. Omne mendacium sitim habet, veritas ubertatem, quæ in perpetuum perseverat.

15. Et quam cito probavit, quia concurrerunt

**A** in mendacio! « Ore suo, inquit, benedicebant, et corde suo maledicebant. » Misera perfidorum sitis, qui aliud tenebant corde, et ore aliud loquebantur. Ubi autem fidei exundat ubertas, corde creditur ad justitiam, ore confessio fit ad salutem. Quomodo autem benedixerint ore, et corde maledixerint, series passionis ostendit, cum dicentes: « Descendat de cruce et credimus ei (*Matth.* xxvii, 42). » Stulti! De morte surrexit, et non crediderunt; quomodo si de cruce descenderet, credidissent? « Speravit in Domino, eripiat eum: liberet nunc eum, quoniam vult eum (*Ibid.*, 43; *Psalm.* xxi, 9): » quia illudentes potius quam optantes ista dicebant, et interrogabant utrum esset Dei Filius, verbis pacifica loquentes, corde accusationem sacrilegii cogitantes.

B 16. Sed hæc mystica, veniamus ad moralia. Etenim quoniam non semel appetitur Christus, **961** appetitus est semel in suo corpore quod suscepit in Virgine, appetitus est frequenter in eo corpore quod est Ecclesia; nos enim sumus corpus Christi et membra. Appetitur et in singulis sanctis suis et innocentibus, qui Domino se dicarunt.

C 17. Recordamus aliquem (*Gratian. imperat.*) proxime ab omnibus appetitum, a suis destitutum ac proditum: qui dudum in suggestu locatus imperii, subito egens omnium ab ipsis quorum hæreditarium fuerat sortitus obsequium, cœpit urgeri, ingruuntibus in exitem, inferentibus mortem, nullo auxiliatore, nullo jam socio sui, nullo comite. Quid aliud melius dixerit, quam quod ex ipso cui se devovit, acceperat: « Nonne Deo subdita erit anima mea? » Hoc est quid persequimini? quid suritis? quid insultatis? Carnem potestis interficere, animam non potestis. Vitam illam corporis potestis eripere, meritum non potestis extinguere. Scriptum est enim: « Nolite timere eos qui possunt occidere carnem, animam autem non possunt: sed potius eum timete qui potest animam et corpus perdere in gehennam (*Matth.* x, 28). » Anima ergo quæ Deo subdita est, non est humanæ subdita potestati; ab ipso enim vitæ fructum sperat æternæ, et perpetuæ salutis auxilium. Ille ergo cui me tradidi, et necatum tuebitur, et mortuum resuscitabit, et ulciscetur occisum. Raptus est justus, ne malitia mutaret cor ejus. Mors ergo ista magis peccati fuga, quam morientis est detrimentum.

18. Etenim « ipse est Deus meus, adjutor meus, defensor meus: non movebor amplius. » Qui labitur, commovetur; eo quod de integritatis et innocentiae suæ quadam statione defluat. Semel enim in petra Christi locatus lubricum non debet habere vestigium, sed tenere status proprii firmamentum. Unde immobilis dicitur, qui servat immobilem voluntatem, et propositum aliquod intentione anima fidelis exsequitur. Nam et Dei immobilem voluntatem legimus, sicut habes ad Hebreos: « In quo amplius Deus ostendere volens hæredibus reprobationis immobilitatem voluntatis suæ, interposuit

jusjurandum (*Hebr.* vi. 17). Recte ergo immobilis voluntas Dei, quæ nullius peccati movetur illecebris. Hæmines vero mobiles, lubrici ad delinquendum, faciles ad errandum. Denique de Judæis dictum est. « Transeuntes autem blasphemabant eum, moventes capita sua (*Matth.* xxvii, 39). » Et ipse Dominus in psalmo ait: « Omnes qui videbant me, aspernabantur me: et locuti sunt labiis, et moverunt caput (*Psalm.* xxi, 8). » Caput omnium Christus est. Melius est igitur ut maneat Christus in nobis, quam aliqua nostri commotione moveatur. Unde Judæi moventes capita sua dicebant: « Tolle a terra talem hunc (*Act.* xxii, 22). » Geraseni rogabant ut de finibus eorum recederet (*Luc.* viii, 37). Ecclesia autem tenuit eum, nec dimisit eum. Ideo illa quæ tenuit eum, possidet (illi qui moverunt, tenere non possunt. Pulchre autem ait evangelista quia transeuntes movebant capita sua (*Matth.* xxvii, 39); » transeuntes, non stantes. Stamus in atriis sanctis, præterimus in plateis. Sacerdos præteriit, levita pertransivit, stetit ille qui vulnera inflcta curavit. **¶** Et ideo illi non dixerunt qui transibant viam: « Benedictio Domini super vos: benedicimus vos de domo Domini (*Psalm.* cxxviii, 8); » stantes enim, non transeuntes sunt pedes benedicentium. Denique et vineam ejus soluta munitio est, transeuntes vindemiant, non manentes. Transeuntes sibilant, sicut in Threnis Jeremiæ legimus; « Tenuerunt super te manus omnes transeuntes per viam sibilaverunt et moverunt caput suum super filiam Jerusalem (*Thren.* ii, 45). » Ideo sacerdos non potuit coronari, levita non potuit, quia transierunt, et tanquam umbra præterierunt. Stephanus autem martyrio coronatus est quia stantem videbat Dominum Jesum, immobilem, non prætereuntem. Immobilis ergo tide Stephanus immobilem Christum videbat: nullo erat mortis timore commotus. Non movit se Stephanus, non movit se Christus. Commoti sunt filii proditoris, de quibus dicitur: « Commoti amoveantur filii ejus, et mendicent (*Psalm.* cxviii, 19). » Eget enim medico qui movetur (35). Inops peccator, dives est justus; quia nullo bono deficit, qui Dominum semper inquirit.

**19.** Et quia inde tractus est sermo, qui dixit: « Non movebor amplius » quod moveri ad culpam sit, ostendit ipse David dicens: « Qui posuit animam meam ad vitam, et non dedit commoveri

(35) Edit. Rom., *Eget enim et mendicat, qui moritur.* Aliæ, ac mss. omnes, *Eget enim medico,* etc, Bonus sensus licet aliquantulum reconditus; quem ut probe intelligas, adverte hie prima duo istius versiculi verba explicarit *commoti amoveantur:* commotiones autem morbos atque aegritudines animi esse: unde a Græcis πάθη vocatae sunt. Innuitur itaque hoc toto versiculo peccatores et in aegritudine et in egestate ac penuria esse positos. Hanc interpretationem confirmat quæ infra de ira, libidine atque aliis perturbationibus dicuntur.

(36) Sic omnes mss. ac vet. edit, Rom. vero,

A pedes meos (*Psalm.* lxv, 9). » Unde et sancto dicitur a Domino Deo nostro: « Tu autem hic sta mecum (*Deut.* v, 31); » quoniam qui Deo proximus est, lapsi non potest esse vicinus. Omnis enim culpa velut adversario nisu de loco dejicere, et de proprio statu mentem movere consuevit: quod vel ab hoste, vel ab luctamine tractum videtur. Perturbat ira, incendit libido, stimulat invidia, excruciat avaritia, timor dejicit, moeror affligit. Et Petro dictum est a Domino Jesu: « Veni retro post me (*Marc.* viii, 33). » Non dixit: Veni retro (36) (hoc enim diabolo soli dixit), sed: « Veni retro post me; » non est enim retro, qui post Christum est. Sed quia errabat Petrus, sicut Dominus ipse ait ad ipsum: « Quia non sapis, inquit, quæ Dei sunt, sed quæ sunt hominum (*Ibid.*), » ideo post me veni, ut incipias non humana, sed divina sentire. Ideo et hie justus rapiendus e terris ait: « Non movebor amplius. — Dissolvi enim, et cum Christo esse, multo melius (*Philip.* i, 23). » Non enim labi poterit qui cœperit esse eum Christo, quia mors justo non naturæ finis, sed culpæ est.

B 20. Inter has voces subito videt agmina persequantium, et inter pericula positus non de se sollicitus, sed de his quos liberare cupiebat, ait: « Quousque irruitis in hominem) interficienes universos (*Supra, vers. 4*)? » Si me queritis, cur alios vultis occidere? Offero me pro multis, quia pro omnibus solus se ille potuit offerre, qui auctor est omnium. Ipsius ergo quem sequebatur imitator ait (*Joan.* xviii, 8, 9.): « Si me queritis, C sinite hos abire; ut impleatur sermo quem dixit Jesus: Quia non perdidi ex ipsis quemquam præter unum » (hoc enim in alio libro sententia Domini comprehendit); qui tamen sua magis periit voluntate, quam mea, inquit, severitate punitus est. Et cum ego me sponte offeram, irruitis et incumbitis « tanquam parieti inclinato, et maceiae impulsæ (*Psalm.* lxi, 4). » Hoc est: Apex dudum nobilis sedis **¶** augustæ, et circumfusi toto orbe Romano validus quondam murus imperii, sicut paries inclinatus, aut maceries impulsa collabor.

D 21. Sed esto, ad mortem me usque appetierunt, quæsierunt ad necem dicentes: Tollamus justum, tollamus misericordem: quia gravis est nobis etiam ad videndum; sed etiam existimationem meam (37), castimoniam meam sauciandam falsis calumniis putaverunt; hoc est enim: « Pretium meum cogi-

non dixit: Vade retro. Sed discrimin de quo agitur, in vocibus, post me, situm est, non autem in verbis, vade et reni, cum eodem verbo Scriptura utrobius usa fuerit. Nam de diabolo ait *Matth.* iv, 10: « Υπάγε, Σατανά; de Petro autem *Marc.* viii, 33: « Υπάγε δύστο μου, Σατανά. »

(37) Hoc atrocior ea calumnia fuit, quod in confessio est apud omnes historicos Gratianum insigni castitate ornatum fuisse. Quin imo fuere etiam qui mimiam ejus verecundiam reprehenderent, quasi gerendis imperii rebus parum commodam.

taverunt repellere; » quia pretium (38) nostrum pudicitia est, quæ nos separata pecudibus, angelis jungit. Pretium nostrum misericordia est, quæ nos dum confertur inopibus, redimit a morte. Pretium nostrum fides est, quæ omnes homines gentili errore et servitute depresso Christo acquisivit. Pretium nostrum bona existimatio est, quia uniuscujusque nostrum meritorum series aestimatur. Pretium nostrum munditia atque simplicitas est, quia scriptum est: « Possessio pretiosa virmundus (*Prov. XII, 27*), » nihil enim pretiosius viro, simplici. Unde Apóstolus pulchre: « Abundavit, inquit, in divitiis simplicitatis suæ (*II Cor. VIII, 2*). » Quid enim simplicitate ditius: quæ sicut bonus parterfamilias satis sibi abundat, et sua puritate contenta, non querit alienum, nec abrodit, sed de se cæteros fugit? Innocens enim credit omni verbo, nec se in artes varias sæpe commutat, sicut astutia quæ, ut sit cauta, timet omnia, nec se consiliis suis credit, versat suas ipsa sententias. Simplicitas autem timere nil novit. Hoc igitur genere pretium justi repellere tentaverunt; etsi possit et illud intelligi, quia aurum ejus manibus accipiebat, corde intimo repellebant, prædam tenentes, fidem negantes.

22. Unde et ait: « Cucurri in siti; » eo quod fidem quereret, et invenire non posset, destitutus a sociis, a propriis derelictus. Sic Dominum Jesum legimus in Evangelio et esurisse, et situisse (*Matth. IV, 2*, et *Joan. XIX, 28*); cum esuriret fidem nostram, sitaret opera nostra, querere videretur aliena. Aut ut ad sitim corporis referamus, quanta indignitate dicit: « Cucurri in siti? » hoc est, Ego sitiebam, cum alii mea vina ructarent; et ex illo suggestu sublimis imperii, opulentiaque regali, ad extrema sitis plebeia quadam vilitate deductus sum.

23. Et quia Græcus habet ἔρχεσθαι, quod significat et cucurri singulariter, et cucurrerunt pluraliter, potest et sic intelligi: Cucurrerunt in siti, quorum fauces æstu nimio fundendi mei sanguinis aruerunt. Sicut enim est sitis fidei, ita et perfidiae. Sitim illam justus sitit, qui ait: « Sitivit anima mea ad te. Deus (*Psal. XL, 3*). » Istam perfidi, quorum lingua præ siti aruit. Quam sitivit ille qui inter convivii dapes et pocula constitutus, innocentis convivæ necem moliebatur Augusti (39)? Nonne tibi videbatur, impie, cum manducares, cædem parares, quod humana sub dentibus tuis

(38) *Pretium*, hic dignitatem atque honorem signat, nam in sequentibus etiam pro mercede accipitur. LXX, πλὴν τὴν τιμὴν μου ἔθουλεύσαντας & πώσασθαι.

(39) Hæc necis Gratiani imperatoris adjuncta apud nullum alium ex antiquis reperire est, quam apud hunc nostrum. Orosius tantum memorat ipsum, dum in Italiam transire meditaretur, dolis circumventum a Maximo tyranno interfectum fuisse. Socrates. Sozomenus, Paulus Diac. et alii referunt Andragathium quem ad illum persequendum miserat tyrannus, rumorem sparsisse quo ejusdem

A ossa crepitarent? 964 Cum vinum biberes, et parricidium cogitares, quod illis poculis sanguinem tibi innocentis infunderes? Ita prorsus alienus non solum ab imitatione, sed etiam a lectione divina; ut non tibi veniret in mentem versiculus ille psalmorum; « Tu vero homo unanimis, dux meus et notus meus, qui simul tecum dulces capiebas cibos (*Psal. LIV, 14 et 15*). » Atque ille alias, cuius meminit in Evangelio ipse Dominus Jesus: « Qui edebat tecum panem, levabit super me calcaneum (*Joan. XIII, 18*). »

24. « Quid tibi faciam, Ephraem; quid tibi faciam. Juda (*Osee VI, 4*) » Plures reliquisti nobis prodictionis tuæ et fraudis hæredes; hæc enim etiam ad proditorem Judam potest per apostrophen (40) derivari. Prodidisti vitam, regnum, Dominum. Sed Jesus Dominus semel in se, frequenter in servulis suis proditur. « Quod enim unihorum minimorum fecistis, mihi, inquit, fecistis (*Matth. XXV, 40*). » Tu commissos tibi loculos et pecunias pauperum suscepisti, iste provincias sibi creditas. Tu apostoli honorem, ille militiæ dignitatem, administrationis insulas. Numero honores ejus, ut crimen exaggerem. Convivii violasti uterque consortium: tu tamen de convivio ad prodictionem surrexisti, iste ad necem; hoc est, tu, licet in scelere, verecundior, qui negasti quod inferendam necem credideris Domino quem prodebas, qui pretium refudisti; ne residere apud te merces parricidii videretur. Iste non solum tenuit acceptam, verum etiam extorsit non oblatam mercedem prodictionis. Iste non solum deceptus non est alieno mendacio sed fefellit suo, et fefellit ut occideret. Et cum ille convivium recusaret, qui se videret esse perimendum, iste sacramentum obtulit; ne qua periret sibi cumulandi pars criminis. Postremo superioris proditoris pecunia profecit ad sepulturam peregrinorum: iste sepulturam integrām suo principi denegavit.

25. Nec defuit qui manus lavaret, dicens: « Innocons sum a sanguine justi hujus (*Matth. XXVII, 24*), » in quo se Pilatus non diluit, sed inquinavit, et implicavit, non exuit. Nam etsi nullum pondus in perditionum judiciis, tamen vinculum majus in confessionibus. Justos enim non aliena absolvit sententia, sed sua vita; injusti se ipsos vehementius suis vocibus alligant, qui alios alligare non possunt. Tamen ne huic quoque deesse confessio propria videretur, juravit ut pejeraret. Lavit ma-

conjux adventare ad eum diceretur: Gratianum autem fama hujusmodi deceptum ad lecticam, uti putabat, uxori accessisse, atque ab Andragathio ex eadem exsiliante suisce interemptum. Sozomenus tamen facile cum Ambrosio potest conciliari. Is enim non statim, sed haud multo post trucidatum scribit: Καὶ συλληφθεὶς, οὐκ εἰς μακρὰν ἀνηρέθη. Quidquid sit, Ambrosio tanquam testi tantum non oculato credendum est.

(40) *Apostrophe*, Latine *Aversio*. figura qua sermonem a re proposita ad alloquendum aliquem convertimus.

nus, eum Evangelium tangeret: ne quid deesset exemplo (41). Lavit aqua manus, ut sceleratus inquinaret innocentis sanguine. Nec Herodes (42) defuit, cui alter Pilatus se placitum credidit, si captum principem destinasset. Quid illud quoque dicam, quod is quoque vestem dealbatam induitus est ad illudendum; postea quoque regia veste donatus est ad moriendum, ne amisisse honorem debitum 965 videretur? Nam etsi scelere interiit, jus tamen collatæ sibi potestatis etiam mortuus reservabat, eorum ipsorum a quibus negabatur, vel ministerio, vel assensu.

26. Addebatur huic tanto sceleri pompa feralis; nisi is qui impatienser ista deslebat, cognitis quæ parabantur, justo commotus dolore increpasse victorem superbum, tyrannis illa, non regibus inferri solere. Sic horrore flagitiæ (43) territus depositus tetrici sceleris apparatum. Nec petitor igitur sepulturæ defuit, etsi Joseph ille qui justus dicebatur, defuit. Sed longe Maximus sævior denebatur, quod ipse Pilatus auferre non potuit. In quo parricidæ humanitas defuit, innocentia tamen non defuit gratia: et ad tempus assumpta patientia, vindicta (44) paululum comperendinata est.

27. (Vers. 6, 7.) Ideoque ait: « Verumtamen Deo subjecta est anima mea; quoniam ab ipso est patientia mea. Quia ipse est Deus meus, et salutaris meus, susceptor meus, non emigrabo. » Illoc est, numquid sepultura corporis negata perpetuae quietis mansionem mihi abstulit? Habeo habitaculum meum in Domini tabernaculo, et in sancto monte ejus requiescam. Non emigrabo humano scelere; quia Domini favore susceptus sum; quia neque mors, neque gladius, neque tribulatio a charitate Christi me separare poterunt. Non enim innocens de tabernaculis justorum, sed peccator emigrat. Migrant Judæ proditoris hæredes, de quibus et similibus eorum merito dicitur: « Commoti amoveantur filii ejus et mendicent, ejiciantur de habitaculis suis (*Psalm. cxi*, 10).»

28. Quod bene et ad Dominum Jesum Christum refertur, qui cum descendisset in terras, ut crucifigeretur, ut sepeliretur, non emigravit a Patre, sed in Patre mansit: « Traditus sum, et non egrediebar (*Psalm. lxxxvii*, 9). » Nec depositus quod erat, sed reservavit: nec desivit esse in Dei forma, sed

(41) Observandum obiter quam antiqua sit ea consuetudo, qua gravidus in causis contacto sacrosancto Evangelio jurauit. Vide Adnot. II. Valesii in lib. vi Sozomeni, cap. 30, pag. 143.

(42) Intellige Andragathium priusquam necem Gratiano inferret, ut duceretur ad Maximum, operam deditisse.

(43) Ita cod. Reg unus. Alii et vet. edit., *Sic horrere flagitiis et sic citus*. Rom., *Sic horrorem flagitiæ, sic citus*, etc. Neutrini satis commode. Attamen valde suspicamus communem vet. edit. ac mss. lectionem emendandam esse hoc pacto; sic horrore flagitiæ excitus. Cæterum hic de se ipso loqui Ambrosium palam faciunt non modo quæ in ejus vita de secunda ipsius ad Maximum legatione Paulinus tradit; verum etiam quæ ipsemel San-

A perseveravit: non immutata per susceptionem corporis Dei gloria, sed manente, triumphum acquisivit, potentiam non amisit. Unde ipse ait: « Amolo videbitis Filium hominis sedentem ad dexteram virtutis (*Marc. xiv*, 62). »

29. (Vers. 9.) Unde convocatos gentium populos, et acquisitos Patri, suo sanguine, hortatur ad fidem dicens: « Sperate in eum omnes conventus plebis meæ; » hoc est, non solus Israel, sed omnes, inquit: nec solæ reliquæ, sed etiam gentium plenitudo: nec solæ gentes, sed Israel; cum enim intraverit plenitudo gentium, tunc omnis Israel salvus erit. Quis potest divina mysteria comprehendere? Quorum tanta multitudo est, ut jure Paulus miretur, meritoque dixerit: « O altitudo divitiarum sapientiae et scientiae Dei (*Rom. xi*, 33)! » Repulsæ, gentes sunt, 966 ut eligeretur Israel: cæcatus est postea Israel propter vocationem gentium; et cæcati Israel reliquæ secundum electionem gratiæ salvæ factæ sunt, postquam intravit gentium plenitudo. Ita culpa Israel profuit gentibus: fides gentium Israelitem populum liberavit.

30. » Effundite, inquit, coram illo corda vestra. » Qui induit fidem, prius perfidiam debet exuere, evacuare cor suum omni labe malitiæ: ut capax fiat cor ejus gratiæ spiritualis. Ideoque Apostolus ait: « Renovamini spiritu mentis vestræ (*Ephes. iv*, 23). » Cum enim effunditur vetus malitia, nova sumiter gratia, qua unusquisque renovatur. Dicit ergo Filius Dei: « Effundite coram illo corda vestra; quia sciebat Patrem esse dictum: « Effundam de Spiritu meo super omnem carnem (*Joel ii*, 28). » Est etiam illa traditio, ut cor nostrum videamur effundere, quando omnes cogitationes alicui et voluntates nostri cordis aperimus. Ergo jaetemus in Deum cogitationes nostras, nec aliquid eum latere credamus. Effundimus cor nostrum coram ipso, cum disceptationes existanimus humanas.

31. (Vers. 10.) « Verumtamen vani filii hominum; mendaces filii hominum in stateris ut decipiunt. » Si vani filii hominum, et mendaces filii hominum, possunt non vani esse filii Dei; qui non ex sanguine, neque ex voluntate carnis, neque ex voluntate viri, sed ex Deo nati sunt. Nam filii

D ctus epist. ad Valent et in Orat. de ejusdem Obitu scripsit, ambigere nos non patiuntur. Mirare interim cum sancti viri constantiam, qua tyrannum ferocientem tanta cum libertate compescuit; tum suimam ejusdem modestiam, qua cum Josepho justo se negat esse comparandum.

(44) Vindicta illa Gratiani per summum scelus trucidati sic peracta est. Occupaverat magnis copiis Alpium augustias comes Andrathius. Has cum divinitus obsecratus deseruisse, Theodosius, exercitum suum licet multo inferiore traducens, Maximum, qui tanquam victoriæ suæ spectator Aquileiae insederat, cepit atque occidit: quo comperto Andragathius in mare se præcipitem armatus dedit. Vide Orosium, lib. vii, cap. 35, et alios.

hominum videntur sibi ponderare æquitatem et gravitate severoris judicii examinare justitiam, duri aliis, sibi remissi, operibus iniqui (45), sermone censores. Unde Salomon ait: « Exsecrabile Domino duplex pondus, et statera fallax non bona (*Prov. xx, 23*). » In quo significat eos qui rapinam inexplebili corde meditantur, et sobrietatem fronte prætendunt. Tales scribæ Judeorum sunt, qui onera gravia aliis observantiæ durioris imponunt, non habentes rectum jugum (46) animæ suæ, sed propensa iniquitate curvati: ipsi autem suorum refugi præceptorum sunt. Invenitur itaque in avaritia tanquam in radice vitiorum omnium, quæ sit caput iniquitatis et fomes: quam homo renuntians mundo, et consepultus Christo per baptismatis sacramentum, qui sit mortuus sæculo, declinare debet atque defugere.

32. (Vers. 11.) « Nolite, inquit, sperare in iniquitate, et rapinam nolite concupiscere: divitiæ si fluant, nolite cor apponere. » Vides quia afflunt, non vides quia præterfluent? Nudus es natus, nudus moriturus es. Quid excipere quæris quod tecum auferre non possis? Fluenta sunt quæ miraris: quomodo veniunt, sic transeunt et recedunt. Solus Jordanis retrorsum conversus est, in quem descendisti (47): **967** qui te admonet, ut in ipsum naturæ fontem et originem revertaris, quæ te nudum, non veste amictum edidit, ut discas superflua non requirere. Hoc quod erubescis, esse te nudum (48), culpa docuit, non natura. Nulla enim esset verecundia genitalium, si culpa non esset. Neque enim cætera animalia vestiuntur ut tegantur, neque vestiuntur ut munitur. Satis munita sunt omnia naturæ suæ tegmine; nos dum superflua querimus, tegmen naturæ amisimus, jus commune perdidimus. Idéoque in hoc psalmo adscribitur doctrina medicabilis; quia vel Idithum.

(45) Ita Reg. ms. jam ante non semel laudatus. Alii autem ac edit., *Duri aliis, remissi operibus inquis*, etc.

(46) *Jugum* in trutina scapus est ex cuius extremis binæ lances pendent; unde translata est hæc metaphora.

(47) Descendimus omnes in Jordancum cum Christo capite nostro, cuius contactus aquam non solum Jordanis, sed omnino omnem sanctificavit; ut dignum regenerationis nostræ fieret instrumentum. Alioquin autem multi olim in ipso Jordane baptizari peroptabant, quemadmodum de sanctis quibusdam in ipsorum vitis legere est, ac de Con-

A vel se ipsum illius nomine, exercitio spirituali, subeundis temptationibus eruditivit, ut in augustiis quis positus subjiciat se Deo; et si peccavit ante, peccare desistat, nec recidivo errore moveatur.

33. (Vers. 12.) « Semel locutus est Deus, duo hæc audivi. » Semel locutus est Deus, et plura audita sunt; quia non per litteras et syllabas est locutus. Locutus est per ænigmata, locutus est per visiones, locutus est per divisiones gratiarum, locutus est per Spiritum singulorum. Nos autem plura loquimur, et vix audimur. Semel locutus in lege est, eadem iterum locutus est in Evangelio.

**968** Aut fortasse, ut ego puto, quia multifariam locutus est in prophetis, novissime autem locutus est in Filio suo. Semel locutus est, quando locutus in Filio est; et audita sunt etiam illa quæ ante audita non erant ab iis quibus locutus fuerat per prophetas. Semel ergo locutus est in Novo Testamento, et Vetus auditum est Testamentum, quod non audiebatur; quia ipse Dominus dixit de populo Judeorum: « Videbunt, et non videbunt: audient, et non audient (*Marc. iv, 12*). » Audient aure corporea, sed non audient mentis auditu.

34. Nobis ergo, hoc est Ecclesiæ, semel locutus est, et duo audita sunt; quia in illa audivimus et intelleximus, quæ non intellexerunt qui legerunt, non audierunt qui audierunt. Solus enim Christus aurem aperuit humanam ad cognoscenda mysteria; solus libri signaculum solvit, et resolvit ænigmata prophetarum.

35. (Vers. 13.) Ideoque ipse reddet unicuique secundum opera, in quo et qualitatem operum comprehendit: ut aut complurium et meliorum restituat præmia meritis singulorum, aut contra et numero gravemur et acerbitate meritorum.

stantino Magno Hieronymus ex Eusebio tradit. Vide Adnotationem H. Valesii in lib. iv Eusebii *de Vita Constantini* in cap. 62, ubi inter alia scitu dignissima legitur et istud ex itinerario Antonini, quod cum hoc loco non parum habet affinitatis: *Descendit sacerdos in flumen, et hora qua cœpit benedicere aquam, mox Jordanis cum magno rugitu post se revertitur; et stat aqua superior in se usque dum baptismus perficitur, inferior autem fugit in mare.*

D (48) His plane gemina docet Augustinus, lib. ii *de Peccato orig.*, c. 34; l. i *de Nupt. et Concup.*; lib. v, cap. 5, *Contra Jul. Pelag.*, et alibi.